

*R^d Benyon De Beauvoir.
Englefield House,
Berks.*





HISTOIRE DES PLUS ILLUSTRES

E T


SCAVANS HOMMES DE LEURS SIECLES.

Tant de l'Europe que de l'Asie,
Afrique & Amerique.

Avec leurs Portraits en Tailles-douces,
tirez sur les veritables Originaux.

Par A. THEVET Historiographe.

TOME CINQUIESME.



A PARIS,

Chez FRANÇOIS MAUGER, au quatrieme
Pilier de la grand' Salle du Palais,
au grand Cyrus.

M. DC. LXX.

AVEC PRIVILEGE DV ROY.




Table des Chapitres du cinquième
volume de l'Histoire des sçavans
hommes de leurs siecles.

<i>Mathias Hunniade, dit Corvin, Roy de Hongrie,</i>	CHAP. I p. 1
<i>Gastō de Foix, Duc de Nemours,</i>	c. 2. p. 17
<i>Consalve Ernandes, surnommé le Grand,</i>	ch. 3. p. 35
<i>François de Gonzague, quatrième Marquis de Mantouë,</i>	ch. 4. p. 55
<i>Louis de la Trimouille,</i>	ch. 5. p. 73
<i>Iean Iacques Trivulse Milanois,</i>	c. 6 p. 85
<i>Guillaume Gouffier, Seigneur de Bonnivet, Admiral de France,</i>	ch 17. p. 101
<i>Iacques de Chabannes, sieur de la Palisse</i>	ch. 8. p. 109
<i>Pierre de Terrail, Seigneur de Bayard,</i>	ch. 9 p. 123
<i>Arthus Gouffier, sieur de Boisi,</i>	c. 10. p. 143
<i>Charles de Bourbon,</i>	ch. 11. p. 153
<i>Louis de Lorraine, Comte de Vaudemont,</i>	ch. 12. p. 171
<i>Iean & Pierre de Bueil, Thomas Felton, & autres Seigneurs,</i>	ch. 13. p. 181
<i>Odet de Foix, sieur de Lautrec,</i>	ch. 14 p. 203


<i>Antoine de Leve Espagnol,</i>	c.15. p.221
<i>Albert Pic, Prince de Carpy,</i>	c.16. p.231
<i>Philippes de Villiers, dernier grand Maître de Rhodes,</i>	ch. 17. p. 239
<i>François Pisarre,</i>	ch. 10. p. 29
<i>Alphonse d'Est, Duc de Ferrare,</i>	ch.19 p. 83
<i>Philippes de Chabot, Admiral de France,</i>	ch. 20. p. 297
<i>Ferdinand Corteſ Espagnol,</i>	c.2 .p.311
<i>Basile Duc de Moscovie,</i>	ch. 21. p. 331
<i>Iacques V. du nom, Roy d'Escoſſe,</i>	ch. 2 P. 3
<i>Guillaume du Bellay,</i>	ch. 24. p.
<i>Antoine de Bourgogne, dit le Grand,</i>	ch. 25. P.387
<i>Iean d'Orleans, premier Comte de Dunois,</i>	ch. 26. p. 391
<i>Charles d'Amboise, ſieur de Chaumont,</i>	ch.27 P.405

Fin de la Table du 5. Volume.

28
2A



HVNNADE CORVIN.



MATTHIAS

H V N N I A D E,
DIT CORVIN, ROY
DE HONGRIE.

CHAPITRE I.

DE quelque côté que nous prenions la vie de cet excellent personnage, il est impossible que nous ne l'admirions grandement, d'autant qu'il sembloit que les Cieux & Astres eussent conjuré à l'encontre de sa vie, & neantmoins il se dépestra d'une telle captivité le plus à propos du monde, ainsi que par apres je declareray plus au long. Quant aux executions qu'il a faites, si nous n'avions des Autheurs dignes de foy, je ferois conscience de me laisser aller à les croire, mais puis qu'il estoit descendu d'une si

2 *Histoire des ſçavans Hommes,*
bonne & vertueuſe ſouche, ce n'eſt pas
merveilles ſ'il ſ'eſt auſſi adonné à de
tres-vertueux exploits. Il eût pour pere
ce grand Vvaivode & General des Hon-
gres nommé Iean Hunniade, ainſi ap-
pellé à cauſe de la ville d'Hunniade,
d'où il eſtoit natif. Ce fut celuy qui
fut appellé le vray fleau des Turcs, &
un rempart en Hongrie des Chreſtiens,
pour la charge qu'il donna ſi vivement
ſur Amurath & les Turcs, que non
ſeulement il retarda les furies des cour-
ſes qu'ils vouloient faire à Belgrade,
mais il eut la fortune ſi favorable, qu'il
fit une telle défaite des Turcs, qu'A-
murath ſe voyant réduit ſi à l'eſtroit
de ſes affaires, fut contraint de ſe ſou-
mettre à la neceſſité de demander la
paix à ce grand Vvaivode. Auquel tou-
tefois ne voudrois tant déferer, que je
retranchaſſe l'honneur qui eſt deu tant
au Cardinal Cefarin, Legat du Pape
Eugene, qu'au Cordelier Iean de Capi-
ſtran. Quant au Cardinal, veritable-
ment on ne devoit pas luy ſçavoir
grand gré, d'autant qu'il eſtoit pouſſé
plus de zele inconfidéré, & d'un cou-
rage ſanguinaire, que d'une ſincere &
Chreſtienne affection, qui ne pouvoit

luy permettre, quoy que les Turcs fussent Infideles, de violer les trêves qui estoient jurées pour dix ans entre les Hongres & Amurath. Aussi ne le porta-il pas loin : car le Roy Ladislas & les Chrestiens, qui s'estoient laissez surpré- dre aux opinions du Cardinal, furent défaits le jour S. Martin en Novembre 1444. en cette malheureuse bataille de Vvarne. D'user de telle plainte à l'en- contre du Saint Cordelier, nous ne pou- vons, d'autant que ceux qui luy sont en- core moins affectionnez reconnoissent qu'il estoit doué de si bonnes parties, que les Pape Nicolas V. du nom, le dé- pescha en Allemagne & autres regions, pour y planter la foy Apostolique Ro- maine, & que pour cet effet il chassa des compagnies Chrestiennes les danfes, jeux, banquets & autres superflui- tez qui servent plus à scandale qu'à contentement & réjouissance permise aux Chrestiens. Il profita tellement, que de toutes parts il n'estoit repu- té pour autre que pour Saint Corde- lier. Mais comme il estoit delegué pour planter la sainte Religion Ca- tholique, il ne se contente point du

14 *Histoire des sçavans Hommes,*
feu de la parole de Dieu, mais aussi il y
ajouta le bras Seculier, se ceignit d'un
cimenterre, & remua si bien les armes,
que quand toute sa vie il n'eût fait au-
tre chose que de hanter la guerre, il
n'eût sceu plus adroitement manier la
picque, chamailler, commander & faire
tous actes plus heroïques & celestes,
qu'humains. C'est donc une trop lourde
niaiserie, qu'on trouve au nouveau
Munster refondu, de dire que le Vaivo-
de Hunniade estoit celui qui donnoit la
charge aux ennemis, & que Capistran
ne faisoit que tenir l'Image du Cruci-
fix entre ses mains, avec prieres &
oraisons : il pense (peut-estre) luy
faire tort s'il le representoit en guer-
rier ; au contraire, je l'en prise da-
vantage de ce que non seulement du
plat de la langue, mais aussi de ses
forces naturelles & vertu, il s'est ef-
forcé d'accroistre l'honneur & la gloire
des Chrestiens. Or pour retourner à
ce grand & invincible Jean Hunniade,
il mourut bien tost apres la victoire ob-
tenuë par les Chrestiens devant Bel-
grade en l'an quatorze cens cinquante-
six. Il laissa deux fils, à sçavoir Ladis-
las & Matthias. A Ladislas, à peine âgé

de vingt-six ans, le Roy fit trancher la teste, parce qu'il avoit tué à Belgrade Ulderic, Comte de Cilie, parent du Roy, qui avoit toujours eu une dent & inimitié capitale contre son ennem : sous mesme supplice, peu s'en fallut que ne passa Matthias, lequel il fit prendre, & mener avec luy en Boheme, dautant qu'il n'estoit pas aisé de luy faire & parfaire son procès parmy les Hongres, qui n'eussent souffert qu'on eût mis la main sur ce jeune Seigneur, lequel ils admiroient tant pour la memoire du Pere, que aussi pour l'esperance de l'heur, vertu & generosité qu'il promettoit à la conservation & illustration du pais. A Prague il n'osa precipiter l'execution de Matthias, car encores que l'on presumast bien qu'il fust consentant de ce meurtre avec son frere Ladillas, toutefois puis qu'il n'estoit pas question de crime de leze-Majesté au chef, il n'osoit luy faire porter la peine ordonnée à celui qui avoit luy-mesme massacré le Comte de Cilie. Si bien qu'il émeût plusieurs Princes à compassion, & qu'encores que le Roy eût bien bonne envie de se défaire de ce dernier surgeon d'Hunniade, ils luy firent

6 *Histoire des ſçavans Hommes.*

pratiquer la Loy , qui porte qu'aux moindres crimes la volonté & deſſein n'eſt point reputée pour le fait , & qu'à cette occaſion la penſée ne doit eſtre punie de meſme peine & rigueur que l'exécution. Les Hongres de leur coſté eſſayoient par tous moyens de ſauver la vie au pauvre captif, y eſtans obligez par le devoir naturel, contre lequel ils ſe bandaffent, s'ils ne s'employoient à delivrer le fils de celui qui n'avoit point ſeulement ennobly la nation Hongreſque par ſes victoires obtenus à l'encontre des Turcs , mais auſſi l'avoit garentie des incuſſions , ravagemens & pilleries des Infideles. Or comme les Hongres eſtoient ſur les termes d'acheminer une ſi ſainte, mais au reſte difficile , entrepriſe , la fortune ouvrit la voye au pauvre prifonnier (qui attendoit de jour en jour l'épée ſur ſon col) non ſeulement pour ſortir hors de priſon , mais encore de prendre la Couronne de Hongrie. Laquelle luy écheût par le moyen de la mort du Roy Ladislas , qui faiſant ſes nopces à Prague , fut ſi bien bouconné par Poggibraccio , qu'en bien peu d'heure il mourut. George

Poggibraccio empoignant une si belle commodité usurpa le Royaume de Bohême, comme celuy qui avoit la force en main, accompagnée d'une magnanimité de cœur & de richesses. En Hongrie Michel Zilago, Oncle de Matthias, qui commandoit aux vieilles compagnies du Vvaivode Hunniade, commença à sonder les moyens pour élever son neveu au siege Royal, detenu captif sous Poggibraccio, prit la route de Bude, avec la mere de Matthias. Là il fit entendre aux Barons la misere où estoit relegué son neveu, qui ne pouvoit moins meriter que de leur commander. Il prescha si bien que les Barons émeüs des larmes, gemissemens & sanglots de la mere, & induit par les occurrences qui se presentoient de l'armée que Michel tenoit sur pied, declarerent Matthias pour leur Roy, lequel estoit encore prisonnier à Prague, ils envoyerent Ambassades à Poggibraccio, pour retirer de captivité leur Matthias. Qui, comme il sentoit que cela ne tendoit que pour affermir davantage son Estat, y presta tellement l'aureille,

8 *Histoire des ſçavans Hommes,*
que non ſeulement il le remit en liberté, mais auſſi pour choſe plus aſſeurée d'une parfaite & inviolable amitié, luy donna en mariage une ſienne fille, & le ſecourut de tous ſes moyens pour le rendre paiſible poſſeſſeur du Royaume. Que cela ne fut contre ſon gré, ne faut pas en douter, puis que l'envie qu'il avoit d'empieter la Royauté, luy fit emprisonner Ladiflas. Mais maintenant il ſe voyoit frustré du but de tel deſſein, pour l'unanime conſentement des Eſtats de Hongrie qui reſignoient l'Empire & Seigneurie du païs entre les mains du magnanime Matthias. Qui au commencement eût beaucoup d'affaires, d'autant qu'après la mort de Ladiflas ſa femme, qui eſtoit ſœur de l'Empereur Charles quatriéme du nom, & Roy de Bohême, ſe trouva enceinte: De ſorte qu'il falluſt devider tout le temps de cet enfantement dans un pelotton de ſeditions, troubles & guerres, qui ébranlerent fort le pouvoir de Matthias, qui, comme il eſt à preſumer, euſt eſté ſurmonté par les forces de la Reine, ſi les Eſtats du païs ne luy euſſent tenu eſcorte, & ſon beau-pere Poggibraccio par ſes forces ne luy eût

soulevé le menton de la façon qu'il fit si à propos, qu'après quelques remuemens la Reine n'eût rien de plus hastif que de laisser le Royaume paisible à celuy qui par voye legitime y estoit appellé & élu par les États de Hongrie. Finalement apres l'accord fait entre l'Empereur Frideric & luy, & qu'il luy eust promis soixante mil escus pour les frais de la guerre qu'ils avoient eu par ensemble, Frideric luy rendit la Couronne de Hongrie, qu'il avoit gardé l'espace de vingt-huit ans, & le couronna à Albe l'an de salut mil quatre cens soixante-quatre : & regna plus de trente-six ans : Ce ne fut pas sans bien étendre & amplifier les limites de son Royaume, lequel en bien peu de temps il maintint de telle façon, que les Polonois, qui avoient de coustume de courir fort souvent sur les Hongres, furent alors contraints de tourner visage & se retirer, crainte qu'ils avoient des forces formidables de ce courageux Capitaine, qui apprit à Cazimir, fils du Roy de Pologne, à chercher un autre Royaume que celuy d'Hongrie : Ce fut tout ce qu'il pût faire

que de ſe pouvoir ſauver, tant bruſquement le chargea le Roy Matthias: qui meſmes rompit la force des Alle-mans, ayant oſté Vienne en Auſtriche à l'Empereur Frideric, & fracalſé l'armée des Vallaques en douteuſe bataille, en laquelle il fut luy-meſme bleſſé d'un coup de fl che. qui neant-moins ne l'eſtourdit point tellement, qu'il ne s'encouragea à emporter la victoire. Il défit en deux batailles la furie des Turcs, leſquels gaſtoient & ravageoient par courſes les confins de l'Eſclavonnie, & rangea ſous ſon obéiſſance le païs de la Tranſſylvanie, & contraignit par force le peuple de recevoir la Religion Chreſtienne. Ce qui fait admirer davantage ſes victorieux exploits eſt la generoſité, dont fort à propos il les enrichiſſoit: de fait le butin qu'il faiſoit à la guerre n'eſtoit point pour remplir ſes coffres, mais plutôt pour accroître le ſervice divin, ainſi qu'il montra en la conquête qu'il fit de ce païs. Car y eſtant entré il trouva un grand treſor d'or & d'argent en la Maïſon Royale du Duc Hyule, qui eſtoit de ſon Sang, mais s'eſtoit mal-heureuſement apoſtaſé de

la foy : lequel tresor Hyule avoit amassé de rapines & pilleries. Pour consacrer à la pieté & expier telle impiété , il l'employa au bastiment du Temple somptueux , qui est en Albe la Royale. D'estre justicier , il n'est pas possible de montrer aucun personnage qui le devançast , & qu'ainsi ne soit , la captivité de dix ans qu'il fit souffrir au Vvaivode de Dracule , servira de preuve indubitable ; car encore qu'il fut personnage de grand service , & qui estoit ordonné pour commander aux montagnes de Transylvanie , si ne peut-il se sauver de la prison , où par l'espace de dix ans il fut enfermé , puis qu'on avoit adverty le Roy Matthias de ses malversations & cruautéz exorbitantes. On raconte de luy des choses fort étranges : & entr'autres , que comme quelques Ambassadeurs du Turc fussent venus vers luy, parce que se on la coustume du pais , ils refusoient d'oster leurs chapeaux ou bonnets : pour mieux confirmer leur coustume, il leur fit ficher trois cloux dedans la teste avec leurs bonnets : afin qu'ils ne les pussent plus oster.

Qui estoit violer le droit des gens, qui sur toutes personnes donne droit de franchise & immunité à ceux qui sont deleguez de la part des Princes, Seigneurs, Estats & Republiques Mais la cruauté estoit bien encore plus grande, quand il fit empaller beaucoup de Turcs, & au milieu d'eux banquetoit avec ses amis : comme aussi quand il fit aller tous les bekistres & caymans qu'il pût trouver, & toutes les vieilles gens qui estoient impotens, cassez, caducs, brisez, soit de maladies, soit âgés, & leur fit apprester un banquet magnifique, & apres qu'ils eurent tous fait bonne chere (ô inhumanité & barbarie detestable) il les fit jetter dans un feu. Et quand il avoit pris quelques Turcs prisonniers, il leur faisoit écorcher la plante des pieds & les faisoit frotter de sel broyé : & pour les tourmenter davantage, quand ils se plaignoient, il faisoit venir des chevres, qui leur leschoient les plantes, qui estoit redoubler encore le mal, d'autant que les chevres ont la langue rude & aspre. Mais qu'est-il besoin d'empuantir la vie de nostre Hunniade d'un si puant & infect fumier de vices de ce san-

guinaire Dracule ? plus aisément auroit-on nettoyé l'étable d'Augeas, que dressé la liste des male-façons & rigoureuses cruantez de ce Phalarien Vvaivode. Desquelles toutefois a esté besoin de toucher un mot, pour d'autant mieux éclaircir la singuliere affection que portoit ce Roy d'Hongrie à la justice, laquelle il vouloit tenir avec une si droite balance, que d'un costé ny d'autre elle ne pancha: & par ce moyen sans adorer les personnes, il chastioit ceux qui s'estoient détraquez du chemin de justice. Il n'estoit pas entierement acharné sur un pauvre mal-faïcteur, mais dès qu'il retournoit à resipiscence, de son costé aussi l'embrassoit-il, le cherissoit & honoroit ses vertus. Et afin que nous n'abandonnions ce Dracule, il le remit en ses premieres dignitez & prééminences dès qu'il le sentit revenu à son bon sens. Ce fut nostre Matthias, qui donna ce tant renommé secours des Chrestiens, par lequel il delivra l'Italie de la peur des Turcs, lesquels avoient pris Otrante, qui est une ville fort celebre en Calabre, & de laquelle le Turc pensoit bien se prevaloir à l'encontre des Chrestiens: Que

14 *Histoire des ſçavans Hommes,*
s'il eſtoit hardy & genereux, auſſi eſtoit-il accompagné de Capitaines qui le ſecondoient d'une grande allegreſſe en ſes exécutions. Entre les autres eſtoit fort renommé ce Blaiſe Magare, qui eſtoit tellement dreſſé és ruſes de guerres, qu'il n'y avoit complot & deſſein de l'ennemy, lequel par ſa p^{re}voyance il ne rompit. Si valeuſement ſe comporta au ſecours d'Otrante, que les Turcs apres pluſieurs faillies faites, confeſſerent qu'entre toute l'armée Chreſtienne, l'Hongreſque leur avoit donné le plus d'affaires. Ce Matthias avoit fait venir en ſa Cour non ſeulement des hommes fort doctes, mais encore mieux conſommez de longue experience, & renommez par la loüange des Arts nobles : avec eux conſeroit auſſi-toſt que les affaires de ſon Eſtat le luy pouvoient permettre. Aux hiſtoires eſtoit-il tellement attaché, qu'il eût eſté bien marry qu'on luy eut propoſé aucune choſe memorable, qu'il n'eut découvert par la lecture. Sur tout ſe plaiſoit-il en cette ſienne Librairie, laquelle ſans faire eſtat d'aucune dépense, quelque grande qu'elle fut, il meubla de pluſieurs beaux Livres les plus

Matthias Hunniade. CHAP. I. 15
rares qu'il pût recouvrer. Mais ce n'est
toit point pour contenter les yeux de
ceux qui la visiteroient , d'autant que
luy mesme souvent y passoit la plus
grande partie du temps. Quant aux
Arts & Mestiers, comme Bude estoit la
principale ville de son pays, il y attira
tous les plus excellens ouvriers qu'il
pût, pour en dresser un magazin, &
par Arts industrieux reformer toute la
Hongrie. Quoy plus? comme il estoit
homme, quoy qu'il fut à demy deifié
par ses heroïques proüesses, si ne pût-
il s'exempter de l'empire de la mort,
qui le saisit fort soudainement d'une
apoplexie, sans laisser lignée, ayant
joyeusement disné, & fait premiere-
ment Chevalier un Gentil-homme de
Bolan, Ambassadeur des Venitiens: &
advint cette mort l'an mil quatre cens
nonante, le Dimanche des Rameaux,
pour s'estre mis en colere, qui le saisit
au banquet fort somptueux qu'il faisoit
tout joyeux d'une magnifique Ambas-
sade que le Roy de France luy avoit
envoyé. Là commanda qu'on luy ap-
porta des figues, mais on luy répon-
dit qu'elles avoient esté toutes man-
gées. Oyant cela, il fut si enflamé de

16 *Histoire des scavans Hommes ,*
colere , que tout soudain il fut frappé
d'apoplexie. A son honneur a esté com-
posé cét Eloge.

CORVINI brevis hac urna est, quem
magna fatentur

Facta fuisse Deum , fata fuisse homi-
nem.







*GASTON DE FOIX, DVC
DE NEMOURS.*



GASTON DE FOIX,

DVC DE NEMOVRS.

CHAPITRE II.



A Comté de Foix est un païs
situé près les Monts Tyre-
né s, proche vo sin du païs
de Languedoc & de Bearn;

lequel tant pour son an ienneté , que
pour l'autorité des Seigneurs riches,
puissans & bien alliez , & qui de tout
temps ont maintenu leur grandeur con-
tre les Rois de France & d'Espagne , est
renommé pour l'un des plus asseurez &
fortifi z païs qui se puisse trouver. Et
pour en éclaircir la verité en peu de
propos : les Comtes & Seigneurs qui
l'ont possédé se tenoient si forts , que
faisans peu d'estime de l'amitié des au-
tres Rois, Ducs & Comtes, ils conser-
voient leur grandeur paisible, & se te-

18 *Histoire des sçavans Hommes*,
noient heureux ceux qui avoient contracté alliance avec eux & les pouvoient attirer de leur party Neantmoins ils se sont toujourns montrez affectionnez à la Couronne Françoisse, avec laquelle ils ont esté presque toujours acouplez d'un étroit lien d'affinité. Mais pour ne consumer le temps en discours trop longs, il me suffira de dire en cet endroit, que ce Gaston de Foix, duquel je vous repreiènte icy la figure naturelle, tirée d'un tableau peint en huile, que j'ay veu en la ville de Milan, est provenu de la greffe foixienne, entée sur la souche Françoisse. C'est à sçavoir qu'il fut fils de Jean, Vicomte de Narbonne, second des enfans de Gaston quatrième, l'un des braves serviteurs que les Rois de France eussent pour lors & qui donna beaucoup d'affaires aux Anglois. Ce Duc Jean épousa Marie fille de Charles, Duc d'Orleans, de laquelle il eut ce brave Seigneur Gaston, & par ainsi neveu de Louys XII. du nom, Roy de France, auquel ressemblant bien fort de face & de naturel, fut veu en bien petit espace de temps étendre la gloire de son nom par toutes les parties de la

terre , se faisant redoutable à ses ennemis , admirable à tous ses alliez , & desirable aux siens. Car en peu de temps il fut fait Capitaine general devant que d'avoir quasi fait apprentissage de soldat & receut la couronne de triomphe avant que d'avoir esté ordonné Capitaine Bref , sembloit estre une chose non jamais veüe ny ouye , qu'en si grande jeunesse , qui n'estoi que de 24. ans ou environ , il eut executé de si hauts faits d'armes. Aussi avoit-il appris cette adresse sous ce vaillant & vieil routier Jean Jacques Trivulce, qui l'ayant dressé, l'envoya en plusieurs notables entreprises , tant pour assaillir que pour decouvrir les ennemis. En quoy il continua, jusqu'à ce que luy estant baillé ce titre de Lieutenant general du Roy, brûlant d'un affectionné desir de faire paroistre sa vertu, osa s'avanturer de faire te^{ne} à un grand nombre de Suisses , & leur presenter la bataille, & les contraindre à se retirer du Milanois. Ce fut aussi chose non jamais ouye, & un stratagème digne de memoire, qu'en tēps d'hiver & pluvieux, par chemins inaccessibles, & parmy les glaces difficiles à casser, sans estre aperceu,

20 *Histoire des ſcavans Hommes,*
non pas meſme ſon délogement connu,
il fit une longue traite de nuit, nonob-
ſtant les neges & vents i p tueux pour
entrer dedans Boulogne la Graſſe, aſ-
ſiégée tout à l'entour du camp des Eſpa-
gnols & Eccleſiaſtiques, ce qu'il fit au
deſceu des Capitaines ennemis, qui ne
penſo éť pas qu'une ſi grande armée fut
entrée de jour & par le chemin de Lo-
me en une Cité par eux environnée: Au
moyen dequoy furent contraints d. s la
nuit ſuivante retirer eur armée, & qui-
ter la ville à cet indompté Gaſton, qui
apres telle & ſi ſolemnelle route du Duc
Vrbain, qui avoit eſté laiſſé à Boulo-
gne lors que Jules ſe retira à Ravenne,
rendit cette ville aux Bentivoles. Sa
diligence fut encore plus grande à l'en-
trepriſe de Breſſe: car partant de viteſſe
de Boulogne pour ſecourir le Chateau
de Breſſe, il ſurprit en chemin Jean
Paule Caillon, & le déſit avec ſes com-
pagnies, ſans que pour cela l'affaire de
Breſſe demeurat. Car entrant au Chaſ-
teau & ſe jettant ſur la ville occupée
des Venitiens, qui unis & bien ferrez,
l'attendoient avec une grande hardieſ-
ſe, la rencontre fut fort furieufe par un
long-t-mps, l'une des parties combat

tant pour son propre salut , & l'autre non seulement pour la gloire, mais aussi pour l'envie de piller & saccager une ville pleine de tant de richesses , entre lesquels la hardiesse de Monsieur de Foix se montroit fort illustre. Finalement les Venitiens chassés de la ville avec grand carnage de leurs gens , dont peu se sauverent , ladite ville fut sept jours exposée au pillage , à la luxure , insolence & cruauté des soldats. Pour ces causes , le nom de ce jeune Chevalier se rendit fort celebre par toute la Chrestienté , & spécialement pour avoir en quinze jours contraint l'armée Ecclesiastique & Espagnole de déloger de devant Boulogne , défait en la campagne Jean Paul Baillon , & recouvré Bresse , avec une telle boucherie de soldats & du peuple. De sorte qu'on asseuroit & se confirmoit par le jugement d'un chacun , que depuis long-temps l'Italie n'avoit rien veu de semblable en ce qui touchoit le faict de la guerre. Ainsi donc ce Seigneur de Foix estant party de Bresse , & ayant donné ordre aux autres affaires , il alla derechef chercher les ennemis , tant il brûloit d'un desir de combattre pour satisfaire aux

22 *Histoire des ſcavans Hommes,*
commandemens du Roy, & accroistre
davantage ſa gloire. Et toutefois il
n'eſtoit pas ſi fort transporté de cette
ardeur, que ſon intention fut de les
aſſaillir temerairement, mais ſ'appro-
chans de leurs logis, d'eſſayer ſi volon-
tairement ils ne voudroient point ve-
nir à la bataille. Partant delibera avec
le conſeil de ſes Capitaines de ſ'aller
camper devant Ravenne, eſperant que
les ennemis pour ne diminuer leur re-
putation, ne voudroient laiſſer perdre
devant leurs yeux une ville ſi forte &
peuplée, & que par ce moyen l'occa-
ſion ſe presenteroit pour les combattre
en lieu égal. Et en cette deliberation ſ'y
achemina & ſe logea près des murail-
les : & apres avoir fait quelque batte-
rie de murailles y donna l'aſſaut, non
en intention de la forcer, mais pour at-
tirer le camp des ennemis, en quoy il
ne fut trompé, car il ſe vint camper à
une bonne lieuë près de Ravenne : alors
fut arreſté que quittant la ville on iroit
aſſaillir les ennemis en leurs logis auſſi-
toſt qu'il ſeroit jour. Et le matin à l'au-
be du jour, qui fut l'onzième du mois
d'Avril, tres ſolemnel pour la memoire
de la Reſurrection de noſtre Sauveur

& redempteur Jesus-Christ, les François se preparerent à la bataille avec tres-grand courage. Or les ordres ayans esté distribuez, & les escadrons rangez & conduits par de braves Capitaines, le Seigneur de Foix ne se reserva lieu ou charge aucune & particuliere, mais ayant choisi trente des plus vaillans Gentils-hommes de toute l'armée, il voulut estre libre pour pourvoir & avoir l'œil par tout. La splendeur & beauté de ses armes & de sa casaque le faisoient aisément reconnoître par dessus tous les autres, lequel montrant un visage & contenance gaye monta sur la levée du fleuve, & fit une harangue aux soldats, avec une eloquence plus que militaire, pour reveiller & enflamer les esprits d'un chacun. Apres les remontrances, l'air retentissant du son des trompettes & tabourins, & des cris pleins d'allegresse de toute l'armée, ils commencerent à marcher droit aux ennemis, & les escadrons meslez, se commença une tres rude & cruelle bataille & l'une des plus grande, sans doute que l'Italie eut veu de son temps: parce que

24 *Histoire des ſcavans Hommes,*
la journée de Taro ou Forno ne n'avoit
eſté qu'une legere rencontre de lances,
& les faiſts d'armes du Royaume de
Naples furent plutôt deſordres ou te-
meritez que batailles rangées. En la
rencontre d'Aignadel, la moindre par-
tie des Venitiens avoit ſeulement com-
batu : mais en celle-cy, où chacun eſ-
toit meſlé en la bataille, qui ſe faiſoit
en pleine campagne ſans empeſ-
chement d'eaux ou de remparts, les
deux armées combatoient d'un mer-
veilleux courage & obſtination, deli-
berées de vaincre ou de mourir, dau-
tant qu'elles eſtoient non ſeulement
enflammées du danger de la gloire & de
l'eſperance, mais encore de la haine
mortelle de nation contre nation. Tou-
tefois les ennemis ne pouvans reſiſter à
la victorieuſe multitude des François,
commencerent à quitter la place & re-
culer, & la cavalerie ſ'en eſtant déjà
fuyé, le Seigneur de Foix retourna pour
les charger avec un grand nombre de
chevaux : à raiſon dequoy les Eſpa-
gnols, ſe retirans plutôt que chaffés
de la bataille, ſans aucunement rom-
pre leurs rangs ny ſe mettre en deſordre,
gagnerent le chemin qui eſt entre le
fleuve

Heuve & la levée, & commencerent à faire retraite au petit pas avec le front de leur bataillon bien serré, duquel ils repouffoient les François, auquel lieu Pierre de Navarre, qui desiroit plutôt mourir que de se sauver, fut pris prisonnier avec Ferrand d'Avalo Marquis de Pesquiere Capitaine General de l'armée, Fabrice Colonele Marquis de la Palude & plusieurs autres Seigneurs, Barons & Gentils-hommes, lesquels en cette rencontre avoient fait preuve de la courageuse magnanimité & heroïque proüesse qui animoit leurs cœurs martiaux & vrayement genereux à se fourrer trop avant parmy la meslée, tant Espagnols que du Royaume de Naples. Or Monsieur de Foix ne pouvant endurer que l'Infanterie Espagnole se retirast quasi comme victorieuse, & en si bonne ordonnance, estimant aussi que la victoire ne seroit parfaite, si ceux-cy n'estoient défaits aussi bien que les autres, alla furieusement les assaillir avec une escadre de chevaux, chargeant sur les derniers, desquels estant aussi-tost environné & jetté de son cheval par terre, où comme quelques-uns disent, son cheval estant tombé dessous luy,

26 *Histoire des scavans Hommes,*

pendant qu'il combattoit sur le bord d'un petit ruisseau, il fut tué d'un coup de pique, qu'on luy donna dans le flanc, apres avoir gagné une si glorieuse victoire. Il mourut fort jeune, ainsi que j'ay dit, avec une singuliere renommée par tout le monde, ayant en moins de trois mois obtenu tant de victoires. Estant mort, les Espagnols s'en allerent sans recevoir par apres aucun empeschement ou fascherie, le reste de leur armée estât déjà mis en déroute, l'artillerie, enseignes & bagages pris, ensemble le Legat du Pape & plusieurs autres Seigneurs & Capitaines. Le nombre des morts fut grand, mais la perte des victorieux fut sans comparaison plus grande, à cause de la mort de leur chef, avec lequel faillit entierement la force & hardiesse de l'armée : car il ne mourut jamais Prince en guerre plus regretté des siens que luy, parce qu'il estoit doux & gracieux à chacun, ce qui le faisoit aimer de tout le monde. Aussi n'y a-t'il vertu aucune, qui fasse tant respecter les Capitaines, que la gracieuseté en paix, & en guerre la hardiesse. Si ce Duc de Nemours n'eut esté tué

des ennemis fuyans à cette poursuite non nécessaire, il est à presumer qu'il eut conquis le Royaume de Naples, joint que l'Italie sembloit déjà faire joug à sa destinée glorieuse. Ce qui ternissoit encore davantage le cœur de ces guerriers, est qu'ils voyoient devant eux abbatuë la principale fleur de la Noblesse, d'autant qu'outre le sieur de Foix, le désastre malheur de cette bataille avoit fauché devant eux la meilleure part des vaillans & hardis Seigneurs qui là assistoient : & entre les autres le sieur Yves d'Alegre, qui avoit charge de conduire l'arriere-garde, en laquelle il y avoit quatre cens lances. Ce bon Seigneur voyant le ruede chamaillis, dont les Gascons & Italiens s'entre coupoient, commença à donner dedans avec plus de courage que de bonheur : parce que Monsieur de Vivarais ayant esté presque aussi-tost tué devant ses propres yeux, il s'estima indigne de survivre apres une si insigne défaite : partant il se jetta avec son cheval en la foule la plus espaisse des ennemis, où il fut tué, apres en avoir fait mourir un grand nombre,

28 *Histoire des ſçavans Hommes*,
Après la bataille, les ſoldats indignez
de la perte d'un ſi brave chef, entrèrent
par force dans Ravenne, & la ſaccage-
rent, exerçans beaucoup de cruauté,
en dépit du dommage qu'ils avoient re-
ceu en la journée. Or l'armée Fran-
çoïſe ſe trouvant étonnée pour raiſon
de la mort de Gaſton de Foix & autres
pertes, demeura longuement à Raven-
ne, ſans paſſer outre & rien faire, les
ſoldats cependant regrettoient publi-
quement avec pleurs & gemiſſemens
Gaſton de Foix. Quelque temps après
ſon corps fut porté avec ceux des
autres Seigneurs François, en la ville
de Milan, & enterrez le 26. d'Avril
l'an 1513. Il y eut à ſon enterrement
un brave triomphe, auquel furent me-
nez devant ſon corps tous les priſon-
niers, & toutes les bannières des en-
nemis portées déployées en ſigne de
victoire. C'eſt ſans doute que tous les
Princes & Seigneurs ont icy un miroir
digne de leur grandeur, auquel ſe mi-
rans ſouvent des yeux de l'entende-
ment, ils cōnoiſtront que Dieu eſt le Sei-
gneur des armées, & ſelon ſa volonté
ordonne des Royaumes & Victoires.
D'eſtimer que la grandeur & magnifi-

cence dont estoit fortuy celuy duquel la presente histoire est dressée, l'ait sou tenu en la gloire , qui l'accompagnoit avec un tres-grád heur, n'est pas croyable, non que je veüille amoindrir l'excellence, richesse & pouvoir de la Maison de Foix , qui a (ainsi que j'ay touché ailleurs) fait branler le Duc de Bourgogne , qui tellement avoit à contre-cœur Gaston Phebus, Comte de Foix , qu'il le disoit estre le plus glorieux & plus hautain homme du monde , & lequel ne respectoit ny Roy ny roc , & sembloit ne tenir terre que de Dieu & de l'épée : & sans mentir , il montra bien une grande magnificence, alors qu'il alla visiter l'an mil trois cens quatre-vingt-neuf le Roy Charles VI. du nom à Thoulouse , dautant que sa troupe estoit de six cens chevaux , défrayez aux dépens de ce Comte , & d'iceux il choisit deux cens Gentils-hommes, lesquels il fit habiller de soye. Quant aux banquets , presens & courtoisies dont il caressa les Princes du sang , il n'y a bourse si grosse qui n'en sentit un merveilleux degrossissement : Et si pour cela ne laissa à fonder & bâtir plusieurs Eglises , Forts & Chasteaux.

Ce fut luy qui fonda & bastit l'Eglise Cathedrale de l'Escar, & le Monstier, & Chasteau des Religieuses de Salenques : qui fit aussi construire & edifier les Chasteaux de Manseres, Montaut, Gaunac, Fornez, Cavlar, & la Tour quarrée de Cuyragut en Daumazan, le Chasteau d'Ambres, de Gonsanus, d'Ortais, de Sauveterre, de Pau, Maulucun, Benque du Lac & le Chasteau de Mont, de Marfan & autres edifices, qui ressentent la grandeur d'un Prince de haute affaire. Mais qu'est-il besoin de m'arrester si long-temps sur ce Gaston, qui fut surpris de mort tres-soudain en l'Hospital d'Ouryon près de la ville d'Ortais, lors que trop fraichement, apres avoir poursuivy & attrappé un Ours, sur le midy il voulut prendre son repas? Il vaut mieux que je tourne vers celuy auquel a esté voüée la presente histoire, qui fut fait Duc de Nemours, par l'octroy que le Roy luy en fit, moyennant l'échange du Vicomté de Narbonne, qu'il quitta au Roy pour ce Duché, écheu à la Couronne par la mort de Louys d'Armagnac, qui l'avoit eu en don usufruituaire, ainsi

que le Duc Jacques son pere. Un point
reste icy sur la sepulture de ce hardy
Capitaine, & qui merite bien d'estre
remarqué, c'est que le Cardinal de Sion
en Vallay, grand factionnaire & parti-
san du Pape Jules, pour de plus en plus
s'insinuer en ses bonnes graces, fit tom-
ber le superbe & magnifique tombeau
qui avoit esté dressé à Milan à l'hon-
neur du defunt Duc de Nemours. Sur
ce point se fondoit-il, qu'il n'estoit pas
chose seante & raisonnable qu'un tel
ennemy de l'Estat dressé par ce Pontife
armé, receut un si grand honneur, au-
trement ce seroit se mocquer des ana-
themes, excommunications & fulmi-
nations Pontificales. Cela fut cause
que contre le devoir de toute pieté il
fit renverser le cerceuil de ce pauvre
defunt Seigneur. Au moins s'il n'eut
eu tout son sentiment naturel étouffé,
il devoit reconnoistre que la querelle
du defunt n'estoit point particuliere-
ment contre le Pape, mais que son de-
voir luy commandoit de poursuivre
encore plus brusquement tous les
ennemis de sa Majesté. Partant ne de-
voit-il pas trouver mauvais, si pour le
service de son Prince il poursuivoit

32 *Histoire des ſçavans Hommes,*
ceux qui luy eſtoient mal affectionnez.
Neantmoins il s'acharna ſi fort ſur ce
pauvre defunt, que ſ'il luy eût eſté poſ-
ſible, il luy eut dénié tout devoir
de ſepulture, & pource commanda
qu'on mit bas toutes les pompes qui
honoroient le tombeau de ce genereux
guerrier. Ce dont plus il ſe formal-
ſoit, eſt qu'il y avoit alentour de ſa Cha-
pelle un grand nombre d'eſtendarts,
bannieres & enſeignes, qui avoient
eſté gagnées ſur le Pape, qui eſtoit au-
tant, comme ſi aux dépens & à la barbe
de Iules il eut voulu dreſſer trophée des
victoires qu'il avoit obtenues à l'en-
contre de luy. Pour cela toutefois ne
laisſerons-nous de reverer la memoire
d'un ſi redouté Chevalier. A l'honneur
duquel a eſté compoſé cet Eloge.

*Funera quis memoranda canat, clademque
Rhavenna,*

*Et tua, Summe Ducum, facta obitumque
ſimul?*


*Ingentes cùm tu incedens per corporum acer-
vos,*

*Strage (ab) iam victor concidis in media
Gallica ſenſere Heſperii, quàm vivida vir-
tus*

*Sensere, ultrici cùm cecidere manu,
Sic obitu iuvenis Decios imitaris, & armis
Sic geminos belli fulmina Scipiadas.*

Et parce que l'Italie a principalement servy de sujet à ce second Cesar pour y déployer ses magnanimes proïesses, icy je veux coucher l'Eloge qui en a esté composé en Italien, pour faire entonner les loüanges d'un François dans le cornet Italien. Ce n'est que la traduction du Latin, mais qui pourra, à mon avis, servir davantage à l'illustration de sa loüange, puisque le vaincu celebre la renommée, magnanimité & hardiesse du vainqueur. Voicy donc la teneur de cet Eloge.

*Chi potrebbe giam ai dire a parole
Di Ravenna il conflitto, ei fatti tuoi
Ond' hoggi ancor sei piu chiaro che'l Sole:
Vittorioso prima, e ucciso poi:
Provò la Spagna alhor, qual esser suole
La virtù in guerra de' Francesi heroi.
Tu morendo imitasti Deci, & parmi
Che i due Scipii agguagliassi anco ne l'armi.*







*CONSALVE ERNANDES
SVRNOMME LE GRAND.*



CONSALVE

ERNANDES,

SVRNOMME LE GRAND.

CHAPITRE III.



A pluspart de ceux qui se sont meslez d'écrire l'histoire des faits, dits & gestes de ce Capitaine Espagnol, semblent le vouloir accrocher du commun vice de sa Nation qui est de se bouffir & enfler de titres & qualitez, comme si telles vanitez servoient de beaucoup à l'illustration de leur renommée. Ce present discours manifestera que ce n'est pas sans raison qu'il a eu le nom de Grand, quoy qu'alors qu'il commença d'en estre salué, il n'eût pas exploicté chose, qui le rendît digne

36 *Histoire des ſçavans Hommes,*
d'eſtre agrandy d'un tel titre. Mais
l'eſperance qui preſageoit aſſeurement
des heureuſes actions qui ont accom-
pagné ſon heureux deſtin, le fit proprie-
taire de cette qualité, quoy que reellement & de fait il n'en eut pas encore
pris poſſeſſion. D'autant que l'on ſçait
bien qu'au commencement de ſa venuë
en Italie il fut ſurnommé le grand Ca-
pitaine, ſans avoir beaucoup fait éclater
le bruit de ſes martiales vaillances.
Toutefois pour les belles victoires que
depuis il eut, ce ſurnom de Grand luy
fut confirmé & continué par conſente-
ment univerſel. Il eſtoit de la Maïſon
d'Agilar du païs de Cordouë, de laquelle
je ne veux point icy tirer hors ligne
les loüanges que je luy attribué, puis
que ſans enfoncer ſur la tige de ſes de-
vanciers, ſucceſſeurs ou parens, je n'ay
que trop de lice pour y donner belle
carriere, ſi je pouvois tout d'une halené
atteindre l'extremité. Ce Seigneur en-
core jeune, ſes parens le firent dresser és
exercices militaires: eſquels il ſe façôna
ſi bien, qu'il fut trouvé digne, capable
& ſuffiſant de commander en chef aux
Eſpagnols, qui furent envoyez en Italie,

pour le secours du Roy Ferdinand à l'encontre des François. Du premier abord, Consalve fut contraint de montrer les talons, & se retirer à Regge, & Ferdinand à Palme, à cause de la chaise que leur donna brusquement le Seigneur d'Aubigny près Seminare proche la mer: si le Roy Ferdinand n'eut esté rafraischy & remonté par Jean de Capouë, frere du Duc de Terminy, il y laissoit les bottes avec le reste des Espagnols, qui furent alors miserablement battus par nos François. Lesquels ne la portèrent pas longue, parce que Ferdinand, pour crainte qu'il avoit, que le brvit de sa défaite en Calabre, ne perdît toute la ressource qu'il pouvoit esperer, au mieux qu'il pût remit au dessus quelques jeunes forces, avec lesquelles il amusoit nos François & leurs partisans. Cependant Consalve espiant la commodité, se servit de la maladie du Seigneur d'Aubigny, prit plusieurs places dégarnies, à cause que la plupart des soldats du Seigneur d'Aubigny s'estoient retirez vers Gilbert de Bourbon Seigneur de Montpensier. Mais il remporta beaucoup plus d'honneur

38 *Histoire des ſcavans Hommes,*
de la priſe qu'il fit d'onze Barons dans
Laine, & de la défaite qu'il fit des Fran-
çois. Victoire d'autant plus remarqua-
ble, que c'eſt la première que ce grand
Capitaine eût au Royaume de Naples.
Joint auſſi que la rufe & adreſſe, qu'il
tint pour l'obtenir, & ſurprendre le
Comte de Melete, Albert de Saint Se-
verin, & autres Seigneurs François, qui
 faiſoient leur deſſein d'avalier les Eſpa-
gnols avec un grain de ſel, mais qui
trouverent bien à qui parler en l'em-
buscade de Caſtrouïllare, ſurhauiſſe de
tant plus l'honneur de cet Eſpagnol.
Cette ſurpriſe ébranla tellement nos
François, que force fut à Monsieur de
Montpenſier d'entrer au traité d'Atel-
le. Contre les Vrfins pareillement ſe
montra-t-il fort vaillant, principale-
ment en la priſe d'Oſtie, qui eſtoit en-
core tenuë au nom du Cardinal de Saint
Pierre aux Liens : devant laquelle l'Ar-
tillerie ne fut pas plûtôſt dreſſée, que le
Chaſtellain ſe rendit à Conſalve à diſ-
cretion : Oſtie recouvrée, Conſalve
entra preſque triomphant dedans Ro-
me, avec cent hommes d'armes, deux
cens chevaux legers, & quinze cens
hommes de pied, tous ſoldats Eſpa-

gnols, menant devant soy le Chastella n , comme prisonnier , lequel puis apres il del vra : & vinrent au devant de luy plusieurs Prelats , la maison du Pape & tous les Cardinaux , suivis de tout le peuple & toute la Cour , qui y accoururent pour le grand desir qu'ils avoient de voir un Capitaine , le nom duquel retentissoit par toute l'Italie. Il fut mené au Pape , seant au Consistoire , lequel , l'ayant receu avec un tres-grand honneur , luy donna en témoignage de sa vaillantise , la Roze que les Papes ont accoustumé de donner tous les ans. Puis Consalve s'en retourna pour s'en venir avec le Roy Federic , sur l quel Consalve tenoit une partie de la Calabre. Toutefois en l'an quatorze cens quatre-vingts dix-huit il fut rappellé en Espagne , avec toutes les forces qui estoient en garnison en la Calabre , comme aussi tous les Ambassadeurs qui y estoient d'Espagne , excepté celuy qui residoit près le Pape. Icy ferons-nous relais de trois années, lesquelles ne furent à peine écoulées que Consalve reprit la route de Calabre , où , quoy qu'il n'y fut gueres bien voulu , & encore moins

40 *Histoire des ſcavans Hommes,*
ſouhaitté, il fut receu par les villes, qui
ſe voyans dénuées de forces & appuis,
n'oſoient ſe mettre en reſiſtance. Il eſt
bien vray qu'il y en eut quelques-uns
qui firent mine de tenir bon, & entr'-
autres Manfredonie & Tarente : Mais
apres que par le ſiege il eut emporté
Manfredonie avec ſon Chateau, il ſe lo-
gea avec ſon armée ès entours de Taren-
te, où ſe montroit la plus grande difficul-
té, & neantmoins il l'eût enfin par ac-
cord. A l'obſervation duquel il ne ſe
rendit aſſez conſcientieux, d'autant qu'-
outre le ſerment ſolemnel qu'il avoit
fait au Comte de Potenſe, en la garde du-
quel le fils aîné du Duc de Calabre avoit
eſté baillé, & à frere Leonard de Naples
Chevalier de Rhodes, Gouverneur de
Tarente, il envoya ce jeune Duc Cala-
brois en Eſpagne, afin de pouvoir par ce
moyen de tant mieux aſſeurer l'Eſtat de
Calabre ſous l'obeiſſance de ſon Mai-
ſtre. A la rigueur, qu'il n'ait fran-
chy le ſaut de la foy jurée, on ne le
ſçauroit nier, mais auſſi doit-on croi-
re, que Machiaveliquement il ſe fai-
ſoit entendre, qu'il n'y avoit ſerment
qui l'obligea à ce qui pouvoit reüſſir
au profit de ſon Prince, ſi ſeulement
il ſe

il se licentioit à rompre le jeusne de l'austerité de son serment. De fait , si nous prenons garde tant aux déportemens de ce Consalve , que d'Antoine Leve & autres Capitaines Espagnols , nous trouverons que sur tout ils ont esté heureux en leurs exploits à cause de leurs ruses, finesesses & astuces. D'en avoir un plus beau patron n'est pas possible qu'en la vie de ce grand Capitaine Consalve. Lequel voyant que nos François ne sçavoient pas user de l'heur de la victoire, qui leur pendoit sur la teste, s'ils eussent esté accorts pour l'apprehender, au siege de Barlette leur apprit un tour de son mestier. Donc voyant que Louis d'Armagnac Duc de Nemours, & Vice-Roy de Naples, tâchant de rogner les aisles le plus court qu'il pourroit aux Espagnols qui estoient dans Barlette, s'estoit logé à Matere, Consalve pour ravigotter ses gens, & étonner les nostres, donnoit à cette heure esperance de la prompte arrivée de deux mil hommes de pied Allemans , pour la levée desquels il avoit envoyé Octavien Colonne en Allemagne , maintenant d'autre secours. Et ne se contantoit de les amuser par telles cassades, parce qu'il sup-

42 *Histoire des ſçavans Hommes*,
portoit luy-mefme auffi allegrement
toutes les peines & la grande difette de
vivres & de toutes chofes neceffaires.
Cependant nos François aveuglez de
leur trop grande aife ſe licentioient à
plusieurs infolences, qui firent élever
la commune de Caſtellanet, place pro-
che de Barlette à l'encontre de cinquante
hommes d'armes François, qui mis là
en garniſon, y faiſoient une milliaſſe
d'excés & vexations. Conſalve peu de
jours apres adverty, que Jacques de
Chabanes, Seigneur de la Paliffe (lequel
avec cent lances & trois cens hommes
de pied logeoit en la ville de Rubos, di-
ſtante de Barlette de douze milles) ne ſe
tenoit aucunement ſur ſes gardes, eſtant
forty une nuit de Barlette, & eſtant allé
à Rubos, & ayant avec une grande di-
ligence braqué l'artillerie, laquelle il
avoit aiſément mené avec luy, parce
que le chemin eſt plain: il l'afſaillit avec
telle impetuoſité que les François éton-
nez d'un ſi bruſque & ineſperé aſſaut,
apres une foible reſiſtance, ſe rendirent.
Monsieur de la Paliffe demeura prifon-
nier avec les autres: & le jour meſme
Conſalve ſ'en retourna à Barlette, ſans
aucun danger de recevoir perte du Vi-

ce-Roy, lequel peu de jours auparavant eſtoit venu à Canoſe, avec fort bonne compagnie. Je laiſſeray le combat particulier des treize François avec treize hommes d'armes Italiens, d'autant qu'encore que Conſalve les eſperonnaſſez, pour ſe rendre vainqueurs des François, ſi eſt-ce que, puis qu'ils furent bien receus & careſſez ſpecialement des Eſpagnons & Italiens, comme ceux qui avoient remis l'Italie en ſa premiere gloire & honneur, je me garderay d'y faire entrer le grand Conſalve. Apres une telle & ſi notable victoire, obtenuë par Conſalve, de laquelle fut triomphé, la paix fut moyennée entre les Rois de France & d'Eſpagne l'an quinze cens & deux par l'entremiſe de Phiſſippes Archi-Duc d'Autriche, Roy d'Eſpagne. Laquelle fut rompuë par Conſalve, parce que la force du ſecours, qui luy eſtoit de nouveau ſurvenu, luy oſtoit toute envie de ſurſcoir les armes. Pour ce refus le Duc de Nemours fut contraint de ramaffer toutes les compagnies, qui avoient eſté distribuées en pluſieurs lieux. Cependant d'un coſté & d'autre

44 *Histoire des ſcavans Hommes,*
ſe faiſoient nouvelles entrepriſes, pour
donner ſur la corne à l'ennemy : & de
fait Pierre de Navarre donna une en-
torſe gaillarde à Louis d'Ars, vaillant
Capitaine François, lequel eſtimant
que ce Dom Pierre pour ſe joindre avec
Conſalve, tiroit vers Ma-ere, partit
ſans prévenir le danger auquel il laiſ-
ſoit le Duc d'Arty, lequel fut pris, ſon
oncle Iean tué, & ſes compagnies dé-
faites par ce Navarrois, qui ne penſoit
rien moins à telle priſe, mais eſtant ap-
pellé par ceux de Rutiliane (qui eſt une
ville au pa's de Bary) lesquelſ ne fai-
ſoient alors que de ſe revolter contre
les François, rebrouſſa chemin de Ma-
tere vers Rutiliane, & rencontra ce
Duc d'Arty. Long temps il ne tarda,
que le Seigneur d'Aubigny, qui fut un
des plus excellens Capitaines que le
Roy Charles eut mené en Italie (de
franc & noble eſprit) fut défait, & ne-
ceſſité de ſe rendre priſonnier à la Roc-
que d'Angitole. Que ſi Conſalve eut pû
éventer cette victoire, c'eſt un poinct
bien aſſeuré, qu'il eut bien baillé des
affaires à nos François, & ſe fut bien
gardé de ſortir de Barlette, pour ſe reti-
rer à Cirignole, qui eſt une ville à dix

mille de là , & presque en triangle entre Canose , où estoit le Vice-Roy , & Barlette. Cela toutefois ne luy fit échapper l'heur de la victoire qui l'attendoit, dautant qu'au fort de la desesperade, où sembloient estre reduites les affaires Espagnoles , c'est alors qu'il prit arrhe de la victoire qu'il emporta. De fait, quand il vid que le feu s'estoit pris à ses poudres , embrassant ce presage comme un bon augure , s'écria , la victoire est nostre , Dieu nous l'annonce manifestement , nous donnant à connoistre que nous n'avons plus affaire de nous servir d'artillerie. De fait , il n'en fut pas frustré , dautant qu'après la mort du Duc de Nemours (sur laquelle varieut les Historiens) de Monsieur de Chandiou, Grand Prevost de France , (la memoire duquel a esté consacrée à l'immortalité) & de plusieurs autres grands Seigneurs, le reste des François fut tellement affady , que Consalve demeura victorieux. Lequel suivant la pointe de sa bonne fortune , prit son chemin avec l'armée vers Naples , se saisit de Melfe , & fut receu à Naples , Averse & Capouë par les habitans au mois de May en l'année mil cinq cens & trois. Et parce que les

François s'eſtoient retirez à Chateau-neuf, Conſalve al a planter l'artillerie au pied du mont de Saint Martin : d'autre coſté Pierre de Navarre avoit fait une mine pour ruiner les murailles de la Citadelle, qui eut plus de force, dautant qu'elle bouleverſa le mur de la Citadelle : Apres la priſe de Chateau-neuf, il alla aſſieger Caiette, où pour ce coup il ne profita gueres, à cauſe de la reſiſtance que luy fit ce grand guerrier Yves d'Alegre, avec les Princes de Salerne & de Biſignan, & le Duc de Tracette. Et parce qu'au reſte les affaires luy ſuccedoient ſi heureuſement, que Pierre de Navarre par ſa mine gagna le Chateau de l'Oeuf, & que Proſper Colonne avoit de nouveau pris la Roque d'Evan-dre & Aquile, & reduit toutes les autres places de l'Abruſſe à la devotion des Eſpagnols, & finalement que preſque toute la Calabre preſtoit la meſme obeſſance, pour l'accord que le Comte de Capacie avoit fait avec eux, il ne laiſſa pas de pourſuivre les François, meſme ſe mit en tout devoir d'empêcher, que l'armée envoyée par le Roy Louys douzième pour le recouvrement du Royaume de Naples, ne paſſa le fleu-

ve de Garillan. Toutefois il ne le pût, d'autant que les François, après qu'ils eurent jetté le pont, gagnèrent le pas du fleuve à force d'artillerie. Que s'ils eussent sceu empoigner la victoire qui leur estoit présentée, & vivement s'avancer, il est à croire qu'ils fussent ce jour-là demeurez maistres. Si bien sceut Consalve les mater avec l'injure du temps, qui minoit fort leurs forces, qu'après quelque séjour, qu'ils firent inutilement sur le rivage de Garillan, voyant qu'ils ne se daignoient dégourdir, il leur donna une chasse si gaillarde au Pont de Mole, que force leur fut, plus viste que le pas, de se retirer à Caiette, aux portes de laquelle Consalve les chassa victorieusement. Après il s'alla loger à Castellone & à Mole, & s'estant le jour suivant approché de Caiette, il occupa aussi-tost le faux-bourg & le Mont, qui avoit esté abandonné par les François, lesquels encore qu'il y eût dans Caiette assez de gens pour la défendre, & vivres à suffisance, & le lieu fort commode pour estre secouru des armées de mer, firent porter parole à Con-

48 *Histoire des sçavans Hommes,*
salve par le Bailly de Dijon , & S. Co-
lombe & Theodore de Trivulſe, le pre-
mier jour de l'An mil cinq cens quatre,
de luy remettre entre les mains Caiette
& le Chasteau. Mais quoy ? Il ſemble
que j'aye entrepris de décrire la vie de
ce grand Capitaine , pour rafraîſchir
les playes qu'il a données aux François.
Voyons maintenant quel ſecours receu-
rent de luy les Florentins à l'encontre
des Perfans, pour leſquels eſtoit Barthe-
lemy d'Alviane, lequel par prieres, com-
mandemens & comminations , entant
qu'en luy eſtoit , il avoit taſché de dé-
tourner de ſon entrepriſe. Et parce
qu'il faiſoit du retif , il fit dire & offrir
aux Florentins , qu'il eſtoit contant
qu'ils ſe ſerviſſent de ſes gens de pied,
qui eſtoient dans Plombin , auſquels
pour ce il enjoignit d'obeir à Marc-An-
toine leur Capitaine. Les Venitiens
pareillement reconnoiſſent avoir recou-
ru des griffes du Turc l'Isle de Cephalo-
nie par l'eſcorte que leur donna le grand
Conſalve de cinquante vaiſſeaux , où il
pouvoit avoir environ ſept mil hom-
mes. La deliberation ne fut pas plûtost
arreſtée , qu'il falloir donner de cul &
de teſte ſur l'ennemy que Conſalve com-
mença

mença à faire ronfler ses pieces d'artillerie contre Modon d'une si horrible façon , qu'il n'y avoit muraille qui n'en fut ébranlée. Mais si les pieces braquées jouioient , luy avec ses soldats estoit encore plus prompt , vigilant & affectionné à gravir contre la brèche, & avec une telle ardeur & vehemence ils s'avançoient au combat, qu'on n'eût pas pris Consalve & ses gens pour autres que Citoyens de Venise , qui l'épée au poing voulussent reconquerir ce que cet ennemy leur envahissoit. Ils firent si bien que la place fut emportée , où de toutes parts les bandes Venitiennes ne faisoient que charpenter , assommer , tuer & assassiner : dont Consalve estoit fort déplaisant. Cela fit que la pluspart de ces pauvres assiegez se jettoient aux pieds de ce grand Consalve , afin que sa presence leur servit d'immunité , sauve-garde & azyle sacré à l'encontre de la furie des Venitiens , qui estoient outre-mesure acharnez sur eux ; de fait, il en sauva beaucoup. En quoy est fort louïable sa magnanimité , laquelle il prenoit plus de plaisir, qu'elle fut arrou-sée d'humanité, que de la laisser baigner


50 *Histoire des ſçavans Hommes,*
dans le ſang de tant de pauvres crea-
tures qui avoient eſté contraintes de
tenir bon contre l'eſtendart de S. Marc.
Tellement ſe ſentit la Seigneurie de Ve-
niſe redevable à noſtre Conſalve , qu'à
ſon retour elle l'honora du droit de ſa
Bourgeoisie , & luy envoya en Sicile
grandes ſommes de deniers & beaux
preſens , qu'il ne vouloit pas accepter ,
toutefois enfin il fut cōtraint par l'hon-
neſteté de Gabriel Maure (qui eſtoit
l'un des deputez par la Seigneurie de
Venise , pour avoir la Sur-Intendan-
ce des affaires de la Marine) de recevoir
le tout. Or apres avoir fait pluſieurs
autres choſes lesquelles ſeroient trop
ennuyeuses de ſpecifier icy , il alla de
vie à trépas un mois avant la mort de
ſon Roy d'Arragon , qui mourut au
mois de Janvier l'an mil cinq cens ſei-
ze. Et encores qu'il fût abſent de la
Cour & defavoriſé , le Roy en memoire
de la vertu d'un ſi grand Capitaine,
voulut que par tout le Royaume on luy
fiſt des honneurs, qu'on n'a accouſtumé
de faire en Eſpagne à la mort d'autre
que du Roy. Dont pluſieurs pourroient
ſ'étonner , veu qu'il ſemble , que l'e-
ſtoc , qui avoit donné premierement

la source à ce Consalve, ne le rendoit pas digne d'estre avantaagé d'un si grand & excellent honneur, duquel les Grands sont fort jaloux : mais aussi si on se ressouvient que la suffisance de ce hardy Chevalier, ne pouvoit moins que d'estre reconnuë au moins mal qu'il estoit possible, il faudra qu'on se déporte de tel & si soudain étonnement. Les Venitiens & Estrangers admiroient la virilité de son courage. Les Espagnols le tenoient pour leur Carthaginois Annibal. Si bien que le Roy ne pouvoit, pour gratifier la bonne affection de ses Sujets, qu'il ne prefera ce grand Capitaine au reste des autres, dautant que telle reconnoissance servoit d'esperon pour réveiller les autres à mieux faire leur devoir, qui se faisoient entendre de participer à un tel honneur, s'ils se comportoient valeureusement au service de leur Prince. I'insiste si long-temps sur cette sepulture, laquelle plusieurs aimēt beaucoup mieux ne pas croire, que d'estimer qu'un Roy mal-affectionné à un sujet, ait voulu le prevaloir d'un si magnifique triomphe. Et c'est en effet ce seul poinct, qui me necessite à le croire

52 *Histoire des sçavans Hommes,*
plus fortement , parce que la mécon-
noissance eut esté trop manifeste, si Con-
salve apres avoir employé sa vie , son
corps & ses biens pour le service de a
Couronne d'Espagne , n'eût eu autre
recompense que celle de laquelle pen-
dant sa vie il jouit , qui fut d'estre
desappointé & disgracié de la Cour.
Pour couvrir tel mécontentement il fal-
loit bien que pour un coup le dernier
devoir de pieté & funerailles reparast la
disgrace du temps passé. Sur laquelle
plusieurs ont écrit plus qu'ils ne sça-
voient, imputant à ce grand Capitaine
quelque déloyauté, il où n'est pas croya-
ble qu'il ait jamais pensé : autrement
il eut bien donné des affaires au Roy
Ferdinand , puis qu'il avoit les armes
en main , & avoit le plus beau moyen
du monde de broüiller les cartes. De ma
part j'estime que, comme l'envie talon-
ne toûjours la vertu, ce Capitaine Espa-
gnol ne pût s'en garantir , & qu'auprès
des oreilles de ce Roy d'Arragon il y
avoit des flatteurs qui luy soufflerent
tant de faux bruits, qu'ils le firent entrer
en soupçon , que Consalve pensoit à se
transporter le Royaume de Naples , ou
bien , que pour gagner le Roy Philip-

pes, il n'feroit aucune conscience de le luy remettre en main. Ce qui ancroit davantage Ferdinand sur les phantastiques resveries de Guillot le songeur, est qu'il luy avoit plusieurs fois mandé, qu'il s'en revint en Espagne, dont il n'avoit tenu aucun compte, s'excusant sur les grands empeschemens, qui le rete-noient, remettant son retour à une autre fois. Telles & semblables opinions éloignerent si bien l'assurance que devoit avoir le Roy Ferdinand de la fidelité de ce Capitaine, qu'après la capitulation resoluë avec son gendre Philip-pes en l'année mil cinq cens & six, luy-mesme délibéra de se transporter à Naples pour luy oster des poings le gouvernement de ce Royaume.









*FRANÇOIS DE GONSA-
GVE .*



FRANCOIS

DE GONZAGVE,

IV. MARQ. DE MANTOVE.

CHAPITRE IV.

L'ENTRETIEN de ce mien
 labour ayant esté de represen-
 ter icy au public, pour une per-
 petuelle memoire, les pourtraits & élo-
 ges de quelques hommes valeureux au
 fait des armes, & excellens és Arts &
 Sciences (deux moyens principaux de
 s'acquérir une immortalité de nom)
 afin d'induire les autres, à leur exem-
 ple, de les imiter. Je m'estois à cela
 restraint à trois choses : l'une, de n'y
 admettre que les plus dignes & re-
 nommez. En apres, que pour avoir
 payé le devoir de nature, ils euf-

56 *Histoire des ſcavans Hommes*,
ſent quant & quant franchy les barrières de toutes envies. En troiſième lieu, de n'en prendre qu'un de chaque famille, afin de faire place aux autres, & éviter le ſoupçon de vouloir eſtre plus partial, que le devoir d'un Hiſtorien ne permet. Mais eſtant arrivé à ce tres-illuſtre ſang des Gonzagues, dont tant de Princes magnanimes ſont deſcendus, tant en croite ligne de pere en fils, tantost ſont paſſez cinq cens ans, que par les dépendances collatérales, aiguifées d'excellens rameaux, procedans d'une belle & heureuſe tige (grace octroyée à peu de perſonnes) il faut (à la verité) que j'avouë me trouver fort empesché pour le regard du dernier poinct, l'abondance de leurs beaux faits & vertueux comportemens preſque égau en temps, bien que de différentes manieres, me nuifant; de ſorte que je ne ſçay bonnement auquel m'arreſter: car je ne ſçaurois ſi-toſt tourner l'œil à la preud'homie, benignité, moderation, douceur & juſtice des uns, que ſoudain les tres-ſages advis & conſeils, la dexterité d'eſprit & prudente adminiſtration des autres ne ſe treuvent à la traVERSE. Si je penſe

tant soit peu balancer à cela, voicy tout soudain d'un autre costé lestriomphes & glorieuses victoires de plusieurs batailles par eux gagnées, plusieurs villes, les unes emportées de vive force, les autres courageusement défenduës, & aut es tels signalez exploits d'armes, qui sans balācer leurs merites & suffisance, soit à la paix soit à la guerre, équipolēt la dignité des charges & grands maniemens qu'ils ont eu : leur soin, vigilance & hardiesse à l'heureux succès de leurs entreprises, & la vigueur de l'entendement à l'effort du corps, endurcy & accoustumé à toutes sortes de travaux militaires. Si bien qu'on ne les peut dire avoir esté plus excellens Capitaines que bons soldats, ny meilleurs soldats que braves & heroïques Capitaines. Leurs liberalitez & magnificences toutes fondées sur la vertu qui leur donne lustre & les recommande, se mesurent à leurs facultez & moyens, non arrachez violemment & à la haste, mais à eux legitimement transmis, & de main en main par la prudente & modérée dispensation de leurs ancestres : les alliances par eux accueillies avec les Empereurs de Constantinople & ceux d'Allemagne,

58 *Histoire des ſçavans Hommes,*
avec les Rois Tres-Chreſtiens & Ca-
tholiques , & autres plus illu res &
puiffans Potentats de la Chreſtienté,
correspondent à l'ancienneté de l'eſtoc
primitif de leur race deſcenduë de la
tres-noble maiſon de Saxe , & l'heu-
reuſe fin, où ils ſont tous parvenus, car
ne s'entrouve un ſeul de ce nom , qui
en ait eu de deſaſtrée ou mal-encon-
treuſe, benediction certes fort ſpecia-
le de Dieu. Or pour laiſſer à part infi-
nis bons offices , devoirs , ſoulage-
mens , ſupports & ſecours par eux con-
feréz à leurs propres couſts & dépens,
ſueur de leur corps , effuſion de leur
ſang , peril & hazard de leurs vies, non
ſeulement au Mantouan , mais à tous
les autres peuples circonvoifins , pour
éteindre les tyrannies des Ezzelins,
Bonacolſes, Pazzarins, Carrares & au-
tres tels uſurpateurs illegitimes , dont
ils eſtoient cruellement oppreſſez, je fe-
ray l'entrèe par la tres-ſage administra-
tion de Louys de Gonzague, ſans re-
brouſſer plus avant chemin en arriere
juſqu'à Guy ſon pere & autres ſes pre-
deceſſeurs , encore deux cens ans au
deſſus ; lequel environ l'an treize cens
vingt-huit gouverna l'Eſtat de Man-

touë l'espace de trente deux ans. La pieté, devotion & integrité de son fils Guy II. ne dérogent en rien aux braves exploits de François I. lequel défit l'armée de Iean Galeas Viscomte, Duc de Milan, se portant trop ingratement envers luy: en une seule saillie luy prit plus de six mil hommes de pied & deux mil chevaux: qui l'an 1405. cōquit Verone aux Venitiens, & l'an suivant Padouë.

Auquel tēps Galeas Gonzague combatit épée & dague en hemise ce grād Maingre, dit Boucicaud mareschal de France, & l'ayant vaincu, luy donna la vie sauve, lequel mourut le 23. Avril 1406.

La splendeur de Iean François fils aîné d'iceluy François n'éteint pas celle de son pere, mais la renforce davantage: lequel fut élu chef des forces de l'Eglise contre Ladislaus Roy de Naples, qui étoit venu assieger Bologne, mais ce Prince la garétit de tous ses efforts: puis l'an 1426 cōquit Bresse aux Venitiés, & Bergame 2. ans apres, ayāt gagné une autre bataille sur le Duc de Milan, & ayant ces Seigneurs usé en son endroit d'ingratitude, il leur osta Verone, avec tout le territoire qui en dépend, & lignage, ensemble plusieurs autres forteresses,

l'an quatorze cens trente-neuf, en faveur du Duc Philippes Viſcomte. Ainſi faiſans de pere en fils, & à qui mieux mieux tant de belles choſes, ils conſacrèrent à l'éternité la memoire de leur nom. Meſmement Louys ſecond, qui l'an mil quatre cens quarante huit arreſta tout court l'armée vſtorieufe du Duc Sforce de Milan, ayant gagné une groſſe bataille contre les Venitiens, & fut cauſe que la paix ſe fit. De meſme Federic premier repouſſa vaillamment les Suiffes, qui avec grandes forces eſtoient déjà deſcendus juſques à Come. Il n'y auroit eu que trop ſujet au premier venu, ſans en faire autre choix ny élection, pour m'y arreſter, ſi cen'eſtoit un plus clair rayon de lumiere procedant de la meſme ſource, lequel m'éblouiſſant la memoire de tout le reſte, me fait paſſer plus outre pour aſſeoir en luy l'exemplaire que je pretens vous tracer icy de la ſplendeur de cette vertueuſe & illuſtre Famille. Car la condition des choſes eſtant telle de varier inceſſamment, ſelon les circonſtances du temps & des occasions, plus à propos une fois qu'autre, comme on voit en Ale-

xandre, & depuis en Jules Cesar le plus renommé Capitaine de tous les Romains. Quittant donc les autres, je prendray François de Gonzague, duquel icy je vous represente le portrait, tel qu'il a esté tiré du cabinet de tres-vertueux Prince Louys de Gonzague, Duc de Nivernois & de Rethelois. Ce Prince estoit fils de Federic premier & de Marguerite de Bavieres, & nâquit l'an 1466. Il n'avoit encore que dix-huit ans, quand il succeda à son pere. Il estoit d'une belle grande taille, fort & robuste merveilleusement, d'un port hautain, mais avec ce, doux & affable, avec de gros yeux vifs & étincelans, temperez d'une fierté & douceur tout ensemble, tres-adroit aux armes, en toutes sortes de combats tant à pied qu'à cheval, & fort endurcy au travail autant que nul autre : à quoy luy servit beaucoup le continuel exercice (pendant qu'il jouïssoit de la paix) de la chasse & de la volerie, entretenant à cette fin un grand nombre de chiens & plus de cent pieces d'oiseaux de leurre. Quant au haras qui a esté de longuemain le plus celebre à Mantoue qu'en nul autre endroit de la terre, & dont il

62 *Histoire des ſcavans Hommes,*
ſ'eſt tiré le plus & les meilleurs chevaux, il l'accrut juſqu'à mille jumens d'élite avec des eſtallons recherchez de toutes les plus exquiſes races & engeances, meſmement de Courſiers, Genets, Turcs & Barbes. Si bien que le Turc faiſoit fort grand cas de ceux, qu'il luy faiſoit tenir quelquefois, & en recompenſe luy renvoyoit des jumens & chevaux meſme de la Natolie, qu'ils ne laiſſent pas volontiers ſortir hors de leurs païs. S'il fut excellent Capitaine, prompt, hardy & vaillant de ſa perſonne, ſage, ruſé, vigilant & heureux: l'experience & les effets en porterent aſſez ſouvent témoignage, dont il vint tout à coup à une telle reputation, que n'ayant encore que vingt-fix ans, il fut du conſentement de tous élu Chef, pour l'oppoſer au paſſage du Roy de France Charles VIII. de ce nom, & en l'âge de vingt-ſept ans créé General de l'armée des Venitiens à la journée de Fornouë, où par ſon ſeul effort & vertu il empêcha que tout n'alla en déroute. Incontinent apres il alla au ſecours du Roy Dom Fernand, avec deux mil quatre cens chevaux des forces communes, & mil des ſiennes particulieres. L'an

mil quatre cens nonante-huit l'Empe-
reur Maximilien le fit son Lieutenant
general en Italie, & le Duc de Milan
quant & quant de tout son Estat : mais
l'année ensuivante le Roy Louis XII.
du nom, ayant pris Milan, le fit Che-
valier de son Ordre, & luy donna cent
hommes d'armes, avec douze mil écus
de pension. Si bien qu'en l'année mil
cinq cens trois, les François ayant esté
rompus à la Cerignole par Consalve
Fernandes, surnommé le grand Capi-
taine, le demeurant se retira à Caiette,
qui ayant esté fort étroitement assiégé,
le Marquis François fut élu pour leur
aller faire lever le siege, lequel rem-
barra bravement les Espagnols jusques
au delà de la riviere du Garillan : Et
ayant fait un pont dessus, leur alla pre-
senter la bataille, qu'ils ne voulurent
accepter. Là-dessus ayant esté surpris
d'une forte maladie, il fut contraint se
retirer à Mantouë, dont tout soudain,
apres, les affaires allerent tres-mal.
L'an mil cinq cens six le Pape Jules le
fit General de ses forces pour aller,
icelles jointes avec le secours des Fran-
çois, conquerir Bologne, qui apres
le temps de dix jours luy fut renduë.

Sur ces entrefaites , Gennes ſe revolta de l'obeïſſance du Roy , qui y alla incontinent. Et pour ce que le baſtillon d'enhaut, qui commande à toute la ville, ſembloit la plus importante & forte entrepriſe, le Marquis eut la charge de l'afſaillir avec ſes gens , où avant eſté bleſſé en pluſieurs endroits, il l'emporta, nonobſtant cela, du premier aſſaut à la veuë de toute l'armée, & le lendemain Gennes ſe rendit au Roy, lequel au partir de là ſ'entre-vit avec celui de Naples à Savonne, où fut entrepris la guerre contre les Venitiens : à laquelle ſe liguèrent enſemble le Pape, l'Empereur Maximilien, le Roy, & le Roy de Naples, & fut cette ligue depuis confirmée à Cambray le 10. jour de decembre 1508. Cependant les Venitiens n'oublierent recherches, offres ny promeſſes aucunes envers le Marquis, pour l'attirer à leur party, à quoy il ne voulut entendre, ny ſe retirer de la fidelité promise au Roy, combien qu'il eut beaucoup à craindre d'eux , & les redouter pour la prochaineté du voiſinage, qui devoit bien luy donner à penſer & faire entendre, que ces citoyens de S. Marc, pour rappeler le Marquis en ſes terres,

ne manqueroient à courir sur ses païs. De fait, ils dépêcherent Barthelemy d'Alviano, pour faire la course de ses terres. mais il fut si bien receu, qu'il fut contraint se sauver jusqu'à Cremonne. Là dessus les François ayans passé la riviere d'Adde, le Roy y estant en personne avec deux mil hommes d'armes & quinze mil hommes de pied seulement les Venitiens furent défaits, qui avoient quinze cens hommes d'armes, deux mil chevaux legers, & vingt-cinq mil hommes de pied, le 14. jour de may 1509. Après nostre marquis s'en alla à Verone pour y ordonner les affaires, & à Vicence par mesme moyen avec cent chevaux-legers Italiens, estans à la solde du Pape sous la charge du Seigneur Louys de la Mirandole. Ce marquis les voyant chargez trop brusquement par l'ennemy, soudain accourut au secours, & se trouva enfin mal suivy & enveloppé d'une si grosse foule de gés, qu'il fut mené à Lignage avec un grand triomphe par les Venitiens, qui pensoient estre victorieux, de ce qu'ils estoient saisis de la personne de celuy, lequel aux dépens de leur honneur, leur avoit si souvent fait sentir l'effort

66 *Histoire des sçavans Hommes,*
de son bras. Toutefois ils ne jouirét pas
long-temps de cét heur, parce qu'il fal-
lut qu'ils relâchassent bien-tost apres le
prisonnier, le Pape s'estât accordé avec
Venitiens, & par mesme moyen fut le
Marquis créé grand Gonfalonier de
l'Eglise, comme eux aussi l'éleurent
General de leurs forces, le tout contre
le Duc de Ferrare, dont le Pape desi-
roit s'emparer. Et là dessus intervien-
rent tout plein de grands remuëmens,
jusques à ce qu'apres la bataille de Ra-
venne par la negociation de Gritti, ar-
resté prisonnier à Bresse, le Roy se rap-
pointa du tout aux Venitiens un peu
avant son deceds l'an mil cinq cens
quinze. François premier de ce nom
luy ayant succédé l'année ensuivante,
détit les Suisses à Marignan, & recon-
quit le Duché de Milan. Celle d'apres
il fit recouvrer Bresse ausdits Venitiens,
puis Verone l'autre ensuivante. A tou-
tes lesquelles grandes affaires & ex-
ploits de guerre le Marquis participa,
& fut employé d'une part ou de l'aut-
re, avec une loüange & reputation
immortelle. Finalement, apres tant de
belles & dignes choses, l'an mil cinq
cens dix-neuf, il passa de cette vie à une.

plus heureuse , laissant trois enfans de luy & d'Isabelle , fille du Duc de Ferrare , à sçavoir Federic , Hercules & Ferrand. Hercules fut Cardinal, l'honneur de son Ordre , la douceur & amour de son siecle Prince tres-sage, affable, benin , magnanime , liberal , docte & religieux , lequel presida comme premier Legat au Concile de Trente , qui vint à estre clos de tous poincts un peu apres qu'il fut decedé. Federic II. de ce nom, cinquième Marquis & premier Duc de mantouë , comme fils aîné , succeda à l'Estat, âgé de dix-huit ans seulement, tout ainsi qu'avoit fait feu son pere. Et neantmoins tout incontinent il fut creé Capitaine General de l'Eglise par le Pape Leon dixième du nom , & par mesme moyen de la grande Republique de Florence. Esquelles charges il ne degenera pas de la vaillance & experience au fait des armes de feu son pere & de ses Ancestres. Puis l'an mil cinq cens trente le marquifat de mantouë fut erigé en Duché par l'Empereur Charles cinquième, & dix ans apres , à sçavoir l'an mil cinq cens quarante, il trépassa de ce siecle , laissant trois fils de luy &

68 *Histoire des sçavans Hommes,*
de madame marguerite Paleologue, fille
unique de Guillaume marquis de Mont-
ferrat, décendu des Empereurs de Con-
stantinople & des Rois de Jerusalem,
Cypre & Thessalonique, & de madame
Anne d'Alençon, du sang Royal de
France, François, Guillaume & Louys
& sa femme enceinte de Federic Posthu-
me, qui mourut l'an 1565 ayant dé-
jà trois ans auparavant esté fait Cardi-
nal. François âgé seulement de cinq ans
luy succeda, & à celui-cy estant mort
sans enfans, Guillaume & l'autre ayans
épousé deux des filles de l'Empereur
Ferdinand, & sœurs de Maximilian
dernier mort. Louys est Duc de Ni-
vernois & de Rethelois à present, du-
quel je serois tres-content de publier la
suffisance, integrité de vie, zele tres-
fervent, tant au service de Dieu & du
Roy, qu'au bien de cette Couronne.
mais ce qu'il vit encore me ferme icy la
bouche, & m'empesche suivant mon
premier dessein de passer outre en cet
endroit. Joint qu'il sembleroit que je
voulusse essayer à borner la fidelité &
vairantise d'un tel Seigneur, lequel ne-
cesse d'emmonceler tous les jours une
infinité d'exploits heroïques, dignes

Francois de Gonzague CH. IV. 69
d'immortaliser ſa renommée à tout ja-
mais. Il vaut mieux que ſur la fin de
ce diſcours je propoſe l'Eloge qui a eſté
dreſſé à l'honneur & loüange de noſtre
François Gonzague.

O D'ITALIA ſplendore & ornamento,
Che già quanto vivevi imperio haveſti
La dove il Mincio ha le ſue rive ombroſe,
Da me ſempre haurai tu domi & honore.
Mentre io ricordero me ſteſſo, & mentre
Che queſte membra reggerà lo ſpirito.
Salve vero & gentil figlio di Giove,
Tu veramente ſei quel ſag gio & grande,
Ch' anzi gli anni il penſier virile havendo,
Animo accreſci à noi col tuo corrag gio.
Tu carco d'armi a guiſa li torrente
Le ſchiere abbati de' nemici tuoi:
Bancheggian tutti: & fa memoria eterna
Napoli del grande oblige, che t'have:
Che per cagion della tua deſtra invitta
Torno à ſeder nel ſuo bel ſeg gio antico.
Her che diro di quelle ſpoglie opime
Che pende an i tuoi tetri? & con quali lode
Pareggiero, i tuoi meriti, o fior del mondo,
Gloria & honor de gli homini honorati?
Tua cura fu nodrir cavalli illuſtri,
Ch' acquiſtaſſero ogn' hor premi & corone,
Tu ſei tutto l'honor de tuoi, tu giuſto,


70 *Histoire des ſcavans Hommes,*
Tu liberal verſo gli afflitti, i quali
Et di patria, & di caſa tu conſoli :
I tuoi doni oltra ciò a' avorio & a' oro
Ti fecer grato (côme ogniun confeſſa)
Al gran Signor de l' Aſia in guerra invitto,
Et a' lontani & fuor del mondo Ingleſi.
Salve o padre d' Italia, o gran guerriero,
Felice per tuoi figli, ſe i miei verſi
Potran nulla giamai, l'honneur, il nome,
Et le tue lodi ogn' hor vivrano al mondo.

Il ſeroit impoſſible à Appelles de tirer mieux au vif les traits naïfs du viſage de ce guerrier Gonzague, que ſont icy exprimées ſes vertus, actions & magnanimité, leſquelles comme elles ſont admirables, auſſi me fais-je entendre, que quelques-uns n'euffent point fait de conſcience de les revoquer en doute, & eſtimer, que puis qu'elles n'eſtoient ordinaires au reſte des hommes, il n'eſtoit pas neceſſaire de croire ce qui ſurpaſſoit la commune expérience. Cela a eſté cauſe que je me ſuis un peu au long étendu, & (par maniere de dire) que j'ay eſté ſur les lieux pour vérifier chacun des articles qui eſtoient icy couchez, afin que ceux qui auroient eu quelque envie de ne pas croire ce

qui est raconté de ce marquis, fussent honteux d'en douter, apres en avoir esté si aisément & manifestement advertis. Restoit icy à specifier la memoire du puisné des trois enfans de nostre marquis, nommé Ferrand : mais parce qu'ailleurs je luy ay donné place en cette œuvre, je n'ay pas voulu en entamer le propos, crainte que j'avois que cette ouverture ne tirast en trop ennuyeuse longueur ce discours, ou que je tombasse en redites. Non que la dignité de ce personnage ne meritât qu'on luy desfeignast plusieurs histoires. Ausquelles j'eusse entendu, si ou nostre premier sujet nous y eût appelé ou que j'eusse senty ma plume suffisante, propre & capable pour achever une entreprise de si haute liste.









*LOUIS DE LA TRI-
MOVILLE .*



LOVYS

DE LA

TRIMOVILLE.

CHAPITRE V.

LE m'accorderay toujourns, & seray de mesme opinion de ceux qui maintiennent ce paradoxe autrefois si asseurement soutenu par les Stoïciens, & autant courageusement oppugné par toutes les autres sectes des Philosophes, sçavoir que la vertu est contente de soy-mesme, qu'elle ne souffre simulation, qu'elle ne s'amoinrît pour quelques occasions qui se presentent, qu'elle ne cherche aussi d'estre avancée par moyens illicites, & qu'estant pressée & par infortunes abaissée elle reverdit de plus en

74 *Histoire des ſçavans Hommes,*
plus. Bref, l'homme vertueux pour
quelque accident qui ſe puiſſe preſen-
ter, pour quelque vent & orage qui
ſouffle, pour quelques flots qui s'éle-
vent, jamais ne s'émeut non plus que
feroit un rocher, & ſi nous voulons uſer
de la Sentence d'Horace.

*Bien que le Ciel à une etorce nouvelle
Se culbutant, & la rage cruelle
D'un lourd chaos troublant cette rondeur,
Cauſaſt cy-bas crainte, peine & horreur:
Le vertueux neantmoins immuable
Ne fléchira, mais ſera perdurable.*

Or ſur tous les accidens de mauvaiſe
& mal - encontrée déconvenue, qui
pour ce jourd'huy ſemblent plus vive-
ment eſpraindre ceux qui s'achemi-
nent au Temple de vertu, & ſe prepa-
rent par divers trophées, loger leur
nom en iceluy, ou le graver au dos de la
memoire eternelle, me ſemble eſtre la
diſgrace que recevons de ceux deſquels
avons bien merité : c'eſt à dire au lieu
d'obtenir le ſalaire digne de nos œu-
vres vertueux recevoir blaſme, & eſtre
ſujet à la dent des envieux. Autre cauſe
n'incita Cariolan, Themistocle, & tant

d'autres braves Capitaines de s'armer contre leur patrie, sinon qu'au lieu d'estre honorez de leur Republique, furent chassés, condamnez & moquez. La vie de ce grand Capitaine Louys de la Trimouïlle (surnommé le vray corps Dieu, pource qu'il usoit ordinairement de cette forme de parler) doit estre un vray parangon & modelle, sur lequel tous Seigneurs & vaillans guerriers, qui font mestier de suivre la Cour des Rois, se doivent conformer & tailler la condition de leur vie & estat. Car il persista plus constamment au service de son Roy, lors que tous les Princes & grands Seigneurs estoient bandez contre luy ? Qui s'effaroucha le moins de voir parvenir à la Couronne des François celui, lequel il avoit eu son prisonnier, & possible l'avoit traité assez rigoureusement ? Qui sceut jamais plus prudemment appaiser les flots, pendant que le Royaume de France estoit assailly de toutes parts, & occupé en plusieurs & differents endroits, sembloit estre la proye des ennemis ? Mais pour en parler plus amplement, j'ay resolu de tracer icy un bref & succinct discours de ses vertus &

76 *Histoire des sçavans Hommes,*
actions plus memorables. Donnons-
luy entrée de plus haut, & n'oublions
à la rehausser par la grandeur & dignité
de ses ayeuls & de ses Royales allian-
ces. Pour prouver donc l'antiquité,
noblesse & puissance de la Maison de
la Trimouille, ne devroit suffire le pro-
verbe commun, qui court par le pays,
appellant les Seigneurs de cette mai-
son, les petits Rois de Poictou. Mais
ne m'appuyant sur tel dire (encore que
jamais ne soit feu sans fumée) je com-
menceray, pour ne m'embroüil er, à
ce tres-vaillant Iean de la Trimouille,
Seigneur de Ionvelle, auquel le Duc
Philippes le Bon fit cét honneur, que
de l'élire l'un des premiers de ce tres-
renommé Ordre de la Toison, ce qu'il
n'eut fait si la race & la vaillance n'euf-
sent esté concurrentes en luy. Je donne-
ray le second lieu à ce Seigneur de la
Trimouille, lequel au commencement
du regne de Charles VII. entra en tres-
grande authorité & au principal manie-
ment des affaires, gouvernant le Roy
& les faicts du Royaume: & speciale-
ment lors qu'il se mit en chemin pour
se faire sacrer. Auquel temps dispoit
des armées, des villes & autres occur-

Louys de la Trimouille. Ch. V. 77.
rences, dont il fut fort ennuyé du Con-
nestable, & de plusieurs Seigneurs &
Capitaines. De sorte que quelque temps
apres, le Roy estant en son Chasteau de
Chinon, & le sieur de la Trimouille
avec luy, entrerent en iceluy quelques
grands Seigneurs, suivy d'un grand
nombre de gens-d'armes, qui se trans-
porterent droit en la chambre dudit de
la Trimouille, où ils le prièrent, & le
tinrent depuis longuement prisonnier.
Et par ce moyen l'on voit que ce n'est
pas de nostre temps seulement que les
Rois sont mal servis, à cause des en-
vies des grands, qui se défiants les uns
des autres, ou bien voulans faire leur
profit du temps, jouient à boute-hors,
afin que l'absence des uns soit l'avance-
ment des autres, le Roy & le public
payant neantmoins l'écot de telles dé-
penses envieuses. Laissons ce discours,
& venons à Louys de la Trimouille,
duquel je represente icy le portrait,
lequel, d'autant qu'il surpassoit en fa-
veur, autorité & grandeur ses pre-
decesseurs, fut aussi estimé digne de
l'alliance Royale, épousant Gabrielle
de Bourbon, fille de Louys Comte de
Montpensier, & sœur de Gilbert aussi

78 *Histoire des sçavans Hommes,*
Duc de Montpensier. Toutefois il ne faut estimer que ce mariage fut fait par faveur aucune , d'autant que le Roy Charles huitième advenant à la Couronne, le choisit principalement, comme celuy auquel il se fioit des plus secretes & hautes affaires du Royaume. Et de fait , comme Louys douzième Duc d'Orleans, le Duc de Bretagne, Ducs de Bourbon , Comte de Dunois, Prince d'Orange, & plusieurs autres Seigneurs se fussent élevez & déclaré la guerre à sa Majesté se couvrans du voile ordinaire, duquel ont de coûtume se targuer ceux qui le plus souvent mal - advertis du dû de leur charge, prennent plaisir à s'envelopper du mes-adventure manteau des mal-contens, le Roy ordonna Louys de la Trimouille son Lieutenant general, lors âgé de vingt-six ans seulement, pour aller en Bretagne , où s'assembloient les confederez, & mettre tout le pays entre ses mains. En laquelle expedition il occupa une grande partie d'iceluy, & enfin contraignit les allies de combattre en la bataille, qui leur fut livrée près S. Aubin du Cormier, où il obtint la victoire. En laquelle le

Duc d'Orleans fut pris prisonnier & conduit au Chasteau de Luzignan, & finalement transporté en la grosse Tour de Bourges. Apres cette bataille, la Trimouille voulant poursuiure la conqueste du Duché de Bretagne, luy fut remontré que le Roy n'y avoit aucun droit, au moyen dequoy il ne passa outre, mais il en remit le different au Conseil du Roy, sans vouloir contre droit & sa conscience forcer les innocens, & piller un peuple non coupable. Quelque temps apres le Roy estant demeuré paisible, & ayant entrepris avec tres-grande affection le voyage d'Italie, pour la conqueste de Naples, les Historiens nobmettent de nous reciter combien ce brave Seigneur y fit son devoir, & comme il fut député pour attirer en alliance & confederation le Pape Alexandre VI. en quoy il acquit un honneur tres-grand, attendu que la chose ne sembloit facile à effectuer. Ce seroit chose trop longue de vouloir décrire ses autres faits d'armes, conseils & manières, mesme à la bataille de Fornoue, au milieu de laquelle estoit le Roy, armé de toutes pieces, la Trimouille prés de luy, pour gouverner l'armée Les harangues

80 *Histoire des ſcavans Hommes,*
par luy proferées és plus grandes diffi-
cultez : Le ſecours par luy mené en la
Tofcane, les advertiſſemens contre les
ruſes Italiennes ſont auſſi ailleurs aſſez
amplement diſcouruës ſans en faire icy
un abrégé. Doncques eſtant Charles
VIII. decedé, & luy ſuccedant Louys
XII. Duc d'Orleans mis par la Tri-
moüi le priſonnier, comme dit eſt, le
Roy fut perſuadé par quelques flatteurs,
envieux de ſe vanger de luy pendant
que l'occaſion ſe preſentoit : à quoy il
fit réponſe : Il n'eſt pas bien ſeant ny
convenable à un Roy de France vanger
les injures faites au Duc d'Orleans, &
moins ſ'en reſſentir & reſſouvenir. Au
contraire le receut en grande amitié,
& connoiſſant qu'il eſtoit prudent,
hardy & heureux en ſes entrepriſes, le
dépéſcha en Italie avec le titre de Capi-
taine general, pour autant auſſi que
d'un conſentement univerſel on luy at-
tribuoit au Royaume de France le pre-
mier lieu, quant au faiſt de la guerre,
l'evenement ſ'enſuivit tel qu'on l'eſti-
moit. Car en bien peu de temps, il re-
conquiſt le Duché de Milan, & trouva
moyen de prendre Louys Sforce, dit le
Maure, & enſemble pacifia le païs Mi-

Louys de la Trimouille. Ch.V. 81
lannois, & à cette cause fut receu hon-
norablement & avec grand honneur
par le Roy. A luy-mesme depuis don-
na charge pour aller au recouvrement
du pays de Naples, mais il fut si grié-
vement malade, qu'il fut contraint re-
tourner demy-mort. Pour specifier la
vertu & vaillance que nostre petit Roy
Poictevin montra en la bataille con-
tre les Venitiens, il seroit requis faire
un ample discours de cette guerre, car
quel endroit fut sans luy? quelle char-
ge sans son advis? quelle entreprise sans
sa personne? Que diray-je plus, sinon
que le Roy Louys XII. qui estoit pre-
sent en cette bataille, voulut que Louis
de la Trimouille fût avec lui, & que sous
son autorité & commandement il eut
à conduire l'effet & maniement de cet-
te journée. Et pour cette cause com-
manda à tous les Capitaines de luy
obeïr comme à luy-mesme. Aussi mit-
il toute diligence à bien gouverner &
mettre par ordre les gens d'armes, sça-
voir nouvelles des ennemis, estant jour
& nuit à cheval, visitoit le camp du
Roy, alloit voir asseoir le guet du soir,
& de la minuit, puis alloit découvrir

82 *Histoire des ſçavans Hommes,*
à l'entour du camp Venitien : Bref il
eſtoit à toute heure à cheval & par pays
au danger de ſa perſonne. Ce fut luy,
lequel accompagné de Charles ſon fils,
Prince de Talmont, ſecourut l'avant-
garde oppreſſée de l'ennemy, & preſte à
tourner en fuite, & par conſequent
cauſe de la ruyne des ennemis, l'hon-
neur principal de cette défaite luy en
demeurant. J'ay leu certains memoires
écrits par homme digne de foy, qui
aſſiſta à la bataille, qui témoignent que
le ſieur de la Trimouille & ſon fils ga-
gnerent la journée, & que ce jour trois
chevaux furent recreus & laſſez ſous
ledit ſieur, dont le tiers fut bleſſé d'un
coup de lance, dequoy il mourut. Je
laiſſe à parler de l'humanité, de laquel-
le il uſa envers le ſieur d'Almenne,
chef de l'armée Venitienne pris pri-
ſonnier. Le Roy Louys ayant par ce
moyen refrené l'audace des Venitiens,
occupateurs de pluſieurs villes, pays &
ſeigneuries, qui ne leur appartenoint,
au profit de tous les Princes Chreſtiens,
tant s'en faut qu'ils luy en fiſſent di-
gne reconnoiſſance, qu'au contraire
craignans ſa puiffance & le bon heur
qui le ſuivoit pas à pas, s'allierent &

firent ligue ensemble, & passans outre l'aissallirent de toutes parts. L'Espagnol occupant partie du Royaume de Navarre, l'Anglois se saisissant de Tournay, Montreuil & Theroüenne, les Suisses le travaillerent encores d'avantage, d'autant que les Cantons desirans affectueusement que le roy renonçast au droit qu'il pretendoit au Duché de Milan, entrerent en la Duché de Bourgogne jusques au nombre de vingt mil hommes de pied & mil chevaux, outre la gendarmerie de la Franche-Comté & quelques chevaux Allemans, incitez de ce faire par le Pape Iules II. & Maximilian Empereur, & s'allerent camper devant Dijon ville capitale de Bourgogne, qui n'estoit lors remparée ny fortifiée en sorte quelconque. Toutefois à la premiere furie la vertu des hommes servit de muraille & rampart. Le Seigneur de la Trimouille qui y commandoit, se voyant hors d'esperance de secours, pour estre l'Empereur en Picardie avec ses forces, eut recours au derniers remedes, sçavoir de pacifier les Suisses, qui demandoient certain grand nombre

84 *Histoire des ſcavans Hommes*,
d'argent qu'ils diſoient leur avoir eſté
promis par le Roy, lors de la priſe de
Milan, & de Louys Sforce. Ce que le-
dit de la Trimouille leur accorda, ſans
attendre commiſſion du Roy, avec con-
ditions toutefois de prime face aſſez
étranges, pour l'obſervance deſquelles
il bailla pour hotage le ſeigneur de
Meſieres ſon propre neveu. Duquel
traitté & accord le Roy & la Reyne
ſon eſpouſe furent de prime face mal-
contens de la Trimouille : mais apres
avoir le tout conſideré, connurent qu'il
avoit fait le plus grand ſervice au Roy
& au Royaume qu'on euſt ſçeu faire
pour lors. Ce que deſſus fut fait du
Regne de Louys douzième, & toute-
fois ſon autorité ne diminua en rien à
l'advenement du Roy François à la
Couronne, quel ſigne de faveur plus
grande que d'eſtre employé és affaires
les plus urgentes & neceſſaires, & in-
continent eſtre envoyé Gouverneur ge-
neral tant en Picardie, Bourgogne, Mi-
lan qu'autres endroits, & meſme à la
bataille de Marignan, où fut tué Meſſire
François de la Trimouille ſon fils uni-
que. Et enfin pour cōble de ſon hōneur,
ne faillir de ſe trouver avec les autres

Princes & Seigneurs François, à ce glorieux liët d'honneur, sçavoir de la bataille de Pavie, encore qu'il luy fit mal de quitter Milan, qu'il avoit prise sur les ennemis. En laquelle il fut tué combattant autant ou plus hardiment que Chevalier qui fust en la troupe, sans jamais se vouloir rendre, quoy que le Roy le priaist ne s'exposer si fort au hazard de cette entreprise. Ainsi il mourut âgé de soixante & quinze ans, vendant sa mort fort cherement aux ennemis. Son corps estant conduit en France fut posé au monument de ses pere & mere, qui est en la chapelle du Chasteau de Thoüars. Duquel lieu tres vertueuse Dame Jeanne de Montmorency, veuve de deffunt Louys de la Trimouille m'a envoyé le present pourtrait, tel qu'il se void encore sur les lieux élevé en marbre blanc, revestu de sa cotte d'armes qu'il portoit sur ses armes és batailles, rencontres & prises des villes, & forteresses.







JEAN-LACQUES TRIV-
ULSE MILANNOIS.



JEAN IACQUES

TRIVVLSE MILANNOIS.

CHAPITRE VI.



A perle des Capitaines les plus signalez en bravoure, qui soient de ce siecle, partis de l'Italie est icy proposée en ce chapitre, & qui a pris le principal lustre de sa splendeur par ses ennemis mesmes, tât il a eu la fortune à propos, qu'encore que l'appuy de ses parens ne luy peût que bien peu donner d'esperance, d'ayde & support, il a sceu neantmoins se parer des traverses, que ses ennemis luy faisoient avec telle adresse, qu'il leur a fait tomber sur leur front la honte & confusion, dont ils pensoient

l'accabler. Et semble que le meurtre de Jean Marie Prince de Milan , dont on l'accusoit , luy ait appresté occasion de sortir hors de son païs pour se rendre parfait & exercé aux exploits belliqueux. Il s'y façonna si bien , qu'Alphonse Roy de Naples ne sceût trouver homme plus capable pour regir , ranger , moderer & gouverner son armée que ce Capitaine Milannois , qui aussi depuis eust pour disciples les plus vaillans & heroïques Chevaliers de nostre temps , lesquels il avoit si bien instruits aux armes , que son Gaston de Foix , & autres Escoliers ne l'osoient qualifier d'autres dignitez que de Maistre & Precepteur. Après qu'il eust demeuré là quelque temps , par dépit de Louys de Sforce , quitta le party du jeune Ferdinand , alla armé à Calvy trouver le Roy Charles VIII. luy offrir son service & de plusieurs Capouïans , le suppliant vouloir l'accepter avec bonnes & avantageuses conditions. Ce qu'il fit , & dès cette heure connoissant qu'il estoit chef du party de Guelphe à Milan , & qu'il avoit l'esprit fort éloigné de Ludovic , le retint à sa solde avec cent lances & une honorable pension :

apres

Jean Jacques Trivulſe, Ch. VI. 89
après il luy laiſſa en l'an mil quatre-
cens nonante-cinq, le gouvernement
du Duché de Milan, tant ſe fioit-il en
ſa vaillantife, mer te & à l'inimitié,
qu'il portoit à Louys Sforce, & faction
Gibeline. Là il ne ſe peut comporter au
comportement des deux partis, dau-
tant que le peuple preſumoit que la
nouvelle domination du Roy Charles,
luy apporteroit exemption de daces, &
pourtant vouloit ſe bander à l'encontre
des Officiers & de noſtre Milannois,
qui eſtoit homme fort remuant, mais
ce qui decouvre encore davantage quel
credit avoit le ſieur de Trivulſe à l'en-
droit du Roy, eſt qu'au traité de Ver-
ceil, par exprés eſtoit couché, que Jean
Jacques de Trivulſe ſeroit abſous du
ban auquel il avoit eſté condamné, &
que tous ſes biens luy ſeroient rendus.
Sur tout il avoit la convoitiſe d'hon-
neur tellement empreinte dans ſon
cœur, que pour pouvoir parvenir au
but de ſon ambition, il mettoit (com-
me l'on dit) tout bois en beſogne. Et
luy vint l'heur ſi à ſouhait, que le Roy
Charles eſtant decedé, il ne fuſt pas
ſeulement continué aux faveurs & di-
gnitez qu'il tenoit par Louys, mais eût

90 *Histoire des ſçavans Hommes,*
commandement en la ville d'Aſt (la-
quelle il fit ſemblant d'avoir acheté du
Duc d'Orleans) & charge avec Meſ-
ſieurs de la Trimouille & Ligny, de mil
cinq cens lances, dix mil hommes de
pied Suiffes, & ſix mil des Sujets du
Roy qui avoient eſté levées par M. de
la Trimouille: de cette charge il ſceût
ſi bien faire ſon profit, qu'il ne chaffa
pas ſeulement Louys Sforce ſon enne-
my mortel de Milan, mais le rendiſt
prifonnier à Lyon, où le Roy eſtoit,
où il demeura dix ans detenu & captif
dans la Tour de Loches. Pour recom-
penſe d'une telle & ſi avantageuſe pri-
ſe, le Roy l'accréût en grandes digni-
tez, honneurs & penſions, le crea Ma-
reſchal de France. Et ſi pour cela ne
peut encore raffasier ſon ardeur ambi-
tieuſe; car de plus en plus il deſiroit
ſ'avancer en honneurs, comme il dé-
couvrit bien par le ſerment qu'il fit,
jurant apres la mort de M. de Chau-
mont, que jamais il n'iroit aux armées
Françoïſes, où autre euſt pouvoir de
luy commander que le Roy meſmes.
Si ſçavoit-il bien fonder le guet ſi à
propos, qu'il ne vouloit rien tenter
temerairement, & eſpant quelque

meilleure occaſion de ſ'avaneer, encore que ſon eſtat de Mareſchal, par les Statuts de France, luy acquiſt le gouvernement de l'armée, apres la mort du Chef, il n'oſoit rien aſſayer de conſequence, pour la crainte qu'il avoit qu'on ne luy continuaſt le gouvernement; toutefois apres qu'il fuſt mieux r'aſſeuré pour étancher un peu le feu d'ambition, dont il brûloit, au commencement du mois de May, il mît avec mille deux cens lances & ſept mil hommes de pied, le camp devant Concorde, laquelle il euſt le meſme jour, pour autant que les Bourgeois de la ville reconnoiſſans la vertu valeureuſe de ce rare Capitaine, oyans ronfler l'artillerie, ne peurent avoir courage de ſoutenir longuement, ils luy envoyerent Ambaſſades pour ſe rendre, & leur ville à ſa mercy, puis qu'ils n'avoient moyen de luy reſiſter. Et comme il avoit plus le point d'honneur en recommandation qu'aucune autre choſe, ayant abandonné à ſes ſoldats le ſac & pillage de la ville, laiſſa en arriere la Mirandole, & tira à Bon-Port, village aſſis ſur le fleuve de Pavare, pour ſ'approcher des ennemis, qu'il leur coupaſt les

92 *Histoire des ſçavans Hommes*,
moyens d'avoir vivres, & auffi les con-
traignît de déloger, ou de combattre
hors de leur fort. Ce feroit trop long
à discourir avec quelle adreſſe, rufe &
fineſſe cet accort Capitaine les harcela,
& quelles actions furent faites alors
par Gaſton de Foix, qu'il avoit envoyé
à Maſſa avec trois cens hommes de pied
& cinq cens chevaux, pour chargean
Jean Paule Manfron, qui eſtoit-là Si je
coulois icy, ſans dire mot, le recouvre-
ment de Boulogne feroit luy faire tort,
puis que ſans coup frapper, par manie-
re de dire, il ſubjuga le Pape, & y re-
miſt les Bentivoles. Chose étonnante,
comme il eſtoit ſi redouté, les Boulon-
nois dès qu'ils le ſentirent au pont de
Laine luy tendoient les mains, ſoit
pour la crainte qu'ils avoient de tom-
ber en ſon indignation, qui, outre la
perte de la recolte qui eſtoit prochaine,
dont il pouvoit faire degaſt, apprehen-
doient fort de ſoutenir l'effort de
noſtre Milannois, n'yayant en une ville
ſi grande & ſi peuplée plus de deux cens
chevaux legers & mil hommes de pied
pour la déſenſe & garniſon, & ſi pour
la pluſpart du temps ils eſtoient en diſ-
corde. Telles conſiderations & autres

firent ranger les Boulonnois à la reſtitution de la ville, y admirent le Seigneur de Trivulſe, qui penſoit bien attraper le Cardinal de Pavie, Legat de Boulogne, mais le bon-homme ſ'eſtoit déjà ſauvé vers Imole. Par tel moyen les Bentivoles furent remis dans Boulogne, & peu de temps apres Jean Jacques Trivulſe la remiſt en leur puissance, ayant eu de ce faire charge du Roy, qui aima mieux quitter les places qu'il avoit pris ſur l'Egliſe, que d'encourir l'inimitié du Pape. Et encore qu'il euſt couſtume d'emporter la victoire ſur ſes ennemis, il fut ſi ſurpris à Novarre par les Suiffes, qui ſous la conduite du vaillant & indomptable Motin, leur Capitaine ſe rendirent redoutez à tout le monde, pour la magnanimité de leur entrepriſe, le mépris tres-évident de la mort, la hardieſſe incroyable qu'ils montrèrent au combat & l'heureux ſuccès d'iceluy, qui fut tel qu'ils défièrent les François, encore qu'ils fuſſent bien deliberez à combattre, meſme que le ſieur de la Trimouille euſt déjà écrit au Roy qu'il luy rendroit priſonnier le fils de Louys Sforce au meſme lieu, auquel il luy avoit livré le pere, ſ'aſſeu-

tant trop au nombre & adreſſe de ſes cōbattans, ſans ſe défier du pouvoir des Suiffes, qui eſtoient fort priſez d'une telle victoire. Mais ils ne la porterent gueres loin, car elle acharna davantage nos François ſur eux, & principalement le Seigneur Iean Iacques, qui apres leur fit bien ſentir à Milan de quelle roideur ils pouvoient avoir raiſon d'un ennemy, qui leur auroit fait ſupercherie. Il me déplaiſt de parler des courageux & heroïques exploits qu'il fit devant Preſſe, y eſtant envoye de la part du Roy pour gouverner l'armée des Venitiens, dautant que pour s'eſtrè trop avant accroché avec eux, il tomba en la diſgrace du Roy François I. par les moyens que cy-apres nous déduirons. La Seigneurie de Veniſe apres la mort d'Alviane, qui mourut en Breſſe, requiſt le Roy de leur octroyer le Seigneur de Trivulſe pour commander leur armée, lequel ils deſiroient fort, tant pour ſon experience, que pour ſa grande reputation joint que pour l'inclination commune de la faction de Guelphe, il ſeroit beaucoup mieux affectionné au party de la Republique. Dès qu'il fuſt arrivé on commença à

Jean Jacques Trivulſe, Ch. VI. 95
aſſieger Breſſe par l'Ordonnance du
Senat , contre l'opinion de Trivulſe,
qui eſtoit d'avis d'attendre l'armée
Françoïſe. Toutefois l'expérience mon-
tra aux Venitiens qu'il falloit ſuivre
l'avis de leur Capitaine , partant ſe
retirerent à Coccaie , qui eſt à dix
mille de Breſſe. Apres l'armée des
Françoiſ on commença à r'aſſieger la
ville en deux divers lieux. Et l'un des
coſtez eſtoit le camp des Françoiſ ſous
la conduite de Pierre de Navarre. En
l'autre noſtre Trivulſe eſtoit logé avec
les ſoldats Venitiens , qui firent tel de-
voir , qu'encore que les Freſſans ſe
ſoient rendus les Enſeignes d'ployées,
avec l'Artillerie , & tout ce qui leur
appartenoit , ſi eſt-ce qu'on ne peut
luy dérober l'honneur de s'eſtre fort
genereuſement porté en cette rencon-
tre , mais trop au contentement de
la Seigneurie de Veniſe. Car le Roy
commença à ſe déſier de ſa fidelité,
tant à cauſe du ſupport qu'il faiſoit aux
Venitiens , pour l'intereſt de ſa faction
Guelphe, & luy d'autre part ſe ſentoit
fort mal-traité des pourſuites de Mon-
ſieur de Lautrec , qui commandoit à
Milan, de maniere que ſon ambition &

96 *Histoire des ſcavans Hommes,*
impatience luy firent faire des ſurfail-
lies telles qu'elles appreſterent matiere
à ſes envieux de le faire plus mal voir
du Roy, & entr'autres de ce qu'il s'e-
ſtoit fait Bourgeois des Suiffes, comme
ſil euſt voulu eſtre par eux ſupporté
contre le Roy, & par aventure aſpirer
à plus grandes choſes. Pou ſe juſtifier
de ſes calomnies fuſt contraint venir en
France, & ſe presenta au Roy, qui luy
tint une mine aſſez rigoureuse, & luy
fiſt renoncer à ſa bourgeoisie. Peu de
jours apres, eſtant demeuré malade à
Chartres, il paſſa en l'autre Siecle âgé
de 80. ans, & ordonna par teſtament
ſon corps eſtre porté à Milan. Ce qui
fut fait fort honorablement, & par ſon
commandement fuſt écrit ſur ſon ſe-
pulcre. *Icy repoſe Jean Jacques de Tri-
vulce, qui jamais auparavant ne s'eſtoit
repoſé. A ſon honneur & louange plu-
ſieurs ont compoſé des Epitaphes en
Italien, entre leſquels m'a ſemblé bon
choiſir celui qu'icy j'ay inferé.*

*Sono al ſepolcro tuo Trivulzio, intorno
Cita preſe, prigion, regni, & trophei,
Battaglie vinte con oltragio & ſcorno
De gli auverſari, onde ſi illuſtre ſei.
Di cio la tua virtu ti fece adorno,*

Et

Jean Jacques Trivulſe, Ch. VI. 97

Et t'affeſſe al collegio de gli Dei.

Tu uniceſti inimici col tuo ardire:


Et foſti invitto vivo, & nel morire.

S'il y a jamais eu perſonnage , duquel la fortune ait pris plaisir à ſe joüer c'eſt de noſtre Trivulſe, car tantost elle le careſſoit avec heureux ſuccés, & tantost elle l'abaiſſoit, & luy rendoit adverſaires ceux pour leſquels il s'eſtoit employé. Par ce que j'ay propoſé cy-deſſus , on pourra connoiſtre par combien de façons il a eſté pouſſé tantost à droit tantost à gauche. Au commencement la faction Guelphe luy eſtoit adverſaire , apres elle a eſté cauſe de ſa grandeur , enfin elle fait bander le Roy de France contre luy , qui avoit cet heur d'avoir eſté employé au ſervice de trois Rois ; à ſçavoir , Charles huitième , Louys douzième , & François premier. Mais c'eſt la coûtume de tels & heroïques guerriers d'eſtre ſujets aux varietez & inconſtances de fortune, de maniere que je ne m'étonne pas ſi ce ſecond Mars n'a ſceu s'en garentir. Lequel a eu pour compagnon de ſes travaux les plus ſignalez de noſtre France , qui ſe repu-

98 *Histoire des ſçavans Hommes,*
toient à tres-grand heur de la fuivre,
puis que tous ne le pouvoient coſtoyer.
Bien peu d'exploits remarquons-nous
du Seigneur de la Trimouille , de
Charles d'Amboiſe Seigneur de Chau-
mont , du Seigneur de Molcon , de
Candale, de la Paliffe , du Mareſchal
de Gye , de Louys de Luxembourg &
plusieurs autres , qui ne ſoient cou-
ronnez de la preſence de ce Mareſchal
Milannois , mais ſur tous ſemblent
les Sieurs Gaſton de Foix & Yves d'Al-
legre àvoir eſté particulieremēt ployez
à la magnanimité de leur Trivulſe,
de maniere que l'honneur immortel
que le Seigneur de Foix s'eſt par apres
acquis, doit principalement eſtre re-
puté au Seigneur de Trivulſe , qui
pour le façonner & duire aux armes,
l'avoit ſouvent mis a l'épreuve & ha-
zard des ennemis , comme quand il
l'envoya courir avec cent hommes
d'armes , quatre cens chevaux legers
& cinq cens hommes legers juſques
au logis des ennemis. Du Seigneur
d'Allegre on raconte choſes preſque
merveilleuſes de ce qu'il a fait avec
le ſieur de Montpenſier au Chateau
de Naples , en Romagne avec Ceſar

Jean Jacques Trivulſe, Ch. VI. 99
Borgia Duc de Valentinoiſ , & à la
journée de Ceriſoles , qui eſtans par-
venuës aux oreilles du Roy , le mirent
en telle reputation , que bien peu ſ'en
fallut qu'il ne fut étably pour com-
mander aux Florentins contre les Pi-
ſans.









GVILLAYME GONEFIER.



GVILLAVME

GONFFIER, SEIGNEVR

DE BONNIVET, ADMIRAL

DE FRANCE.

CHAPITRE VII.

¶ ¶ ¶ C'EST chose grandement dom-
 ¶ C mageable à une Republique,
 ¶ ¶ quand l'affection particuliere
 ¶ ¶ ¶ éblouit tellement les yeux des
 Grands , qu'ils ne peuvent discerner
 la vertu d'avec le vice, la verité d'a-
 vec le mensonge, & les honnestes dé-
 portemens d'aucuns d'avec la fainean-
 tise & nonchalance de quelques plai-
 santeurs & flatteurs. Car lors que nous
 voyons advenir tel dévoyement en un
 Royaume, c'est chose certaine que
 la totale ruine s'en ensuivra. L'e-
 xemple des Royaumes voisins nous

102 *Histoire des sçavans Hommes,*
touche sur les doigts , & advertit par
leur dommage de veiller en tel cas.
Au contraire nous voyons une Repu-
blique , un Royaume , une Cité , un
College, une famille prosperer & fleurir,
quand les affaires d'icelles sont com-
mises à gens experimentez , adroits &
vigilans, qui les sçavent manier & trai-
ter sagement. Et par tel moyen les Rois,
qui ont bien sceu faire élection de
personnes dignes , & auxquels il se
fioient entierement , s'en sont trou-
vez grandement soulagez , leur peu-
ple supporté , leur honneur conservé,
& puissance augmentée , le Roy Fran-
çois premier du nom , venant à la
Couronne , sceut bien pratiquer ce pa-
radigme : Car voulant mettre ordre
aux Estats & affaires de son Royaume,
il eleût personnes capables , & leur
donna l'administration des hautes en-
treprises. Entr'autres il choisit ce cou-
ple de freres , Arthus & Guillaume
Gonffier (les crayons desquels sont
venus entre mes mains , tels que je
vous les represente , par la faveur de
Messire Louys de saint Gelays , Sei-
gneur de Lançac , tres-vertueux per-
sonnage) faisant l'un , sçavoir Arthus,

Grand Maistre, & celuy-cy Admiral de France, personnage certes bien advisé, prudent, discret, & digne de sa charge, comme depuis il a fait paroistre en plusieurs executions, tant aux armes, que matieres de conseil. Chacun sçait, & l'effet l'a démontré, combien dextrement il sceut executer sa commission & voyage d'Angleterre, faisant une étroite alliance entre les deux Majestez, avec traitez de mariages: En encore depuis, comme par son moyen fut accordée une entreveuë entre ces deux grâds Monarques de France & d'Angleterre à Ardres, afin qu'en personne, ils pûssent confirmer l'amitié contractée entr'eux par leurs Deputez. En laquelle entreveuë fut advisé de leurs affaires particulieres, ayant le Roy seulement avec luy, l'Admiral Bonnivet, moyenneur de cet accord, & le Chancelier du Prat, pour luy servir de Conseil: mesmes on ne traitta alors que de la confirmation de ce qui s'estoit déjà passé entre le Cardinal d'York & nostre Admiral. Et s'il y a bien plus que l'entreveuë de ces deux Rois fut pour leur égard pour la pluspart passée en pompes, tournois, jeux & passe-temps,

104 *Histoire des ſçavans Hommes,*
tandis que ceux de Bonnivet & du Prat
diſcouroient des affaires d'Eſtat avec
le Cardinal d'York & les Ducs de
Nortfok : Je laiſſe comme pendant le
voyage du Roy à la conquête de Mi-
lan, il entretint en paix les peuples de
la Guyenne, ſujets à rebellion, meſ-
mes au temps que l'Eſpagnol le mena-
çant, faiſoit ſes preparatifs pour y deſ-
cendre. Ce ſeroit choſe trop longue
de vouloir retirer les hauts fauts d'ar-
mes, & ſubtile dextérité, dont il ſe
fit renommer au voyage de Navarre,
occupant quaſi tout le Royaume, &
ſpecialement Fontarabie, eſtimée im-
prenable, où veritablement il acquit
une reputation fort grande, tant pour
avoir réparé la honte du Seigneur de
l'Eſpare, que pour avoir fait en douze
jours les approches, battu & aſſailly
la forterefſe de Fontarabie, en laquel-
le commandoit Dom Diego de Vera.
Au lieu duquel il mit pour Gouver-
neur le ſieur de Saint Bonnet, & toſt
apres celuy-cy laiſſant la charge, on la
donne à Meſſire Iacques d'Aillon Sei-
gneur du Lude. Et comme en cette ex-
pedition il uſa de l'Apophtegme Grec,
lequel diſoit que quand la peau d'un

Lyon ne pût suffire, on y doit coudre la peau d'un Renard, voulant dōner à entendre que là où par la force on ne peut atteindre les ruses de guerre suplēēt au défaut. Ce poinēt icy m'a reduit en memoire ce que j'avois quasi oublié, c'est à sçavoir, que cet Admiral, au grand danger de sa personne, & en habit dissimulé, fut envoyé en Allemagne pardevers les Eleēteurs de l'Empire, pour leur faire entendre la volonté du Roy, & l'amitiē qu'il leur portoit. Que s'il n'obtint ce qu'il demandoit, ce ne fut faute de bon devoir, peine, soucy, & desir de s'acquitter de sa charge. Depuis toutes affaires passans par ses mains, sembloit estre la seconde personne du Royaume. Car comme le Roy eût deliber de passer les Monts pour la seconde fois, à la conquēte du Milannois, il laissa le gouvernement tant des armées constituées aux frontieres pour resister aux ennemis, que des autres compagnies qui se levoient de jour en jour, & aussi pour avoir l'œil sur les desseins de Monsieur de Bourbon, & autres Imperiaux, qui dressoient entreprise sur ce Royaume. Mais le Roy voyant la

106 *Histoire des ſçavans Hommes,*
fuite de Monsieur de Bourbon , & crai-
gnant que d'autres fuſſent de ſa par-
tie , fut conſeillé de ne paſſer les Monts
en perſonne : C'eſt pourquoy commit
Bonnivet pour executer l'entreprife du
Duché de Milan, ſuivant ce qu'eux deux
en avoient conclu. Le commandement
receu il fait acheminer l'armée vers
Milan , prenant toutefois ſon chemin
droit , où eſtoit le Seigneur Proſpere
Colonne , avec ſon armée , en inten-
tion de luy donner la bataille. Mais
la fortune luy fut tant contraire ,
qu'il ajoûta foy aux perſuaſions de
plusieurs Milannois , qui feignoient
tenir ſon party , & luy faiſoient en-
tendre que ſ'il marchoit droit à la
ville , elle ſeroit tellement ruinée ,
que le Roy ne ſ'en pourroit préva-
loir. Ces entretiens furent longs , &
enfin fut découverte leur tromperie ,
qui cauſa la ruine , laquelle depuis
advint de noſtre armée. Bonnivet voyant
ſon eſperance perdue , delibera lever
ſon ſiege , & retirer les compagnies es
villes prochaines, pour hyverner. Mais
depuis conſiderant qu'il eſtoit plus
honneste de hazarder le reſte de ſon
armée , que de la laiſſer conſommer de

peste & de famine, d'élibéra d'aller attaquer l'ennemy, ce que voulant exécuter fut abandonné de ses forces principales, qui estoient les Suisses. Ce que voyant il demeura sur la queue avec ce qu'il peut assembler de gens d'armes pour soutenir le faix, où à la première charge il fut blessé d'une arquebuzade au bras, par le moyen dequoy il fut contraint se retirer en France, tant pour la perte de ses gens, que pour la douleur qu'il sentoit de sa blessure, où étant arrivé, il fut receu du Roy fort humainement. Mais enfin la fortune leur prepara une issue très-cruelle en Italie, pour advertir les François de ne courir sur les pays étrangers. Car le Roy ayant entrepris de rechef le voyage du milannois, encore que de plusieurs il en fust diversty, pour plusieurs causes, toutefois peu de temps apres le Roy fut pris devant Pavie, & lors qu'il pensoit estre au plus haut de la rouë de fortune, il fut soudain contre-viré au plus bas, quasi toute la Noblesse de France ennoblissant & colorant de leur propre sang sa prise: entre lesquels & des premiers fut ce vaillant & sage Admiral de Bonnivet se tenant près la personne du Roy.

Ce liſt de mort honneſte a eſté commun à pluſieurs, la memoire deſquels ne perira jamais, ne reſtant quaſi maiſon en France, laquelle par la mort de leurs parens n'eût intereſt particulier à la pitteuſe défaite de la journée de S. Matthias, qui eſt le 24. de Février 1523. où, outre le nombre de ſept ou huit mille ſoldats qui demeurèrent ſur la place, noſtre France y perdit cet ancien, hardy & ſage guerrier Meſſire Louys de la Trimouille, Comte de Guines & de Benon, Vicomte de Toüars, Monsieur François de Lorraine, le Duc de Suffolk, le Comte de Tonnerre, les Seigneurs de Suzançay & Beaupreau, noſtre heroïque Bonnivet, le Mareſchal de Chabannes, le Seigneur de Leſeu, auſſi mareſchal de France, les Seigneurs de Chaumont, de Buſſi d'Amboiſe, de Frontenay, puisné de Rohan, le puisné de Duras, le Seigneur de Tournon, le Vicomte de Lavedan, & les Seigneurs d'Andoins & de S. Gelais, & Pierre de Voyer puisné de la maiſon de Paulmy en Touraine, le pere duquel aſſiſta auſſi en cette journée, & pluſieurs, leſquels je paſſe ſous ſilence pour éviter prolixité.





JACQUES DE CHABAN-
NES S.^R DE LA PALISSE.



IACQUES

DE CHABANNES,

SIEVR DE LA PALISSE.

CHAPITRE VIII.



OVT ainsi qu'en toutes sciences, mestiers ou disciplines l'assidu travail & continuel exercice est de vray celuy qui nous y donne entrée, nous y avance. & donne final accroissement, comme nous pourrions assez démontrer par une particuliere digression : aussi est-il requis un long apprentissage, exercice & peine continuelle en l'art militaire, lequel ne s'apprend point, comme l'on dit, sous la cheminée, en une sale, ny pareillement aussi au courtoiser des Dames, mais au milieu des armées. Bref, il ne se peut dire qu'un Capitaine &

Chef d'une armée puisse comprendre les stratagèmes belliqueux, sonder les ruses, conseils & advis des ennemis, éviter les embusches, sçavoir l'affiette & deffenses des villes & d'un camp, dresser les escadrons, reconnoistre une bresche, remedier aux inconveniens, defendre & assaillir, temporiser ou s'avancer en campagne, seurement commander, ou bien humainement gagner le cœur & affection des soldats, sans avoir premierement luy-mesme & en personne appris & conversé longuement avec eux, qui en avoient auparavant l'experience : autrement je l'estimerois semblable à cet impudent Phormion, lequel en la presence de Hannibal, n'avoit honte de discourir des alarmes, traiter des ordonnances militaires (& comme l'on dit en commun proverbe) parler en Clerc d'armes. J'ay fait ce discours, pour montrer que par ces moyens, & non par autres, Jacques de Chabannes, l'un des braves guerriers de son temps, & duquel je vous represente le portrait, tel que me l'a envoyé le Seigneur de Ponts, duquel je vousay ailleurs parlé, est parvenuë au titre de Capitaine & Gou-

Jacques de Chabannes CH. VIII. III
verneur general des compagnies mar-
tiales. Et pour donner à connoistre au
Lecteur, que je ne parle point par
cœur, & par ouy dire, voyons quel-
ques traits de ses deportemens. Et pour
ne les étendre trop au long, je commen-
ceray par sa premiere naissance, & re-
connoistray qu'il fut fils d'Antoine de
Chabannes, Comte de Dampmartin,
lequel le Roy Louis XI. du nom, con-
noissant homme de marque, de grand
effet & sage conduite, prit en grande
affection luy donnant en premier lieu
la charge de cent hommes d'armes, &
depuis par Lettres Patentes, faisant
mention qu'il l'avoit bien & loyau-
ment servy, le fit Grand Maistre, &
luy donna l'Ordre de Chevalerie de
Saint Michel : Encore qu'auparavant
il l'eût fort irrité, lors que par le
commandement du Roy Charles VII.
il se fut efforcé se saisir de sa person-
ne, & luy eut occupé le pais de Dau-
phiné, & encore depuis se liguant
avec les Princes & Seigneurs du Roy-
aume, luy eût fait la guerre, courant
& gastant le pays de son obeïssance.
Or aux vertus, tout ainsi qu'aux
biens & dignitez de cettuy Antoine,

succeda Jacques de Chabannes, lequel dès sa jeunesse fit son premier apprentissage sous le Roy Charles VIII. de ce nom, au recouvrement de Naples, montrant en divers exploits la volonté qu'il avoit de faire service à son Roy, sans s'épargner aux dangers, se présentant bien souvent à l'ennemy pour le combattre avec petite compagnie de Soldats : de maniere qu'il fut l'un de ceux qui à toute extremité soutinrent les incommoditez survenuës es compagnies envoyées au secours de Naples. En apres sous le Roy Louys XII. de ce nom, on sçait & se lit es Histories, que c'estoit celuy, auquel plus coûtumierement estoient commis les faits plus aventureux & difficiles, spécialement es guerres contre les Venitiens, auxquels toûjours il se presenta hardiment, les rangea, assaillit & contraincit de se retirer dans leurs estangs maritimes, sans rien posseder en terre ferme. Veronne, Vincence, Trevise, le Frioul & pays Ferrarois ne sçauroient, sans expresse & tres-loüable memoire de ce Seigneur de Chabannes, se souvenir de ce qu'autrefois ils ont esté par luy secourus, aidez & delivrez de la cruauté

cruauté & intolerable tyrannie des étrangers. En quel lieu public de cette contrée ne reste encore quelque trace & trophée authentique de ses victoires: luy seul non seulement pour deffendre le party de son Roy, mais pour entretenir la ligue & confederation de Cambray, acquist & assura pour l'Empire plusieurs places de son ancien domaine de long-temps occupées & aliénées. Il secourut Alphonse, Prince Ferrarois, reduit aux abbois, abandonné quasi des siens, & presque totalement dépouillé de son ancienne & hereditaire possession. Bref, il fit en cette extremité de guerre retentir la force du nom François, & comme ils sçavent conquister & garder leur conquestes. Faut-il passer outre? qui osera nier, que cettuy de la Palisse ne fust celuy, lequel fait compagnon en l'armée avec Gaston de Foix, moderait par sa prudence la trop vehemente affection de ce jeune Prince & nouveau guerrier: de maniere que nul autre que luy donna l'avis d'assaillir les ennemis, & avoir heureuse issuë de la journée, n'ayant toutefois sçeu empescher la destinée, laquelle devoit reprimer la trop démesurée joye des François.

114 *Histoire des sçavans Hommes,*
gois par la perte d'aucuns principaux Capitaines. Or apres la mort du Duc de Nemours, que la charge de l'armée tombant sur ses bras, outre l'orgueil, desobeïssance & débordement, qui de coûtume accompagnent les soldats victorieux, il sceut si prudemment pourvoir au futur succès des affaires d'Italie, que personne ne sçauroit justement luy attribuer la fortune qui advint au camp François, mais plûtoſt à une fatale menace & occulte providence d'enhaut. Pour ce que n'obmettant aucun poinct digne d'un Capitaine general, il garentit les villes conquises, asſeura l'Eſtat d'Italie, & conduir en ſauveté le reſte des compagnies abandonnées du ſecours Imperial & des armées Eſpagnoles, eſquelles conſiſtoit la principale force du camp. Pouvoit-il vuidr garder les entrepriſes & volontez diverſes de l'Empereur ſi variable, leger & facile, & qui commanda aux ſiens ſ'en retourner? Pouvoit-il reſiſter à la fineſſe de l'Eſpagnol, lequel redoutoit la grandeur Françoisſe: En cette ſorte ſe retira deçà les Monts, avec ſon honneur touteſois & gloire de ſes hauts faits, & lequel le Roy ſceut auſſi bien

Jacques de Chabannes. C.VIII. 115
recompenser , luy donnant l'estat de
Grand Maistre Office vacquant par le
trépas de messire Charles d'Amboise,
decedé l'an precedent en Italie. Da-
vantage, le Roy luy montra combien
sa prudence luy estoit agreable, le rete-
nant pour un de ceux qui luy assiste-
roient ordinairement de presence &
de conseil, & specialement aux affaires
qui en ce temps luy survinrent és limi-
tes de Picardie, assaillis par le Roy
d'Angleterre, où il ne s'épargna, fai-
sant devoir de vaillant Capitaine &
courageux soldat. Non moins que
Louis XII François I. son successeur,
favorisa & estima ce de la Palisse, au-
quel entreprenant le voyage delà les
monts, pour la conqueste de Milan, il
convint partir de son avantgarde, &
fut un des premiers qui fit des actes
memorables à la prise de Ville-Fran-
che. Aussi le Roy l'avoit-il pour
cet effet admis & constitué mares-
chal de France, (apres qu'il eut re-
mis la grand' maistrise au sieur de Boisi)
l'office duquel concerne la charge des
armées & ordinairement un mares-
chal (le Connestable absent ou vac-
quant.) commande dans un Camp à

116 *Histoire des ſcavans Hommes,*
tous autres Seigneurs & Capitaines : &
luy donna le premier gouvernement de
Novarre, ville à luy rendue, afin que
celuy lequel avoit eu le dernier gou-
vernement à la perte du Duché Milan-
nois, fuſt le premier auſſi au recouvre-
ment d'iceluy, qui receut les clefs des
places reſtituées. Neantmoins incon-
tinent apres, le Roy ayant à traiter
avec l'Empereur, le choiſit entre tous,
pour traiter à Calais les differens des
deux Majeſtez. Depuis Bapaulme ſen-
tit la force de ſon bras : mais comme ſa
preſence eſtoit requiſe, quaſi en toutes
executions, peu ſe paſſoient où il ne fût
employé, ſoit à pacifier les querellés,
faire ligues, diſpoſer les compagnies,
ordonner des preparatifs, & aſſeurer les
affaires. Car ſoudain il fut delegué pour
faire levée de Suiffes, & paſſer en Ita-
lie au ſecours de Milan & de Monsieur
de Lautrec, leſquels neantmoins com-
me telle nation eſt rude, rebelle & im-
patiente, il ne pût détourner de com-
batre à la Bicocque, où les noſtres fu-
rent défaits par leur temerité & impa-
tience. Quoy donc, il ne fut plûtôſt de
retour en France, qu'eſtant mort le ma-
reſchal de Chaſtillon, chef de l'armée

envoyée au secours de Fontarabie, qu'il ne fut envoyé par le Roy pour tenir son lieu, lequel apres avoir receu l'armée, vainquit les ennemis, leva le siege de Fontarabie, r'avitailla la ville, & icelle bien pourveuë, se retira en France, pour derechef avoir l'œil sur Charles de Bourbon, Connestable de France, qui promettoit envahir une partie du Royaume, pendant que le Roy passeroit de là les Monts avec son armée. Mais Chabannes empescha ses desseins, poursuivit le fuyard, & se saisit de ses biens, qu'il mit entre les mains du Roy, occupant toutes les villes & places fortes de son Duché de Bourbonnois. Ce fut luy qui fut commis par le Roy, pour aller le premier avec la conduite de son armée, pour resister aux efforts de l'Empereur, descendu en personne, & le combatre devant marseille. Auquel voyage il se saisit d'Avignon, de crainte que l'ennemy ne s'en investist, puis avec quatre ou cinq cens chevaux : se rua sur la queue de l'ennemy, & luy défit bon nombre d'hommes, y gagnant un grand butin. Apres cela, comme derechef le Roy delibera de l'entreprise de milan, entre


tous les autres Princes & Seigneurs du ſang Royal, & par deſſus tous autres Capitaines, il choiſit celuy - cy, auquel il donna charge de l'avant-garde, titre le plus honorable d'une puiffante & accomplie armée, laquelle ſoudain il diligenta au paſſage. De ſorte qu'il penſa ſurprendre le Vice-Roy de Naples, Lieutenant General du Camp Imperial, s'il n'eût pris le ſouverain remede, que choiſiſſent ceux qui s'abandonnent à la mercy de leurs eſperons. Ce me ſeroit choſe preſque impoſſible d'ébaucher, comme il appartient, les moindres traits de ſes victoires & faits admirables. Que ſi le total diſcours de noſtre vie doit eſtre eſtimé par la poſterité, à cauſe de la fin heureuſe d'icelle, quelle mort peut eſtre plus honneſte que de s'expoſer aux perils, pour la deſenſe de ſon Roy, de ſon païs & de ſon honneur. Quelle façon encore de mourir plus deſirable qu'au lit d'honneur & au milieu d'une bataille, s'efforcer en combatant, & mourant vendre cher le prix de ſa vie & de ſon ſang. Bref, quel vœu plus devotieux qu'en la preſence de ſon Roy, du Peuple, des Princes & Seigneurs plus ſi-

Jacques de Chabannes. C.VIII.119
gnalez offrir l'obeyſſance qui nous eſt
commandée par l'Ecriture Sainte, au
Prince de ſon peuple, à ſon chef & ſou-
verain. Toutes ces choſes ſe ſont am-
plement trouvées & maniſteſtées en ce
brave Mareſchal de Chabannes, Sei-
gneur de la Paliffe : Car en la bataille
donnée devant Pavie (journée hélas !
malheureuſe aux François, & qui ne
fera jamais embourbée au fleuve de Le-
thé, & encore moins enſevelie au tom-
beau d'oubliance, trop ſouvent nos
malheurs & deſaſtres nous la remet-
tent en memoire) luy gouvernant l'a-
vantgarde, apres avoir conſideré que
le deſtin les menaçoit, & pour neant
s'eſorceroit recouvrer & reſtablir l'in-
convenient déjà advenu aux noſtres,
ne voulant pas neantmoins ſurvivre
tant de braves Chevaliers qui y fu-
rent tuez, ſe prepara pour donner
la charge à l'ennemy : mais ne pou-
vant ſeul ſoutenir le faix de ſon coſté,
fut tué ſur le lieu, & la pluſpart de ceux
qui eſtoient avec luy eurent meſme fin.
Voila ce qui reſtoit en mes memoires de
ce nompareil guerrier. Seulement je
prieray ceux qui luy appartiennent de
ſang & parenté, & généralement

120 *Histoire des ſçavans Hommes,*
tous autres, qui n'eſtiment moins la
gloire des hommes vertueux que là leur
propre, de m'excuser ſi j'en ay moins
eſcrit que l'affaire le requerroit, atten-
du que ce noble Seigneur du Pied du
Fou, qui promettoit de ſuivre la trace
de ſon ayeul, ne reſtant en vie pour le
meurtre commis en ſa perſonne, m'eût
pû grandement ſoulager de memoires
& advertiſſemens, leſquels neantmoins
je ne refuſeray de ceux qui cy-apres
m'en voudront accommoder, tant de
luy que d'autres Seigneurs : car il n'eſt
en mon pouvoir avoir l'œil en pluſieurs
endroits. Icy me reſte un article à vui-
der, ſur ce qu'aucuns s'ebahiſſent de
l'heur, qui a tellement ry aux deſſeins
de ce magnanime Seigneur : que s'il
leur eſtoit loiſible, & qu'ils n'appre-
hendoient d'eſtre un peu trop rudement
chatoüillez, ils voudroient volontiers
luy faire accroire qu'il avoit quelque
dexterité, laquelle ils n'oſent nommer,
par laquelle il ſçavoit ſi bien captiver
le cœur des ſiens, qu'il eſt parvenu au
faicte de la gloire, que peut ſouhaitter
un martial & magnanime guerrier. De
ma part, j'eſtime que la generoſité de
ſon courage avoit telle vertu & puis-
ſance

sance sur ceux avec lesquels il avoit affaire, qu'impossible leur estoit de se dégager du devoir, obeïssance & amitié qu'ils luy portoient : mais ce qui davantage les y ancroit, est que ce Seigneur les aveugloit de courtoisies, honneurs & honestetez, que sans apprehender les dangers où ils s'élançoient, ils se laissoient conduire par tout où la prudence de ce digne Grand Maistre les guidoit. Et à dire la verité, c'est un des principaux moyens qui sont à observer par un Chef de guerre, qui veut faire chose digne de sa charge, de ne se point tant sur-hauffer par dessus ceux qui sont sous son commandement, que toujours l'union qui doit estre entre le chef & les membres, ne les entretienne de telle & semblable connexité, que l'on voit nostre teste sympathiser avec les autres parties de nostre corps. Où n'ont pas bié pris avis ceux qui veulent nous représenter, pour perfections d'un hardy & vaillant Capitaine, une cruauté & inaccessible austerité: de maniere qu'ils rendront l'Empire & commandement d'un Capitaine plutôt servil, contraint & forcé, que libre, heroïque & volontaire. L'espreuve pourra servir de juge


122 *Histoire des scavans Hommes,*
& témoin en cette difficulté, & nous
apprendra que l'obeïssance servile &
contrainte est du tout contraire à soy-
mesme, si on ne vouloit baptiser le com-
mandement du nom, titre & qualité de
tyrannie.







*PIERRE DE TERRAIL SEI-
GNEUR DE BAYARD.*



PIERRE

DE TERRAIL,

SEIGNEVR DE BAYARD,

CHAPITRE IX.



I la memoire encore fraische à la veuë & ouye de plusieurs, qui restent maintenant, ne faisoit foy des vaillances admirables de ce martial Seigneur, ou plû ôt le mesme Mars Bayard, je craindrois inferer dans ces miens escrits, qui ne contiennent que la pure & tres-veritable histoire des Hommes Illustres, ce qui se dit & escrit vulgairement de luy. Mais appuyé de tant de certains témoignages, joint ce que j'ay oüy dire à feu Monsieur le Conestable, qu'il s'estoit trouvé avec luy.

124 *Histoire des sçavans Hommes,*
en plusieurs combats, icy j'ajouté le
mien, & ensemble représenteray au
Lecteur son portrait au naturel, tel
qu'il m'a esté envoyé de Grenoble par
un mien amy, pour servir à la posterité,
comme d'un tres-vertueux modelle des
actes militaires, qui ont esté par luy
executez és guerres, lesquelles conti-
nuellement il a fréquentées jusques à la
mort. Je sçay bien que peu adjoûteront
foy, (& qui est le plus grand mal, moins
encore le voudront imiter,) à ce qu'on
dira de ses vertus, dont ne reste aucune
trace en plusieurs de ceux qui se quali-
fient du titre de Capitaines & soldats
pour le jourd'huy: attendu mesmement
qu'ils detestent les personnes, qui par-
my eux semblent retenir quelque mo-
destie & humanité, disant à haute voix
le vers si usités en la bouche d'un cha-
cun.

*Plus ne reste de foy, douceur & pieté
A ceux qui suivent Mars cruel & dépité.*

De sorte que celuy est estimé ordinaire-
ment le plus vaillant, qui sçait mieux
renier, dépitier & maugréer Dieu, le
démembrer, dépeçer, chappler par le

chef, par les pieds, par le ventre & par le corps : outrager le peuple, piller le bon homme, ensanglanter ses mains du sang innocent, violer l'honneur des chastes Matrones & Vierges consacrées au service de Dieu : bref avec infinis blasphêmes, opprobres & derisions mépriser la souveraine & toute-puissante Deité. Or pour revenir au poinct à nous prefix : Ce Pierre du Terrail fut né au pais de Dauphiné (Province des Allobroges assez memorable par les histoires anciennes) & extrait de la tres-noble famille de Terraille, antique & recommandée en vertu & proïesse, & conjointe à celle des Alemans, aussi tres-honorable. Partant il fut élevé dès son enfance en toutes vertus par l'Evesque de Grenoble son oncle, & par luy donné Page à Charles Duc de Savoye. Et pour ce qu'il estoit reputé un des plus adroits enfans, qui se trouvaissent à picquer & voltiger sur un cheval, le Roy Charles huitième épris de si rares graces & perfections, le voulut avoir, & le retint auprès de soy en singuliere amitié. Estant hors de Page, le Seigneur de Ligey, issu de la Maison de Luxembourg, cousin germain du

Roy, & le plus favorisé de luy, le fit homme d'armes de sa compagnie, & le mena à la conquête du Royaume de Naples, où il ne fut plustost arrivé, que Bayard fut commis à la garde de quelques fortes places, lesquelles il deffendit hardiment, faisant souvent des courses sur les ennemis, mesme jusqu'à les attaquer avec nombre inégal de gens, & neantmoins remporter la victoire. Et d'autant que le duel est le combat auquel plus clairement l'on fait preuve de sa force & courage, pour soutenir son honneur, & avoir, comme disent les partisans du point d'honneur, raison de quelques paroles contre luy faussement dites, il vainquit en singulier combat, & tua le Seigneur Alphonse de Sainte Maure, Espagnol, homme de fort grande stature, adroit aux armes, & estimé tres-vaillant, en rapportant une victoire signalée. En un autre combat de treize Espagnols contre pareil nombre de François, on sçait que Bayard avec un seul qui restoit de ses compagnons, soutint l'effort de tous les ennemis, les contraignant de s'en aller & quitter la place, recouvrant par ce moyen ses compagnons

pris, à lo confusion des Espagnols. Que si vous voulez exemple plus remarquable de sa vertu, quel plus manifeste pourroit-on en trouver que de défendre luy seul un passage de riviere contre grãd nōbre d'Espagnols, leur tenir teste & en tuer plusieurs, sãs estre par eux offensé, & enfin se delivrer de leurs mains à leur grande ignominie? Ils ne redoutoient aussi autre que luy, dautant que jamais François ne leur fitt tant de maux que ce Bayard. Que si en France il y'eût eu beaucoup de tels Capitaines, il n'y a point de Nation qui leur eust sceu résister. Voila quant aux combats faits en pleine campagne. Voyons si és assauts ou defenses de villes sa hardiesse a esté moindre. Ne fut-ce pas luy qui à l'entreprise de Gennevilliers, encouragea premier les François à surprendre la ville, gagner le bastion, chasser grand nombre d'ennemis, marchant le premier, & le premier aussi montant par escalade dans la Citadelle? En toutes autres expéditions, qui se faisoient, & spécialement en la bataille d'Aignandell contre les Vénitiens, il fut estimé pour faire merveil-

128 *Histoire des sçavans Hommes,*
les avec les compagnies de gens de pied,
tous hommes d'élite, qu'il conduisoit,
combien que le Roy luy eut donné une
compagnie d'hommes d'armes, sça-
chant qu'il estoit pour conduire gens
tant à pied qu'à cheval, & que l'on
parloit plus de luy que de tous les au-
tres. Je passe sous silence plusieurs au-
tres nobles faicts d'armes executez par
luy, pour parvenir à cette memorable
victoire obtenüe contre le Pape Iules,
ingrat des bien-faits receus des Fran-
çois, tant à Bresse qu'à Ravenne. A
Bresse la victoire fut double à la loüan-
ge du victorieux Bayard, l'une des en-
nemis, qui sans faire bresche à l'hon-
neur des autres, doit estre deferé à ce
Dauphinois, comme celuy qui sembla
estre quasi seul auteur de recouvrer
la ville rebellée. La seconde victoire
est beaucoup plus excellente que la
premiere, sçavoir vaincre soy-mesme
& ses passions. Il y a eu par le passé, &
y a encore maintenant plusieurs vail-
lans & magnanimes Capitaines, qui
ont vaincu & rangé de tres-fortes &
tres-puissantes armées en multitude
incroyables, en cruauté barbares, en
lieux infinis, en tout genre & espece

d'armes, & toutefois enfin n'ont sceu se maistriser eux-mêmes, la raison est que les victoires qu'ils avoient martialement emporté n'estoient qu'humaines, mais pouvoir vaincre soy-mesme, cela est plus divin qu'humain : ce qui a esté fort bien reconnu par le Poëte, qui dit que

Celuy est plus vaillant qui soy-mesme maistrise

Que cil, qui des grands murs les lourds fardeaux debrise.

Et à dire la verité, la plus brave & triomphante victoire que l'homme puisse obtenir, c'est de vaincre ses affections. C'est elle qui eternise la renommée du dompteur à perpetuité. digne d'estre celebrée tant que la memoire des mortels durera. Mais voyons comme le Chevalier Bayard sceut bien obtenir cette Couronne. Ayant donc pris Bresse, il ne s'abstint seulement de la piller & rançonner, mais aussi il empescha les siens de faire tort à aucun. Davantage estoit logé au logis d'un des plus riches habitans de la ville, qui avoit deux filles nompareilles en beau-

130 *Histoire des ſçavans Hommes*,
té, il ſe ſceut ſi bien contenir, que l'honneur des filles inviolablement gardé, il empeschâ auffi qu'aucun tort ny déplaiſir ne fut fait en la maiſon. Laquelle je ſouſtiens luy avoir ſervy de camp, auquel il combatit tous les affauts de la chair, éguillonnée par la beauté de ces filles, lesquelles nature avoit douées de toutes les perfections, que l'on pourroit ſ'imaginer. En la bataille qu'il avoit eüe contre les ennemis, il en vainquit pluſieurs, mais en celle-cy il obtint victoire de ſoy-mefme. Paſſons outre, & diſons ſeulement un mot en paſſant, de ſes faits les plus memorables, car de les décrire par le menu il ne ſeroit pas en ma puiffance. Breſſe conquiſe, bientôt après fut donnée la bataille de Ravenne, en laquelle il ſe comporta, comme ſage & vaillant Capitaine. Or non ſeulement en Italie contre les Eſpagnols & autres tenans le party du Pape, mais en Picardie contre l'Empereur & le Roy d'Angleterre il fit preuve de ſon indompté courage, ſpecialement pendant qu'ils tenoient Theroüenne aſſiégée. Car Bayard, quoy qu'il preveût le grand inconvenient, qui pouvoit advenir d'avitailler la ville avec petit

nombre de gens, neantmoins, de peur qu'il ne luy fust imputé à couïardise, il ne voulut empescher l'entreprise, mais se presenta le premier à l'execution, qu'il mit à fin honorable, & à la face des ennemis rafraischit Theroüienne d'hommes, d'argent, d'armes & vivres. Mais au retour les ennemis se presentant en bataille, & ses gens effrayez, prenans la fuite, luy seul demeura, aimant plutôt mourir que de commettre acte un si indigne: parquoy fasché d'un si grand desordre, apres avoir longuement combatu, il se rédit, & fut mené devāt l'Empereur Maximilian, qui le receut non comme prisonnier, mais comme un amy & vaillant Capitaine. Le Roy Henry d'Angleterre, entendant la venue de Bayard, alla au devant, le prit par la main, & l'embrassa, comme si ç'eust esté un Prince, auquel Bayard dit qu'il estoit vrayement prisonnier, mais volontaire. Sous le Roy François premier, il ne manqua non plus de courage, que sous les autres Rois ses predecesseurs: car ce fut l'un de ceux, qui le premier, passa le détroit inaccessible des Alpes, pour surprendre Prospre Colonne, & depuis és premiers

132 *Histoire des ſçavans Hommes,*
faicts d'armes, executez au Milannois
contre les Suiſſes, où ſe meſlant parmy
eux, apres en avoir tué pluſieurs, fit
braquer l'artillerie, dont ſ'enſuivit
leur totale déſaite. Pour cette cauſe le
Roy François, qui l'avoit veu ſi vail-
lamment combatre, vou'ant faire Che-
valiers ceux qui l'avoient ſuivy en cet-
te bataille, avant que d'en créer au-
cun, appella Bayard, & luy dît. Mon
amy, je veux aujourd huy eſtre fait
Chevalier par vos mains, & ce dautant
que le Chevalier qui a combatu à pied
& à cheval en pluſieurs batailles, eſt
tenu & reputé le plus vaillant & digne
de tous les autres. Or eſt il ainſi devous,
qui avez vertueuſement & en pluſieurs
batailles & rencontres combatu contre
pluſieurs Nations & remporté la vi-
ctoire. Ainſi donc Bayard fit le Roy
Chevalier, avec les ceremonies lors ac-
coûtumées. Peu apres ſuivirent les
divorces contre Charles-le-Quint, eſ-
leu Empereur, lequel dreſſa une puis-
ſante armée, pour aſſaillir la Picardie
du coſté de Moſon & Meſieres, auquel
lieu le Roy envoya Bayard, où eſtant
arrivé, il trouva la ville de Meſieres
fort foible, ce neantmoins il fit une

telle diligence pour reparer les murs, réveillant les soldats & pionniers par son exemple à faire leur devoir, qu'en peu de jours tous les rempars furent parachevez. Le Comte de Nassau arrivé près Mezieres, envoya un trompette au Capitaine Bayard, pour le sommer de rendre la ville à l'Empereur : auquel il fit réponse, que devant que de quitter la ville qui luy avoit esté baillée en garde, il esperoit faire un pont des corps morts de ses ennemis, par dessus lequel il pourroit sortir. Cette réponse assoura tellement ses soldats, & épouvanta les ennemis, que, se voyās hors d'esperance de pouvoir prendre la ville, ils firent leur retraite & leverent le camp, dont Bayard fut fort prisé, d'autant qu'il avoit en teste une forte & puissante armée, & qui eût par-aventure fort ébranlé le Royaume de France, si ce valeureux Capitaine ne leur eût montré quelle estoit la courageuse hardiellle du Bayard François. Ainsi Bayard ce voyant, & la ville delivrée des Alle-mans, marcha devant Moson, qui incontinent se rendit à luy, sans aucune resistance. Ce fait il s'en vint trouver le Roy, qui le receut fort humainement,

134 *Histoire des ſcavans Hommes,*
& lors luy donna en memoire des nobles geſtes par luy executez , l'Ordre de Chevalier de Saint Michel. Mais quoy , ſ'il avoit mis fin à une entrepriſe , il ne demeueroit pourtant pas oifif, mais ſe trouvant aux endroits neceſſaires, l'on euſt dit qu'il eſtoit tout enſemble en divers lieux, cherchant toutes les occaſions de rendre ſervice à ſon Prince. Ce fut environ ce temps que ſurvinrent nouvelles guerres au Milanois, où ſ'achemina Bayard, qui ſ'y fit toujours paroître tel qu'il eſtoit, tant aux priſes des villes, qu'aux batailles & rencontres, ſçavoir courageux & hardy, comme il montra fort bien à Rebec, lors qu'il penſa eſtre ſurpris par l'armée Imperiale. Car encore que Bayard fuſt malade, & eût pris medecine, neantmoins oyant la venuë des ennemis & donner l'alarme au village, monta ſoudain à cheval, & ſoutint l'effort des ennemis, pendant que le reſte de ſes gens ſ'aſſembloient pour ſe retirer au camp. Mais la fortune eſtant du tout contraire en Italie aux deſſeins des François, Monſieur de Bonnivet Admiral & Lieutenant general, delibera de ſe retirer honneſtement. Ce que voulant faire,

pour en oster la connoissance aux ennemis, il demeura sur la queue pour soutenir le faix, où il fut blessé au bras d'une arquebuzade, & à ce moyen contraint de se retirer, laissa la charge du reste de l'armée & de la retraite au Capitaine Bayard, lequel demeurant derriere pour soutenir l'ennemy, fut aussi blessé d'une arquebuzade au travers du corps : & combien qu'il fust persuadé de ses gens de se retirer, neantmoins il ne le voulut faire, disant n'avoir jamais tourné le dos à l'ennemy. A la fin apres la perte de son sang & avoir repoussé l'ennemy, il se fit descendre par un sien Maistre d'Hostel, qui ne l'abandonna jamais, & se fit coucher au pied d'un arbre le visage tourné vers l'ennemy, où le Duc de Bourbon, qui retournoit de la poursuite de nostre camp, le fut trouver, & le voyant, commença la larme à l'œil à luy dire, qu'il avoit grande pitié de luy de le voir en tel estat, pour avoir esté si vertueux Chevalier. A quoy Bayard, ne pouvant quasi plus respirer, fit réponse : Monsieur vous ne devez avoir pitié de moy, car je meurs en homme de bien, mais de ma part

j'ay pitié de vous , vous voyant armé contre voſtre Prince , voſtre patrie , & voſtre ſerment. Ils eurent pluſieurs autres propos enſemble , & le Duc retiré avec infinis regrets, peu de temps après Bayard rendit l'ame à Dieu , & fut baillé ſauf-conduit à ſon Maiſtre d'Hoſtel, pour faire porter le corps en Dauphiné, d'où il eſtoit natif, ce qu'il fit , & fut enſepulturé au Convent des Minimes de Grenoble , qui avoit eſté édiſié par ſon Oncle. Il fut de ſtature haute, de couleur blanche , charneure maigre , les yeux noirs & vifs , liberal envers un chacun , juſte en ſes actions, diſcret, ſage & hardy. Au reſte qui deſirera ſçavoir plus au long de ſes geſtes, liſe les Autheurs qui en ont traité plus amplement. Il fut tué l'an mil cinq cens vingt-trois. C'eſtoit le perſonnage , lequel rencontroit le mieux à propos du monde , & qui ne ſe daignoit arreſter ſeulement ſur l'effort de ſon épée , mais auſſi ſur une prudence & ſageſſe admirable. Dont je feray preuve par quelques diſcours par luy dits, qui ne reſſentent que leur gravité Philoſophique. François de Stritinghen Colonel de l'armée de l'Empereur ,
ayant

ayant assiégé Mezieres , manda au Capitaine Bayard , qu'il eût à se rendre avec la place. Auquel Bayard fit réponse , que le Bayard de France ne craint point le Rouffin d'Allemagne. Qui est une allusion sur son nom , fort gentille , & encore de meilleure grace , parce que ce nom de Bayard estoit tellement renommé , que les Espagnols disoient communément , qu'en France il y avoit beaucoup de Grisons , mais bien peu de Bayards. Et comme il tâchoit de modeler les Cours des Rois & Princes par ses exemples vertueux , aussi par remontrances & advertissemens il leur faisoit entendre ce qu'il estimoit estre de sa charge. Et parce qu'il n'y a aucune chose qui difforme davantage les Cours des Princes , que les pernicieux conseils & advis de ceux qui sont à la suite des Grands , il avoit accoustumé de dire , qu'il n'est point de plus grande pestilence auprès des grandeurs que l'audace & la puissance , accompagnées d'ignorance. Laquelle il comparoit à une maladie , qui cacochimie les parties essentielles de tout le corps civil. Et à ce aussi se doit rapporter la subtile réponse qu'il fit à un qui

138 *Histoire des sçavans Hommes,*
luy demanda quelles possessions & biens devoit laisser un Gentilhomme à ses enfans : rien autre chose (dit-il) que la sagesse & vertu, qui ne craignent la pluye, ny la tempeste, ny force d'hommes, ny justice humaine. Paradoxe, qui sembloit étrange à ce pauvre Gentil-homme, qui avoit le cerveau tellement morfondu, qu'il luy estoit impossible de pouvoir savourer, sentir & gouter le suc d'une si excellente sentence. Pour ce, répondit-il au Seigneur Bayard, qu'il voyoit bien les biens & les richesses mondaines, mais qu'il ne pouvoit penetrer jusques au secret de la sagesse, laquelle il estimoit estre plûtoſt quelque sterile & nuë imagination, participant des idées de Platon, ou des transcendanteles speculations, que la realité de quelque chose qui eût existence. Ha, repliqua Bayard, ce n'est pas merveilles si ne pouvez transpercer un tel secret; puis que vos yeux sont attachez à la terre, il est impossible, que puissiez voir autre chose que ce qui est terrestre. Si l'humeur cartilagineuse ne vous éblouissoit la subtilité cristalline, vous ne seriez que trop soudain, prompt & habile pour comprendre du premier

coup ce que je viens de dire ; voulez-vous sçavoir à qui je puis vous comparer ? à ceux qui ont la vue si courte qu'ils ne la sçauroient étendre plus loin que leur nez. Vous avez donné telle place à vos foles mondinez, que vostre perspective est tellement accourcie, que vous ne sçauriez choisir ce qui est tant soit peu éloigné de vos yeux. O sage & prudent advertissement d'un vray Caton Romain, ou d'un Athenien Aristide ! Aujourd'huy, si jamais il y eût besoin, aurions-nous affaire d'un second Terrail, pour deterrer les corps de plusieurs, qui se voulans équiper de Noblesse, se laissent misérablement tomber tous vifs dans les entrailles de la terre. D'où vient que ce n'est pas merveilles, s'ils ne peuvent découvrir ce qui est digne de leur estat & profession. Hé bon Dieu, comment le sçauroient-ils ? Ils ont les paupieres des yeux emplastrées & si fort encimentées, qu'on ne sçauroit les leur dessiller. De leur parler de la vertu, des lettres & de la sagesse, ce sont propos de melancolie, propres à cōtenter ceux qui ne sont pas bouffis de grandeur : ce sont discours de Philosophes. Hé, qui

140 *Histoire des ſçavans Hommes,*
eſtoit Bayard ? Je ne veux entrer icy en
comparaifons , ſi oſeray-je bien tant
m'aſſeurer de la debonnaireté des plus
indifcrets , qu'ils demeureront d'ac-
cord avec moy , que ç'a eſté l'un des va-
leureux & hardis guerriers qui ayent
eſté en noſtre France, ils le trouveront
ennemy des lettres ? Donc puis qu'il
eſtoit de voſtre rang & ordre (ô Nobleſ-
ſe François) agguerroyez- vous ſous
ſa diſcipline militaire : déchirez-moy
cette taye , qui vous offuſque la veuë,
& que doreſnavant on reconnoiſſe, que
vous eſtes affranchis de la ſervitude, où
la tyrannie de l'ignorance vous avoit
rendu eſclave. Prenez le patron de vô-
tre vie , de vos mœurs & déportemens
ſur le Capitaine Bayard, lequel ne trou-
verez point avoir eſté du rang de ceux
qui ſont maquignons des vices des
Grands, ou leſquels ſe font accroire ne
voir les grandes & groſſes montagnes
de leurs malverſations, ou qui ſont la
ſourde oreille , pour n'entendre les
plaintes qui leur ſont faites, qui en un
mot ont le bec & la plume tellement
gelée, qu'ils ne peuvent pincer, atta-
cher ou gratter ceux qui ne meritent
que trop d'eſtre galez. Que ſ'il y a au-

cuns qui soient inexcusables , ce sont ceux , qui possédant les oreilles des Grands Potentats , connivent , font la caigne , ou plutôt la canne , ne daignent toucher au vif la partie cacochymée. Ceux qui sont si peureux devroient prendre mire sur ce Sieur du Terrail , qui , quoy qu'il éclatast assez pour la verité , n'a point toutefois esté desappointé de la grace & faveur de nos Rois François.










*ARTHVS GONFIER ,
SIEVR DE BOLSY.*



ARTHVS

GONFFIER.

SIEVR DE BOISY.

CHAPITRE X.

E ne fut jamais que les Rois
 & Princes, qui ont voulu gou-
 verner leur peuple paisible-
 ment, ne se soient accostez de
 personnes honorables, bien advisez &
 rompus aux affaires, lesquels ils reve-
 roient comme Maistres, & entre les
 mains desquels ils remettoient quasi
 toute la charge des affaires. Ce que
 sceut tres-bien dire Theopompe Roy
 de Sparte, qui le premier introduisit
 les Ephores, & les méla au gouver-
 nement avec les Rois : lequel com-
 me sa femme luy reprocha un jour,

144 *Histoire des ſçavans Hommes,*
qu'il laifferoit à ſes enfans l'autorité
& puiffance royale, moindre qu'il ne
l'avoit eüe de ſes predeceffeurs, il ré-
pondit , Je la leur laifferay beaucoup
plus grande, dautant qu'elle ſera mieux
aſſeurée. Auffi ne fut jamais trouvée
bonne la preſomption de ceux , qui ,
ſans communiquer avec perſonne, pen-
ſent ſeuls commander en une Republi-
que , qui fait que le plus ſouvent ve-
nans à bâtir leur puiffance ſur une baſe,
qui n'eſt pas bien affermie, ils ſont é-
branlez & tombent en ruine. Cela ne
ſeroit que trop évident, quand on con-
ſidereroit l'exemple des anceſtres, leſ-
quels ſe rapportans au conſeil d'hom-
mes ſçavans, juſtes, experimentez, &
veritables, & non de fateurs, rappor-
teurs & babillards , ont ſçeu regner
paiſiblement avec honneur & repu-
tation. La memoire en eſt ſi fraiſche
par tout le monde, & nommément en
noſtre France , que partie avec joye,
on ſe ſouvient, partie avec triſteſſe on
déploire, tantost l'heur, tantost le mal-
heur & cauſe des guerres , qui ſous le
regne de François premier du nom, ont
enflammé non ſeulement ce riche &
invincible Royaume, mais quaſi toute

la Chrestienté & tout le monde. Mais qui en voudra sçavoir les causes premières, il faut rechercher entierement les Seigneurs qui gouvernoient ces deux jeunes Princes, lesquels nourris & experimentez aux affaires, & desirans l'avancement, honneur & grandeur de leurs maistres, ils les entretenoient en choses qui concernoient la vertu. Par tels Seigneurs j'entens le Seigneur Arthus Gonffier d'une part, qui avoit conduit la jeunesse de François premier : & d'autre part Antoine de Croy Seigneur de Chieures de la maison de Croy, ordonné Gouverneur à Charles d'Autriche. Car tant que ces deux Seigneurs eurent la Sur-Intendance des affaires de leurs Princes, ils prospererent, & eurent paix ensemble, confirmée solennellement au traité de Noyô, lieu ordonné pour cet effet. Mais pour quelques occasions l'exécution & entiere confirmation du traité ne s'estant promptement ensuivie, pour quelques dissimulations qui commençoient à paroistre derechef entre ces Monarques Chrestiens, tant pour raison des guerres passées, trêves violées, & restitutions non faites, que pour les pra-

tiques & grandes menées faites pour l'élection d'un Empereur , à cauſe du décès de l'Empereur Maximilian , leſdits Seigneurs de Boiſy & de Croy ſ'asſemblerent derechef à Montpellier, pour adviſer à une paix finale entre leurs deux Maîtres , & vuider tous les differens d'entr'eux & leurs alliez. Mais apres eſtre convenus enſemble pendant quelques jours, & avoir ſi bien acheminé les affaires , qu'on en eſperoit bonne iſſuë, ledit de Boiſy (duquel je vous repreſente cy-devant la vraie figure) demeura malade d'une fièvre continuë , de laquelle il deceda à Montpellier au mois de May , ce qui fut cauſe que les choſes commencées ne prirent fin , comme l'on ſ'attendoit, & à cette occaſion ſ'en retourna le Seigneur de Chieures en Eſpagne ſans rien conclurre. Cette mort fut cauſe de grandes guerres : car ſ'ils euſſent achevé leur conference , il eſt certain que la Chreſtienté fut demeurée en repos pour lors. Joint auſſi que ceux qui manierent depuis les affaires n'aimerent pas le repos de la Chreſtienté, comme faiſoient les Sieurs de Boiſy & Chieures. Conſiderez auſſi que ceux qui ſont

ordinairement abbayans à l'entour des Rois , & masquez d'un fard de flatterie & hypocrisie , taschent seulement de dire ce qu'ils estiment leur devoir plaire , & non profiter , n'ayans autre intention , sinon de satisfaire à leur particuliere & privée commodité : bannissant totalement la verité d'alentour de la Cour des Princes. A la mienne volonté que les Rois & Princes pensassent bien à ce qui fut dit au feu Roy François premier , & au dire de luy : Car comme il fut à la chasse , & eût si longuement poursuivy la proye , qu'il se fut égaré de tous ceux de sa suite , & à cette occasion contraint pour la nuit , qui l'avoit surpris , de se loger en la cabanne de bien pauvres païsans , qui ne le connoissoient pas , il demanda à ces pauvres gens ce qu'on disoit du Roy , à quoy ils firent réponse , que le Roy estoit un bon Prince , mais au demeurant que , pour ne vouloir prendre garde à ses affaires , il se reposoit de beaucoup de choses sur aucuns de ses familiers , qui ne valoient pas pour toute monnoye un pycotin , & par ce moyen passoit legerement plusieurs affaires de

148 *Histoire des ſçavans Hommes,*
grande importance, & les autres il les
mépriſoit. Le Roy ne répondit aucu-
ne choſe pour lors, mais le lendemain
au point du jour, ſes Gardes eſtant
arrivées, & pluſieurs Seigneurs auſſi,
ſ'adreſſant à eux, il leur dit ces mots :
Depuis que vous eſtes tous entrez à
mon ſervice, je n'avois entendu une
ſeule parole véritable de moy juſques
à hier au ſoir. Auſſi ſe plaignoit un
autre Prince, de ce que la vérité eſtoit
ordinairement celée aux Rois. Or
pour revenir à cet expérimenté Sei-
gneur de Boiſy, jamais la grandeur de
ſes mœurs & adviſez conſeils ne ſ'é-
vanouiſſa tant que la France durera, ſe
ſentant revivre en ſa lignée, ſçavoir
de Meſſieurs de Boiſy, qui ſont ſix en-
fans maſles ſes neveux ou petits, qui
maintiendront le rang & ſplendeur de
leurs devanciers, & continueront l'aſ-
ſection que leurs anceſtres ont toujours
conſtamment portée au ſalut de la
France, & nommément le Seigneur de
Boiſy, la vertu & intégrité duquel fut
tellement priſée par le Roy François
premier du nom (vray juge & eſtima-
teur des gens de miſe & de vertu) qu'il
daigna l'honorer de l'eſtat de Grand-

Maistre , qui est l'un des premiers estats de la maison Royale , dautant que celuy , qui jouit de telle dignité & sur-Intendance sur les Officiers de la maison du Roy , c'est à luy à faire dresser tous les ans l'estat d'icelle maison , d'appointer ou desappointer les moindres Offices , selon que la chose le requiert : c'est à luy d'avoir les clefs de la maison du Roy , prendre égard aux Gardes , leur donner le mot , les alseoir & leur commander : & en somme nul , estant aux gages du Roy en sa suite ordinaire , se peut dispenser , émanciper ou licentier de l'obeissance du Grand-Maistre. Ce que j'ay bien voulu particulariser , non point tant pour envie que j'aye de surhausser la dignité de Grand-Maistre , laquelle je reconnois estre la premiere du Palais , que pour faire un contre-pois de l'excellence de cet estat avec ce-luy auquel sa majesté daigna le conférer , le reconnoissant sur tous autres digne d'une telle & si honorable charge. Mais ce qui le rend d'autant plus recommandable est celuy entre les mains duquel estoit consignée telle Grande-Maistrise , lequel daigna bien s'en dépouiller pour en revestir ce re-

150 *Histoire des sçavans Hommes,*
douté de Boisy. Ce n'est pas que je
vueille attribuer quelque insuffisance
au Seigneur de la Palisse, au contrai-
re je l'en voudrois davantage priser
de ce qu'il n'a point fléchy à mécon-
tentement, encore qu'il ait quitté un
tel & si avantageux estat : où (peut-
estre) plusieurs testes plus volages que
sages & prudentes eussent bien visé.
Mais ce grand de Chabannes reveroit
tant la volonté de son Prince, & le
merite de celuy qui luy devoit succe-
der, que liberalemét il quitta sa Grande
Maistrise. Au lieu de ce, sa Majesté le
fit mareschal de France, où il se com-
porta fort genereusement, ainsi que
j'ay ailleurs touché. Vn poinct reste,
& sur lequel je ne puis assez me rassä-
sier d'entonner la voix de cet heroi-
que Seigneur de Boisy, c'est qu'il avoit
une telle hardiesse à decouvrir les mé-
seances, lesquelles il remarquoit en
autrui, qu'il sembloit que l'integrité
Catonienne fut écheuë par moyens
extraordinaires dans le sein de ce hardy
Chevalier, qui (comme l'on dit) n'e-
stoit point sac à Diable, mais s'il ap-
percevoit quelque démarché, soudain
il la montroit si manifestement, que

force estoit à ceux qui avoient manqué
ou de se retirer en arriere & reprendre
ce droit chemin , ou bien de rougir de
honte. Plusieurs qui se font entendre
d'estre de ces grands sages mondains,
trouveront mauvaise telle liberté de
parler , qui n'est le plus souvent recom-
pensée que d'une rigueur d'épée , qui
a esté pour cette occasion représentée
par les Peintres & Sculpteurs au gosier
de la Verité.









CHARLES DE BOVRBON.



CHARLES

DE BOURBON.

CHAPITRE XI.

DEVx diverses considerations se presentent devant mes yeux , qui fort long-temps m'ont tenu en bransle , sans pouvoir me resoudre de ce que je devois faire du portrait du Seigneur de Bourbon. La premiere est, parce qu'il n'a pas esté constant, ferme & assuré au service , protection & party de son Seigneur & maistre , comme il eût bien esté à desirer. Qui a fait que plusieurs l'ont eu en fort mauvaise reputation. L'autre est que la grandeur , multitude & excellence des actions , par les-

154 *Histoire des sçavans Hommes,*
quelles il s'est fait paroistre, ne pour-
roient me permettre, que sans trop
grande méconnoissance je les glissasse
sous silence. Fort long-temps je suis
demeuré en suspens, si je devois le rayer
du nombre des Hommes Illustres. D'al-
leguer toutes les occasions qui le firent
tomber en la fosse du mécontentement,
il n'est pas icy besoin; puis que je ne
fais estat icy de justifier son innocence,
& aussi qu'un chacun peut bien appren-
dre de nos Historiens, qu'il estoit mal-
content pour quatre principales rai-
sons. La premiere est, parce qu'il se
voyoit hors de credit & grace qu'il
avoit envers le Roy, & que Guillaume
Gonffier, Seigneur de Bonnivet, Ad-
miral de France, possédoit paisiblement
l'oreille de sa Majesté. La seconde est,
dautant qu'il appercevoit que le Com-
te de Saint Paul & le Duc d'Alençon
estoient preferez à luy en la conduite
des armées. La troisiéme, pour un
démenty que luy donna le Roy Fran-
çois, parce qu'il avoit fait quelque
rapport au Roy Louis douziésme de ce
nom. La quatriésme est celle, qui a
esté plus exagérée par les Historiens
Estrangers, qui de vray n'avoient pas

trop bien fouillé au cabinet des François : ce n'est pas toutefois qu'ils n'ayent entendu l'occasion de la retraite mieux que les François, puis que le Seigneur de Bourbon estoit des leurs. Elle est donc fondée sur ce, qu'il n'estoit admis aux affaires secretes, ny respecté selon que sa grandeur meritoit pour quelque mal-talent, que Louyse mere du Roy, avoit conceu contre luy de ce qu'il avoit dédaigné la priere qui luy avoit esté faite du mariage d'entre elle & luy. Tel reffus avoit tellement en-aigry son cœur à l'encontre de ce Seigneur, que sous la recherche d'aucuns droits anciens, qu'elle pretendoit, elle luy demandoit la pluspart de ses Terres & Seigneuries pardevant Messieurs du Parlement de Paris, tellement qu'après avoir veu que le Roy ne remedioit aucunement à cela, étant fort indigné, prit l'an 1524. le party de l'Empereur Charles V. avec lequel il se confedera, comme aussi avec le Roy d'Angleterre, suivy de plusieurs grands Seigneurs & Gentils-hommes de France. Il y en a quelques-uns qui ne treuvent

156 *Histoire des ſcavans Hommes,*
pas fondement ſur cette raiſon, faiſans
fondement ſur ce que le Duc de Bour-
bon porta toujours, meſme quand il
fut hors de France, un grand honneur
à la mere du Roy, & elle de ſa part reſ-
pecta tant le Conneſtable, qu'elle en-
voja vers luy le Comte de Saint-Paul,
pour le prier de ne ſe point faſcher du
procès intenté contre luy, à cauſe du
Duché de Bourbonnois : qu'elle luy
faisoit offre, que s'il ſe marioit avec
quiconque ce fuſt, & en eût des enfans,
elle luy cederoit lors & quitteroit tous
ſes droits & pretentions qu'elle pour-
roit avoir aux Terres & Seigneuries par
elle querellées : & qu'au cas qu'il ne ſe
vouluſt remarier elle luy en laifferoit
l'uſufruit durant ſa vie. Je veux que
les conditions fuſſent beaucoup plus a-
vantageuſes qu'elles ne ſont, il y avoit
toujours au bout ce qui picquoit le
cœur de ce vaillant Prince juſques au
ſang, lequel ne ſe pouvoit contanter,
qu'ainſi à credit on vint courir ſur luy.
C'eſt ce qui me fait croire, que les mé-
contentemés qu'il avoit ſenty & goûté
en Cour n'eſtoient point pour peu de
choſe, ou contre ſa Majeſté, eſt que,
pour ſe venger du tort qu'il pretendoit

luy estre fait, il prit avis d'abandonner ce Royaume. S'il eut eu affaire à partie, qui n'eut eu plus grandes ailles que luy, il n'est pas croyable que sans se bouger de son lieu, il ne luy eut fait teste. Mais puisqu'elle estoit (ce luy sembloit) trop bien appuyée, il delibera la matter hors des barrieres & enclos de France. Ha ! que si le Roy eut voulu se jetter entre deux, & moyenner un bon & asseuré accord, que les affaires des deux parties se fussent beaucoup mieux portées. Ce seroit folie de presumer, que le premier dessein que fit nostre Charles tendit à se bander immediatement contre le Roy & le Royaume, l'accord qui devoit estre fait entre l'Empereur, l'Anglois & le Bourbonnois, justifie assez du contraire, puis que par iceluy estoit expressement porté, entr'autres conditions que le Duc de Bourbon seroit remis en ses terres, pays & seigneuries, & que reconnoissant l'Anglois pour Roy de France, il luy en feroit hommage : toutefois fut par apres rompu, pour le refus que fit ce Prince de faire hommage à l'Anglois, & luy accorder que sa pretention estoit juste sur le Royaume de France. Mais quand il se seroit

158 *Histoire des ſçavans Hommes,*
encore plus mal porté qu'il n'a fait envers son Prince, pour cela ne doit-on me taxer & reprendre de ce que je le mets icy au rang des Hommes Illuſtres, puisſque Plutarque n'a point fait de difficulté d'exalter pluſieurs, qui n'avoient tant qu'en eux avoit eſté procuré que la totale ruine de leur païs : & entr'autres il celebre Alcibiades, qui avoit cauſé une infinité de maux & deſolations à ſes Citoyens d'Athenes, car de déplaiſir qu'il eut d'avoir eſté condamné par eux ſous fauſſes charges & informations, il fit bien ſentir qu'encore qu'ils l'euffent condamné par contumace à mourir, que cette mort civile & imaginaire n'avoit la force de luy éteindre ſa vie naturelle : premierement, en quittant la charge qu'il avoit, fit perdre aux Atheniens la ville de Meſſine, laquelle ils tenoient pour gagnée à cauſe des intelligences qu'ils avoient au dedans, leſquelles furent découvertes aux Sarragoſſois par le moyen du mécontentement d'Alcibiade. En apres s'eſtant retiré vers les Lacédemoniens, qui auparavant dilayoient de ſecourir les Siracuſains, les fit bander contre les forces d'Athenes, leſquelles ils rom-

pirent sous la conduite du Capitaine Cylippe. Pour de plus en plus accroître la playe, dont il avoit déjà commencé de cicatrizer son pays, ouvrit les moyens au peuple de Lacedemone, pour pouvoir empieter ce que les Athéniens tenoient en Grece. Et pour le comble du mal-heur, leur conseilla de fortifier dedans le territoire mesme d'Attique la ville de Decelée. Ce qui brisa & mit au bas la puissance d'Athenes autant ou plus que nulle autre chose : bref il rongna tellement les aïles à son ingrat païs, qu'il estoit impossible à Athenes de pouvoir plus demeurer épandue, comme elle estoit auparavant. Pour tout cela Plutarque n'a point laissé de publier ses loüanges autant que de nul autre guerrier & illustre personnage. De là je veux inferer (sans trop m'arrester toutefois au rapport de la comparaison, qui pourroit estre assez difficile à examiner) que pour quelque desmarche que Charles de Bourbon pût avoir fait à l'encontre de sa patrie, je ne puis l'ensevelir au cercueil d'oubly, que je ne semblasse luy envier, tant la courageuse hardiesse, dont il s'est employé

pour ce Royaume, que ſa magnanimité & vaillantife qu'il a fait retentir par tout le Royaume. Et à dire la verité il n'eut ſceu faillir, qu'il ne ſe fut employé à grandes choſes, eſtant ſorty de Gilbert de Bourbon, Comte de Montpenſier & de Claire de Gonzague, fille de Ferry Marquis de Mantouë. Ce fut ce Gilbert, qui laiſſa d'aſſez beaux témoignages de ſes valeureux exploits, tant en Bourgogne qu'en pluſieurs autres endroits où ſes charges l'appelloient. Ce fut luy qui accompagna le Roy Charles VIII. à la conquête du Royaume de Naples, honoré d'eſtre Capitaine de l'avantgarde de l'armée. Tel devoir fit il en cette charge, que le Roy, apres avoir rendu ſous ſon obeïſſance le Neapolitain, pour Lieutenant & Vice-Roy ne voulut y laiſſer autre que ſon Gilbert de Bourbon, qui apres avoir rangé ſous l'autorité du Roy Charles S. Severin & autres places d'importance, fut mené à Baye, où il deceda l'an de ſalut 1496. Son corps fut porté à Pouzzole, ville éloignée de Naples environ deux lieuës, où François ſon fils, frere de noſtre Charles eſtant arrivé, & apres avoir par un fort long-

long-temps arresté sur le tombeau de son Seigneur & pere, fut tellement saisi de regret, qu'il ne pût partir de là sans y rendre son ame à Dieu : d'autres ont toutefois dit que ce fut Louise leur sœur, qui avoit esté jointe par mariage avec Louis de Bourbon, Prince de la Roche-sur-Yon, mere de Louis de Bourbon, premier Duc de Montpensier : de Susanne de Bourbon, femme du Seigneur de Rieux (mere de Louise, femme de René de Lorraine, Marquis d'Elbeuf) & de Charles de Bourbon Prince de la Roche-sur-Yon. De sorte qu'ils veulent que ce François soit mort sans hoirs, l'an 1515. en la bataille des Suisses à Marignan, où il se montra fort courageux. Son frere Louis mourut cinq ans apres la mort du pere à Capouë, d'une fièvre pestilentielle, ayant par l'espace de fort longues années continué le service à sa Majesté, qui si heureusement avoit commencé par son pere. Suivant les traces heroïques des siens nostre Charles se voüa aussi au service de son Roy, qui le prit tellement à plaisir, que l'an 1516. daigna l'honorer de l'estat de Connestable, non point tant pour le degré, ou pour la

162 *Histoire des sçavans Hommes,*
Royale consanguinité il pouvoit aspirer, que pour la vertu & magnanimité qui reluisoient en ce digne Seigneur. Et comme son pere souûtenoit le party du Roy de France contre l'Empereur, aussi du commencement faisoit son fils, repoussant d'une telle vîstesse l'Empereur Maximilian, qui taschoit de surprendre le Duché de Milan, qu'il fut contraint tout honteux de tourner bride & s'enfuir. A d'autre qu'au Connestable on ne peut attribuer l'honneur d'avoir chassé cet Empereur hors du Milannois. Car Maximilian quand il vid qu'il ne pouvoit rien gagner pour avoir assiégué Milan, estant batu de faute de vivres, il fut bien contraint de lever son siege : mais pour cela ne laissoit d'endommager l'Italie, comme il montra par le saccagement, destruction & pillage qu'il fit faire des villes de Bergame & de Lande. Si ce Connestable ne l'eut escarmouché de la façon qu'il fit, il faisoit bien son compte, que tenant la campagne, il pourroit à petit feu miner ceux qui tenoient pour le Roy. Courageusement aussi s'opposait-il au Roy d'Angleterre, qui poursuivoit Theroüenne. Sur luy il prit

Hesdin, & battit de telle façon le Château, qu'à force de canon & artillerie il le remit entre les mains du Roy de France. A la bataille aussi de Giradada montra-il bien la generosité de son cœur viril, és rencontres ne se tenoit des derniers, avec une telle prudence commanda à toute la Noblesse Françoisse, dont il estoit Chef, que la victoire demeura de son costé. En plusieurs autres expéditions se trouva-il, où fort vaillamment il maintint le pouvoir du Roy, du recit desquels je me deposite, puisque le desastre enviant l'heur des François, ne leur a pas seulement ravy l'appuy & protection, qui estoit assurée sur la bravoure de ce vertueux & magnanime Prince, mais l'a fait bander & elever contre leur splendeur & autorité: de Connestable François, le rendit partisan de l'Empereur Charles-le-Quint, qui reputa à tres-grand heur d'avoir de son costé un si redouté Capitaine, lequel pouvoit beaucoup par son credit envers les François, & par la generosité de son cœur indomptable, surmontoit tous les plus espouvantables efforts de son ennemy. O malheureux & mauvais mécontentement

164 *Histoire des sçavans Hommes,*
qui au grand dommage de la France luy
as surpris son principal bastion? Si ce
Prince s'est rendu redoutable durant le
temps qu'il a maintenu la Couronne de
France, il s'est rendu encore plus ef-
froyable depuis qu'il eut pris le party
des Imperialistes. Il n'est besoin de re-
presenter les heroïques exploits qu'il
fit à Pavie, nostre pauvre France pour
la pluspart s'en ressent encore par trop:
la prise du Roy François I. du nom, ser-
vira de témoin sans reproche: le siege
de marseille n'ébranla point peu les
François, qui en demeuroient privez
sans le secours qui y survint inopiné-
ment. Le cœur me saigne de reparler
de nos ruines, pertes & dissipations,
j'aime mieux représenter les actions
qu'il a faites en Italie. Il commença
d'attaquer Florence, pour avoir provi-
sions, vivres & munitions, ce qu'il fit
de telle sorte, qu'il tira de cette ville
bonne somme de deniers, dont il donna
la meilleure part aux Lansquenets, qui
pour n'avoir receu leur solde, avoient
ailly peu auparavant à le tuer. De là
f par l'advis du Duc de Ferrare, il
s'achemina à Rome, où apres avoir
long-temps raudé par la Toscane, il

arriva en fort grande diligence le cinquième jour de May, l'an mil cinq cens vingt-sept, se logea en la prairie, qui est auprès de Rome, & la matinée suivante, sur le point du jour, estant deliberé de vaincre ou de mourir, fit donner l'escalade si forte, que la ville fut gagnée par l'Empereur. Ce n'estoit pas des guerriers fraisez, guindez, gaude-ronnez & mignons, qui se tiennent loin des coups, luy-mesme des premiers se presenta à l'escalade de la ville, armé & équipé de la façon que je vous le represente, & alors fut atteint d'un fauconneau au droit de l'aïsne, dont il mourut peu de temps apres, & fut enterré à Cayette, l'une des principales villes & forteresses du Royaume de Naples, où j'ay veu son coffre élevé en haut près la voûte de la Chapelle de la Roque, avec plusieurs bannieres & étendarts & des testes de Lyon. A sa louange ont esté composez beaucoup d'Epitaphes, desquels je veux icy proposer premierement celuy qui y fut mis en Latin par un Alemand sur son tombeau.

AVTO IMPERIO, SVPERATA ITALIA,
DEVICTO

GALLO, PONTIFICE OBSESSO, ROMA
CAPTA,

CAROLI BORBONII HOC MARMOR
CINERES CONTINET.

C'est à dire, *Ce marbre contient les cendres de Charles de Bourbon, apres qu'il a accreu l'Empire, surmonté l'Italie, gagné les François, assiégré le Pape & pris Rome. Il y a un autre Epitaphe en Italien, qui passe bien plus outre, & élève sa dignité beaucoup plus haut. Voicy comme il a esté tourné en François.*

*D'assez assez a fait Charlemagne le preux,
Alexandre le Grand, de peu fit grande chose,
Mais de neant a fait plus que n'ont fait les
deux.*

Ce Charles de Bourbon, qui cy-dessous repose.


Les Historiens remarquent en luy une generosité vraiment heroïque, qui l'a fait avec un très-grand heur venir à bout de ses affaires. C'est qu'il estoit

courtois, liberal au possible aux soldats, lesquels il aimoit beaucoup mieux gagner par ses presens & liberalitez, que les laisser acharner sur le pillage de quelques dépouilles. Il estoit doué d'un maintien si doux, affable & gracieux, qu'il n'y avoit cœur si endurcy, lequel il ne fit à peu près venir au point qu'il pretendoit. Ha que s'il eut continué à répandre par tout le Royaume les effets de ses vertus, il eut fait un grand bien pour sa patrie, & eut eternisé le renom de son excellence, pour estre prisé par tous les gens de bien. Il n'eut perdu les Duchez de Bourbonnois, Auvergne & Chastelleraud : les Comtez de Clermont en Beauvoisis, Forests, Montpensier, Gien, la Marche haute & basse de Clermont en Auvergne, Comté-Dauphin dudit pays : les seigneuries de Beaujolois, Annonay & Roche : Vicomtez de Carlat & Murat, les seigneuries de Marignant en Provence, Bourbon Lancy en Bourgogne & plusieurs autres Places qui ont esté retranchées de son tronc. Il avoit épousé Susanne, si le unique & heritiere de Pierre II. de ce nom, Duc de Bourbonnois & d'Anne de France, fille du Roy Louys XI.

168 *Histoire des sçavans Hommes,*
de laquelle il n'eut aucuns enfans, &
pour ce le Comté de Montpensier &
autres p'aces qui appartenoient aux
enfans de Gilbert de Bourbon, écheu-
rent à la ligne de Louise de Bourbon,
femme de Louis de Bourbon, Prince de
la Roche-sur-Yon, dont sont issus les
enfans que j'ay déjà cy-dessus remar-
qué, parce que de tous les enfans de
Gilbert, ne restoient que ce Charles &
sa sœur Louise. Je sçay bien qu'il y a
plusieurs Escrivains, qui se sont ébatus
à examiner la vie de cet heroïque Sei-
gneur d'autre façon que je n'ay fait, &
que d'autres trouveront d'une perilleu-
se consequence, que je me sois étendu
si au long & au large, pour celebrer les
louanges de ce Duc de Bourbon: atten-
du qu'on sçait tres-bien qu'il y a eu Ar-
rest qui s'est ensuivy à l'encontre de luy.
Ce que je confesseray tres-volontiers,
& reconnoistray davantage que le juge-
ment de la Cour de Parlement a esté
plus qu'équitable, pour apprendre à
ceux qui laissent le party de leur Prince,
combien l'aune de telle felonnie peut
valoir. Mais que de cela on puisse in-
ferer que sa memoire doit estre con-
damnée, & tenue à tout jamais detesta-
ble,

ble, je ne vois point qu'il y ait juste occasion. S'il estoit ainsi, je pourrois soutenir qu'il n'y a maison ou famille, peut estre en Angleterre qui ne soit dégradée du point d'honneur, puis qu'à peine aucunes se peuvent vanter de n'avoir passé sous la rigueur du glaive de justice. Cela fait qu'encore que je confesse librement que Monsieur de Bourbon ait grandement failly par la faille qu'il fit au prejudice de la fidelité qu'il devoit à la Couronne de France, ce neantmoins j'estime qu'on peut encore celebrer ce qu'il avoit fait ou pour ce Royaume ou pour le party des Imperialistes. Joint qu'il touche à Seigneurs, qui seroient bien marris de permettre qu'il y eut aucun, qui pour estre fideles au Sceptre Gaulois, osa les devancer. Je n'ay point voulu reprendre la reingratitude d'Alcibiades, crainte que j'avois que s'il y avoit aucun partisan contraire à la Maison de Bourbon, qu'il ne me flâqua au nez la resipiscence de cet Athenien, qui reconnoissant sa faute, fit encore plus de bien à sa patrie, qu'il ne luy avoit porté de dommage. Et à lire la verité, si la vertu est prise pour soy-mesme, il ne semble qu'on doive

170 *Histoire des sçavans Hommes*,
l'attacher à l'objet sur lequel elle est dé-
ployée, autrement ce seroit vouloir luy
donner à credit la diversité des chan-
gemens & volages impressions, que le
Cameleon prend des couleurs qui luy
sont opposées. Ce que je veux estre
toujours pris (comme j'ay déjà dit)
sans prejudice du devoir qu'il ne pou-
voit dénier à la France, & duquel il
s'est retiré assez mal à propos, ainsi que
le peut montrer le discours que j'ay
proposé cy-dessus.






THE UNIVERSITY OF CHICAGO

LIBRARY



*LOUIS DE LORRAINE,
CÔTE DE VANDEMONT.*



LOVYS

DE LORRAINE,
COMTE DE VAVDEMONT.

CHAPITRE XII.

S I je voulois entonner les
louanges, qui peuvent estre
prises de la maison qui a don-
né source à ce genereux Prin-
ce, duquel je représente le porttrait
naturel au vif & semblable à celuy que
Monsieur le Duc de Lorraine, m'ayant
mandé pour le voir, & celuy de Gode-
roy de Buillon, m'a assuré estre le sien
qu'il a en son cabinet, je pourrois ra-
pentevoir les heroïques proïesses de
René, qui captiva telement le cœur
les Neapolitains, que dans l'année
mil quatre cens quatre-vingt-neuf,

172 *Histoire des ſçavans Hommes,*
ſ'ennuyans de la domination du jeune
Alphonſe, l'interpellerent de ſe venir
emparer de ſon Royaume, lequel luy
eſtoit acquis tant par legitime ſucceſ-
ſion, que par l'accord & conſentement
d'eux tous. J'aime beaucoup mieux re-
prendre ſa ligne plus prochaine, parce
que je ſembleroïs vouloir le parer des
plumes qui furent arrachées à René,
lors qu'il vouloit ſ'en impatroniſer par
l'Arreſt de trois Juges, qui fut tel, que
non ſeulement Anjou & Provence,
mais encore Naples & Sicile apparte-
noient au Roy de France. Qui fut cauſe
que le Roy Charles VIII. du nom, entre-
prit à cet effet le voyage de Naples. Ce
n'eſt pas que je ſois deuëment adverty
que Yoland, mere de René II. nonob-
ſtant cet Arreſt, ne laiſſa à prendre apres
la mort de ſon pere René I. le titre de
Reine de Sicile, comme au ſemblable
René II. de ſe faire nommer Roy de Si-
cile & Ieruſalem, ſi bien qu'il fit appel-
ler ſon fils aiſné Antoine, Duc de Ca-
labre, & porta touſjours les armes d'An-
jou my-parties avec les ſiennes. Je ne
prens plaisir à m'embaraffer en tels diſ-
cours, qui ne ſerviroient que bien peu

à l'illustration de nostre Prince Lorrain. Joînt aussi que je trouve que René apres avoir fait sa paix avec le Roy Louis XII. du nom , qui succeda au Royaume de France à Charles VIII. du nom , assista au couronnement d'iceluy Louis. Donc pour venir au point, celuy duquel est dressée la presente histoire , nasquit d'iceluy René , lequel mourut à la chasse , apres avoir regné trente-cinq ans Roy de Ierusalem , Sicile & Arragon, Duc de Lorraine vingt-cinquième & deuxième de ce nom , de Calabre & Bar , fils de Ferry Comte de Vaudemont & d'Yoland d'Anjou fille de René d'Anjou , Roy de Naples & de Sicile. Ce René eut de sa femme Philippes , sœur de Charles Duc de Gueldres, douze enfans, desquels moururent sept en jeunesse , & ainsi laissa seulement cinq fils , à sçavoir Antoine qui succeda à son pere aux Duchez de Lorraine & de Bar, & au Marquisat du Pont. Claude Duc de Guise , Pair de France, Baron de Iainville , qui est seigneurie de tout temps en la Maison de Lorraine , affectée avec le Comté de Vaudemont , aux enfans Lorrains,

174 *Histoire des sçavans Hommes,*
Gouverneur de Champagne & Bourgogne, qui épousa Antoinette de Bourbon, fille du Duc de Vendôme, de laquelle il eut ces Seigneurs, qui avec grand heur ont fleury en cette France, & ont pour la pluspart laissé posterité, qui se ressent toujours du tronc, duquel elle est partie. Jean qui fut Cardinal du titre de Saint Cnuphre, & pour ses rares vertus possédoit paisiblement le grand Apolon Gaulois, c'estoit un Prince autant genereux, liberal & entier que je connus De ce puis - je porter assureté témoignage pour l'avoir connu tel, auquel je dois attribuer la cause de mon premier voyage Levantin. Le quatrième fut Louis, qui est celuy auquel la presente histoire est vouée : le cinquième fut François Comte de Lambesque & Orgon, qui mourut au mois de Fevrier en l'année mil cinq cens vingt-quatre, à la journée de Pavie, suivant le party de France. Si j'avois deliberé de dresser icy la liste des gestes, dits & faits de chacun d'eux, faudroit beaucoup amplifier ce present discours; je me contenteray de proposer le plus succinctement qu'il me sera

possible quelques heroïques proüesses de ce genereux de Vaudemont. C'est luy qui fit le voyage de Naples avec le Seigneur de Lautrec , & fut étably General des Lanquenets, qui avoient esté amenez par ce redouté Bandech, la vaillance duquel a appresté si belle matiere à nos Historiographes de deviser à credit. Son Lieutenant fut le sieur Gruffy, qui conduisoit avec une prudence inestimable ses compagnies. De son costé aussi le sieur de Vaudemont ne manquoit à executer de poinct en poinct sa charge, tant il avoit en son cœur une vraye & noble generosité empreinte. Sur tout il avoit cela, qu'il estoit fort heureux en ses entreprises, desquelles il chevissoit à son honneur. De là toutefois ne voudrois-je permettre qu'on inferast que je veux luy ravir quelque poinct de sa proüesse & magnanimité, puis que je pretends au contraire que si bien luy a dit l'heur, les efforts qu'il a faits, n'ont point esté rebouchez par quelque mesadvanturé de fastre. D'une infinité de témoignages me suffira de ramentevoir les vaillances qu'il exploita au siege de Saverne,

176 *Histoire des ſçavans Hommes,*
pour tenir eſcorte au Duc Antoine ,
ſon frere ainſné, auquel eſtoient écheuës,
outre ce que j'ay cy deſſus touché, par
la mort de Charles Duc de Gueldres,
frere de ſa mere les Duchez de Guel-
dres & Zuphlen. C'eſtoit le Prince le
mieux nourry qu'il eſt poſſible de pen-
ſer, & qui avoit fait grands ſervices au
Roy Louis XII. du nom, l'avoit ſuivy
au voyage de Genneſ, & encore eſtant
Duc, l'accompagna à la guerre contre
les Venitiens l'an mil cinq cens quin-
ze. Il eſpouſa à Amboiſe Madame Re-
née, ſœur de Charles Duc de Bourbon,
Conneſtable de France : & l'année meſ-
me il accompagna le Roy François à la
journée de Marignan contre les Suif-
ſes, & deux ans apres il tint avec le
Pape ſeptième du nom, le François
Dauphin de France, qui naſquiſt l'an
mil cinq cens dix-ſept. Ce bon Duc ſe
trouva troublé par quelques broüillons,
qui ſuſciterent le peuple de Saverne à
ſe bander contre leur Seigneur, ſous
voile de religion. Alors le Duc Antoi-
ne fut bien entrepris, voyant qu'il ne
pouvoit eſperer ſecours du Roy Fran-
çois I. & Charles-le-Quint, parce

qu'ils estoient empeschez à Pavie. Au mieux qu'il pût se prepara, pour dompter telle Nation rebelle : manda à tous les Gentils-hommes de son pays, qu'ils eussent sans delay à le venir trouver, bien montez & équipez, établit des Capitaines de gens de pied, pour lever jusques à cinq mil Lorrains. Ses freres s-y trouverent accompagnez de la meilleure compagnie de Gentils-hommes qu'ils pûrent. Et entr'autres nostre Comte de Vaudemont, qui fut étably Colonel de l'Infanterie. A la premiere bataille, qui fut livrée en un village, nommé Lupefcin, il donna preuve tres-assurée de sa proïesse. Là avec Claude de Guise son frere il déchargeoit si rudement, qu'il ébranla fort la compagnie des ennemis, qui se voyans avoir avantage sur luy, repoussioient les Lorrains de la palissade. Ensuite fut redoublée la bataille plus chaude & dangereuse qu'auparavant. A la fin Monsieur de Vaudemont, sautant à grande force avec la pique, passa outre les barrières, & entré dedans le village, soutint l'escarmouche vaillamment, tant que son frere le Duc de Guise, qui avoit

178 *Histoire des ſcavans Hommes,*
pris la cavalerie, ayant gagné pluſieurs
foſſez & tranchées à l'entour du villa-
ge, & rompu pluſieurs hayes, vignes,
buiſſons & eſpines entrelacées, vint
ſecourir ſon frere, lequel avoit déjà
eſté pour la troiſième & quatrième fois
abbatu à terre parmy les bleſſez. Pour
couronner le reſte de ſes actions, je le
vais repreſenter devant Naples, non
point avec les comportemens qu'il te-
noit à l'encontre des Imperialiſtes, dau-
tant qu'ils ſont aſſez connus par les
hiſtoires, qui'en ont eſté ſuffiſamment
dreſſées, mais affligé d'une maladie
peſtilentielle, qui emporta cet heroï-
que Seigneur, lequel fut enterré à Na-
ples en l'Egliſe de Sainte Claire, élevé
dans un cercueil ou grand coffre de
bois, poſé cõtre la muraille du Temple,
ſous un drap de velours noir, autour
duquel eſtoient ſes armes fort magnifi-
quement poſées. Il n'y a pas long-
temps que feu Monſieur le grand Pr.eur
de France qui eſtoit de la Maïſon de
Lorraine, eſtant allé à Naples, ayant
veu que ce drap eſtoit fort uſé, pour re-
connoiſtre la vertu de ce jeune Prince,
y fit mettre un autre drap de velours

Louys de Lorraine. Ch. XII. 179
neuf, beau & riche à mervei le. D'E-
pitaphe n'y en a quasi point autrement,
sinon qu'on y peut lire ce nom de LOVIS
DE VAVDEMO T, avec quelques ban-
nieres. Depuis toutefois fut mis bas ce
coffre dans une Chapelle, pour ne con-
trevenir au Concile de Trente.





JEAN ET PIERRE
DE BVEIL, THOMAS
FELTON, ET AUTRES
SEIGNEURS.

CHAPITRE XIII.

L A VOIS bien bonne envie de passer sous silence le discours des faits des Seigneurs & Chevaliers, auxquels est particulièrement vouée cette Histoire, puis que ceux qui leur appartiennent n'ont tenu aucun compte de me secourir, tant de leurs portraits, que des memoires & instructions de leurs vies, encore que je les en aye fort affectionnément prié, si le merite de leurs vertus ne m'eût contraint à passer outre. l'en ay déjà dressé un chapitre particulier d'autres, qui par leurs prouesses se sont acquis fort bonne part entre les gens de re-

182 *Histoire des sçavans Hommes,*
nom. Je commenceray par ces guerriers, Iean de Bueil Seneschal de Beaucaire & Pierre de Bueil son frere, qui donnerent une tres-assurée épreuve de leur vaillance au siege de Bergerac, à la défaite qu'ils firent des Anglois, commandez par Thomas Felton, vaillant Capitaine Anglois, qui estoit pour lors Seneschal de Bourdeaux, lequel pensant par son embuscade attraper l'un de ses freres, se trouva si rudement chargé, que des siens la plupart servit pour engraisser les champs Aquitaniens, bien peu se pûrent sauver sous le benefice de leurs esperons, les autres éprouverent l'humanité François, & entr'autres le Capitaine Felton, qui fut pris. Comme telle victoire ne peut estre attribuée à autres qu'à ces deux freres, aussi la reddition de Bergerac, d'Aymes & de Sauvenac, comme pareillement de celles de Sainte-Foy & de Chastillon, assises près la riviere de la Dordonne, ne doit estre appropriée à nul autre, attendu que ceux qui tenoient bon dans ces villes pour l'Anglois, voyans que le bonheur en vouloit de telle façon à la magnanimité de ces deux freres, ne

Jean & Pierre de Bueil, C. XIII. 183
voulurent se mettre à l'épreuve de la
victoite, qu'eussent derechef pû ga-
ner ceux qui portoient encore leurs
cuirasses vermillonnantes du sang des
Anglois. Que diray-je de ce grand &
heroïque Marechal de France Louys
de Sancerre, lequel a fort brusque-
ment fatigué les ennemis du nom fran-
çois, accompagné des Seigneurs de
Coucy, de Montauban, de Château-
Gyron, du Bellay, de Villiers, de la
Faille, de Rochefort, de Clermont,
de Mathefelon, de Maulny, & plu-
sieurs autres, qui ont pour la Couron-
ne de France plusieurs fois exposé &
leurs vies & leurs biens? La proüesse
du Connestable Yvain de Galles, des
Seigneurs Antoine de Laval Seigneur
de Bois-Dauphin, Richard de Mali-
dort, Thibault du Pont, Jean de
Ver, Guillaume de Laignac & des
Seigneurs de Duras, de Languras, de
Mucident & de Rosan Gascons, merite-
roit bié estre exaltée, mais cela meritoit
un particulier discours, & ne pourrois-
je en venir à bout, sans m'engager en
une grâde longueur Et puis que presque
d'une mesme nichée avoit esté éclos
Charles de Duras, dit de la Paix, icy je

184 *Histoire des ſçavans Hommes,*
ne l'oublieray , quoy qu'il n'ait eſté
des mieux affectionnez au party Fran-
çois , dautant que la prouèſſe de nos
ennemis, participant à la vertu, ne peut
eſtre enſevelie au tombeau d'oubly. En-
tre pluſieurs de ſes valeureux exploits,
je ne veux icy employer que la diligen-
ce , qu'il fit à tirer ſecours de Louys
Roy de Hongrie, tant pour s'emparer
du Royaume de Naples ſur la Reine
Ieanne , que pour venger les morts
d'André ſon Oncle & de Charles de
Duraz : Il reüſſit ſi bien que le Neapo-
litain luy demeura , encore que la Rei-
ne eût pris party en France , & que Ot-
thon Duc de Brunſvik, troiſième époux
d'icelle Ieanne , eût armée à Naples,
mais elle n'eſtoit aſſez forte pour tenir
teſte aux efforts de ce Hongrois. Cette
conqueſte eſt de tant plus glorieuſe ,
qu'Othon fut pris, touteſois apres re-
laſché , mais la Reine fut pendue , par
l'advis du Roy Louys , pour expiation
de l'aſſassin qu'elle avoit fait commet-
tre en la perſonne de ſon premier é-
poux André. Je ſçay bien que ſes hai-
neux trouveront étrange que je priſe
les faits de ce Charles , & nommément
la priſe de la Reine, attendu que l'on
trou-

Jean & Pierre de Bucil. C. XIII. 183
trouve par la confession mesme de l'En-
chanteur , lequel fit le coup que ce fut
par moyens illegitimes , qu'il gagna le
Chasteau de l'Oeuf. Cela fait que, sans
m'arrester à sa justification , je pren-
dray route vers le Chevalier Guy To-
rel , Vice-Roy de Sicile pour Louys,
fils de la Reine Ieanne. Ce grand guer-
rier passa de si près Jacques de Candol-
le, l'un des principaux Chefs de la Gen-
darmerie du Roy Lancelot, qu'il le dé-
fit , le prit prisonnier , & par compo-
sition eût la ville de Naples. Que s'il y
a eu entreprise hazardeuse , & qui me-
rite de faire celebrer un Capitaine ,
c'est celle du Chevalier Guarin , Sei-
gneur de Fontaines , lequel voyant le
ravage que faisoit l'Armée Angloise ,
qui marchoit sous la conduite du Duc
de Clarence en l'année mil quatre cens
vingt , fit une assemblée de quelques
gens tant à cheval qu'à pied , en deli-
beration de leur courir sus : Mais com-
me il eût appris qu'il avoit affaire à trop
forte partie , il aima mieux surseoir ,
que par une temeraire indiscretion
jouer au hazard une si bonne troupe
de guerriers. Ainsi qu'il estoit en doute
de les assaillir ou de reculer , nouvelles

186 *Histoire des sçavans Hommes,*
fleuve de Pescaire, apres la défaite du
Capitaine Bracchius. La mort de Sfor-
ce fut grandement regrettée, parce
qu'il estoit reputé pour celuy lequel
tenoit en bride tant le Roy Alphonse
que Bracchius. Mais l'armée que mit
en campagne Philippes Maria, fils du
Viscomte Galeas, repara la brèche
d'un tel desespoir. Aussi c'estoit le Sei-
gneur le plus fin, subtil, accort & rusé
dont on ait ouïy parler. Il vint à chef
des Tyrans, qui se faisoient Seigneurs
des villes du Duché de Milan: recon-
vra Come, Bergame, Bresse, Plaisan-
ce, & subjuga Cremonne. Jean-lac-
ques Marquis de Montferrat, craignant
sa puissance, luy rendit, sans se faire
guerroyer, Verseil, Alexandrie & Ast.
Philippes aussi remit sous sa main Ge-
nes. Sur le declin de son âge il chan-
gea de naturel, & se lascha la bride à
plaisirs deshonestes, se laissa telle-
ment maistriser à ses conceptions, que
pour un soupçon, il tua sa femme Bea-
trix, qui luy avoit apporté quatre cens
mil escus: Enfin ayant perdu la veuë,
mourut d'un flux de ventre l'an qua-
torze cens quarante sept. La défaite
des Anglois qui fut faite à Neufvy fera

encore sortir une belle bande de guerriers, & entr'autres les Seigneurs Jean du Bellay, & Ambroise de Lore, qui, secondez du Seigneur de Fontaines, duquel j'ay cy-dessus parlé, emportèrent la victoire sur les Anglois en l'année mil quatre cens douze. Mais bien peu de temps apres le Seigneur Guerin fut tué en la bataille, qui fut donnée à Creant, où l'on tient que les François receurent du pire, puisqu'ils avoient perdu celuy qui estoit le vray support du Royaume de France. Mais la défaite des Anglois, qui fut faite à la Broisfiniere, redressera le courage des François, dautant que de compte fait il y en eût quatorze cens, qui demeurèrent étendus sur le carreau, & bien quatre cens qui furent mis en fuite, le reste tomba entre les mains des Seigneurs François qui s'estoient armez pour dénichier ces Estrangers de Normandie. C'est-là où firent preuve de leur courageuse hardiesse le Comte d'Aumale, les Seigneurs de Laval, d'Aussigny, Louys de Thyomorgan, Jean de la Haye, & plusieurs autres Chevaliers & Escuyers, lesquels caresserent de si bonne grace les Anglois, qu'ils leur

188 *Histoire des ſçavans Hommes,*
apprirent que le plus ſouvent eſt battu
celuy qui agaſſe ſon ennemy. Ainſi ces
Anglois ſe haſtans d'aller à la proye,
devinrent eux meſmes proye paiſible
aux François, leur donnans témoi-
gnage de leur victoire mal imaginée.
Or comme Mars eſt alternatif, & ba-
lance tantost ça tantost là, la mal-
heureuſe journée de Vernoil, gagnée
par les Anglois en l'année mil quatre
cens vingt-quatre, défit une fort bel-
le bande de Chevaliers François, en-
tre leſquels on a remarqué Meſſire An-
toine de Sourches, Seigneur de Mali-
corne, qui vendit bien cherement ſa
mort aux Anglois, ſur leſquels il deſ-
chargeoit, comme ſur plaſtre. Que ſi
on doit priſer les martiaux exploits
des Seigneurs de Luce, de Tuce, de la
Vardin, de la Frelonniere, de Thoüars,
& autres, pour avoir chaffé l'Anglois
de la ville du Mans, le ſage conſeil de
Meſſire Robert le Maçon, Seigneur de
Huylle ſur Loyr & de Trefves doit eſtre
grandement priſé, pour avoir empeſ-
ché que l'on ne levaſt le ſiege de Troyes
avant que d'en avertir Ieanne la Pucel-
le : d'autant que ce delay fut cauſe, que
la ville fut renduë au Roy, qui en

Jean & Pierre de Bueil, C. XIII. 189
desesperoit entierement. A la ville de
Laval les Seigneurs de Fouchet, de
Hommet, Bertrand de la Ferriere, &
Jean de Champ-Chevrier apprirent
aux Anglois, quelle estoit la genero-
sité & courageuse hardiesse des Fran-
çois, dautant qu'ils emporterent la
ville, quoy qu'ils fussent en beaucoup
moindre nombre : mais cela ne leur
est que coustumier, comme le montra
le Sieur de Lore, qui gagna sur l'An-
glois la ville de Beaumont, encore
que pour un homme qu'il avoit, les An-
glois fussent quatre, mais ce n'est pas
le nombre qui rend la force, mais la
vaillance des combattans tels qu'e-
stoient ceux qui s'estoient incorporez
avec le train du Sieur de Lore, à sça-
voir les Capitaines Foucalt & de Saint
Aubin, les Seigneurs de Clarembaut,
de la Grezille, de Champagne, & de
Brocheffac, & plusieurs autres. Assez ne
sçauroit estre estimée la force, gentilles-
se, & courageuse prudence de l'Ad-
miral Continy, laquelle il a déployé
en maints endroits pour le salut de
la Republique Françoisse. A la pri-
se de Cherbourg il fut transpercé
d'un coup de coulevrine, & son corps

190 *Histoire des sçavans Hommes,*
rendu sans ame , dont le Roy fut grandement fasché , si substitua en sa place le Seigneur de Bueil pour la grande experience , qui'estoit en sa personne , dont il avoit donné tres-assurée preuve en plusieurs rencontres pour le service de la Couronne de France, comme ont fait aussi les Comtes d'Angoumois, de Longueville , de Ponthieure , & de Dunois. Les Seigneurs de la Rochechoïard , & de la Rochefoucaut , ainsi que cy-apres je discoureray , & notamment aux chapitres d'Antoine de la Rochefoucaut , & de Jean Pic Prince de la Mirande. A ceux-cy je ne feray point de difficulté de joindre Guillaume le Blanc , Chevalier Hongrois , lequel avec le Cordelier Jean Capistran , chargea d'une grande vistesse la furie Turquesque. Le bon-heur en voulut tellement aux Chrestiens sous la conduite de ce Capitaine Blanc, qu'aucuns Historiens n'ont point fait de difficulté de laisser par écrit , qu'en un an ils emporterent sur eux huit vingts Villes , & quatre cens Chasteaux , & en ce faisant mirent au fil de leurs cimenterres plus de deux cens mil Turcs. Icy j'aurois bien grande envie de faire retentir le
le

Jean & Pierre de Bueil, C. XIII 191
le los de ce valeureux & martial guerrier, Pierre de Rohan, Seigneur de Gié, Marechal de France : mais la multitude de ses heroïques exploits m'ebloüit la veüe. Que si je pense m'arrester à considerer quelle fut sa prouësse en plusieurs rencontres fort hazardeuses, je suis rappellé par les effets de sa grande prudence, qui ne sçait si elle surpassoit sa hardiesse. Ne fut-ce pas par son moyen que le mesme accord qui estoit entre les Princes & grands Seigneurs du Royaume de France, à cause de la grande autorité qu'auoit madame de Beaujeu en ce Royaume pour le gouvernement de la personne du Roy Charles huitième, fut assoupy, & leurs affections unanimement réincorporées au salut de la Couronne. En combien de rencontres s'est-il trouvé, quel devoir a-t-il fait à son Prince : l'Italie mieux que nulle autre nation le peut bien reconnoistre. Et pour ce, mesme les Auteurs Italiens ont contrains d'admirer l'excellence d'un si redouté Seigneur. Du temps auquel nostre France estoit doüée d'un Octavien de Saint Gelais, Philippes de Luxembourg Cardinal, & Georges

192 *Histoire des ſçavans Hommes,*
d'Amboiſe , grands Reformateurs des
monaſteres, & ſur tout des quatre men-
dians , auxquels ils retrancherent les
rentes qu'ils avoient pour les adnexer
aux Eveſchez & Abbayes, dont pluſieurs
ne leur ſceurent grand gré. Quant au
Cardinal d'Amboiſe, il a eſté en tel cre-
dit envers le Roy , qu'il fut eſtably
Lieutenant du Roy Louys douzième
du nom de là ſes monts, où il eût bien
à démeſſer pour avoir affaire à bien
forte partie : ſi apprit-il aux Florentins
leur leçon. Il eſt taxé d'ambition par
aucuns, parce (diſent-ils) qu'il viſoit
à eſtre Pape , & pourquoy n'y eût-il
pas aspiré , luy qui eſtoit du bois du-
quel on les faiſoit , & en tel credit en-
vers le Roy, qu'il ſuivoit preſque tou-
jours ſon conſeil ? Ce qui faiſoit que ſe
confiant en ſa grandeur, il prenoit ſou-
vent la hardieſſe de donner de luy-
meſme une forme & reſolution aux
affaires. Je ne puis icy taire la belli-
queuſe hardieſſe du Seigneur d'Aubi-
gny Eſcoſſois, ſi ſouvent employé pour
les affaires de France en Italie , tant
ſous le Roy Charles huitième du nom,
que ſous Louys douzième. Sous Char-
les il remua les mains en la Romagne.

Jean & Pierre de Bueil, C. XIII. 193
fit teste au Duc de Calabre , & finalement fut estably grand Connestable de Naples , & Gouverneur. Sous Louys il eust la conduite de l'armée que le Roy envoyoit à l'entreprise du Royaume de Naples , occupé par Federic d'Arragon , lequel avec ses partisans , il rangea au petit pied , brûla les villes des Colunnois , enfin fut défait & pris par les Espagnols , à cause de la trop grande ardeur , qui le menoit , pour l'esperance qu'il avoit de la victoire. Avec luy je ne feray point de difficulté de mettre au nombre les sieurs d'Ambercourt & Prosper Colonne , quoy que cet Italien ait suivy le party contraire : mais puis qu'ils se sont entre-aiguisez les uns les autres pour s'entre-guerroyer, ce seroit trop grande indiscretion de disjoindre. Que si le Seigneur de Monte-Jean n'avoit fait assez retentir le bruit de ses proüesses , je voudrois volontiers le couler icy par silence, d'autant que le hazard de sa prison me remet en memoire la memoire de ce va-valeureux Chevalier Bayard. J'aime mieux faire revivre ce grand René, bâtard de Savoye, Comte de Beaufort & de

194 *Histoire des ſçavans Hommes,*
Villars, Grand-Maiſtre de France, &
Gouverneur de Provence, duquel ſont
iſſus ces enfans le Comte de Tende, Ho-
noré, marquis de Villars, & qui de-
puis pour ſes tres-dignes vertus, a eſté
honoré par le Roy Charles neuvième du
nom, de l'eſtat d'Admiral de France :
pere de cette tres-vertueuſe Princeſſe
madame la Duchefſe du maine. Les
filles de ce René furent madame la Com-
teſſe de Brienne & madame la Conne-
ſtable de France, que ſi je voulois dé-
duire les exploits de ce Seigneur, il n'y
a plume, papier ny ancre, qui peut y
ſuffire : non plus qu'au diſcours des
proüeſſes des Sieurs de mōtpeſat Rieux,
de Brion, de Vaſſe, de ce grand guer-
rier Louys de Nevers, du Vidame de
Chartres, de Buſſi d'Amboiſe, du Duc
de Longueville, de Ferry de Vaude-
mont, du Seigneur de l'Eſcut du Ca-
pitaine l'Orge, Seigneur de mont-
gommery, du Capitaine Paulin, dit
le Baron de la Garde, & quelques au-
tres Seigneurs qui auroient beſoin de
la faconde & eloquence de pluſieurs
Cicerons, pour publier le merite de
leurs loüanges. Pourtant je ferois bien
marry de couler ou la nompareille pru-

Jean & Pierre de Bueil, C. XIII. 195
dence d'Antoine du Prat Chancelier
de France, ou la courageuse hardiesse
de Monsieur de Dessé, qui avoit esté
choisi par le Roy, pour estre son Lieu-
tenant general en la guerre d'Escoffe,
comme personnage excellent en tou-
tes choses dignes de loüange, lequel
avoit déjà donné preuve asseurée de sa
proüesse au siege de Landrecy, à Bou-
logne & autres lieux. De fait les per-
fections requises à un Chef de guerre,
reuisoient en ce Seigneur, l'humani-
té ne luy manquoit, attrempée toute-
fois d'une telle gravité, qu'elle ne
panchoit aucunement du costé de ces
niaises facilitez, qui rendent contem-
ptible le commandement de ceux, qui
(comme l'on dit) ne sçavent tenir
leur rang. Il avoit cela, que jamais
il ne laissoit ses soldats oisifs, mais
comme il estoit actif. pareillement
vouloit-il qu'ils fussent en perpetuel-
les actions. Crainte aussi qu'il avoit
qu'ayās les bras croisez, ils ne se missent
à murmurer ou à penser à chose qui eût
degeneré à la fidelité de leur devoir. Au
siege d'Edimton il montra bien aux
Anglois quel estoit l'effort de son pou-
voir. Il les chargea si bien, que la Reine

196 *Histoire des ſçavans Hommes,*
doüairiere fut remiſe en ſon ancien
eſtat & dignité. D'un tel reſtabliſſe-
ment a-t-on accouſtumé d'en attribuer
l'honneur au Chef, ce que je ne vou-
drois luy refuſer, à la charge que l'on
n'en fruſtre les membres, & ceux qui
ſous la conduite du Seigneur de Deſſé,
domptèrent les Anglois. Autrement
on feroit tort au Seigneur d'Andelot,
qui ayant eſté eſtably Colonel de l'In-
fanterie Françoisſe, envoyée aux mar-
ches d'Eſcoſſe, n'eſpargna corps ny
biens, pour rendre bon & loyal ſervi-
ce, qu'il devoit au commandement de
ſon Prince. Ce fut près de luy que fut
bleſſé le Chevalier Bonnivet, fort re-
gretté d'un chacun. Le Comte Rein-
grave n'oublia ruse ny induſtrie, la-
quelle il ſ'aviſa eſtre propre pour le
devoir de ſa charge. Avec ſes Alle-
mans il eſtoit toujours ſur la queue
des Anglois. On eût dit, voyant le
Seigneur Pierre Strozzi, que l'Eſcoſ-
ſe fuſt un Royaume, qui hereditai-
rement luy fuſt acquis, avec telle ar-
deur il donnoit ſur l'Anglois. La prom-
ptitude & viſteſſe du Seigneur de la
Chapelle Biron eſt grandement à priſer,
pour les continuelles atteintes qu'il
donnoit à l'ennemy. Pour cette occaſion

le Roy Henry II. du nom, cependant qu'il entendoit à y faire passer plus grande force, y dépescha ce valeureux Chevalier avec un nombre de Gentilhommes, pour éviter par ce prompt & soudain secours que les Escoffois ne tombassent dans l'inconvenient qu'ils avoient encouru par plusieurs fois de se perdre par faute de conduite, lequel comme personnage d'excellente & admirable vertu, encore qu'il trouvaſt l'Escoſſe en un merveilleux trouble, aſſaillie & en grande partie occupée par les Anglois, ſi donna il tel ordre à garder le reſte contre les ennemis, que du jour qu'il entra en Escoſſe, les Anglois trouverent toujours depuis non ſeulement, qui leur fit teſte, mais encore qui rompit & empescha leurs deſſeins. Que dirons-nous de Charles d'Amboiſe, ſeigneur de Chaumont, neveu du Cardinal d'Amboiſe, lequel pour ſa digne ſuffiſance, proüeſſe & experience, fut éſtably Lieutenant du Roy Louys douziefme du nom, en tout le Duché de Milan? Que s'il fut avancé en cet honneur, auſſi ne ſe monſtra-il pas nonchalant à y bien executer ſa charge. De fait, apper-

198 *Histoire des ſçavans Hommes,*
cevant que les traitez d'accord paffez
avec Maximilian , eſtoient rompus , il
entra en grande défiance à cauſe de
telle nouveauté , pour ce il ſollicita le
Roy de pourvoir ſoigneuſement à ſon
propre danger. Quel devoir fit-il d'en-
voyer ſoudainement quatre cens lan-
ces au ſecours des Florentins , trou-
blez par les partiſans de la maiſon de
Medicis ? Il ne ſe contenta pas d'avoir
depeſché en Normandie ſon Heraut,
pour commander non ſeulement au
Vittelloze , à Jean Paule , à Pandolfe,
& aux Urſins , mais ſemblablement au
Duc de Valentinois , qu'ils ſe dépor-
taſſent d'offenſer les Florentins , luy-
meſme en fit une grande inſtance au
Pape , & menaça avec paroles fort in-
jurieuſes , Julien de Medicis & les
Agens de Pandolfe & du Vittelloze , qui
eſtoient en ſa Cour. Contre les Veni-
tiens , quel devoir fit-il ? Ne prit-il pas
ſur eux le Poleſme de Rovigue , la Tour
Marquiſane , qui eſt aſſiſe ſur le rivage
de l'Adice devers Padouë ? Eſtant venu
à Caſtel-Balde , il eût à la premiere ſe-
monce les villes de Montagnage & Eſte.
Il preſſa tellement les Vicentins , qu'ils
furent contraints de ſe ranger à ſa mer.

Jean & Pierre de Bueil, C. XIII. 199
cy, laquelle je tiens devoir estre plûtoſt
louïée pour ſa benignité, que pour l'heur
de la victoire, ce qui ſera aiſé de recon-
noiſtre, ſi on fait contre-poids de la ri-
gueur, dont le Prince d'Hanhalt Lieu-
tenant de l'Empereur Maximilian vou-
loit les accabler, avec l'humanité de
ce Seigneur François, auquel l'Alle-
mand defera tel honneur, qu'ils furent
receus avec compoſition fort honne-
ſte. Pourſuivant ſa pointe contre les
Venitiens, il dreſſa ſi bien le ſiege de-
vant Legnague, qu'il l'emporta, non
ſans un grand honneur, pour la gran-
de difficulté qu'il y avoit de pouvoir
l'aborder. Il y eut lonna de ſi près à Bou-
logne le Pape Jules deuxième, que
quoy qu'il fût meilleur guerrier qu'E-
vangeliste, ſi fut-il neceſſaire d'envoyer
Jean Pic, Comte de la Mirandole, pour
moyenner la paix entre le Roy de Fran-
ce & l'Egliſe. Jamais ne ſeroit fait,
qui déchiffrer par le menu tous les faits
de ce vaillant & genereux Seigneur, le-
quel finit ſes jours à Corregge, oppreſſé
d'une maladie, qui ne le tint que
quinze jours. Je ne veux oublier ce
grand Chevalier Pierre de Navarre, le-
quel prit & déconfit le Duc d'Arty

200 *Histoire des ſçavans Hommes,*
à Rutiliane: il fut tellement obſtiné à la
bataille de Ravenne, que bien peu s'en
fallut qu'il n'y perdiſt la vie: de fait il
fut fait priſonnier, avec Fabry ce Colo-
nel, le Marquis de la Palude, celui de
Biſonte, le Marquis de la Peſquiere, &
autres Seigneurs & Barons, & honora-
bles Gentilſhommes, tant Eſpagnols
que du Royaume de Naples. Telle ca-
ptivité le fit entrer en la ſolde du Roy
François I. parce que le Roy d'Arragon,
mal-content de luy, pour raiſon de ce
qu'on luy attribuoit en grande partie
le mal-heureux ſuccés de cette journée,
n'ayant jamais voulu payer ſa rançon,
qui eſtoit de vingt mil ducats, & la-
quelle le feu Roy avoit donné au mar-
quis de Rothelin, pour le recompen-
ſer en partie des cent mil écus qu'il
avoit payez en Angleterre. J'avois bien
envie de celebrer icy la renommée du
Seigneur Jean de la Valette, Grand-
Maître de Malthe, qui ſouſtint le ſiege
avec peu de forces contre Dragut Ray,
accompagné de ſoixante mil Turcs:
comme auſſi le Seigneur Romegua, qui
mourut à Rome en l'année mil cinq
cens quatre-vingts & deux, lequel a
eſté appellé le fleau des Turcs. Mais

Jean & Pierre de Bueil, C. XIII. 201
jesens d esormais ce discours par trop
s'enfler, & que le continuant, il pour-
roit ennuyer le Lecteur. Nous sonne-
rons retraite au milieu de nostre car-
riere, prians ceux qui trouveront, que
nous devons discourir, ou avons legere-
ment passé sur la vie de ceux qui leur
touchent, qu'il leur plaise nous secou-
rir des memoires & pourtraits, que
nous mettrons en nostre seconde Edi-
tion, avec promesse de les décharger du
blâme, lequel par leur coulpe, fainean-
tise, & trop écharse taqunerie se sont
acquis ceux qui par nous interpellez
ont fait ou la canne ou la sourde oreille.










*ODET DE FOIX, SIEVR
DE LAVTREC .*



ODET DE FOIX.

SIEVR. DE LAVTREC.

CHAPITRE XIV.

LEs Atheniens furent jadis peuple fort inconstant, ingrat & peu reconnoissant les biens receus de leurs Capitaines & Gouverneurs naturels, & au contraire flatteur des tyrans, Rois & Princes étrangers, lesquels ils nommoient Dieux, leur faisant sacrifice & jeux solennels, encore qu'en leur cœur ils leur souhaitassent mal & dommage. Et de cette façon de faire userent-ils envers Demetrius, le surnommant Jupiter, & appelant leurs Deputez vers luy, non Ambassadeurs mais Theores, du nom de ceux qu'ils elisoient pour enquerir quelque chose de l'Oracle des Dieux,

204 *Histoire des sçavans Hommes,*
& outre ce luy donnerent le surnom de preneur de villes, combien que luy-mesme eût perdu son Royaume. Mais moy desirant faire paroître quel, & combien grand & belliqueux Capitaine fut Odet de Foix Seigneur de Lautrec, duquel je vous represente icy la figure au naturel, je pourray quant & quant sans m'éloigner de la verité luy attribuer ce titre de preneur de villes & vainqueur de Provinces. Et afin de ne parler par cœur, il me semble bon confirmer ma proposition par un succinct, mais tres-veritable discours de ses faicts d'armes & genereuses entreprises. Entrons donc en matiere, & commençons à la noble race de Foix, dont il a pris origine, & qui a produit tant de personnes illustres en vaillance & sagesse, qu'encore de jour à autre s'en presente la memoire devant nos yeux par les anciens monumens, qui nous en restent au Royaume François, duquel ils ne se sont jamais alienez, mais plustost se sont voüez à la defense, protection & augmentation d'iceluy. Or en ce voyage que fit en Italie Gaston de Foix Duc de Nemours, comme Lieutenant & Gouverneur general, pour

reprimer la temerité du Pape Jules second, homme plus martial que divin, Odet de Foix son proche parent fit son apprentissage, & montra en la bataille de Ravenne que le cœur ne peut mentir au besoin. Car suivant de mesme affection que son General & Capitaine, les ennemis tournez en fuite, il eût sans doute passé par les mesmes picques de la mort que l'autre, sinon que réservé à faire plus grands services au Royaume, il fut pris à rançon par un Capitaine Espagnol nommé Gourdon, lequel peu de temps apres le remit en liberté. Luy donc plustost réveillé & encouragé par cette premiere atteinte de fortune qu'épouvanté, delibera de poursuivre l'heur, qui s'offroit és guerres qui commencèrent alors entre les Rois de France Louis douzième & les Venitiens, lesquels pour sembler sages & temporisans, ne cherchoient qu'à semer discorde entre les Rois, & mettre tout en combustion pour s'agrandir & enrichir de la misere des autres. En cet exploit d'armes, Odet de Foix, Seigneur de Lautrec, ville située dans le pays de Gascogne, montra les premiers coups d'essay de sa vertu,

206 *Histoire des sçavans Hommes,*
laquelle devoit un jour commander es
mesmes lieux aux armées & seigneur-
ies Italiennes. A ce commencement
donc luy fut donnée une compagnie de
cent hommes d'armes, & fait en mesme
temps Gouverneur en Guyenne. Après
le deceds du Roy Louis douzième son
oncle maternel, le Roy François parve-
nu à la Couronne, ayant fait preuve de
la prudence de ce belliqueux Seigneur,
au voyage qu'il fit au Royaume de Na-
varre, luy le tint près sa personne, &
l'employa aux affaires d'importance.
Aussi au voyage qu'il dressa pour le re-
couvrement de Milan, Lautrec ayant
combattu vaillamment contre les Suif-
ses, au jugement mesme du Roy em-
porta l'honneur de la journée de Mari-
gnan. A cette cause il fut commis pour
conquerir les villes du Milannois, &
pour cet effet passa jusqu'à Bresse, la-
quelle il assiegea & battit si furieuse-
ment, qu'elle fut renduë au Roy. Ce
fait, il fut sollicité par le Pape Leon
d'envoyer des forces pour reprendre le
Duché d'Urbain sur Francisque Marie
usurpateur d'iceluy, à quoy il ne faillit,
& y envoya pour Lieutenant du Roy
Messire Thomas de Foix, Seigneur de
Lescut

Lescut son frere, lequel fit telle diligence, qu'en peu de jours il mit ledit Duché en son obeissance. Ces choses considerées, Charles de Bourbon Connestable, auquel avoit esté commis le gouvernement du Milannois, s'en voulant retourner en France, le Roy ne sceut choisir personne plus capable pour administrer telle charge, que le sieur de Lautrec, lequel il laissa Gouverneur de Milan & son Lieutenant general en Italie. Donc ayant pris l'armée en main, il delibera parachever ses conquestes commencées, pourvoyant es endroits plus necessaires, ordonnant les Capitaines aux villes & lieux de defense, bref il n'obmit chose qui fût de son devoir : Seulement fut-il repris de s'estre montré trop affectionné, recherchant un grand nombre de pariaux & conjurateurs de Milan, qui furent par luy exilez. On luy met aussi à plus que trop facilement, & sans meure deliberation, il fit mourir quelques nobles du pays, incité à ce faire par leur riche dépouille, octroyée à son frere le Marechal de Foix. Neantmoins il soutint avec peu de compagnies l'effort de l'Empereur, du Pape & autres Poten-

208 *Histoire des ſcavans Hommes,*
tats d'Italie, juſques à ce que contraint
par l'importunité des Suiſſes, de les
aſſaillir à la Bicoque, perdit & la com-
pagnie & le Duché de Milan, le reſte
de ſes compagnies ſe retirans en Fran-
ce. A cette cauſe ſe voyant abandonné,
ſes entrepriſes rompuës, ſon armée rui-
née, & les Venitiens qui déjà ſe faſ-
choient de ſoutenir le reſte de ſon ar-
mée en leur païs à faute de payement,
ſe retira en France. Si le Roy luy fit un
mauvais accueil, & s'il ne voulut par-
ler à luy, il ne ſ'en faut étonner, comme
à celui qu'il eſtimoit avoir par ſa faute
perdu ſon Duché de Milan. Toutefois
le Seigneur de Lautrec ſe voulant juſti-
fier, trouva un jour le moyen d'aborder
le Roy, & ſe plaindre à luy du mauvais
viſage que ſa Majeſté luy portoit. A
quoy le Roy fit reſponſe qu'il en avoit
grande occaſion, luy ayant perdu un tel
heritage que le Duché de Milan. Lau-
trec reſpond que ce n'avoit eſté luy,
mais ſa Majeſté, veu que par plu-
ſieurs fois il l'avoit adverty, que s'il
n'eſtoit ſecouru d'argent, il connoiſſoit
qu'il n'y avoit plus d'ordre d'arreſter la
gendarmerie, laquelle avoit ſervy dix-
huit mois, & juſques à l'extremité, ſans

deniers. Je laisse le surplus de ce propos. Par ce que dessus est dit, on peut voir si justement on luy pouvoit imputer la perte dudit Duché, s'estant mis en tout devoir de le conserver. Et pour plus ample preuve de sa diligence, je mettray en avant le peu d'effort que puis apres y sceut faire Monsieur l'Admiral Bonnivet, lequel se voyant sans esperance d'y rentrer, fut contraint s'en retourner, quelques intelligences qu'il se dît avoir au Milannois. Neantmoins pour laisser passer ce mauvais contentement, fut d'avis se retirer en son gouvernement, où estant espousa peu apres la fille du sieur d'Orval, frere d'Henry d'Albret Roy de Navarre. Toutefois comme c'est la coûtume de ne connoistre la vertu, sinon és temps perilleux, & lors que le danger eminent contraint de la rechercher; Aussi sceut-on par apres que pouvoit valoir ledit sieur de Lautrec, car lors que les affaires de France sembloient la menacer d'une ruine totale, le Roy & les grands Seigneurs du Royaume, qui restoient de la bataille de Pavie, estans prisonniers és mains des Imperiaux, le Seigneur de Lautrec fut rappelé, pour derechef

210 *Histoire des ſçavans Hommes,*
prendre les affaires en main , & par ſon
meur avis pourvoir aux inconveniens
qui pourroient advenir. De fait, amaf-
ſant ce qui reſtoit des compagnies , de
prime arrivée ſurprit la ville de Genes,
& mit en ſon obeïſſance tout le païs de
là les Monts , prit Pavie de force , &
conquît le Duché de Milan , lequel du
depuis par les conventions de la Ligue,
appelée Sainte , il remit és mains de
François Sforce. Pendant que ces cho-
ſes ſe faiſoient par luy , le Duc de Bour-
bon enorgueillly de la victoire conquiſe
à Pavie ſur les François , s'eſtoit avancé
avec les Lanſquenets ſur les terres de
l'Egliſe , en intention de ſurprendre
Rome , & contraindre le Pape de luy
faire finance , ce qu'il accomplit , ſans
que toutefois il en eût autre profit , ſi-
non que luy-mème fut tué au ſiege de
Rome , laquelle fut par ſes gens priſe &
pillée & le pape Clement detenu par les
ſoldats. mais auſſi-toſt que le ſieur de
Lautrec fut adverty d'un tel deſaſtre,
ſe delibera donner ſecours au pape , &
ſ'achemina à cet exploit. Or cependant
qu'il ſejourna quelque temps à Boulo-
gne , les Imperiaux voyans la bonne
fortune , craignans perdre leur butin ,

& qu'ils fussent contraints mettre le Pape en liberté, le mirent à rançon. Ainsi donc le sieur de Lautrec passant à Rome, poursuivit jusqu'au Royaume de Naples l'armée Imperiale, remit Rome en l'obeïssance du Pape, & se fit publiquement renommer pour restaurateur & confortateur de l'Eglise Chrestienne. Poursuivant donc ses brisées il reconquît en bien peu de temps la plus grande partie des Villes, Chasteaux & Fortereſſes de la Pouille & du Neapolitain, & enfin assiegea le camp des ennemis près Troyes, esperant les avoir facilement la corde au col. Mais quelquefois nos avis ne reüssissent à telle fin que nous esperons, aussi en ce cas se trouva-il deceu, attendu que l'ennemy délogea sans bruit: il ne laissa pourtant de luy donner la chasse jusques dans Naples, laquelle il assiegea, & sans doute l'eut facilement emportée, si les inconveniens de la fortune envieuse de ses prosperitez ne l'eussent trompé. Quel plus heureux fait d'armes, quelle plus victorieuse conquête, quelle avanture plus remarquable, que celle qu'il pratiqua sur mer contre les assiegez, les contraignant de combattre,

212 *Histoire des ſcavans Hommes,*
& prenant prifonniers les principaux Capitaines des Imperiaux ? Mais, ô aveugle & inſtante fortune, ainſi qu'il eut ordonné que l'on les amenafi en France, & euſſent eſté pour ce faire baillez à Philippin d'Orie, le Seigneur André d'Orie, lequel déſlong-temps pour quelque mécontentement cherchoit les occaſions de ſe revolter & endommager le Roy, retint les prifonniers à Genes, au grand deſavantage des affaires du Seigneur de Lautrec : car eſtans bien-toſt apres delivrez, furent ceux qui luy braſſerent les menées, dont il ſe trouva ſi empeſché, qu'il fut contraint (quoy qu'au reſte invincible) y ſuccomber : parce qu'iceluy d'Orie, combien qu'il fut commis par le Roy pour luy donner ſecours, au contraire encouragea & favorifa les ennemis, tant de ſa perſonne que par autres moyens à luy poſſibles. Ainſi l'armée de Lautrec ſe mattant & debilitant petit à petit, tant par faute de payement que par la mortalité qui l'endommageoit, il fut contraint mander au Roy qu'il luy envoiaſt gens & argent à ſon ſecours, ce que n'ayant ſceu impetrer à ſa volôté, il n'entreprit auſſi d'avantage.

fur l'ennemy. Parquoy à la fin de Juillet mil cinq cens vingt-huit, la mortalité se renforçant dans son camp devant Naples, en moins de trente jours de 25000. hommes de pied, n'en demeura pas quatre mil, & de huit cens chevaux n'en demeura pas cent. Et mesmement y mourut ledit Seigneur de Lautrec, le Comte de Vaudemont, le Prince de Navarre & autres, le nombre desquels je laisse pour n'estre pas long. Le Roy ayant receu les nouvelles de la mort de Lautrec, s'il en fut fasché il n'est besoin de le décrire : car vous pouvez estimer quel ennuy ce luy fut d'avoir perdu un tel personnage. Aussi pour luy faire honneur tel qu'il meritoit, outre ceux que l'on a de coustume faire aux Lieutenans du Roy, sa Majesté luy fit faire son Service à Nostre-Dame de Paris, où assisterent en deuil tous les Princes du sang, comme si c'eût est pour un fils du Roy. Ce qui a donné cause à l'erreur de ceux qui dans la vie du Roy François premier, qui a esté conjointe aux Chroniques Françoises de Carion, ont escrit que son corps fut amené en France. Il fut pareillement ordonné au Consistoire du Pape, du

214 *Histoire des sçavans Hommes,*
consentement de tous les Cardinaux,
& au Capitole de la ville par l'avis de
tout le peuple Romain, que de là en
avant tous les ans & à perpetuité luy
feroient faites obseques solennelles,
son tombeau dressé en l'Eglise de Saint
Jean de Lateran, & outre en signe
d'honneur, seroient faites à jamais pro-
cessions & supplications publiques,
comme pour le liberateur & conserva-
teur de leur ville, vies, biens & liberté.
Acte certainement digne de la gravité
& generosité d'une Republique Ro-
maine, & qui devoit faire honte au
Prince d'Orange, ennemy de Lautrec,
lequel par envie & indignation, ne luy
voulut decerner droit de publique se-
pulture. Encore tient-on que quelques
soldats Espagnols, poussez d'une insa-
tiable & maudite avarice, ferrerent &
enterrerent son corps en une cave, es-
perans que quelqu'un le recepteroit
avec grand prix de deniers. Mais enfin
comme la vertu est toujours resplan-
dissante & aimée mesme des ennemis,
un signalé & gentil Chevalier Espagnol
nommé Ferdinand de Consalve, Cor-
douan, neveu de Louis de Consalve,
surnommé le Grand, émeu de l'indi-
gnité

dignité du faict rachepta les os de ce guerrier trépassé, & vingt-huit ans apres sa mort luy fit dresser, à ses propres coûts & dépens, un monument sepulchral de marbre, digne de la magnanimité du vivant & de la memoire du defunt, contre lequel il fit graver l'Épitaphe qui ensuit.

ODETTO FVXIO LOTRECO,
FERDINANDVS CONSALVVS
LVDOVICI FILIVS CORDVBAS,
MAGNI CONSALVI NEPOS,
CVM EIVS OSSA, QVAMVIS
HOSTIS, IN AVITO SACELLO,
VT BELLI FORTVNA TVLERAT
SINE HONORE IACERE COM-
PERISSET HVMANARVM MISE-
RIARVM MEMOR, GALLO DV-
CI HISPANVS PRINCEPS.

Voila un faict digne de la vertu des anciens, & peu se trouvent de pareils exemples entre les Chrestiens, sinon que l'on veuille honorer le Capitaine, lequel estoit soigneux d'octroyer les roits de sepulture aux Romains ses ennemis tuez en guerre. Or si quittans toute particuliere affection & propre

Tome V. T

216 *Histoire des ſçavans Hommes,*
paſſion nous voulons peſer avec une juſte balance les faits de ce Capitaine & fortuné guerrier , nous le trouverons accompli de toutes les bonnes parties, qualitez & vertus requiſes en un chef de guerre , telles que ſont la rigueur, juſtice , pourvoyance , diligence & ferme aſſurance és dangers , veu que jamais aucune difficulté, nul peril & deſavantage le ſceurent empêcher de ſes entrepriſes encommencées. Seulement il a eſté accuſé de cette faute , digne certainement de reprehension és Capitaines & chefs de guerre , ſçavoir que ſe fiant trop en ſon propre avis & conſeil, mépriſant celuy des autres , deſſendoit & maintenoit ſon opinion ſi aſſuré-ment & opiniâſtremment , que pour eſtre eſtimé avoir uſé de prudence militaire, taſchoit de le conſerver par une trop affectée volonté & conſtance. Toutefois il s'étudioit de recompenser telle infirmité par une liberalité tres-neceſſaire & recommandable en l'homme guerrier, ne refusant choſe quelconque à ceux qu'il voyoit bien affectionnez au ſervice de ſon Roy. Sa juſtice a toujours eſté ſi bien maintenüe, que

plustost il a esté repris d'une trop grande severité & rigueur, excédant quasi les limites d'une juste equité, que d'une avarice & convoitise, jusques-là que pour estre estimé juste il se laissa envelopper d'une sanguinolente effusion de sang humain, lors qu'à la sollicitation d'aucuns partiaux condamna quelques milannois aux supplices ignominieux de mort : combien que ceux qui en ont eu certaine connoissance en attribuent la cause à son frere le sieur de Lescut, lequel severe de son naturel, imprimoit telles affections en l'esprit du sieur de Lautrec, homme paisible & humain de nature. Au reste en toutes avantures ce de Lautrec a surpassé ses deux autres freres, sçavoir Thomas de Foix Seigneur de Lescut & mareschal de France, qui mourut à la journée de Pavie, & André de Foix, surnommé d'Asparault, lequel du commencement fut assez bien fortuné au voyage qu'il fit pour reconquerir le Royaume de Navarre, detenu par les Espagnols, ce qu'il fit en moins de quinze jours : mais par mauvais conseil ayant donné congé à son armée, se trouva surpris, & tant battu

218 *Histoire des ſcavans Hommes,*
de l'ennemy, qu'il en perdit la veüe.
Voilà ce qu'en bref je puis dire de ces
trois vaillans Capitaines, la memoire
deſquels ne pourra jamais perir, eſtant
gravée par fondement en celle de la
poſterité par leurs faiſts valeureux &
vaillances incroyables. Et pour ce, je
prieray ceux qui ſe veulent avancer au
ſervice du Roy & du Royaume, de con-
ſiderer que non à plaſanter, baller &
ſuivre les delices de la Cour, ils ſe ſont
acquis telle reputation, mais par la-
beurs infinis, aſſidu exercice, volonté
fervente & prompte obeïſſance. Si eſt-
il taxé de ce qu'il ſ'arreſtoit par trop ſur
l'apparence de ſes opinions, qui eſt d'u-
ne fort perilleuſe conſequence, princi-
palement quand un chef de guerre
adore tellement ſes conceptions, qu'il
met en arriere tout l'avis que les autres
luy baillent. Plus ſuffiſante preuve ne
ſçauroit-on trouver, qu'en ce qui ad-
vint au Seigneur de Lautrec, qui ſe
trouva alenty pour une telle fauſſe im-
preſſion qu'il ſe donna, que les Impe-
riaux avoient perdu cœur pour la vi-
ctoire, que Philippin Dore obtint ſur
eux en mer. De fait, les Neapolitains
eſtoient fort ébranlez, pour la crainte

qu'ils avoient de la faute de vivres, puis qu'ils demeuroient orphelins de la Seigneurie de la mer. Ce qui entretenoit en telle verdure cet heroïque Capitaine, est qu'on surprit un brigantin, avec lettres des Capitaines adressées à l'Empereur, par lesquelles ils luy faisoient entendre qu'il avoit perdu la fleur de l'armée, qu'il n'y avoit pas du grain dans la ville pour plus d'un mois & demy, qu'il falloit faire les farines à forces de bras, que les Lansquenets commençoient à faire quelque tumulte, qu'il n'y avoit point d'argent pour les payer, & qu'il n'y avoit plus de remède aux affaires, si une soudaine provision de secours & de deniers ne venoit tant par mer que par terre. Cela fit, qu'encore que l'ennemy fut le plus fort, jamais on ne pût faire entrer au cerveau du sieur de Lautrec, qu'il soudoya des Chevaux-legers, pour opposer à ceux des Imperialistes. Au contraire permettoit-il que la plupart des gens de cheval François demeurassent répandus dans Capouë, dans Averse & dans Nole. C'estoit bien loin de croire le conseil de ceux qui luy conseil-loient de soudoyer sept ou huit mil

220 *Histoire des ſçavans Hommes,*
hommes de pied, tant pour le ſupplément de l'armée, que pour eſtre plus puiſſante. Je ne fais point de doute, que toutes ces conſiderations ne ſoient fort gentilles, bien priſes & encore de meilleure grace, mais ſi c'eſtoit affaire à les mettre en eſpreuve, c'eſt là où les plus ſublimes ſe trouveroient bien entrepris. De ma part j'ay regret d'oüir quelquefois cajoler quelques-uns, qui diſcourent beaucoup des exploits guerriers, mais ce ſera à credit & autant à propoſ, que faiſoit Phormiō devant Annibal. S'ils euſſent eu une armée, telle que le ſieur de Lautrec ſur les bras, & ſe voir dénué de deniers, je m'aſſeure qu'ils n'eueſſent pas ſi long-temps tenus bon allencontre de l'ennemy. Et pleut à Dieu, que ceux qui ont commandement en guerre, ſceueſſent bien ſe modeler au moule de cet heroïque guerrier, qui quand bien qu'il auroit eſté ſurpris à cette fois, ne devroit pourtant perdre la gloire qu'il s'eſt acquiſe par le paſſé de vertueux & excellent Capitaine.





*ANTHOINE DE LEVE ,
ESPAGNOL .*



ANTOINE

DE LEVE, ESPAGNOL.

CHAPITRE XV.



AN s occasion n'a pas esté recherché par aucuns, qui estoit plus requis à un Capitaine & vaillant guerrier, ou la proüesse & force, ou bien la prudence & sagesse. D'une part & d'autre ceux qui se plaisent à repaistre leurs esprits en speculations, ont de quoy débattre, disputer & controoller. Mais puisque ce sont les syllogismes & gentilleses de Dialectique, qui peuvent découvrir la verité de ce faict, nous aurons recours aux exemples des anciens & heroïques guerriers, afin que

222 *Histoire des sçavans Hommes,*
nous puissions de leurs gestes tirer ce
qui sera nécessaire & propre, pour re-
soudre cette difficulté. De nier que la
diligence & adresse, qu'un Capitaine
a de sçavoir bien manier les armes, ne
le fasse grandement redouter, seroit
parler en Clerc d'armes, & vouloir
trop manifestement declarer une trop
grande lourdisse ou impudence, puisque
les histoires nous representent une infi-
nité de guerriers, qui par leur épée
seule se sont fait faire place par tout,
ont empieté les Empires, dominations
& seigneuries. Mais aussi de vouloir
dépouiller le Capitaine de prudence,
seroit vouloir oster le Soleil du monde.
Car encore que la belliqueuse force ser-
ve de beaucoup pour obtenir la victoi-
re, si faut-il que toujours le meur &
rassis jugement guide le tout. Pour
preuve de mon dire, je pourrois icy
faire un long recit de plusieurs batail-
les, qui estans bien près d'estre perduës,
ont à la fin esté gagnées par ceux qui
ont sceu à propos user de ruses de guer-
res suffira pour entrée de mettre en tes-
te ce vaillant & redouté Capitaine An-
nibal, qui par la faute de ses guides
s'estoit luy-mesme enfermé & livré à la

mercy de Fabius Maximus , qui connoissant le païs mieux qu'Annibal, faisoit estat que c'estoit proye, qu'il tenoit déjà prise au piege. Partant luy ferra le pas par où il pouvoit sortir de cette vallée où il estoit entré avec quatre mil hommes de pied, qu'il y ordonna, & disposa le reste de son armée sur les croppes des montagnes, si bien l'entoura qu'il ne pouvoit aller çà ny là, que ce ne fust avec la défaite de son armée. Apres il chargea la queue de l'armée Carthaginoise, la mit tout en desordre, & il y en eust bien huit cens de tuez. Annibal voyant le danger, où il estoit, & le peu de moyens qu'il y avoit de pouvoir resister, apres avoir encouragé ses soldats, délibera d'affiner son ennemy par une telle ruse : C'est qu'il fit choisir environ deux mille bœufs, de ceux que l'on avoit pris au pillage, & leur fist attacher à chaque corne des flambeaux, ou des fagots de sauls, & des javelles de ferment ; & ordonna à ceux qui en avoient la charge, que la nuit quand il leur hausseroit un signe en l'air, ils missent le feu à ces fagots, & chassassent les bœufs à l'encontre des costaux, vers

224 *Histoire des ſçavans Hommes,*
endroits que Fabius faisoit garder, pour
luy empescher le passage. Ce qui fut fait
& dès que les soldats Romains virent
une telle bande de flambeaux, pensoient
que ce fussent les ennemis, qui eussent
déjà gagné bien avant sur eux, & qu'ils
les vinssent charger. Apprehension sou-
daine, qui leur fit abandonner la garde,
& quitter la place à Annibal, qui me-
noit déjà à grande force son armée pour
s'emparer de ces détroits, puis se déga-
ger : poursuivant sa pointe alla charger
les Romains. Il y a infinis autres témoi-
gnages, lesquels pour brieveté, je cou-
leray sous silence, puis que la raison
nous enseigne, que tout ainsi que l'hô-
me, quelque fort & robuste qu'il soit,
ne peut exploiter actes genereux, s'il
n'est principalement guidé & gouverné
par la raison. Autrement faudroit priser
davantage la force des lyons, ours & au-
tres bestes brutes, que celle des hom-
mes : & pour encore plus clairement le
verifier que telle est la verité, je repre-
senteray icy un Capitaine Espagnol,
qui a par sa seule prudence aussi bien
qu'Annibal, Marcellus, Cesar, Pelopi-
de & autres Chevaliers martiaux ex-
plôité plusieurs magnifiques & émer-

Antoine de Leve. Ch. XV. 225
veillables gestes belliqueux. Seulement avoit-il l'esprit & la langue à commandement, qui le fissent estimer, du reste de son corps il estoit tout paralytique. Et pour raison de cette paralysie il se faisoit porter coûtumierement à ses serviteurs en une chaire, ou marchoit dans une litiere. Quant aux ruses & finesesses de guerre il ne cedit à personne, comme il a fait paroistre par plusieurs expéditions, où il s'est si bien comporté, qu'il s'en est acquis une gloire à jamais perdurable. Ce que témoigne fort bien Antoine Vulpius par ces Vers.

Quum semper vincas, totis licet artibus eger

Consilio, non vi, vincere, LEV A, doces.


Et sans doute, quelque impotent, maleficié & perclus de ses membres qu'il fust, si de petit compagnon & simple soldat qu'il estoit, s'est-il sans force ou adresse corporelle si bien avancé, que sur tous ses compagnons il s'est fait par plusieurs grandes victoires qu'il a obtenues. Et sur toutes autres est memorable le recouvrement qu'il a fait de Pavie, pendant que Mon-

226 *Histoire des sçavans Hommes,*
sieur de Lautrec estoit devant Naples.
Il sceut si bien épier les commoditez,
que de nuit, alors qu'on ne s'en dou-
toit point, il fit écheller cette ville
par trois endroits, la prit d'assaut,
& avant que les soldats à peine y pûs-
sent prendre garde, il s'en rendit maî-
tre, prit prisonnier un fils de Janus Fre-
gose, & Pierre de Lungene, qui avoit la
charge de la garder avec quatre cens
chevaux & mille hommes de pied des
Venitiens. Apres poursuivant sa poin-
te, il alla à Piagras, l'assiegea; &
enfin, sans avoir beaucoup attendu
de coups d'artillerie, la mit sous la
puissance de l'Empereur son Maistre.
Icy je particulariserois, comme il se
comporta en son gouvernement de
Milan, si nos Histoires n'estoient plei-
nes de repoulses qu'il a faites à l'en-
contre du Comte de Saint Paul, de
Jacques de Medicis, & de tous ceux
qui vouloient se bander contre le par-
ty des Imperialistes. Pour encourager
ses soldats, & les rendre de plus en plus
affectionnez à ses commandemens, il
leur abandonnoit le pillage des villes &
places que l'on prendroit: & par ce
moyen les aiguillonna d'autant plus à

faire leur devoir, & à s'opposer aux forces des adversaires. On le taxe de quatre choses, d'ambition, de trop grande affection envers son Maître, d'avarice & de couïardise. De nier qu'il ne fust fort convoiteux d'honneur, on ne peut, attendu que c'est l'habit, duquel sont coustumierement revestus telles gens, que ce vaillant Capitaine, qui eust esté reputé d'un cœur failly, & du tout basanné, s'il n'eust, comme l'on dit, esté transpercé du desir d'atteindre au point d'honneur. Si cela est à louer ou à blâmer, ce n'est icy le lieu d'en pouvoir à plaisir disputer : je sçay bien que sans l'aiguillon de gloire & loüange plusieurs, qui pour leurs genereux & heroïques faits sont par tout celebrez, ne se fourroient aux dangers la teste baissée & viriement. De luy sçavoir pareillement mauvais gré de l'ardeur, qu'il avoit à soustenir le party de l'Empereur, se seroit luy faire tort. Car, sans entrer à la cause de la guerre, qu'il menoit, il ne pouvoit, ou autrement, se fust-il montré lasche & déloyal, qu'il ne s'employast de tout son pouvoir à maintenir sa querelle. Et de fait,

228 *Histoire des sçavans Hommes,*
il avoit le plus souvent ces propos en sa bouche, qu'il ne falloit regarder à aucune chose pour aggrandir & conserver tant son honneur que la dignité de l'Empereur. Qu'en cela il ne se soit par trop licentié, on ne peut le revoquer en doute. Si pour avoir amassé quelque chose & l'avoir ferré plus soigneusement qu'aucuns n'eussent voulu, on veut dire qu'il ait esté avaricieux, je m'y accorderay : mais qu'il ait ravy à autrui ce qu'il ne devoit, jamais on ne le pourra prouver. Reste la coüardise qu'on luy impose, parce qu'il se sauva en la journée de Ravenne. S'il falloit ainsi inferer, il faudroit accoupler en cette cordele le Vice-Roy & Cavagial, qui se sentans trop foibles, firent beaucoup mieux de se retirer, que de se mettre & le reste de leurs gens à la dernière épreuve & trop éminent danger de leur vie. Cela eût esté plutôt réputé à temerité qu'à hardiesse & vaillantise. Apres avoir exercé plusieurs actes de proüesses, cet heroïque Capitaine âgé de cinquante ans alla de vie à trépas l'an mil cinq cens trente-cinq. de dépit & regret qu'il eût d'avoir failly à l'entreprise de Marceil-

le , dont l'Empereur fut fort fasché,
pour avoir perdu un si expert & fidele
Lieutenant, comme estoit cet Espagnol,
la mort duquel, encore que plusieurs
autres estiment que ce fust à cause de la
peste , découragea Charles Quint de
poursuivre plus avant le complot de
Marseille , qu'il pensoit déjà tenir seu-
rement, pour en avoir eu promesse du
Marquis de Saluces.











*ALBERT PIE, PRINCE
DE CARPY.*



ALBERT PIE.

PRINCE DE CARPY.

CHAPITRE XVI.

 O V R accompagner cette vive image du tres-vertueux Prince & Comte de Carpy, Albert Pie, laquelle t'est icy representée, l'ayant tiré de sa sepulture, élevée en cuivre dedans le Temple des Cordeliers de Paris, deux ans auparavant qu'il fust brûlé, j'oseray, à juste occasion, le mettre au nombre des exemples de ceux qui ont couru les traverses de la diverse fortune, laquelle se plaist tantost à exalter, tantost à abbaïsser les actions mondaines, afin que les hommes mortels resolus en cette persuasion & connoissance de sa mutabilité & inconstance, apprennent

232 *Histoire des ſçavans Hommes,*
& confiderent, que bien ſouvent la vertu & prudence ſont contraintes faire joug & caller la voile aux flots orageux & circonvallation de la fortune. Il naſquit de nobles parens, & eſtoit iſſu de de race tres-ancienne, laquelle de pere en fils a tenu par longue ſucceſſion la Principauté de Carpy, ville ſituée en la vallée de Montirone, anciennement appellée *Campi Nacri*, combien qu'au paravant elle eût tenu le gouvernement & domination de Mutine. Dès ſa jeunefſe, au milieu des delices & affluence des biens & honneurs, il appliqua ſon eſprit à l'eſtude des bonnes lettres & ſciences tant divines qu'humaines, ſoigneux auſſi d'apprendre les bonnes & vertueuſes mœurs. Il fut d'une haute & bien compoſée ſtature de corps, puiſſant de nerfs, & propre à manier les armes, d'un eſprit viſ & ſubtil, d'un courage grand, incomparable & d'affaires d'importance. Nulle ſcience, tant difficile fut-elle, nulle gentilleſſe & art ſe peut preſenter à ſon eſprit, que facilement il n'en euſt parfaite intelligence & aſſeurée connoiſſance. Car il eſtoit tres-prompt à comprendre d'un jugement raiſſis &

temperé , admirable à tous , pour sa tres-heureuse memoire , doué d'une si éloquente grace de parler , qu'en toutes disputes & compagnie où luy fust demandé son advis & opinion, soit qu'il fust émeu de courroux & de haine , ou moderé , il pouvoit gagner l'affection des assistans , & leur persuader toutes choses par son éloquence affectée. Perfections , certes , tres-loüables aux grands Seigneurs , qui aiment les vertus , & au contraire honteuses & blasrables à ceux qui les rejettent & demeurent du tout ignorans. Par sa prudence singuliere & bonté il s'acquist la grace & faveur des plus grands Rois & Empereurs du monde : sçavoir , de François premier du nom Roy de France , & Charles cinquième Empereur des Romains : joint qu'en un conseil se trouvoient peu de personnes semblables à luy, pour resoudre promptement un affaire d'importance. Il estoit vaillant au fait de la guerre , & en temps de paix gracieux & accort. Sous quatre puissans Rois , & autant de Papes il a eu charge d'Ambassade, de laquelle il s'est si loyalement , prudemment & diligemment

234 *Histoire des ſcavans Hommes,*
acquitté, qu'il ſ'agiſt une grande reputation. Mais tout ainſi que de ſon temps la diſſenſion irreconciliable & occulte animoſité des Rois & Princes fut cauſe de pluſieurs troubles & guerres, eſtant contraint de prendre le party des uns ou des autres, il eſtima pour le meilleur choiſir & ſuivre la partie de ceux auxquels Alphonſe d'Eſt Marquis de Ferrare eſtoit ennemy, avec lequel dès long-temps il avoit contention ſur la poſſeſſion de ſes biens paternels. Donc en la compagnie de Chriſtophe d'York, Cardinal Anglois, Ambaſſadeur de ſon Roy Henry, & de Hieroſme Viche Ambaſſadeur du Roy des Eſpagnes; cet Albert, au nom de l'Empereur, & en ſon propre nom, pour avoir eſté dénué & chaffé de Mutine ſignifia la guerre audit Alphonſe & aux François, deſquels eſtoit chef un Seigneur d'Amboiſe. Mais une fortune ſuccedant & favorifant aux affaires d'Alphonſe plutôt qu'à la vertu & prudence d'Albert Pie, fut cauſe que parmy le trouble des Rois & publiques calamitez, Pie ſe trouva embrouïllé, dénué & dépoſſedé de ſes biens. Car le Pape Clement ſeptième ayant eſté pris.

captif par les Capitaines de Charles de Bourbon , tué au sac de Rome , Albert Comte de Carpy , lors estant près Clement , & mis en liberté se retira en France , où estant arrivé , il entendit que l'Empereur par son autorité & jugement l'avoit dépouillé de la Principauté en faveur de ses adversaires. Or pour comble de malheur & affliction, il estoit ordinairement tourmenté des gouttes , qu'il supportoit en grande douleur , mais peu luy continua cette patience Chrestienne : Car la contagion moissonnant le peuple dedans Paris , il ne s'en pût sauver ny garentir. Il mourut donc à Paris, non fort âgé, toujours esperant par le moyen des armées Françoises estre remis en son patrimoine. C'est celuy lequel devant que de mourir , commanda & voulut estre vêtu de l'habit de Cordelier , mourir dedans , & estre enterré, croyant que sous l'habit monachal il y avoit quelque vertu cachée pour sauver les hommes, ce qui donna occasion à Clement Marrot , qui vivoit de son temps de le brocarder , disant qu'il se fist Moine apres sa mort. Le Cardinal Rodolphe Pie son neveu de par son frere , lequel peu

236 *Histoire des ſçavans Hommes,*
de temps apres , le Pape Paul pour ſa
prudence , vertu & authorité avoit
receu au nombre des Cardinaux , en
memoire de ſon Oncle , fit élever un
ſepulchre & ſtatué de cuivre , qui ſe
voit encores aujourd'huy au Convent
des Cordeliers , touteſois beaucoup
endommagée de l'ardeur du feu, prin-
cipalement l'or duquel elle eſtoit do-
rée , & contre ledit ſepulcre ſont ces
mots écrits :

ALBERTO DE SABAVDIA
CARPENSIVM PRINCIPI,
FRANCISCI REGIS FORTVNAM
SEQVUTO, QVEM PRVDEN-
TIA CLARISSIMVM REDDIDIT,
DOCTRINA FECIT IMMORTA-
LEM, ET VERA PIETAS CÆLO
INSERVIT VIX. ANNOS. XLV.

C'eſt à dire, *A Albert Pie de Savoye,*
Prince de Carpy , qui ſuivit la fortune du
Roy Francois. Lequel ſa prudence a rendu
tres-renommé , ſa doctrine a immortalis,
& ſa vraye pieté a rangé au Ciel , a peine
agée de cinquante-cinq ans.

Mais il s'eſtoit bien auparavant

dressé un plus durable , excellent & digne monument , lors que refutant les opinions de Luther , il prouve les poincts de nostre foy , & aussi éloquemment que gravement il contredit aux opinions particulieres , qu'Erasme , non constant en la foy , avoit semées en quelques siens Opuscules. Le livre est imprimé à Paris par Badius l'an mil cinq cens trente-un , auquel an il deceda , sur le trépas duquel & impression de ses œuvres fut composé alors ce distique.

*Hostibi cana fides PIVS agris flatibus
hymnos*

Hæc sibi, ceu moriens, iusta caneba: O'or.

Autre distique sur luy-mesme.

*Dignus honore PIVS quisquis prosequun-
tus Erasmus,*

Interiore PIVS fervet amore Dei.


Ce genereux Prince pour faire preuve de sa vertu choisit cet Erasme, auquel à la verité on ne peut dérober cet honneur , qu'il ne fust l'homme doué d'autant de graces & perfections que nul autre de son âge, mais aussi se faisoit-il accroire plusieurs choses qui estoient de si

238 *Histoire des ſçavans Hommes*,
mauvais gouſt à l'appetit du Comte de
Carpy, qui ſe mit à le rembarrer: d'au-
tre coſté Eraſmé ne le laiſſoit ſans re-
charge aſſez vive, comme pourront
voir ceux qui daigneront prendre plai-
ſir de lire l'Epître Parenétique de no-
ſtre Albert à ſon Hollandois, & la ré-
ponſe que reciproquement par dupli-
ques & tripliques qu'ils ſe ſont faits. Il
a compoſé pluſieurs autres Livres, qui
ſont, Des Moines, Des Ceremonies de
l'Egliſe, du Parement des Temples, de
l'Adoration des Images, du Service &
Veneration des Saints, des nouveaux
Theologiens, de l'autorité des Eſcri-
tures, du Myſtere de la Trinité, des
Charges des Evesques, de la Primauté
de S. Pierre, des Traditions Humai-
nes, du Vœu de Continence, de la
Virginité & Celibat, du Mariage, de
la Confeſſion Sacramentale, de la
Guerre, & du droit d'icelle, du Ser-
ment & Menſonge, & pluſieurs autres,
qu'il ſeroit trop long & ennuyeux de
ſpecifier icy. La lecture pourra aisé-
ment deſſiller les yeux d'ignorance de
ceux qui ſeront ſi bien adviſez que s'é-
battre à leur lecture.





*PHILIPPE DE VILLIERS,
D.^{er} GRAND M.^{re} DE RHODES*



PHILIPPES

DE VILLIERS,

DERNIER GRAND MAISTRE DE RHODES.

CHAPITRE XVII.



POUR entendre l'origine & premiere institution de l'Ordre des Chevaliers de Saint Iean de Ierusalem, composé des trois Estats de Religieux, qui representent l'Eglise, obligez aux vœux de pauvreté, & font le service ordinaire de Chevaliers, qui representent la Noblesse & des servans d'armes, qui representent le tiers Estat; il faut noter que quelques marchands Melphitains du Royaume de Naples, ou selon les autres, Iean Hyrcane, fils de Simeon, fon-

240 *Histoire des Scavans Hommes,*
derent, & firent bastir un Hospital à
Hierusalem, pour y retirer les pauvres
Chrestiens Pelerins qui y alloient de
toutes parts de la Chrestienté en voya-
ge : Auquel ils establirent & fonderent
des Moines pour les servir. Depuis,
comme les Rois de Hierusalem se virent
oppressés de la guerre que leur faisoient
le Souldan, les Turcs & autres Infide-
les, desquels les forces augmentoient
de jour en jour, de façon qu'il estoit tres-
mal-aisé de pouvoir plus longuement
resister à de si puissans ennemis, ils ad-
viserent avec le Conseil de tous les au-
tres Princes Chrestiens, qui avoient
fait le voyage d'outre-mer, pour
tirer quelque bon secours, de dres-
ser & establir quatre Ordres militaires,
comme Saintes Confrairies & Compa-
gnies de gens-d'armes : & à chacune ils
donnerent un nom & titre des plus fa-
meuses & devotes Eglises de Hierusa-
lem. Ayans par cette œuvre digne &
excellente certaine confiance, que ce
titre Saint & Religieux augmenteroit
& aiguillonneroit davantage l'affection
de bien faire à ces Compagnies, & les
obligeoit d'autant plus à mieux faire
leur devoir, & vivre sous plus étroite

Philippes de Villiers, Ch. XVII. 341
discipline militaire, comme certainement les Romains, autant, sinon plus religieux que nation de la terre, ont toujours estimé que le Sacrement militaire estoit le vray & nécessaire moyen pour regler les gens de guerre. Ils établirent donc ces quatre Ordres, c'est à sçavoir les Chevaliers de Saint Iean, les Teutoniques, les Templiers, & les Chevaliers du Sepulchre, auxquels les Rois donnerent les titres de l'Hospital de Saint Iean, qui est celuy qui avoit esté dressé par ces marchans Melphitans : de l'Eglise de Sainte Marie, dont ont esté appelez les Teutoniques Marians, du Temple & du Sepulchre ou Latins, qui eurent pour premier Grand Maistre & Gouverneur un grand Seigneur François nommé Arthus : du Temple & du Sepulchre. En l'Eglise de Sainte Marie, on tient que l'Empereur Charles le Grand, apres qu'il eust delivré les pauvres Chrestiens de l'oppression du Souldan d'Egypte, donna l'Ordre de Chevalerie du Saint Sepulchre à tous ceux qui l'avoient accompagné à ce voyage d'outre-mer, l'an de salut huit cens & dix, & les honora de plusieurs privileges, dignitez

242 *Histoire des ſçavans Hommes,*
& prerogatives. Ce qui n'eſt fort difficile à croire , attendu que (comme j'ay remarqué cy-deſſus en la vie de cet Empereur Charles) il n'eſt point couché, au moins que j'aye pû voir , aux regiſtres anciens , qui ſont à Hieruſalem, des Empereurs, Rois, Princes & Grands Seigneurs , qui avoient fait le voyage de la Terre-Sainte. A chacune de ſes quatre Compagnies , on ordonna un Capitaine General , & furent appelez Grands-Maiſtres. Or avant que je parle du devoir , qu'ils ont fait à la Chreſtienté , je ſuis d'avis de dire icy en peu de mots quel eſt le Formulaire de la reception des Cheualiers du Saint Sepulchre, quelques oraiſons dites, le Chevalier , qui doit eſtre receu , ſe proſterne à genoux devant le Gardien , qui l'interroge de ces poincts , à ſçavoir , ſ'il eſt de noble race , ayant moyen de vivre & ſ'entretenir de ſes biens & revenus , ſanſ trafic ; & finalement ſ'il eſt affectionné à l'Egliſe Chreſtienne, pour garder les charges & conditions du ſerment , accouſtumé d'eſtre preſté par tous les Chevaliers du Saint Sepulchre. Premièrement d'ouïr Meſſe tous les jours en devotion ſ'il eſt poſſi-

Philippes de Villiers, Ch. XVII. 243
ble, & que la commodité s'y presente.
Secondement, quand il sera besoin d'ex-
poser ses biens & vies lors & quand la
guerre sera declarée universellement
contre les Infideles, mesme d'y envoyer
homme exprés, si en propre personne
il ne peut luy-mesme s'y trouver. En
troisième lieu, d'étendre toutes ses for-
ces & pouvoir, pour défendre & main-
tenir l'Eglise de Dieu des persecutions
de ceux qui se banderont à l'encontre
d'icelle. En quatrième lieu, de ne se
lier à guerres injustes, gages & gains il-
licites, ou d'entrer au deuil, si ce n'e-
stoit pour exercice militaire. En cin-
quième lieu, de procurer la paix entre
les Chrestiens, défendre & accroistre la
Republique, défendre les veuves &
orphelins: se retirer de juremens exe-
crables, parjures, blasphemes, rapines,
usures, sacrileges, meurtres, yvrogne-
ries, lieux suspects, personnes infames
& des vices de charnalité, & se rendre
devant le Createur autant irreprehensi-
ble que faire se pourra. Apres que ces
articles sont proposez, le Chevalier ré-
pond, qu'il est issu de noble & ancienne
race, & qu'il a de quoy se passer des
moyens qu'il a. Ces solemnitez para-

244 *Histoire des scavans Hommes,*
chevées & acquittées, le Gardien le re-
çoit au nombre des Chevaliers du Saint
Sepulchre, suivant les ceremonies qu'i-
cy je passeray sous silence, crainte d'e-
stre trop long. Donc reprenant le pro-
pos, duquel nous a éloigné cette extra-
vagante digression les Gouverneurs de
ces quatre Compagnies sont appelez
Grands-Maistres, lesquels depuis leur
Institution firent un tel devoir à la guer-
re & exploits militaires, qu'ils s'acqui-
rent bien-tost apres la principale gloi-
re de toutes les victoires, que les Chre-
stiens eurent contre les Infideles. Qui
fut cause que les Rois donnerent à ces
Grands Maistres les plus honorables
degrez & charges, tant aux affaires de
Conseil, que de la guerre. Mais depuis
que les Rois & tous les Chrestiens fu-
rent contraints d'abandonner & quit-
ter Ierusalem & toute la Terre Sainte
aux soldats victorieux, la race des Rois
fut éteinte avec la Royauté, les quatre
Ordres militaires se retirerent avec leurs
Grands-Maistres aux pais de la Chre-
stienté, où la pieté & devotion des Prin-
ces & des peuples leur avoient donné
des biens & des commoditez : comme
les Marians ou Teutoniques en Allema-

Philippe de Villiers, Ch. XVII. 245
gne : où ils entreprirent la guerre contre les Tartares & Infideles, qui menaçoient l'Allemagne & de la Chrestienté. Quant aux Chevaliers de Saint Jean de Hierusalem, ils se retirerent aussi en Chrestienté, & estans déjà arrivez à Naples, ils trouverent les Rhodiots, qui estoient venus implorer le secours des Potentats Chrestiens. Par eux ils eurent advis certain, que les Turcs Infideles avoient conquis l'Isle de Rhodes, avec six autres en l'Archipel sur l'Empereur de Grece, pour lors tant embrouillé de guerres civiles, qu'il n'avoit moyen du monde de les pouvoir secourir & moins recouvrer les Illes conquises sur eux par les Infideles. Qui fut occasion que le Seigneur Guillaume de Villaret, Grand Maître de l'Ordre de S. Jean de Hierusalem, François de nation, grand Zelateur de la Chrestienté, se voyant encores une bonne & grande compagnie de Chevaliers tous braves, vaillans, des plus vieux & agueris soldats, avec quelques secours de gés & de navires que le Roy de Naples luy bailla, persuadé dudit Roy, du Pape & autres Potentats, entreprit courageusement de les aller secourir, ayant en-

146 *Histoire des sçavans Hommes,*
cores deux ou trois Chasteaux dans l'Isle
à sa devotion. Au moyen desquels par
la grace de Dieu il sceut conduire ses
desseins avec tel heur & felicité, qu'a-
pres avoir fait la guerre deux ans, il con-
quist sur les Infideles toute l'Isle de
Rhodes (& pour ce les siens furent dits
Rhodiens) & les six autres Isles de
l'Archipel, lesquelles les successeurs
Grands Maistres ont prudemment &
heureusement gardées & gouvernées
par l'espace de deux cens ans ou envi-
ron, avec toute autorité souveraine,
les reconnoissans de Dieu & de l'épée.
Et c'est la vraye Histoire, tant de la
source & origine de ces quatre Ordres
militaires, qu'aussi des moyens par
lesquels Rhodes revint en la puissan-
ce des Chrestiens & sous l'autorité du
Grand-Maistre de Hierusalem. Ce qui
n'a pas esté bien considéré par le docte
Vadian, qui écrit que le Roy Godefroy
les secourut, & leur donna cette Isle
de Rhodes, apres l'avoir conquise.
Cela est fort mal entendu à luy & à tous
autres qui l'ont voulu maintenir, veü
qu'on void plus clair que le jour, qu'il
n'y avoit en ce temps de Roy Latin en
Hierusalem, & que ce Godefroy y

estoit mort deux cens un an auparavant que les Hospitaliers missent pied en l'Isle, comme on void par la supputation des temps, si ce n'est qu'on voulust reculer en arriere, & parler de Geofroy de Lusignan. Vous avez eu depuis centans en ça d'excellens personnages Grands-Maitres de Rhodes, qui ont vaillamment & Chrestiennement resisté à la fureur & rage des Ottomans, ont servy un long-temps d'effroy aux Mammelus d'Egypte & de Bude, aux Turcs, ayans déjà empieté la Grece, ainsi que pourront faire foy les Cariens, Lyciens & Chypriots, qui ont esté preservez, garentis & delivrez de la servitude & captivité des Infideles. Entr'autres un nommé Pierre d'Ambusson, qui commandoit en cette Isle : issu d'une maison fort signalée en France, lequel ayant affaire à un fin, rusé & puissant ennemy, tel qu'estoit Mahe-met second du nom, aussi par ses ruses, adresse & prudence il empescha si bien les desseins de cet adversaire de pieté, qu'avec une petite poignée de gens il tint si bon dans la ville, qu'à sa barbe elle fut fortifiée, remparée, flanquée, fossoyée & envitaillée de ce qui

148 *Histoire des ſcavans Hommes,*
luy ſembloit eſtre neceſſaire , pour faire la perterrade à Mahemet , qui fit livrer pluſieurs aſſauts & ennuys à ces pauvres Rhodiots. Mais la principale honte , perte & défaite luy tomba ſur le nez. Ce fut ce Grand-Maiſtre qui repouſſa fort vaillamment Bajazeth & Selim , lequel avoit un frere nommé Zizime , qui ſe retira à la miſericorde des Chevaliers , eſtant pourſuivy de ſes freres pour le faire mourir , lequel Zizime , ayant receu le Saint Baptême , écrivit deux tres-beaux livres. Le premier intitulé , l'abus du Seducteur Prophete Mahemet. Le ſecond eſt l'hiſtoire des Scythes & vie des Turcs, deſquels ils ſont deſcendus , qui depuis ont eſté traduits de langue Turquie en la Grecque vulgaire , & les ay veu entre les mains de l'Eveſque de Rhodes, nommé Valentin, natif de Samos. Or pour revenir à la priſe , il faut ſçavoir que la mort de Fabrice Careſtan , Italien , Grand-Maiſtre de l'Ordre des Chevaliers Croiſez , ſurvint environ l'an mil cinq cens dix-ſept , & non mil cinq cens vingt-ſept, comme veut Munſter (lequel eſt meſme reformé par ſon reſondeur, au ving-fixième chapitre du

Philippes de Villiers, Ch. XVII. 249
secôd Tome de sa Cosmographie, quand
il dit, que *Philippes de Villiers* fut
receu pour successeur l'an mil cinq
cens & vingt, auquel il feint sa mort)
qu'après le deceds du Grand - Maistre
Carectan; *Philippes de Villiers*, issu de
l'île Adam en France, luy succeda, &
perdit la ville l'an mil cinq cens vingt-
deux, ainsi que nous monstrerons plus
distinctement. Donc si-tost que *Soly-*
man fut Empereur de Grece, & eust
pris *Bellegrade* en Hongrie, il fit une
armée navale, par le conseil & advis
de ses quatre *Bacchas* (qu'ils appel-
lent entr'eux *Vizir-baccha*, c'est à di-
re, Conseiller *Baccha*, *Bach*, en leur
langue signifie chef ou teste) & du
Mophchy, qui est comme leur Pape,
perc, protecteur & declarateur de leurs
loix, ensemble du *Nassangibassy*, qui est
le Chancelier du Grand Seigneur, où fut
par tel conseil conclu que *Solyman* mes-
me iroit en propre personne, & s'ache-
mineroit à *hodes* pour y aller recevoir
la possession & Seigneurie. Ce qui donna
bien à penser au Grand Maistre, lequel
connoissant qu'il avoit la guerre sur les
bras, il fut question de faire provisions,
& envoyer lettres au Pape, aux Rois &

250 *Histoire des sçavans Hommes,*
Potentats de la Chrestienté , mais ce fut en vain , dautant que les Princes Chrestiens prenoient plus de plaisir de s'entre-miner l'un l'autre , que de se joindre ensemble pour abbattre les cornes de leur commun adversaire. Ce qui donna plus d'affaire à ce Grand Maître , fut que le Turc luy fit entendre qu'il vouloit avoir l'Isle Rhodienne. Ce bon Pere , Protecteur de son Ordre , sçachant que de Dieu seul dépendoit le salut , sauve-garde , protection & défense de leur Ville & de leurs vies , fit faire une procession generale pour recevoir l'ennemy. Apres laquelle fut adverty, qu'un nommé André de Merail Portugais, Chevalier dudit Ordre, vouloit trahir la ville , & la rendre entre les mains de l'Infidele , dautant qu'il n'avoit esté preferé en l'élection de Grand-Maître au Seigneur de Villiers. La trahison découverte, il fut incontinent mis à mort. Cependant le Turc approcha ses forces si près, qu'il se trouva sur le terroir Rhodien, & incōtinent dépescha son *Beglerbey* , qui est le Capitaine general de la marine au Grād Maître le défier, & pousser les Rhodiots, ou de quitter l'Isle , & s'en aller avec

tous leurs biens , armes & joyaux là où bon leur sembleroit, ou la tenir de luy, & luy en faire l'hommage , sans qu'il demanda aucun tribut d'eux , ou qu'il voulut les empescher en leur religion & façon de vivre. Et là où ils refuseroient ce party , deslors leur denonçoit une guerre la plus cruelle que mortel adversaire puisse faire à son ennemy. Ce vertueux & magnanime Philippes de Villiers tint peu de compte de telle bravade Turquesque , mais il prit matiere de se preparer de plus grande gayeté de cœur qu'auparavant à repousser & soutenir le choc Mahometan. Or estoit le camp ennemy de deux cens mil hommes, six canons, pierriers de bronze, lesquels depuis j'ay veu à Constantinople, chassans la pierre de trois pieds & demy de tour en rondeur , & quarante-deux autres grosses pieces de fonte , & quelques autres plus moyennes , avec diverses sortes de machines de guerre. Ce qui estoit conduit par un *Toppibassi*, Capitaine de l'artillerie, car *Top*, en leur langue signifie canon. Je laisse à part les assauts, batteries, mines, contre-mines & toutes autres choses, desquelles l'homme se peut aviser pour as-

252 *Histoire des sçavans Hommes,*
saillir ou pour se defendre, veu que rien
n'y fût épargné d'un costé ny d'autre.
De la part de ceux du Seigneur de Vil-
liers il n'y eut espee d'engin à feu ou-
bliée, & n'y manquoient pots, grena-
des, traits, arbalestes, lances à feu, cer-
cles, oranges, pelottes & carreaux à
feu. Mais tout cela n'estoit que pro-
longement de la misere de Philippes
de Villiers & pour les siens assiegez, qui
ne sceurent obtenir aucun secours des
Princes Chrestiens. A la fin le grand
Maistre ayant perdu plusieurs de ses
Chefs, & luy blessé de plusieurs coups,
qu'il avoit receus, la ville estant toute
foudroyée de canonades, les munitions
leur estant faillies, le peuple contrai-
gnit le grand Maistre & Chevaliers
d'accepter les conditions que le Turc
avoit présenté. Donc finalement la paix
fut accordée, & la ville renduë par le
sieur de l'Isle Adam, Cheva iers & Rho-
diots au Turc. Lequel en fit dépescher
patentes signées tant pour les uns que
pour les autres, & la ville fut renduë,
ayant esté le siege devant prés de neuf
mois, le jour de la Nativité de Nostre-
Seigneur. Auquel jour & à mesme heu-
re que les Turcs entrèrent à Rhodes, le

Pape Adrien allant alors à la procession generale qui se faisoit à la Chapelle Papale, suivant l'ancienne coûtume, incontinent qu'il fut entré, cheut une grosse pierre de marbre du haut de la Chapelle, qui tua le Capitaine de la garde des Suisses en la presence du pape & des Cardinaux. En ce mesme temps il arriva plusieurs autres prodiges, lesquels je me deporte de proposer, encore qu'ils semblent estre dignes qu'on les declare, puisqu'ils ont esté avantcoureurs & asseurez temoins du piteux desastre qui menaçoit la Chrestienté par la perte d'une place si importante qu'estoit Rhodes. Or retournant à mon propos, toutes choses asseurées d'une part & d'autre, *Achmet h Bacha*, vint querir le Seigneur de l'Isle-Adam, & luy fit entendre que le Grand Seigneur desiroit de le voir & parler à luy. Ce venerable vieillard, duquel je vous represente icy le portrait, tel qu'il a esté pris en la Chapelle du Temple à Paris, & tel qu'il se fit tirer un an devant mourir, qui voyoit bien que c'estoit un commandement auquel il ne falloit faire le retif, y alla peu accompagné & vestu de deuil. Dès que le Turc le vit, ne pût

254 *Histoire des sçavans Hommes,*
tenir son cœur, qu'il ne tomba en tristesse. Le grand Maistre de son costé s'approcha la larme à l'œil, & s'abaissa les genoux à terre, pour luy faire la reverence & luy baiser la main. Soliman courtois & affable le leva, luy faisât dire par le Truchement que c'estoient choses humaines & ordinaires aux grands Seigneurs, que de conquerir & perdre villes & seigneuries. Que ce qu'il en avoit fait n'estoit point tant pour haine qu'il eut à luy & au nom Chrestien, comme pour donner seureté aux siens voyageans de Grece en Egypte, Afrique, Asie & en ses Isles Cyclades, lesquels estoient grandement inquietez par les Chevaliers Rhodiens. Luy offrant au reste grands dons, presens & estats, s'il vouloit demeurer à son service. Il n'y eut fard, emmiellement ou persuation qui sembla propre à Solyman pour chatoüiller l'oreille de ce grand Maistre qu'il ne fît, jusques à exaggerer le peu de devoir qu'avoient fait les Princes Chrestiens à secourir les Rhodiens assiegez. Presumant, que veu qu'ils n'avoient tenu compte de luy durant le siege, qu'il seroit induit à les laisser & se retirer du costé de Solyman, qui luy promettoit

promettoit beaucoup. mais ce magnanime chef des Croisez s'excusa sur l'infirmité de son âge , telle que le Turc n'en eut eu sceu tirer grand service. Auquel tout net il declara, qu'il aimoit mieux mourir sous la rigueur de la captivité, que de faire banqueroute au devoir de la Chrestienté, au serment de la Croisade & à l'integrité du nom François dont il estoit extrait. Ce vainqueur prit si grand plaisir aux paroles de son prisonnier , qu'il luy permit son retour à Rhodes, luy fit tout plain de courtoisies, & donna à chacun de ceux de la suite de ce grand maistre une robe d'écarlate. Apres quelque temps il alla voir jusqu'au logis de ce digne Seigneur lequel se preparoit pour s'en retourner: ce que ce rusé Solyman découvrit, & par ce joüant au double, delibera de luy en prester d'une. Partant luy fit dresser embuscade sous la charge d'Ortogut, qui y perdie ses peines, parce que la tempeste tracassa tellement & les uns & les autres, que le corsaire Ortogut, apres avoir esté long-temps sur les attentes, pensant attraper les Chrestiens, fut contraint s'en retourner, ayant appris qu'ils estoient arrivez à bon port jus-

256 *Histoire des sçavans Hommes,*
ques en Candie. Où nostre Philippes fut
fort bien receu, comme à Sicile & à
Rome, où le Pape Adrien luy fit fort
bon & honorable accueil, & donna la
Cité de Viterbe pour la retraite des
Chevaliers, ils se tinrent là jusqu'à ce
que l'Empereur Charles V. du nom,
les investit de la seigneurie de l'Isle de
Malthe. Ce grand Maistre ayant là ar-
resté les courses des siens, mourut le 21.
jour du mois d'Août, en l'an 1534. &
de son âge 75. ayant pour la defense de
la Foy porté les armes 40. ans, & esté
Chef de cet ordre treize ans six mois &
huit jours. Il eut pour son successeur son
Maistre d'Hôtel Pierrin du Pont, Com-
mandeur de sainte Euphemie, pour lors
demeurant en Calabre. Or puisque le
discours de la vie de ce grand maistre
nous a mené jusques au declin de cet
ordre en la ville de Rhodes, il ne sera
point impertinent de faire sur la fin de
cette histoire la supputation du temps
que ces Chevaliers croisez ont tenu cet-
te Isle, qui est telle, que sous la condui-
te du grand maistre Guillaume de Vil-
laret, l'année de salut 1308. environ la
my-Août ces Croisez mirent le pied
par force dans cette Isle de Rhodes, la-

Philippes de Villiers. Ch. XVII. 257
quelle ils ont tenu avec les Islettes qui
l'avoisinent jusqu'en l'année 1522. en
laquelle elle fut renduë à Solyman : si
bien qu'ils l'auroient tenu environ l'es-
pace de 214. ans, avec telle felicité, que
par leur moyen ils rendoient les Chre-
stiens paisibles possesseurs de ce qu'ils
avoient le long de la mer, & en Grece &
en la petite Asie. Je n'ay pas voulu dire,
qu'ils l'ayent tenu paisiblement, dau-
tant qu'avec le nouveau Munster re-
fondu j'eusse démenty la verité, qui
nous montre que Mahomet II. du nom,
en l'année 1479. s'attacha aux Rho-
diens avec un nombre infiny d'hom-
mes, & encore qu'il y perdit son temps,
n'ayant rien sceu faire durant les trois
mois qu'il y tint le siege, il leur donna
bien des affaires. Déjà auparavant le
Souldan d'Egypte Abusac les molesta
l'espace de cinq ans, tenant la ville pres-
que sans cesse assiegée.









FRANÇOIS PISSARRE.



FRANCOIS

PISA RRE.

CHAPITRE XVIII.

LA conquête du nouveau monde est célébrée par plusieurs, qui se mirent seulement aux trefors, delices & precieux joyaux qui ont esté apportez de là. De ma part je signeray toujourns avec les autres, que cela rend telles conquestes grandement recommandables, mais aussi j'estime, que sans faire tort à ces tant renommez conquereurs, on ne doit attacher l'excellence de telles conquestes seulement à l'or, pierreries & richesses qui en ont esté tirées, mais qu'il faut y conjoindre ensemble la rareté des proüesses des Capitaines, qui ont hazardé leurs vies & honneurs, pour subjuguier & décou-

260 *Histoire des ſçavans Hommes,*
couvrir ces contrées inconnuës à nos
peres Et à dire la verité, jетrouve qu'
une telle conjonction еst fort ſeante,
dautant que tout ainſi que la grande
abondance d'or & opulence qui émail-
loit ces pays naturellement, n'a еsté
cherie & priſée par les Europeens, ſinon
deſlors que l'odeur de leur or muſqué a
donné dans noſtre flair: auſſi la vaillan-
ce & heroïque magnanimité des Con-
quereurs fut demeurée enſevelie dans
les vieilles maſures d'oubly, ſi elle ne ſe
fut tellement réveillée en ces pays, que
l'Europe & les autres parties du monde
ſont embaumées de l'exhalation qui a
еsté engendrée par telles & ſi heureuſes
conqueſtes Ce n'eſt pas toutefois que
je veuille dire que nos Europeens ſe
ſoient habilitez par l'adreſſe des Ame-
ricains, puisque je ſouſtiens au contrai-
re que ces peuples ne leur ont ſervy
que de carte, airain ou marbre, pour en
grayer l'immortelle memoire de leurs
proieſſes Et afin que je ne ſorte point
du ſujet, où le preſent diſcours me re-
tient, la hardieſſe du courageux Piſar-
re (à voſtre avis) ſi elle eut еsté cele-
brée par tant de loüanges, ſi tant ſeule-
ment il ſe fut accaſé en Eſpagne: où je

ne feray point de doute, qu'il n'eut beau moyen de faire belle preuve de sa Noblesse, estant fils de ce tant renommé Gonzale Pifarre, qui fut Capitaine au Royaume de Navarre, quoy qu'aucuns ayent voulu se donner à entendre qu'il estoit son fils donné & illegitime, duquel il tint si peu de compte, qu'il l'envoya garder les pourceaux. Si advint (dit Hierosme Penzoni, apres quelques-uns, qui aussi mal advertis que luy, luy font tenir ce langage) un jour qu'une partie de ses pourceaux se perdit : de sorte qu'il n'osa plus retourner à la maison, & s'enfuit à Seville. De là il passa aux Indes avec le Capitaine Alphonse de Hoieda, qui s'en alloit Gouverneur en la Province d'Uana. Si le conte n'est vray, la bourde est belle. Et m'ébahis comment le sien Chauveton s'est laissé ainsi amuser à credit. Il pouvoit bien estimer que pour bien équiper la bourde, il falloit retrancher cette qualité de porcher. Mais laissant ces detracteurs, retournons à nostre Pifarre, l'entreprise duquel est bien autrement proposée par le mesme Auteur, qui remarque que Pifarre fit ligue & compagnie avec deux autres Espagnols,

262 *Histoire des sçavans Hommes,*
demeurans en la ville de Panama, à sça-
voir Diego d'Almagro , & un Prestre
nommé Fernand de Luques. Dressent
& équippent deux navires , sur lesquel-
les s'embarquerent Pizarre & d'Alma-
gro, avec deux cens vingt soldats , l'an
1526. le Prestre demeura à la maison,
& eussent mieux gagné les deux autres
de faire de mesme , ils n'eussent pas esté
étrillez dos & ventre, comme ils furent
par les Indiens, qui les chargerent avec
tout le renfort , qui de fois à autre leur
fut envoyé de Panama. Ils furent si bien
festoyez , qu'il n'y avoit que bien peu
en la compagnie qui eussent envie d'en
tâter davantage. De fait apres le depar-
tement d'Almagro, pour ramener nou-
velles forces , Pizarre fut contraint par
le commandement de Pierre de los Rios
Gouverneur de Panama , de laisser re-
tourner en Espagne ceux qui ne vou-
droient passer outre. Ce qu'il fit , & se
trouva seul avec quatorze hommes à
l'Isle du Cocq. Avec cette petite poi-
gnée de gens , tentant fortune , cingle-
rent l'espace de cinq cens mil , & dé-
cendirent en une terre du Peru , nom-
mée Chira: où il n'y eut aucune de la com-
pagnie qui y osast mettre le pied , fors

un Candiote, qui découvrit de si grands trefors, que deslors Pifarre & ses gens mirent cœur en ventre encore mieux qu'auparavant. Cela fut cause que Pifarre retourna en Espagne, pour demander la conquête & gouvernement du Peru, promettant d'augmenter de beaucoup les trefors & revenus de la couronne de Castille. Il obtint tout ce qu'il demandoit. Apres s'appresta, leva quelques soldats, & s'embarqua delà avec quatre de ses freres, à sçavoir Ferdinand, Gonzalle, Iean Pifarre, & Martin d'Alcantare. Ses compagnons n'eurent pas plustost éventé le dessein en Cour de Pifarre, qu'ils commencerent à s'entre-rechigner, & sur tout d'Almagro: qui fut toutefois à la fin appaisé par le Docteur Gama, qui radouba au mieux qu'il pût la surfaillie & faux-bon de Pifarre. Lequel secouru des forces de Don Diego, s'embarqua avec cent cinquante soldats & force chevaux, vint mouïller à Colonchy, qui est un port de la Province de Guancanilichi. De là il passa en l'Isle de Puna, où il fit un pauvre eschec sur ces pauvres Indiens, quelque courtoisie qu'ils luy eussent sceu faire. Ceux de Tumbez

264 *Histoire des sçavans Hommes,*
n'en eurent point de meilleur marché,
il prit & pillà la ville, sur tout ce beau
Temple du Soleil qui y estoit Atabalipa
sentant ces barbus entrez en son païs,
commença à s'en mal edifier : il leur
commanda de se retirer, ou on cour-
roit sur eux. Au contraire s'avançoient
ils le plus qu'ils pouvoient, quelques
comminations que sceut reïterer ce mi-
serable Roy du Peru, & à la fin vin-
rent jusques devant Cassiamalgue, où
Atabalipa arriva avec grand triomphe
& pompe tres-magnifique. Comme il
fut arresté au Palais, pour donner au-
dience à un chacun, se presenta un Re-
ligieux de la part de Pisarre, qui luy
remontra le devoir qu'il devoit au Pa-
pe & plusieurs autres chefs, que je tais
pour brieveté. Il le rebroüa si sauvage-
ment, qu'incontinent les Espagnols lâ-
cherent leurs artilleries, qui bourdon-
nerent de telle façon, que ces pauvres
Indiens, qui estoient plus de vingt-cinq
mil, étourdis du tonnerre & de l'hen-
nissement furibond des chevaux, se lais-
soient égorger, sans faire resistance que
bien peu. François Pisarre fendant la
presse, court droit à Atabalipa, qui es-
toit entouré de grand nombre d'In-

diens. On detailloit si dru cette foule, que le portoire d'Atabalipa commençoit déjà fort à branler. Alors Pisarre s'avance, & tire ce miserable Roy par le bout de sa chemise, qu'il l'amene quant & quant. Avec lequel il convient de la rançon, qui fut payée & acquittée réellement : neantmoins contre la foy donnée (& en ce il est à tres-juste occasion par plusieurs, qui trouvent de fort mauvaise digestion qu'un Seigneur ou Capitaine fasse si peu d'estat de la parole qu'il aura jurée) le fit mourir, pour pouvoir plus aisément envahir ces pays. Ioint aussi qu'un chien qui est mort, ne mord ny ne jappe jamais. Apres la mort d'Atabalipa, il y en eut aucuns qui voulurent lever les cornes, & entr'autres Quisquis Capitaine general du defunt, mais ils n'eurent moyen de faire teste à Pisarre. Qui pensant se pomper en ces telles quelles victoires, trouva bien qui luy feroit tenir son eau. Ce fut le renouvellement de l'inimitié, qui avoit dés fort long - temps pris racine entre luy & Dom Diego Amalgro. Lequel ayant obtenu de l'Empereur Charles-le-

Quint, l'estat de Marechal du Peru vouloit enjamber sur Pizarre, dont il s'en trouva mal, d'autant qu'il falut qu'il quittât la partie, & si apres avoir raudé au pays de Chilé, qu'on supposoit estre tout garny d'écus, fallut qu'il laissast pour gage sa propre vie. Laquelle fut depuis mieux vengée que celle d'Atabalipa. Car Jean de Rada avec onze soldats bien dispos & deliberez de salarier François Pizarre (auquel son frere Ferdinand avoit quelque temps auparavant apporté nouvelles que l'Empereur luy avoit donné le titre de Marquis) des concussions & indignitez dont il oppressoit ceux qui estoient Almagristes, apres que ce Ferdinand eut fait étrangler & trancher la teste en prison à Dom Diego Almagro, qui seul l'avoit (comme l'on dit) rachepté du gibet; Passans au travers de la place, crioient, *vive le Roy, & meure le Tyran.* Puis se jetterent en la maison du Marquis pizarre, où ils firent un terrible deluge de ceux qui vouloient empescher d'executer leur entreprise. Et à cette heure demeuroient le Capitaine François de Chiaves, qui gardoit l'entrée, le Docteur Valasques, Martin d'Alcanta-

ra frere aîné de Pizarre, & finalement nostre François Pizarre, qui apres avoir long-temps chamaillé, fut accablé des charges vives qu'on luy donnoit, & y en eut un entre les autres, qui n'ayant envie de guere le nourrir, luy jetta une estocade dans la gorge, dont il tomba roide & étendu par terre. Apres sa mort les Almagristes sortirent de là & éleverent Diego d'Almagro le fils au siege du Gouverneur de Peru, mais jusqu'à ce que l'Empereur y eut autrement pourveu. Qui avoient si bien enaigry tant les Perusiens que les Espagnols allencontre des Pizarriens, qu'il faisoit fort mal leur pour eux en ces païs-là. Partant Gonzale Pizarre se relegua doucement apres ses mines en la province des Ciarches, où il faisoit assez bien ses affaires : Toutefois il en fut rappellé par ceux de Lima & autres conquerans du Peru, qui voyans les étranges deportemens de Blasco Nunez, qui avoit esté dépesché au Peru par l'Empereur l'an mil cinq cens quarante-quatre, unanimement prièrent le Seigneur Gonzale de se declarer Gouverneur & Protecteur general du Peru. Ce qu'il ne pût leur refuser. Il leva des gens pour

268 *Histoire des ſçavans Hommes,*
s'opposer aux violences du Vice-Roy,
& donna beaucoup d'affaires à ce Vi-
ce-Roy, qui par douceur ny par ai-
greur ne pût rien gagner sur Piſarre.
D'un coſté & d'autre ſe faiſoient des
executions aux dépens des plus mal-
advifez, qui ſe laiſſoient attraper,
meſmes le Vice-Roy Blaſco, pour ga-
ges, y laiſſa ſa vie à une lieuë de la
ville de Quito, & fut tué par un ef-
clave du Licentié Carvail, qui fut par
ce moyen vengé de la mort du faſteur
ſon frere, lequel Blaſco avoit de co-
lere dagué à Lima. Pour appaiſer ces
troubles, l'Empereur depeſcha Pierre
de la Gaſca en l'année mil cinq cens
quarâte-fix, avec deux Licentiez, Cien-
ca & Rienterio. Ceux-cy ſceurent ſi
bien jouïr de la queue du renard, ſe
targuans au mieux qu'ils pouvoient
de la peau du Lyon que Piſarre détruit
avec ſes gens, fut pris par un Gentil-
homme, nommé Villa-vicentio Ser-
gent Major du camp de l'Empereur,
puis remis entre les mains du Preſident
Gaſca, qui apres luy avoir remontré
de combien il ſ'eſtoit oublié, d'avoir
levé les armes contre ſa majeſté, le li-
vra au Licentié Cianca, pour luy faire

son procez. Celuy-là le condamna comme traistre & criminel de leze Majesté, & le lendemain en executant le jugement donné allencontre de luy par ce Licentié, fut monté sur une mule bridée & seellée, les mains liées, & couvert d'une cappe, puis fut décapité à Cusco, & sa teste fut portée & attachée en la Cité des Rois sur un pillier de marbre, tout entouré de treillis de fer, avec cet écriteau, *C'est icy le chef du traistre Gonzale Pizarre.* Son corps fut ensevely en Cusco : & fut faite cette execution le neuvième jour d'Avril mil cinq cens quarante-huit. Cela n'empesche point, que ce que j'ay dit au quatorzième chapitre du vingt-deuxième Livre de ma Cosmographie ne demeure toujours veritable, que Pizarre fuyant la fureur du Seigneur de Mendozze & autres Espagnols, perdit ses navires, dautant qu'encore que Dom Antoine de Mendozze n'ait esté envoyé en Mexico en titre & qualité de Vice-Roy que du temps de Ferdinand Cortez, & ait esté du depuis renvoyé pour gouverner le Peru, cela n'empesche point qu'il n'ait pû donner la chasse à ce Gonzale Pizarre,

270 *Histoire des ſçavans Hommes,*
dautant que ſi le Seigneur de Mendozze a eſté Vice-Roy de Mexico en l'année mil cinq cens trente-neuf & és années ſuivantes, eſt-il hors de vray ſemblance qu'il n'ait pû courir ſur riſarre, qui n'eſtoit point tellement attaché à ſes mines, qu'il ne chercha toûjours proye nouvelle ? Que ſi le diſcoureur du maſſacre qui fait d'aucuns François voyageurs en la Floride eut eu de bonnes lunettes il n'eut fait l'illation cornuë, par laquelle il preſume m'impoſer quelque faux rapport. mais peut-eſtre eſtime-il que je veuille dire que le Seigneur de Mendozze ait fait juſticier Gonzale riſarre : enquoy il ſe méprendra encore davantage, dautant que tout homme qui aura le cerveau bien raſſis ne trouvera point que par les mots qui ſont couchez dans le paſſage qu'il a extrait de ma *Cosmographie*, j'aye jamais entendu dire que Gonzale ait eſté condamné par le Seigneur de Mendozze. De fait ces mots (*c' qui fut exécuté avec le temps*) juſtifient aſſez que je n'ay voulu ſuppoſer que la priſe de riſarre ſoit eſcheuë au meſme temps qu'il fut chargé par le Seigneur de Mendozze, mais plût-toſt à veuë d'œil découvire-on que je ne

regardois à autre chose qu'à témoigner que Gonzale fut executé du temps de ce president Gasca. Encore est plus hardie l'impudence de ce nouveau discoureur, qui ayant, comme l'on dit, vescu toujours le nez dans une bouteille, veut compasser à credit la distance des lieux, où je ne diray pas seulement, il ne donnera jamais atteinte en personne, mais peut-estre n'y penetra dans les cartes marines, desquelles il fait un si grand alleluya: Lesquelles s'il les eut bien veu, luy eussent appris que j'ay assez soigneusement observé quelle estoit l'étendue tant de Mexico que du Peru, d'où s'il n'a la veuë par trop troublée, il pourra découvrir qu'il s'est de beaucoup méconté de mettre d'entre-deux entre le Peru plus de douze cens lieuës. Je ne daignerois le battre de ce, qu'aucuns ont si generalement amplifié les limites du Peru, qu'il pouvoit contenir de longueur quelques treize cens lieuës: Il ne fait que la particuliere description du Peru, qui au plus ne peut contenir que sept cens lieuës de longueur, comptant du Nord au midy, & cent de large, le prenant du Levant au Ponant, qui rabregera bien l'espace

272 *Histoire des sçavans Hommes,*
qui est entre ces deux contrées. mais
afin que d'un coup je luy fasse toucher
la lourde espaisse & grossiere absurdité
où il s'est laissé glisser, je voudrois vo-
lontiers sçavoir de ce discoureur sup-
posé à combien se peut rapporter l'espa-
ce, qui est entre cinq degrez jusques au
vingtième, & alors il trouvera que
puisque à tout rompre c'est la distance
qui est entre Mexico & Peru, qu'au plus
ils ne sont éloignez trois cens cinquante
lieuës l'un de l'autre, & par ainsi que
la partie est bien enflée de chasser Me-
xico à douze cens lieuës du Peru. Ce
que j'ay bien voulu icy dechiffrer, pour
montrer l'ignorance du personnage,
qui quand ainsi seroit, & que son cal-
cul ne fut faux ou fautif, n'auroit pas
pource gain de cause : attendu que la
consequence est fort cruë, de dire que je
veuïlle faire que Gonzale Pizarre ait
conquis Mexico, parce qu'il emporta
des dépouilles des Seigneurs Mexicains.
Mais je vois bien ce que c'est, il fait
son compte, que toute la conquête
qu'ont fait les Espagnols de ces pays,
n'est que pour avoir butiné, comme aus-
si ceux qui ont mis en lumiere un petit
Livret des tyrannies & cruantez per-

petrées par les Espagnols au nouveau monde, & supposent pour Auteur de ce livre Dom frere Barthelemy de las Casas ou Casans Espagnol de l'Ordre de saint Dominique, Eveque de la ville Royale de Chiappa, pour traducteur Jacques de Miggrode. Ce sont petits traits de fausseté, desquels se servent ceux qui craignans leur peau, n'oseroient sous leur nom faire entendre telles choses, & neantmoins font glisser ces impostures sous le nom de ceux qui ont raudé en ces pays-là, pour donner couleur, poids & autorité à telles ridicules niaiseries. Je pourrois icy mettre en voye Hierosme Benzoni milannois, lequel on fait gazouïller, comme témoin oculaire des pays, où le pauvre homme jamais ne fut, & eut il eu bien affaire de raser tant de mers, joint que ce nom supposé a esté attiré d'un personnage, qui possible ne fut jamais: j'aime mieux retourner vers nos Espagnols, lesquels on delave tant, que le supposé las Casas fait porter parole à un certain Cacique, qu'il aime mieux aller en Enfer qu'en paradis, où on luy avoit dit qu'alloient les Espagnols decédez, afin de ne se trouver où telles gens seroient:

274 *Histoire des ſcavans Hommes,*
la cruauté deſquels on exaggere de telle façon, que ſelon la ſupputation qu'aucuns en ont fait, ils ont mis à mort plus de millions d'hommes, que jamais il n'y eut d'Eſpagnols, & détruit plus de pays que la Chreſtienté n'eſt grande trois fois. Je ne fais point meſtier d'excuser, pallier ou déguifer les ſur-faillies qu'ont fait les Eſpagnols aux païs qu'ils ont conquis & nouvellement découverts, d'autant que la verité me démentiroit, ſi je voulois dire autrement qu'ils ont tenu la voye la plus rigoureuſe. Mais que pour cela on doive tellement les clabauder, n'y a apparence. Meſme tout homme de bon jugement demeurera d'accord avec moy, que l'équité naturelle nous ſemond à repouſſer la violence par la force, puis que l'on voit que les moindres animaux taſchent de ſe revanger, ſi on les veut offenſer, & partant que les Eſpagnols eſtans parmy une Nation farouche, rebelle, & qui n'avoit appris à ſ'humilier ſous le joug du Roy Catholique, ont eſté dans la neceſſité de ſe ſervir de la force pour faire plier ſous leurs loix ceux, qui trop reveſches vouloient tenir le col roide, & reſuſoient d'obeyr au Roy.

Toutes les conquestes que firent les Romains & autres peuples, n'ont point esté assaisonnées d'une niaise felicité. La raison est, que pour donner la Loy à l'étrange, il falloit que les armes exploitassent ce que librement & de franche gayeté de cœur on ne pouvoit obtenir des peuples, qui ne se laissent volontiers subjuguier par douceur. Dautant que s'ils ont accoustumé d'estre commandez & gouvernez, moyennant que ce ne soit par un Tyran, ou autre qui les gouverne mal & contre leur gré, il leur fâche de changer d'estat, pour la crainte qu'ils ont de tomber de fièvre en chaud mal. Que s'ils ne sçavent ce que c'est d'obeir, & qu'on leur vueille faire la Loy, l'affection, qui naturellement est empreinte au cœur de tous les hommes, les faisoit sortir hors des gonds de patience, lors que tant ny quant ils se voyent presseés de faire quelque démarche, outre & par dessus leur liberté ordinaire. Si donc les Espagnols ont eu affaire (comme telle est la verité) à gens indemptez, & qui n'avoient point ouy parler de la Loy, à laquelle ils ont esté soumis, c'est pourquoy on trouve mauvais qu'ils les ayent un peu plus rude-

278 *Histoire des sçavans Hommes,*
ment chatoüillé qu'ils n'eussent désiré?
Mais posé le cas que les Espagnols aient
encore plus asprement ravagé sur ces
peuples découverts, le bien qu'ils leur
ont fait recompense la perte dont ils
pourroient les avoir endommagez. On
sçait fort bien que la Sodomie, Idola-
trie, & autres énormes impietez, avoiët
la vogue en ces quartiers-là, avant que
les Espagnols y eussent mis le pied. Au-
jourd'huy par la grace de Dieu, la lu-
miere de la Chrestienté qui y est parve-
nuë par leur moyen & ministere, a chas-
sé telles & si pernicieuses corruptions,
qui estoient suffisantes pour faire en-
gouffrer au fonds des Enfers ces pau-
vres Barbares, qui indifferemment se
veautroient en ces horreurs. De ma-
niere que quand ric à ric on voudroit
balancer les maux que les Espagnols
ont fait en ce nouveau Monde, avec
les biens qu'ils y ont apporté le juste
bilan du profit emportera toujours le
costé des ennuys & traverses qu'ont
receu ces Terre-Neuviers. Cela, dis-
je, pour contenter le Lecteur aisé à
persuader, non pas ceux qui ont tou-
jours dequoy contre-roller, & qui
n'ont pû se tenir de me payer sur ces

allegations de telles repliques. Encore (disent-ils) que les Espagnols ayent servy pour éclairer ces pauvres Barbares , pourtant ne leur estoit permis d'user de telles & si violentes insolences. En apres ils se moquent de ce que je dis , que par leur arrivée la Sodomie , Idolatrie & autres execrations ont esté bannies hors ces païs : parce (disent-ils) qu'ils ont fait Terre-nouvelle , & nouveaux habitans , apres avoir ou exterminé ceux qui y estoient les premiers campez & habitez , ou si bien matté , qu'ils ne peuvent respirer que par l'organe des Espagnols. Mais cela est fonder un procès sur la morsure d'une puce (comme l'on dit) & ne prendre garde au principal , dautant que quand bien il ne faudroit que parler naturellement & juger selon la raison humaine, les cruautés desquelles ces Barbares ont martyrisé les pauvres Espagnols suffisoient assez pour les en-aigrir davantage. Là-dessus je sçay bien, qu'on me dira, que si les Espagnols ne fussent allé chercher mornifle , ils ne l'eussent receu , mais aussi on ne me niera pas qu'il est loisible, par l'équité naturelle , mesmement de


montrer les dents à ceux qui nous veulent mordre, & que la méconnoissance a esté grande en ces barbares de s'estre ainsi cruellement porté à l'endroit des Espagnols, veu le grand bien qu'ils leur portoient, qui surpasse de beaucoup toutes les richesses qu'ils ont peu tirer de ces pais, quand mesme elles seroient cinq cens millions de fois centuplées. Ces discours sembleront étranges à ceux, qui mal instruits, se donnent volontiers à entendre, que ce que les autres font, n'est jamais bien-fait, & que ce qu'ils font, quoy que ce soit fort mal à propos, est le mieux fait du monde. Je ne le dis point sans occasion, d'autant que ceux qui déchirent si fort les Espagnols pour leurs conquestes du Peru, ne balancent à mesme rigueur la découverte qu'ils publient du Capitaine Martin Forbisher. Comme si cet Anglois se fut hazardé en tels encombriers, pour l'envie qu'il eût de ramener ce peuple au troupeau Chrestien. Il y avoit, & l'experience le leur a bien montré, la convoitise des tresors de cette contrée inconnuë, qui luy chatoüilloit tellement la cervelle, qu'il oublia l'apprehension de tous dangers pour attraper les richesses

ses de les mines Septentrionales. Je sçay bien qu'ils confessent que le monde est tellement perverty pour ce jourd'huy, que sans esperance de gain il ne se trouveroit aucun, qui voulut naviger en ces païs si froids, & que Dieu se sert de l'avarice humaine pour apprivoiser ces pauvres barbares, les ranger & amener à la raison, & les dresser à toute civilité. Les moyens quels sont-ils ? N'est-ce pas la force, les coups d'arquebuses & autres violences, desquelles ils sont bien d'avis qu'on use à l'encontre de ces peuples revêches & indomptez, puis qu'il leur plaist, j'en fus tres-content, mais aussi il faudra que, s'ils veulent, qu'on use de tel passe-droit envers eux, pareillement ils accordent aux Espagnols, qu'il leur a esté loisible de rembarquer ces Barbares, qui n'estoient pas seulement imployables, mais ils ont tres-cruellement martyrisé & sacrifié à leurs Idoles beaucoup de Chrestiens. Que si les Espagnols eussent esté les premiers, qui en un païs de conquête eussent baissé les mains, je dirois qu'il y auroit apparence de les taxer, ils ont de si bons & beaux patrons, la raison est tellement évidente, que l'on ne sçauroit que d'une

280 *Histoire des sçavans Hommes,*
malice desespérée , leur improprier à
cruauté le carnage qu'ils ont fait de ces
Barbares , desquels il valoit mieux dé-
traper le país , que les laissant ramper
sur terre , souffrir & leurs idolatries &
l'execration de leurs detestables cruau-
tez. Mais où est-ce que nous a jetté
cette deffense & protection des Espa-
gnols ? Il est maintenant temps que
nous fassions retraite , & mettions fin
à cet Eloge , qui sans y penser , s'est
trouvé outre-mesurément enflé. Le
Lecteur paisible , s'il luy plaist , excu-
sера cette prolixité , & croira que ce
que je me suis ainsi lasché la bride , a
esté pour tout d'un coup satisfaire aux
importunes calanges des adversaires du
nom Espagnol , afin que nous ne soyons
contrains par cy-apres de tourner teste
à l'encontre de tels detracteurs , qui
ce semble prendroient plus de plaisir
que la Barbarie & Infidelité regnast
tôujours en ces marches-là que le Chri-
stianisme. Et neantmoins à les enten-
dre discourir , l'on diroit qu'ils tien-
nent toute l'humanité & reformation,
qui est nécessaire dans leurs canoës. Si
c'est à mé dire des Espagnols , ou de no-
tre Pizarre , & de ceux qui ont voltigé

aux contrées Perusiennes , ils ne sont point chiches de brocarder , sans considérer que d'autant qu'ils veulent surcharger l'Espagnol , qu'il faut qu'ils s'affaillent & appesantissent sur ceux pour lesquels ils prennent plaisir de partialiser. Comme ils n'ont en bouche que la modestie & autres telles délicates gentilleses , je les prierois volontiers de prendre fantaisie de traiter de mesme douceur les Espagnols, dont ils ont usé envers leur Forbisher , qui, par faute d'avoir voulu suivre mon avis , s'est trouvé engagé en des combriers , d'où à peine a il sceu trouver moyen de se dépestrer. Mais il est temps que je quitte la chasse que jè viens de faire apres ces estourdis , qui en leurs contoirs & cabinets se representent des Idées Platoniques. Que si c'estoit au fait & au prendre , ils se trouveroient bien empeschez. Qu'ils s'arment tant qu'ils voudront de leur supposé Benzonni , jamais ils ne l'emporteront , principalement devant ceux qui ont & bon nez & bonne veuë. Je sçay bien qu'ils me mettront en butte , que Pisarre a esté avily jusques à estre porcher , ce que mesmes les Historiens

282 *Histoire des sçavans Hommes,*
Espagnols témoignent , mais s'il leur
plaist de surseoir leur jugement, & pre-
ster leurs yeux & oreilles aussi-bien à
ceux qui ont favorisé aux Pisarres , je
m'asseure qu'ils ne ravalent de telle
sorte l'estat de ce vaillant guerrier, qui,
quand ainsi seroit , que du commence-
ment il auroit esté pauvre, vil & abject,
s'est neantmoins surhaussé au plus haut
sommets qu'ait pû atteindre aucun Ca-
pitaine de son Calibre.







*ALPHONSE D'EST, DUC
DE FERRARE .*



ALPHONSE

D'EST, D V C

DE FERRARE.

CHAPITRE XIX.



E regrette le temps, que tres-mal à propos plusieurs ont perdu pour s'enquerir des revolutions des Royaumes, dautant que s'ils eussent bien pris garde, que rien ne se fait sans la volonté, permission & ordonnance du Tout-puissant, ils ne se debattoient si indiffrettement de la Chappe à l'Evesque (comme l'on dit) les Historiens nous proposent une mer de témoignage pour la justification de mon dire, mais puis que le present discours nous fait voye pour aller sur la resolution de ce poinct,

284 *Histoire des sçavans Hommes,*
je suis bien content de faire un succinct
recit de la suite des Seigneurs, qui ont
commandé à Ferrare, d'autant qu'il
pourra grandement servir à verifier ce
que je viens de dire, & fera planche
pour découvrir l'excellence tant de la
maison de Ferrare, que de celui auquel
cette presente Histoire est consacrée.
Donc les Marquis d'Est, pendant que
Ferrare fut sous l'obeïssance de l'Egli-
se (ce qui advint environ l'an onze
cens seize, lors que mourut la Comtes-
se Mathilde) s'acquirent bien grand
pouvoir en la ville, & finalement s'em-
parerent de la Seigneurie, à sçavoir,
Albertazzo fils d'Azzo, le premier de
tous. Auquel succeda Azzo second,
en l'année douze cens dix; & à celuy-
cy tro sans apres, Azzo troisiéme, l'an
douze cens treize, où il y eust quelque
interruption, par le moyen d'un Salin-
guerra & d'Azzolin, à la suscitation de
l'Empereur Frideric deuxiéme de ce
nom, mais il y fut remis & reintegré par
la faveur du Pape Gregoire, environ
l'an douze cens vingt-huit. Obizzo fils
de Regnault luy succeda, comme
aux Seigneuries d'Ancone, Modene &

& Regge , lequel alla de vie à trépas l'an douze cens nonante-trois. Azzo quatrième son fils , qui luy devoit succeder , fut mis en prison par Frise son fils bastard , lequel fut tué du peuple l'an treize cens huit , & par ce moyen Ferrare retourna à l'Eglise. Mais Oppizo en fut de nouveau investy l'an treize cens trente-trois , par le Pape Benoist douzième du nom , & mourut l'an treize cens cinquante-deux , laissant trois fils , Aldobrandin , Nicolas & Albert. A Aldobrandin , qui mourut l'an treize cens soixante-un , succeda son frere Nicolas , Prince tres-valeureux au fait d'armes , lequel fit de fort grands services au siege de Rome , mesme contre Bernabon Viscomte , sur lequel il gagna une grande bataille près Monthiar au Bressan. Celuy-cy orna grandement Ferrare de plusieurs beaux & somptueux édifices : & ayant acquis une grande reputation icy-bas , quitta la mortalité , pour regner avec le Tout-puissant en immortalité , bon-heur & toute felicité , l'an apres l'Incarnation du Sauveur de tout le monde , treize cens quatre-vingts & huit. Et parce qu'il mourut sans

286 *Histoire des sçavans Hommes,*
enfans legitimes, & habiles à succeder,
Albert son frere luy fut subrogé, qui
mourut aussi sans aucune lignée, l'an
de grace mil deux cens quatre vingts &
di. C'est pourquoy son frere bastard
Nicolas luy succeda, encore que son
bas-âge le reculaist de telle charge &
dignité, qui luy fut enviée par Azzon
d'Est, lequel pretendoit la Seigneurie
luy appartenir, pour estre né en loyal
mariage : mais Nicolas fut maintenu en
l'Estat par le secours des Venitiens,
Florentins & Polonois, & Azzon pris
& confiné en Candie. Nicolas devenu
homme, cependant fit mettre à mort
Ottobon troisiéme du nom, qui s'estoit
tyranniquement emparé de Parme &
de Resse, se saisit dudit Regge, & fit
tout plein de belles choses en son tēps.
Entr'autres il restaura la forteresse de
Fignarolo, où il fit attacher une grosse
chaisne, qui traversoit le Pau jusques
à la Stellata. Le Concile commença
sous luy à Ferrare, du temps d'Euge-
ne quatriéme du nom, mais pour rai-
son de la peste, il fut transporté & ar-
resté à Florance. Ce fut un Prince fort
sage, prudent, magnanime, & de grand
esprit. Et ayant épousé trois femmes,
n'eût

n'eust enfans que de la derniere, fille du Marquis de Saluces, d'où furent procrées Hercules & Sigismond. Outre lesquels eust quatre bastards, Lionel, Meliade, Borse & Albert. Puis mourut à Milan l'an quatorze cens quarante, avec un tres-grand regret de tous ses sujets, apres avoir tenu la Seigneurie quarante-sept ans en fort louïable paix & tranquillité. Apres luy Lionel, unde ses bastards luy succeda, Prince d'un naturel doux, benin, sage & advisé & fort docte. Il redressa & élargit les ruës de Ferrare, & les pava de briques, édificia aussi le Monastere des Iacobins, qui s'appelle des Anges, où il est enterré, & fit tout plein d'autres beaux édifices, puis deceda l'an quatorze cens cinquante, apres avoir regné neuf ans, laissant un petit garçon de luy & de Jeanne de Gonzague sa femme, en fort bas-âge. C'est pourquoy Borse se mit en possession de l'Estat, dont il fut investy, à sçavoir, de Regge & de Modene, par l'Empereur Frideric troisième du nom, & de Ferrare, par le Pape Paul deuxième de ce nom, & en jouït pendant vingt & un an, avec un tres-grand bon-heur & felicité.

C'estoit un Prince gracieux, affable, magnifique, liberal, valeureux, & d'une grande entreprise & courage : dont tant qu'il vescu il fut en une merveilleuse reputation & credit envers tous les Princes & Seigneurs d'Italie. Soudain qu'il eust pris en main l'administration des affaires, il fit retourner les deux enfans legitimes, Hercules & Sigismond, que son predecesseur Lionnel avoit éloignez à Naples en la Cour du Roy Alfonse d'Arragon, il prenoit le pretexte de les faire nourrir en cette Cour-là, pour l s instruire à la vertu, mais en effet, c'estoit de crainte qu'ils ne le troublassent : & les fit élever fort soigneusement avec son neveu, fils de Lionnel, qui les luy avoit reCOMMANDÉ à l'article de la mort. Il édifia la Chartreuse du Parc, où il est enterré, & fit plusieurs autres meliorations à Ferrare & aux forteresses qui en dépendent. puis trépassa l'an quatorze cens soixante & onze, fort pleuré & regretté de tout le peuple. Ce fut le premier Duc de Ferrare. Hercules, l'aîné des deux fils legitimes, luy succeda à tout l'Estat, auquel il eust quelques traverses de Nicolas son neveu, qui fut à la fin

mis à mort, mais non du consentement d'Hercules. Ce Prince icy fut si valeureux, & pour cette occasion, l'an septième de sa domination, les Venitiens, Florentins & Milanois l'assureurerent chef de toutes leurs forces à l'encontre d'Alphonse, Duc de Calabre & Federic, Duc d'Urbain & trois ans apres s'estant separé des Venitiens, il se rangea au party de son beau-pere Ferdinand, Roy de Naples, & ceux de sa ligue. En dépit dequoy les Venitiens vinrent l'attaquer avec de tres-grandes forces tant par terre que par le Pau. Mais à l'aide des Princes & Seigneurs d'Italie, & mesme du susdit Alphonse, qui le vint secourir en personne, il s'en démesla bravement, les ayant par plusieurs fois rembarré avec un petit nombre de gens. En quoy il montra assez la vaillance de sa personne, joint les playes & bleffeures qu'on y pouvoit voir. Car encore qu'il fust de moyenne stature, il estoit neanmoins si fort & si adroit, qu'à la luite, au saut & à la course peu se pouvoient comparer à luy, & au reste il estoit tres-exercé en toutes sortes de combats tant à pied qu'à cheval, & d'un

290 *Histoire des sçavans Hommes,*
cœur invincible. L'appointement arresté entre luy & les Venitiens, il s'adonna du tout à la paix & religion, tres-soigneux du service divin, auquel il reforma & amanda beaucoup de choses : charitable & grand aumosnier sur tous les autres de son temps, si bien que tous les jours, en memoire & souvenance de la Cene de nostre Seigneur, il donnoit l'aumosne à treize pauvres, à chacun trois pains & deux livres de chair, avec un brocal de vin & une reale. En un mot ce fut un Prince tres-valeureux, magnanime, courtois, prudent & de bon conseil, & sur tout tres-constant en adversité autant que nul autre. Il aggrandit Ferrare, renfermant dedans une bonne partie du Parc, ce qu'on appelle maintenant Ferrare la Neuve, & la fortifiant d'une muraille & rempart merveilleusement haut & espais : & un fossé tres-profond, avec des boulevards & bastions fort près l'un de l'autre; les principaux de la Ville, à son exemple, bastirent de belles maisons. Il édifia aussi le Monastere des Nonains de Sainte Catherine de Sienné, & commença l'Eglise de Nostre-Dame des Anges,

laquelle prevenu de mort , il ne peût achever , d'autant qu'il mourut l'an quinze cens & cinq , apres avoir regné trente & un an en toute gloire & felicité , laissant de sa femme Alienor , fille de Ferrand Roy de Naples , quatre fils , Alphonse , Ferrand , Hypolite , qui fut Cardinal , & Sigismond , outre deux filles , Beatrice mariée à Louys Sforce , Duc de Milan , & Isabelle à François , Marquis de Mantouë , plus un bastart , appellé Iules. Alphonse , comme l'aîné , luy succeda , Prince tres-propre & bien entendu au maniemment des affaires , & d'un esprit merveilleux en plusieurs choses , mesme pour le faict de l'artillerie , dont il fit fondre grand nombre de pieces , & entr'autres de calibre démesuré , qui , à cette occasion fut appellée *lo Terremoto*. C'est à dire , tremblement de terre , qui a esté cause qu'en son portait , que j'ay eu du cabinet de Monseigneur de Nemours , tel que je vous le propose , il est représenté s'appuyant sur un gros canon , lequel j'estime estre celuy que j'ay veu estant à Ferrare. Avec son bon entendement il sceut échaper de fort grands dangers , comme de la conjuration , con-

292 *Histoire des ſçavans Hommes,*
tre luy dressée par aucuns des ſiens ,
dès qu'il vint à la Seigneurie. Sembla-
blement il se ſepara de l'entreprise que
les Venitiens , liguez avec le Pape Ju-
les deuxiême du nom , avoient fait de
le depoffeder de son Estat , dont ils fi-
rent de tres-grands efforts. Mais ils
trouverent qui leur ſceut ſi bien faire
teſte , que quelques uns de leurs eſcri-
vains , & entr'autres le Cardinal Bem-
be n'ont point de honte de luy impo-
ſer perfidie. Mais telles calomnies ne
peuvent en rien ternir l'honneur de
ce grand guerrier , puis que l'on ſçait
bien que le dire eſt veritable , que ce-
luy ſe ſert du bec qui ne peut griffer
des oncles. Ce bon Cardinal voyant
que les forces de son Saint Marc n'ont
pû dompter noſtre Alphonſe , a voulu
eſſayer de jouer du plat de la langue,
ſans conſiderer , ſi faiſant eſtat de blâ-
mer un ſien ennemy , il ne ſe liguoit
pas à tort contre la verité. Laiſſant
donc les abbayemens & médifances de
ſes adverſaires , retournons à noſtre
Alphonſe , lequel nous trouverons af-
ſailly & troublé en ſon Estat de plu-
ſieurs endroits. De fait , le Pape luy
avoit déjà oſté Modene , Regge , Ru-

bere , Lugo , Bagnacavallo & autres places de delà le Pau. A quoy continua Leon dixième son successeur, mais non à jeu si descouvert , & Clement septième encore , neantmoins il trouva moyen de temporiser jusques au temps du Pontificat d'Adrien sixième du nom , avec lequel il se rappointa , & recouvra tout , fors modene , qu'il eust aussi lors qu'iceluy Clement fut assiegé dans le Chasteau de Saint Ange par l'armée de monsieur de Bourbon , sous l'Empereur Charles cinquième , lequel l'an mil cinq cens trente estant venu se faire couronner à Bologne , moyenna quelques accords & compromis , lesquels le Pape ne voulut tenir. Parquoy modene demeura encore entre les mains de l'Eglise jusques à Paul troisième du nom , qui restitua modene à Alphonse. Ce fut luy qui fit faire ce beau lieu de plaissance près Ferrare en une Isle du Pau qu'on appelle belveder. Il deceda l'an mil cinq cens trente-quatre approchant fort de son année Climaterique , de grande joye qu'il eust , tant de voir sa lignée si heureuse & avancée , que aussi parce qu'on luy rapporta nouvelles

294 *Histoire des ſçauans Hommes,*
de la mort du Pape Clement, qui devoit
avoir pour ſucceſſeur le Cardinal Far-
neſe, ſon grand amy, faiſant ſon com-
pte de reparer les brèches qu'auoit fait
l'inimitié de Clement. Ce qui fut tres-
bien remarqué par celuy qui luy voüa
cet Epitaphe.

*Clementem poſtquam Medicem, cum
tempora nuper*

Tiara cingebat triplex,

*Extinctum ALPHONSVS Dux au-
diit ilicet acri*

Correptus agritudine.

Illius mortem eſt properata morte ſecutus,

Funuſque iunxit funere.

Prae luctu periſſe, inquis, nimioque dolore.

Immo id quidem pra gaudio.

Il euſt pour épouſes trois femmes,
Anne fille de Galeas Sforce Due de Mi-
lan: Lucrece fille du Pape Alexandre
VI. du nom, dont il euſt Hercules II.
Hyppolite le tres-magnifique Cardinal
de Ferrare, dernier decedé. Dom Fran-
çois & Alexandre, qui mourut l'an mil
cinq cens dix-neuf. Apres la mort de
Lucrece il épouſa Laure, Dame Ferra-
roïſe, mais ſage & de gentil eſprit, dont

il eust les deux Alphonfes. Il est enter-
ré au Monastere des Nonnains , dit du
Corps de nostre Seigneur. A sa louange
ont esté composez plusieurs beaux Epi-
taphes , qu'icy je laisseray pour éviter
d'estre long. Hercules deuxiesme de
ce nom , & quatriéme Duc de Ferra-
re , herita de tout l'Estat , & de Carpy
encore , que son pere avoit acquis. Il
eust pour femme Renée fille du Roy
Louys unziéme du nom , d'où sont
venus Alphonse deuxiéme , à present
regnant , & Ligny Cardinal , Prince
orné d'autant de dons , graces & ver-
tus , qu'on peut trouver en nulle au-
tre part , benin , courtois , debonnaire,
affable , gracieux jusques aux moin-
dres , tres-magnifique & liberal : &
trois Princesses les plus accomplies en
beauté , bonne grace & toutes autres
sortes de perfections , que l'Europe ait
produit de memoire : Anne (vray
exemple des plus parfaites Princesses
de nostre temps) mariée en premie-
res nopces à feu François de Lorraine,
Duc de Guise , & depuis à Jacques de
Savoye , Duc de Nemours , Prince
amateur des hommes vertueux , rares.


296 *Histoire des ſçavans Hommes,*
& lettrez, comme je puis par ſeur &
ëprouyé témoignage de moy - meſme
l'affeurer. Lucrece à preſent Duchefſe
d'Urbain, & Alienor, tous leſquels
ſont vivans encore.







*PHILIPPES CHABOT,
ADMIRAL DE FRANCE.*



PHILIPPES

CHABOT, ADMIRAL

DE FRANCE.

CHAPITRE XX.

Ev s'en a fallu que je n'aye
 passé sous silence la memoire
 de ce magnanime Seigneur,
 mesme tu vois (Lecteur) que
 je luy ay laissé passer son rang. Ce
 n'est pas que je ne sois deuëment in-
 formé du merite de ses vertus. Mais
 comme j'appercevois qu'il avoit esté
 aucunement disgracié en nostre Fran-
 ce, je craignois que si je venois à dis-
 courir de ses faits, ou que je n'offen-
 tasse les oreilles, cœur & affection de
 ceux que j'estimois luy estre mal af-
 fectionnez, ou que n'osant lascher la

298 *Histoire des ſçavans Hommes,*
bride à mes diſcours , je puiſſe venir
non ſeulement à encourir la mauvaiſe
grace de ceux qui luy appartiennent,
mais auſſi à me défigurer par ces ta-
ches & rides, qui difforment la pluſ-
part des Hiftoriens, leſquels pour com-
plaire aux uns & ne déplaire aux au-
tres , ne font pas grande conſcience
de tordre le nez à la vérité. De ma
part, puis que la vertu doit eſtre priſée,
meſme en nos plus grands adverſai-
res , je me fuſſe reputé trop éloigné
de mon devoir , ſi j'eufſe pour ce ſu-
jet fait du muet. loint que je trouve
qu'il rentra en la grace de ſon Prince:
Que ſi Conſalve eſt honoré par les Ef-
pagnols, & meſme par le Roy, qui luy
défera toutes pareilles & ſemblables
funerailles, qu'on a accouſtumé de fai-
re aux Rois, pourquoy ne reconnoi-
ſtray-je ce courageux Admiral, qui
ſ'eſt avec telle hardieſſe employé pour
la Couronne de France, extraict d'une
maison non moins ancienne qu'illuſtre
& excellente, pour les grandes alliances
qu'elle a pris avec les plus inſignes mai-
ſons de tout l'Univers? Je ne veux point
icy reprendre l'origine de plus haut
que de *Ferry Boſſel Sic Kel*, autrement

Chabot, Conneſtable de l'Empereur Frideric, ſurnommé Barberouſſe, lequel Ferry eſpouſa Adrienne, l'une des ſœurs dudit Empereur, & en eut deux enfans, Freben & Adrien, qui depuis furent envoyez par Henry III. du nom, fils de Conrad, ſucceſſeur de Barberouſſe, au ſecours du Roy Philippes II. contre les Anglois, qu'ils chaſſerent de la Guyenne & Poiëtou : à l'occaſion dequoy le gouvernement de Poiëtou fut donné à l'un, & celuy de Xaintonge à l'autre. Ce Freben eſpouſa Radegonde, fille de France, dont eſt iſſu Philippes, qui depuis fut conjoint par mariage avec Catherine de la Marche, ſeule heritiere, lequel pour eſtre né en France, laiſſa ce nom Teutonique *Stickel Borſtel*, qui eſt à dire pointe poignante, & prit le nom de Chabot. Donc le premier de cette noble race en France a eſté Philippes Chabot, qui a eu deux enfans, Brian, autrement Triſtan & Hugues, duquel Brian & Magdelaine d'Angoulême eſt iſſu Gadifer. Celuy-cy eſpouſa Bonne, fille du Comte de Blois, & en eut entr'autres Meſſire Pierre Chabot, Conneſtable de France, lequel fut marié à Yſabeau, fille du Comte d'Anjou,

300 *Histoire des sçavans Hommes,*
duquel mariage furent procreez Alban
& Roblet Chabots , & trois filles du
Comte de Perigord , & en eut Olivier,
duquel & d'anne fille du Comte de
Castres, sont sortis plusieurs enfans , &
entr'autres Boniface qui fut conjoint
par mariage avec Agnes, fille du Comte
de Poictou , dont il eut Antoine & deux
filles. De cet Antoine encore & d'A-
lix, fille du Comte de Bigorre , est sorty
Eustache Chabot , qui depuis épousa
Pernelle de Lusignan, dont est issu Pier-
re ou Pernel Chabot & autres , lequel
eut à femme Heleine de Malines , dont
nasquit Guillaume Chabot , qui depuis
fut marié à Yolande fille aînée du Comte
de Flandres : de ce mariage est venu un
autre Guillaume, qui épousa aussi Jean-
ne de Craon, & en eut Thibaud & Reg-
nault Chabots. Duquel Regnault &
d'Ysabeau de Rochechouard, sont issus
Louis, decedé sans hoirs. Antoine Che-
valier de S. Jean de Rhodes , & Grand
Prieur de France, les armes duquel j ay
veu taillées en pierre contre une maison
à Rhodes, lors que j'y demeurois :
François Abbé de Castres & de Veigne,
Jacques & Robert Chabots. De ce Jac-
ques, Seigneur de Tarnac, Aspremont

& Brion, & de Magdelaine de Luxembourg, sont finalement venus Messire Charles & philippes Chabots Admiral de France, de la race duquel se voyent reluire pour le jourd'huy beaucoup de nobles maisons, comme celle d'Alienor Chabot, qui par ses belles actions & loüables vertus, a esté avancé en cette noble dignité de grand Escuyer de France. François son frere Seigneur de Brion François, Dame de Barbezieux, & Antoinette femme du Seigneur d'Aumont, Marechal de France : comme aussi Anne Chabot, Dame de Pienne, & Ieanne Abbesse du Paraclyt, tous sortis de nostre Philippes Admiral de France & de Madame François de Loyvis, autrement de Givry. Voire, mais qu'est-il besoin de s'arrester si longtemps sur cette Genealogie, puisque je ne veux fonder l'excellence de ce Seigneur Chabot, Comte de Buzancez, sur l'honneur deu à ces ancestres, mais plustost sur le merite de ses tres-dignes vertus. Quel devoir fit-il à l'armée que le Roy François I. du nom luy donna pour aller en Piedmont apres la conqueste de Savoye ? le Roy l'avoit étably son

302 *Histoire des sçavans Hommes,*
Lieutenant general en Italie. Toutefois
comme il fut adverty des levées qui se
faisoient és Pais-bas par le Comte de
Nassau, choisit nostre Chabot, pour
l'armée qu'il faisoit passer en Piedmont
à sçavoir huit cens lances d'iceluy Ad-
miral & des Seigneurs Jacques Galiot,
Seigneur d'Acier, & grand Escuyer de
France : de Robert Stuard, Seigneur
d'Aubigny, mareschal de France &
Capitaine de la garde Escossoise du Roi:
de René de Montejan, du Marquis de
Saluces, des Seigneurs d'Annebaut, de
Montpesac, de Messire Iean de Touted-
ville, sieur de Villebon Prevost de pa-
ris, de Gabriel Seigneur d'Allegre, de
Charles Tiercelin, sieur de la Roche du
Maine, & du Seigneur Iean Paul de
Cery. Outre les gens d'ordonnance, es-
toit suivy de mil Chevaux legers, com-
mandez par les Seigneurs d'Essé, de
Termes, d'Aussun & de Verets, de l'In-
fanterie accomplie de douze mil hom-
mes tous Legionnaires, dont estoit Co-
lonel le Seigneur de Montejan, & es-
toient conducteurs les Capitaines la
Salle, S Aubin l'Hermite, Iean d'An-
glure, Seigneur de Iour, le sieur de
Quincy, le Chevalier d'Ambres, les
Seigneurs

Seigneurs de Bresieux, Maugiron, des Forges. Outre les Legionnaires il y eut six mil Lansquenets, deux mil Gascons, trois mil Italiens & grand nombre d'artillerie, la charge principale de laquelle estoit donnée à Messire Claude de Coucis Seigneur de Burie: tout le camp montant en tout à quelque trois mil quatre cens chevaux, tant legers que d'ordonnance, & à vingt-trois mil de pied, tant Allemands, Italiens, Gascons que François. Avec cette armée, si le Cardinal de Lorraine, Jean frere du Duc Antoine & de Claude de Guise, n'eut empesché, il eut bien avancé l'affaire de cette conquête. Toutefois depuis qu'il eut advertissement de remuer les mains, il fortifia les villes de Piedmont, pour couper chemin aux desseins de l'Espagnol. Furent mis dans Turin sous la charge du Seigneur d'Annebaut, qui y commandoit, les Seigneurs de Burie, d'Allegre, de Termes, d'Aussun, d'Essé, les Comtes de Tonnerre & de Sancerre: les Seigneurs de Piennes & de Listenay, le fils aîné du Seigneur de Iarnac, Paul Chabot, sieur de Clervaux: les Seigneurs d'Escars, de Brissac, de la Chastegneraye, d'O, de Traves, de Paulmy,

304 *Histoire des sçavans Hommes,*
& autres braves & vaillans guerriers.
Le sieur Admiral de Brion se retira à Pinerol avec deux cens hommes d'armes, qui estoient sa compagnie, & celles du Mareschal d'Aubigny, des Seigneurs de Villebon & de la Roche du Maine. Et afin que je sorte du Piedmont, ne doit-on pas marfeille à cet hardy Admiral, au bras duquel est deu, quant aux moyens humains, ce qu'aujourd'huy cette clef de France est encore demeurée en la puissance des François. On sçait bien, & les histoires ne m'en pourront démentir, avec quelle allegresse il s'opposoit à cet hardy conquerant, qui presumoit attraper sous la griffe de son Aigle tout le monde. A Pavie il se fourra si avant en la meslée, que comme l'Apollon Gaulois & le cœur de la Noblesse François, y fut pris. Qui parlera à l'admir du traité de Madrid, sans exalter la fidelité & vigilance du Seigneur de Brion, pour le service que lors il fit au Roy François son maistre. Lequel à la verité l'avantagea de beaucoup d'honneurs, & le receut au nombre des Chevaliers de son Ordre. Mais je vous prie contre-peser le merite de ses vertus, vous verrez que quoy que la munifi-

cence du Roy fut tres-grande, elle n'approchoit toutefois à la reconnoissance, qui estoit deuë pour le service auquel s'estoit hazardé ce brave Admiral. Depuis sa mort, la France n'a que trop bien appris à ses dépens le prix & valeur de ce personnage. La Bourgogne, pendant qu'elle a esté surveillée de ce sage Gouverneur, iouyssoit de toute prospérité, le Roy y estant reconnu & redouté, comme souverain Seigneur, quoy que le traité de Madrid sembla eclypser de son autorité. Ne fut-il pas choisi par la Duchesse d'Alençon, pour moyenner & pratiquer ce beau traité, & avec luy François de Tournon, Archevesque d'Ambrun & de Bourges, Jean de Selva, premier President de la Cour de Parlement à Paris, l'Escuyer Galliot & autres : pour les ostages du Roy il estoit compris à la partie : de sorte qu'il falloit bailler en ostage ou les deux fils aînez du Roy, ou Monsieur le Dauphin, & avec luy les Seigneurs de Vendosme, d'Albanie, de S. pol, de Guise, de Lautrec, de Laval, de Bretagne, le Marquis de Saluces, le Seigneur de Rieux, le grand Seneschal de Normandie, le Baron de Montmorency, nostre Chabot,

306 *Histoire des sçavans Hommes,*
Seigneur de Brion, & le Seigneur d'Au-
bigny. Si je voulois de point en point
deduire le reste de ses glorieux & mag-
nanimes exploits, il me faudroit dres-
ser deux justes volumes. Je prieray le
Lecteur d'avoir recours à ce qui en est
doctement écrit par les Historiens de
nostre temps. Toutefois avant que faire
retraite, je veux ici toucher 2. points.
Dont le premier concerne la disgrâce
où il tomba envers son Prince, pour
avoir parlé de quelques-uns plus haut
& plus librement qu'on ne luy deman-
doit : lesquels luy en sceurent si mau-
vais gré, qu'ils ne cessèrent qu'ils ne luy
eussent dressé une embusche, pensans
l'atterrer au precipice des malheurs. Si
bien ils le surprirent, que sommaire-
ment luy firent faire & parfaire son pro-
cez, sur le mauvais ménagement des
finances. Mais le pauvre Chancelier
royet pensant s'entretenir des uns, vou-
lut ruer contre ce Seigneur un coup de
barre, qui retomba encore à la fin sur
luy, d'autant que cet Admiral par la re-
vision du proces qu'il fit faire, se justifia
des faux blâmes qui luy estoient impo-
sez, & embarassa si bien royet dans la
Tragedie, qu'après la perfection de son

procez il se trouva privé de son estat de Chancelier : l'autre est de la devise qui estoit portée par ce Seigneur, à sçavoir une basle de vent à jouër, sur laquelle estoit écrit ce mot, *Concussus surgo*. Devise qui declaroit assez l'issuë de ses desseins estre telle, qu'encore que ses ennemis prissent beaucoup de peine à le tourmenter, ce neantmoins il se soulevoit au dessus de leur nez, & jamais ne s'atterroit pour grande que fut son affliction. Je sçay bien que ses ennemis ont accoustumé d'interpreter d'autre façon cette devise, pour luy reprocher que tout ainsi que la basle n'estoit enflée que de vent, aussi le credit du Seigneur Chabot estoit encore plus volage que le vent. Mais il leur est permis de satyriser, puisque la vertu n'est jamais sans detrac-teurs. Et me desplaist qu'il y en ait de si étourdis, qu'ils osent dire que ce Seigneur mourut en la mauvaise grace de son Roy, je m'en rapporte à la superbe sepulture qu'il luy a fait aux Celestins de la ville de paris, en la Chapelle de la maison d'Orleans, d'où j'ay fait tirer son portrait tel qu'icy je vous le represente. Je desirerois bien sçavoir si la disgrâce eut esté si grande qu'on la

308 *Histoire des ſçavans Hommes,*
fait, ſi on eut permis que ſon monument
fut là élevé. Or par ce que pluſieurs
pourroient eſtre entrepris à deviner
que veut à dire ce ſifflet, que l'on fait
icy tenir à cet Admiral Chabot, je veux
bien que le Lecteur ſçaſſe que l'Admi-
ral a pour armes l'ancre & le ſifflet, pour
montrer que tous ceux qui ſont ſur la
mer luy ſont ſujets, & doivent au ſim-
ple ſifflet de ce General de la marine,
ſe ranger vers luy, tout ne plus ne moins
qu'en un navire le ſifflet du Capitaine,
retient, guide & pouſſe toute la vogue
de la chiourme. De fait, cet Admiral,
qui eſt Lieutenant general pour le Roy
ſur la marine, & en tous lieux, places,
villes, ports & plages maritimes chef
des armées & entrepriſes qui s'y dref-
ſent, ſans le congé duquel aucun ne
peut demarrer aucun vaiſſeau, fut ce à
ſes propres coûts & dépens, ny entrer es
ports & havres de France. Et telle eſt
ſa juridiſtion, qu'il a la connoiſſance
& punition tant des delits & forfaits
qui ſe commettent ſur mer, que des
contracts faits & paſſez, ſoit pour le
fait de la guerre, marchandſe & peſ-
cherie, ou pour autre cauſe civile & cri-
minelle qui ſe paſſe ſur mer : & y met

tels Lieutenans pour en decider que bon luy semble. C'est à luy par le droit de son office de prendre & percevoir le dixième sur toutes les prises, gains, butins & profits qui se font sur mer par quelques personnes que ce soit, & donne congé & sauf-conduit à ceux que bon luy semble de harengaison & morte-païson, pour pescher, veu que sans son octroy & expresse permission nul ne peut aller aux terres neufves pour la pescherie des harens & molluscs, ny ailleurs pour autre fin, s'il n'est congédié par l'Admiral. Auquel appartient de faire & dresser l'ordre des guets sur les costes de la mer, lors que la nécessité le requiert, & cecy par ceux qui sont sujets à tel guet, & tient-on qu'il peut faire treve avec l'ennemy pour quelques jours, qui est un grand privilege. Je m'étonne, où quelques discoureurs ont pesché que la dignité d'Admiral est continuée à perpetuité, si bien que quiconque est Admiral, il faut qu'il le soit à vie, laquelle il faut qu'il perde avant qu'on puisse luy en oster le titre ny l'exercice. Je ne daignerois leur opposer que l'autorité qu'a maintenant Monsieur le Duc de Joyeuse,


310 *Histoire des scavans Hommes,*
lequel on sçait bien avoir esté honoré
de cet Estat, quoy que Monsieur le Duc
du Maine en fut pourveu. Autrefois la
France en recevoit trois, l'un en Guyen-
ne, le deuxiême en Bretagne, Norman-
die & Gaule Belgique, & le troisiême au
Levant, qu'on dit la mer Mediterranée.
Mesme le Roy Henry de Navarre, à
l'imitation de ses pere & grand-pere
met en ses titres Gouverneur & Admi-
ral de Guyenne : mesme le Seigneur de
Brion, duquel nous parlons presente-
ment, estoit Admiral de Guyenne avant
qu'estre Admiral de France.







*FERDINAND CORTEZ,
ESPAGNOL.*



FERDINAND

CORTEZ ESPAGNOL.

CHAPITRE XXI.



E serois reputé fort mal courtois, si décrivant les vies des Hommes Illustres, je laissois en arriere un, qui de nom ne courtoisoit pas seulement les vertus, mais en tant qu'en luy estoit les caressoit, & par heroïques exploits s'évertuoit de s'approprier le plus qu'il luy estoit possible, l'effet du nom auquel il approchoit, & se rendre courtois à l'endroit de ceux desquels la generosité & la vertu reluisoient, tant en magnanimité & belles actions, qu'en pieté & doctrine. Ce discours servira de preuve

à tous ces poincts, & en outre fera davantage admirer la rareté des perfections de cet Eſpagnol, dont j'ay recouvert le portrait d'un Marchand à Seville, lors qu'avec quelques-uns je fus mené devant l'Inquiſiteur de la Foy, le jour S. Thomas, par certains qui nous vouloient faire croire que nous eſtions Lutheriens. Ce bon homme nous délivra de tout danger, apres avoir conféré avec moy, & reconnu qu'autrefois il m'avoit veu en Alexandie d'Egypte lors que je faiſois mon voyage de la Terre Sainte, comme je vous ay dit amplement en ma Cosmographie. Ce bon personnage me mena en un ſien cabinet, garny de tableaux & figures de pluſieurs qui avoient voyagé, entre lesquels eſtoit celui, duquel avec quelques autres il me gratifia. Il nâquit l'an 1425. eſtant Roy & Reine de Caſtille & d'Arragon, Dom Fernand & Dame Isabelle. Son pere eſtoit Martin Cortez de Monroi, fils de Ferdinand Cortez, celui qui conquiſt le Royaume de Mexico. Sa mere fut Piçarro Almirano. Tellement qu'il eſt ſorty des quatre plus nobles & anciennes famil-

les du païs, à sçavoir des Cortez, Montroy, Piçarro & Altamirano. Quant aux moyens & richesses ils n'en avoient par beaucoup, mais ils estoient accompagnez de grands honneurs qui leur estoient deferez par leurs voisins, lesquels les respedoient, & eux de leur costé par leurs vertus, taschoient à se rendre par tout honorable. Estant fort jeune il fut Lieutenant d'une compagnie de Genets, pour son parent Alphonse de Hermose, au lieu du Capitaine Alphonse de Montroy, lequel se vouloit faire contre le gré de la Reine Maistre de son ordre, qui fut cause qu'ouvertement Dom Alphonse de Cardenas, Maistre de S. Iacques luy fit la guerre. Cependant nostre Cortez devint malade, & fut si bien abbatu, qu'il y avoit plus d'esperoir de mort que de vie. Qui fut cause que son pere craignant qu'il ne prejudiciât sa santé par trop s'échauffer, le voulut retirer de l'exercice militaire & le ranger dans les Colleges. Il l'envoya à l'âge de quatorze ans étudier en Salamanca, là où il fut deux ans, apprenant la Grammaire en la maison de François Nunnez de Valera, qui étoit marié avec la sœur de Martin Cortez.

Soit qu'il fut tenu trop ſujet ou qu'il fut trop court de deniers, ſoit finalement qu'il ne ſe ſentit appellé à l'étude, il retourna à Medelin, où le pere & la mere fort faſchez de telle débauche, luy laverent la teſte, comme meritoit celuy qui les fruſtroit du deſſein qu'ils avoient fait de l'avancer en grands honneurs, s'il eut daigné donner dans la Jurisprudence. Mais ils ne conſideroient pas que ſon naturel ne s'y adonnoit, & qu'il eſtoit boüillant, hâtif, divers & amateur des armes. de ſorte que l'habilité & gentilleſſe qu'il pouvoit avoir, eſtoit pluſtoſt deſtinée à de hautes & martiales entrepriſes qu'à decider d'un faiſt ſelon le droit, ou par la plume. Et comme il ſentoit ſes pere & mere fort mal diſpoſez à le faire inſtruire aux armes, il determina de s'en aller par païs, pour tentant fortune, courir ſon aventure. Deux commoditez ſe preſenterent fort à propos, pour aſſouvir le ſouhait de ce jeune guerrier, à ſçavoir le voyage de Naples avec Gonzale Hernandez de Cordoua, qui eſtoit appellé le grand Capitaine : L'autre des Indes avec Nicolas d'Ovando ou d'Olanda, Commandeur de Larez, qui eſtoit en-

voyé par le Roy Ferdinand en titre & autorité de Viceroy pour en oster Bombadilla. Il estoit bien en peine, auquel des deux voyages il devoit entendre. Pour conclusion il determina de passer aux Indes, parce qu'Ovando le connoissoit & le prendroit en sa charge. Joint aussi que les montagnes d'or qui estoient celebrées es Indes, luy faisoient fort fretiller la queue, pour l'estat qu'il faisoit d'estre chargé d'écus à milliers. Et comme il pensoit se jeter avec la flotte qui avoit esté équipée par Ovando, la rechute de sa fièvre bouleversa toutes ses entreprises, dont il fut grandement fâché, pour voir la commodité perduë de faire ce voyage, qui à peine pouvoit une autre fois se présenter si à propos. Toutefois forcé luy fut de prendre courage, & tascher à recouvrer sa santé. puis à espier quelque autre occasion plus opportune. A peine fut-il sorty du lit, qu'il prit la route de l'Italie, laquelle il avoit méprisé auparavant, pour suivre Ovando, & pour ce il fit le chemin de Valence. Et comme l'heureux succès des Indes le chatoüillât à y reprendre à quelque prix que ce fut, sa premiere brisée, apres avoir par l'espa-

316. *Histoire des sçavans Hommes,*
ce d'un an, non sans travaux & necessi-
tez inestimables, raudé pais ne voulut
passer outre, LA FLOR DEL BERRIO,
qu'il rebroussa chemin, en deliberation
de passer aux Indes. Dont ses pere &
mere ne pûrent le détourner, quoy
qu'ils luy missent devant les yeux la dif-
ficulté du voyage, qui l'emporteroit
peut estre, luy qui pourroit de beau-
coup servir à sa patrie. Enfin voyans
qu'ils perdoient leurs peines, luy don-
nerent leur benediction & argent pour
faire le voyage. Puis à l'aage de dix-
neuf ans, en l'an de Grace mil cinq cens
quatre il passa aux Indes : il fit son fret
& matelotage en un navire d'Alonce
Zuintero, habitant de Palos de Mo-
guer, qui en menoit quatre autres, char-
gées de marchandise, dressant son voya-
ge vers le Ponant, il retrouva le Royau-
me des Mexicains, par ce qu'ayant lais-
sé le dernier Cap de l'Isle de Cuba, lais-
sant à main gauche les Isles de Iucatana
& Colvacana, où il avoit déjà fait assez
retentir le bruit de sa coutoisié, il arri-
va au droit du front de l'interieur de la
grande rivière de Panuco. Il entendit
là que ces rivières estoient de terre fer-
me, laquelle en son tour de deça s'at-

tache aux rivières Urbanes , & de là vers Septentrion, au païs de Bacchallaura. Il n'eut guere long temps hanté ces marches, qu'il découvrit par le rapport que luy en firent les deux truchemens, qu'il avoit desdites Isles de Iucatana & Colvacana, qu'en cette region des terres, les grands & riches Royaumes Mexicains s'étendoient vers le Ponant, & qu'ils estoient garnis d'excellens & rares ouvriers, Peintres, Maçons, & autres Artisans fort ingénieux. Cela fit ouvrir les oreilles à Ferdinand, qui deslors essaya de s'en rendre maistre avec le temps, du commencement taschoit à gagner par douceurs, humanitez & courtoisies les cœurs des Mexicains : tant leur estoit-il affable & gracieux, qu'ils le pensoient n'estre Espagnol, mais les bonnes gens ne visoient pas plus loin que leur nez, & apres à leurs dépens apprirent bien de quel bois il se chauffoit : de fait, il ne tarda guere à mettre ses gens en besogne : car ayant découvert que ces peuples se quereloient par ensemble pour les limites & amplitude de leurs païs, ne se fit pas tirer l'oreille, pour secourir un sien voisin, Seigneur en cette terre

318 *Histoire des sçavans Hommes*,
allencontre de ses ennemis. Il fit ligue
avec luy fort à son avantage, parce qu'il
fentoit tres bien que ce pauvre Seigneur
qui estoit pressé de tant de parts, qu'il
ne sçavoit à quel Saint se voïer, se re-
puteroit à tres-grand heur d'avoir seu-
lement escorte de luy, qui avoit une
compagnie d'Arquebusiers, d'Archers
& de Piquiers, avec une escoliade d'hô-
mes d'armes à cheval, qui estoit une
force efformidable à ces pauvres barba-
res. Au jour de la bataille, Ferdinand
rangea ses gens, quoy qu'ils fussent en
fort petit nombre, mais qui en valloient
beaucoup pour faire une rude charge.
Il fit jouer ses artilleries & hennir les
chevaux. Les ennemis furent tellement
effrayez d'oïr ronfler de la façon ces
foudroyans canons, qu'à pres avoir per-
du grand nombre des leurs, ils se con-
fesserent veritablement estre vaincus,
& se rendirent à leur ennemy, qui en
faisoit du commencement difficulté,
pour la maxime qu'ils ont d'estre immi-
sericordieux envers ceux qui leur ont
esté rebelles. Toutefois étant conseil-
lé par Cortez de les prendre à mercy, il
les y receut amiablement pour le res-

peût seul qu'il portoit à cet Espagno', duquel il reconnoissoit principalement tenir la victoire. Apres cette expedition, Ferdinand se sentant fort & de moyens & d'hommes, commença à attacher Mutezuma ou Motzume ou bien Montzum, lequel à cause du pouvoir qu'il avoit en ce pays-là, avoit à contre cœur d'y voir les Chrestiens, lesquels comme il estoit sage, mondain, accort, & qui avoit fort bon nez, il aperçêût bien de vouloir empieter sur la terre & seigneurie de Mexique, & pour ce il commença à traiter avec un sien Seigneur vassal pour les exterminer. Mais ce fut trop à la volée : d'autant que *Qualpopaca* Seigneur de Nanthlan, ou selon les autres de Naucutel, depuis nommée Almerie, fit mourir neuf Chrétiens, dont Fernand sceut bien faire son profit, & à cette occasion, pour en prendre vengeance, executa ce que dès long-temps il avoit tramé, mais ne pouvoit trouver pretexte pour pouvoir courir dessus luy. Cet assassin des neuf luy fit voye si large, que l'espaisse multitude des rangs de son armée ne pût tenir bon allencontre des tonnerres de son artillerie, qui foudroyoit sur ces pauvres

320 *Histoire des sçavans Hommes,*
gens, avec les blèssures qu'ils recevoient
des épées Espagnoles. Il y fit une terri-
ble boucherie, & effroya si bien les
Mexicains, qui croyoient que des hom-
mes de cheval fussent des Centaures, &
pensoient que les nostres fissent venir
les foudres du ciel par quelque privauté
qu'ils eussent avec Jupiter, qu'ils n'eus-
sent rien de plus court que de faire
joug. Et de son costé Mutezume se ren-
dit, & donna tous les peuples de son
Empire à la discretion de Cortesse, mais
apres qu'il se fut rendu, pour quelque
bruit qui courut d'une rebellion & se-
cretes menées qu'il avoit avec quel-
ques-uns du païs, il fut mis aux fers.
Ce qui effaroucha tellement ces barba-
res, que de rage ils accoururent à l'en-
droit du logis où Mutezume estoit assis
lié, soit qu'ils le voulussent delivrer de
l'indignité qu'on luy faisoit lequel es-
toit parvenu, ou peu s'en falloit sur le
comble de fortune, soit qu'ils fussent
dépitez de ce qu'il tenoit le party de
Cortez, frondoient de grandes pierres
allencontre de leur Roy, & quoy que les
Espagnols se missent en effort pour les
chasser, jamais ne sceurent tant faire,
que d'un coup de pierre qu'il recut à

Ferdinand Cortez. Ch: XXI. 421
la teste, il ne fut miserablement assom-
mé, & en sa place en esleurent un autre
nommé Qualtimoc, ou bien (selon les
autres *Quetzalcoatl* frere du defunt, &
Seigneur d'Istapalipa. Mais du costé
des Espagnols, la plupart des Sei-
gneurs luy substitua Cortese, qui ap-
presta matiere à cet Espagnol de pour-
suivre à feu & à sang le competeur de
l'Empereur : car encore qu'il eut esté
éleu pour Roy, si ne voulut-il point
accepter cette qualite, se contentant de
celle de Vice-Roy. Or il luy fut beau-
coup plus aisé de dompter ce dernier
Roy que Mutezuma, parce qu'il disoit
avoir défait le Capitaine Narvaez, qui
estoit arrivé en la ville de la Vraye-
croix, avec neuf cens compagnons, &
avoit commission de Diego Velasquez,
Gouverneur de l'Isle de Cuba, de tuer
Cortez, ou de le chasser du país par
force, à cause qu'il ne luy avoit pas ren-
du compte de son voyage, & du país
qu'il avoit nouvellement découvert.
Cependant que Cortez estoit empesché
à défaire ce Narvaez il trouva les Mexi-
cains tout changez. & s'estans armez,
firét un deluge des Espagnols qu'il avoit
laissé en garnison à Mexico sous son

322 *Histoire des ſçavans Hommes,*
lieutenant le Capitaine Pierre d'Alva-
rado, chafferent Cortez de la ville, où il
penſoit ſe rafraîſchir après tant d'en-
nuis & travaux qu'il avoit receus. Mais
ce fut de plus beau à recommencer, &
fut contraint de mettre le ſiege avec les
Eſpagnols 'qu'il ramena de la victoire
qu'il eut contre Narvaez l'an 1521 de-
vant la ville de Themistitan, qui dura
trois mois, au bout deſquels il y entra.
Ce ne fut toutefois ſans avoir eſté affiné
luy & ſes gens par ces Meſſicains, qui ſe
voyans eſtre hors d'eſpoir de réſiſtance,
ſçavoient bien neantmoins que tout
l'effort de l'eſpagnol étoit par une envie
qu'il avoit de ſe ſarcir de l'or, pierres
& richesses, qui eſtoient dans une telle
& ſi opulente ville, pour ce ils aſſem-
blerent tout l'or & l'argent qu'ils
avoient, & les jetterent au fonds de
leur lac. Par ce moyen les Eſpagnols ne
trouverent que le nid, dont ils furent
tellement irritez, qu'il n'y a ſorte de
forces & cruauté qu'ils n'exerçaſſent
ſur ces pauvres miſérables. Cortez luy-
meſme eſtoit le plus ſurpris du monde,
qu'après avoir fait fouïller & fureter
par tout, il n'avoit pû retrouver une
maille de tout l'or & l'argent qu'il

Ferdinand Cortez, Ch. XXI. 323
avoit laissé dans la ville , quand il
il s'en estoit fuy , ny du thresor de Mu-
tezuma. Et voyant qu'il ne pouvoit
tirer d'aucun où ils avoient fait les
cachetes de leurs trefors , encor qu'il
ne les menaçast du moins que de sup-
plice , dont il avoit recompensé la
cruauté de *Qual-p-paca* (lequel il fit
brûler) il fit prendre le Roy *Qualtti-
moc* , & son Secretaire , & à tous deux
leur fit bailler la torture si ferré , qu'il
n'y avoit os , nerfs , ny tendons sur
leur pauvre corps , qui ne souffrit une
convulsion , pensant extorquer par for-
ce réellement executée , ce qu'il ne
pouvoit par commandement ou par
menaces. Il ne peut pour tels tour-
mens arracher d'eux un seul mot du
secret. Mesme on raconte du Secre-
taire , qu'il fut si constant , que quoy
qu'on le brûlast & qu'on le fricassast
cruellement à petit feu , il ne voulut
jamais rien confesser , & sans dire ny
faire autre chose que de se plaindre
amerement de la meschanceté des Es-
pagnols , mourut au bout de six heu-
res entre les mains des bourreaux.
Cortez voyant ce Roy ainsi obstiné , le
fit ôster de la gesne , & ne tarda gue-

314 *Histoire des scavans Hommes,*
res plus à le faire pendre , apres l'a-
voir quelque temps mené , lié & gar-
rotté , quand & luy par plusieurs Pro-
vinces. Quand il se vid dépesché de
cet ennemy , il commença à chercher
plus outre , parce qu'il avoit entendu
de plusieurs , que le pais Mexican estoit
abondant en or , & enrichy de plu-
sieurs raretez , qui réveilleroient le
plus lasche qui soit au monde à en-
treprendre encore davantage pour am-
plifier le renom de ses actions & con-
questes genereuses , de force si le rap-
port qui est fait de ses voyages est ré-
pondant & conforme à la verité , c'est
le personnage , qui pour sa qualité &
condition ne doit rien céder à tout le
reste des autres Conquerans. Vous avez
ouïy les ruses , gentilleses & magna-
nimes exploits , desquels il a battu ces
Indiens (quoy qu'à prendre l'affaire
rie à ric , ainsi que nous monsturons
en la vie de Metezuma , il y ait des ex-
cés peu seans à la pieté Chrestienne
d'un heroïque guerrier) qui , à leurs
dépens ont appris ; comme les fols , à
estre sages. Maintenant je poursuivray
quelques autres recherches & voya-
ges qu'il a fait , sillonnant plusieurs

costez de la mer, pour dorer l'heur de son propre voyage. Je laisseray pour brieveté la découverte qu'il fit de cette grande & haute montagne, qui estant au coupeau blanche de neiges, au pied de la vallée dégouffroit des flammes, & élançoit des pierres ardentes à la façon du mont *Aethna* en Sicile : non pas que je vueille excuser l'opiniaistreté de ces refroncez mécréoyans, qui ne peuvent croire ce qui leur est proposé, si la verité ne leur creve les yeux, mais pour autant que je ne tiens pour le leur ce poinct avoir esté assez ample-ment éclaircy ailleurs. Pour la loüange de nostre Ferrand, il sera beaucoup plus seant que je fasse icy quelque estat de sa vraye pieté envers l'Eglise de Dieu, qui l'a poussé à conquerir & reduire à la foy Chrestienne la plus grande partie des peuples, qu'il avoit domptez & soumis à l'obeïssance de l'Empereur Char es V. Ce n'est pas que je vueille, avec Paul Iouë badiner, qui nous le represente comme un Patenostrier, sous pretexte de quelques devotions qu'aucuns Historiens remarquent (non trop advisez) avoir esté par luy faites au sortilege des douze Apostres, dautant que

cela ressent plutôt son cendrier , & casannier , qu'un gaillard & hardy entrepreneur. Mais le zele qu'il avoit à la gloire de Dieu , profita de telle sorte , qu'il amena à la bergerie de Jesus - Christ ces brebis éparſes , & dès fort long - temps detenuës entre les griffes des Loups & Lyons raviffans. Il les forma si bien au ply du Christianisme , que par public decret , entre eux furent envoyez deux illustres Barons de cette nation , bien accompagnés en Ambassade pour aller devers l'Empereur en Espagne , & de là à Rome vers le Pape Clement , pour faire la reverence à l'un & à l'autre , qui leur firent le meilleur accueil , qu'il fust possible de penser. Depuis Cortez fit bastir une fort somptueuse maison à Themistitan en forme de Palais Royal , enrichie de divers marbres & pierres de taille , laquelle aucuns Espagnols disent estre plus belle que la Alambre de Grenade , pour estre imbrinquée , avec un fort excellent regard , de belles pierres de diverses couleurs. Il pouvoit bien la faire bastir ayant fait de si beaux butins,

tins , qu'outre les autres , je treuve qu'en la Province de Castille d'Or , il eut cinq émeraudes estimées à cent mil escus : l'une taillée à mode de rose avec ses fucilles , l'autre comme un huchet : la troisième en forme d'un poisson : la quatrième d'une clochette , dont le battant estoit d'une grosse perle en forme de poire : & la cinquième d'une tasse , de laquelle piece seule un Lapidaire Genevois voulut donner quarante mil ducats , en esperance de gagner encore dessus. L'accroissement si subit de Cortes le relegua dans le giron d'envie , qui comme jamais ne quitte la compagnie de ceux qui sont un peu avant en leurs affaires , elle festoya de mesme carresse Cortes , qui auparavant elle avoit decourtisé Colomb. Et de fait , il fut appellé en Espagne , où il porta & donna à l'Empereur des presens de pierreries & de grandissime valeur : lequel en recompense , luy donna pour luy & les siens , la ville de Vallio , luy fut envoyé pour successeur avec grande autorité aux Royaumes Meslicans, Dom Antoine de Mendozze,


328 *Histoire des sçavans Hommes,*
fils du Comte de Tendille , & par-
ce moyen Ferdinand , qui avoit en-
foncé le premier dans ce país de
Mexico , & l'avoit assujetty au com-
mandement de l'Empereur Charles le
Quint , il demeura enfin privé de tous
ses labeurs , ennuys & travaux. Pour
cela il ne manqua point du loüable
zele qu'il a toûjours eu pour le servi-
ce de l'Empereur , lequel il suivit en
Affrique , où il fit une tres-grande
perte de ses precieux meubles au nau-
frage d'Alger : & sept ans apres , il
mourut en sa maison , non toutefois
beaucoup vieil , au grand regret de
tous ceux , qui soigneux de la vertu ,
doivent cherir ceux qui s'efforcent
de se rendre illustres & excellens par
icelle. Icy j'eusse pris plaisir pour
l'honneur que je porte à ces yeux ge-
neraux qui ont éclairé le monde , de
faire un recueil des Eloges & Epita-
phes faits à la louange de nostre Cor-
tes. Pour éviter la longueur , je ne
veux icy coucher , que celui qui en a
esté fait en Italien.

*Hercole già cerca molto paese,
On de fu chiaro & vincitore al mondo*

Ferdinand Cortez, Ch. XXI. 329

*Ma vie piu belle & honorate imprese
Hernando fece a null' altro secondo,
Perche assai piu di lui vide il Cortese,
De la terra & del mar girando a tondo,
Et gli Antipodi indomiti & ignoti
Vinse, & al vero Dio rese divoti.*










*BASILE DVC DE MOS-
COVIE .*



B A S I L E ,

DVC DE MOSCOVIE.

CHAPITRE XXII.

 **P**ARCE qu'en ma Cosmographie j'estime avoir assez plantureusement décrit ce qui appartient à la source, mœurs & gouvernement des Moscovites, je passeray par dessus le discours qu'on pourroit requérir de moy sur ce sujet : seulement s'il y a quelque chose digne de remarquer, je me contenteray d'en toucher icy autant que me le pourra permettre la suite de cette Histoire, sans m'arrester soit aux anciennetez du gouvernement de ce païs, soit au progrès & divers succès des affaires de l'Estat Moscovite: non que je vueille oublier ce qui est à observer.

332 *Histoire des ſcavans Hommes,*
touchant quelques ſingularitez , que
j'avois coulées en ma *Cosmographie*,
qui pourront ſervir à l'illustration de
cette *Histoire*. Entr'autres j'ay appris
en l'année mil cinq cens ſoixante ſei-
ze, d'un Seigneur Anglois, qui avoit de-
meuré Ambaſſadeur ſept ans entiers
au païs de *Moscovie*, que les habitans
naturels de ces contrées, ſont les hômes
plus cruels envers leurs ennemis, dont
on puiſſe faire eſtat. Ce n'eſt pas qu'ils
s'acharnent ſur leurs captifs, pour les
devorer, mais ils les font paſſer ſous la
rigueur de la Loy *Machiavelique*, qui
porte que jamais ne mord l'ennemy
mort. Quant aux femmes, filles & jeu-
nes enfans, ils les vendent & échan-
gent à certains marchands *Turcs* ou
Ta tares, & en font, quoy qu'ils ſoient
Chreſtiens, un trafic fort commun en-
tr'eux. Quant à l'*Imprimerie*, ils n'en
ont eu l'uſage que depuis l'an mil cinq
cens ſoixante; qu'elle leur fut décou-
vertu par un *Marchand Ruſſien*, qui fit
emplette des *Caracteres*, dont ils ont
par apres mis en lumiere de fort beaux
livres. Toutefois comme ils ſont ſcru-
puleux, & font des difficultez où il n'y
a aucune apparence, à l'exemple de

Basile Duc de Moscovie, C. XXI. 333
leurs Sectateurs Grecs, aucuns d'entr'eux par subtiles ruses & personnes interposées trouverent moyen de faire brûler leurs caracteres, de peur qu'ils avoient que l'Impression n'apportast quelque changement ou brouillis en leur opinion & religion, & si pour cela n'en fut fait aucune recherche ou poursuite par le Prince ou ses Sujets. Faut bien qu'ils honorent & reverent grandement leur religion, d'avoir tout en un coup laissé perdre un si précieux & excellent joyau, seulement pour la conception dont ils s'embeguinerent, que cette clarté pourroit découvrir quelque chose, qui avec le temps terniroit & éblouiroit le lustre de cette religion Monachale Basilienne : Car des quatre Mendians & autres, qui ont cours parmy la Chrestienté Latine, il n'y en a aucune nouvelle entre les Moscovites. non plus que parmy les Grecs, Armeniens, Nestoriens, Abyssins, Georgiens, Iacobides, Mingrelyens, Syriens, & autres Chrestiens Levantins. Quant à l'Oraison Dominicale en leur Idiome, elle n'est aucunement différente d'avec celle qui est approuvée par tous les Chrestiens Latins. Ayant recouvert la teneur d'icelle

334 *Histoire des sçavans Hommes,*
en Moscovie, j'ay bien voulu icy l'in-
ferer pour contenter ceux qui pren-
nent plaisir à apprendre choses qu'ils
n'ont pas entendu. Je l'eusse mis se-
lon & à la forme de leurs caracteres,
si j'eusse présumé que cela eust pû ser-
vir à l'edification du commun, qui eust
eu bien affaire à discerner la force, ver-
tu, propriété & signification de cha-
que caractere.

ORAI SON DOMINICALE EN LANGAGE DES MOSCOVITES.

*Oche nass ije esti nane besesh, da suatitsa
ima tuoa, da priidet tzeriure tuoë, da
boudet vola tuoa iacco nane besesh ina
Zemli. Chleb nash nasoushnyi daiede nam
due: i ostavi nam dolgi nassa, iacco i mui
ostolaem dolgnicom nassim, i. nevedi nas
vona past, no isbavinas ot loucavago,
iacco tuoë est tzeriure i sila, i slava vo-
vechi. Amin.*

Après avoir ajouté cecy de leurs
mœurs, gestes & singularitez que je
n'avois remarqué en ma Cosmogra-
phie, c'est maintenant le temps de
nous tourner vers nostre Basile, auquel

Basile Duc de Moscovie. C. XXI. 335
le present eloge est particulierement
voué, remply de plusieurs miseres &
infortunes qui ont accompagné le com-
mandement qu'il a eu en Moscovie. De
fait, par les histoires nous trouvons
qu'il estoit si malheureux en guerre,
qu'à peine a-il pû se mettre en campa-
gne qu'il n'ait esté battu. Aucuns ont
voulu fantasier sur son horoscope, atta-
chans je ne sçay quelle necessité à l'in-
clination heureuse ou sinistre des con-
stellations, qu'ils font dominer à l'heu-
re de la naissance, qui apres s'estre long-
temps embrouïllé dans telles niaise-
ries, n'ont enfin rien gagné autre qu'un
titre & qualité de folastres & pauvres
insensez, lesquels voulans grimper plus
haut que leur portée ne leur permet-
toit, se sont tout d'un coup trouvez en-
veloppez en plusieurs lourdes & ridicu-
les absurditez. De ma part, sans en-
trer trop avant au cabinet des secrets de
Dieu, j'estime que sa méchante & exe-
crable vie l'a rendu malheureux de tel-
le façon. De fait Paul Iove écrit qu'il s'e-
stoit prostitué au vice contre nature, le-
quel est plus seant de taire que d'en par-
ler, encore qu'il s'ôûtienne qu'entre les
Moscovites telle impieté soit indifferen

336 *Histoire des ſçavans Hommes,*
te, & autant plus familiere qu'aux peu-
ples enſouphrez de Sodome & Gomor-
rho. Et comment eſt-ce qu'ils euſſent eu
le courage d'expoſer leurs vies pour luy,
veu qu'il ſe montroit envers eux cruel
& intolerable : De ſorte qu'il ne vou-
loit que ſes propres freres ny autres
Princes tinſſent des Chasteaux & pla-
ces de ſortereſſe. Et falloit neceſſaire-
ment qu'à leurs propres couſts & dé-
pens ils ſerviſſent leur Seigneur, fut à
la Cour ou en guerre, ou en Ambaſſa-
de : & le plus de grace & amitié qu'il
faisoit, c'eſtoit de donner à ceux qui eſ-
toient les plus chargez, quelques pla-
ces ou meſtairies, & ce encore pour un
an & demy, en payant certaines ren-
tes au Prince : & ce terme paſſé ils eſ-
toient contraincts de ſervir ſix ans en-
tiers à leur propre bourſe, & ne falloir
pas faire du retif, autrement la perte
des biens & de la vie ſ'en enſuivoit :
comme il advint à un de ſes plus favo-
ris Secretaires, lequel il voulut envoyer
Ambaſſade vers l'Empereur Maximi-
lian, & comme il répondit qu'il n'avoit
pas le moyen pour faire le voyage, il
fut mis dans une priſon, où il mourut,
furent ſes biens conſiſquz au Prince,

sans que ses freres en pûssent retirer la valeur d'un tournois. Si ses Ambassadeurs rapportoient quelques presens, qu'on leur avoit fait, il les en desarçonnoit, tenant que par droit de Principauté tout ce qui estoit donné à ses Ambassadeurs luy estoit acquis, puisqu'à son adveu les Princes les honoroient de tels presens. Ce qu'il apprit fort bien aux Ambassadeurs qu'il avoit envoyé à l'Empereur Charles-le-Quint, lequel leur fit presens de belles chaines d'or, & de quelques pieces d'or d'Espagne, & quant & quant Ferdinand, frere de l'Empereur leur donna quelques vases d'argent & des draps fort precieux, ensemble plusieurs especes d'or d'Allemagne. Cet avare glouton ne les sentit pas plustost arrivez, qu'il ne s'empara du plus beau & du meilleur de leurs presens, comme si ç'eust esté quelque butin qu'ils eussent gagné sur l'ennemy, dont il n'eut pas seulement voulu avoir sa lipée, mais outre sa legitime prendre ce qui ne pouvoit estre refusé à un soldat par son Capitaine. Il laisse les oppressions, qu'il faisoit au reste de son peuple, sous pretexte du d'reglé pouvoir de la puissance absolue,

338 *Histoire des ſçavans Hommes,*
d'autant qu'il ſemble que ceux qui ont
credit ſur le reſte du peuple, ayent li-
berté de faire ſurhauffer les flots de leur
pouvoir ſur la pauvre populace. Il vaut
mieux que je retourne vers noſtre Baſi-
le, qui fut en ſes entrepriſes accompa-
gné d'un malheur preſque toujours
continuel. En la bataille d'Orſe ſous la
conduite de Conſtantin Oſtroge & Iean
Suizzone les Polonois de 80000. Moſco-
vites, qui faiſoient eſtat de marcher le
pied ſur le ventre des Polaques, en dé-
firent ſur le champ près de 40000. ſur la
place, prirent tous les chefs de l'armée,
les Seigneurs de marque, tout le Senat de
la nation & d'autre quatre mil priſon-
niers. A peine ſe pût ſauver Baſile en ſa
ville Royale de Moſque, encore qu'il
fut éloigné de ſoixante lieux, il eſtoit
en crainte que le Roy Sigismond, enflé
du gain de la victoire qu'il avoit obte-
nu n'eſſaya, pourſuivant ſa pointe de
donner derechef ſur luy. Voila la mon-
noye, de laquelle ſont payez ceux, qui
tyranniquement ſe veulent faire obeyr,
ſans conſiderer les torts, vexations &
indignitez qu'ils font à leurs ſujets,
vous voyez ce Duc qui avoit accouſtu-
mé de dompter ſes ennemis, toutefois
parce qu'il matina trop ſon peuple, il ex-

Basile Duc de Moscovie. C. XXII. 339
tenua tellement ses forces, qu'une petite poignée de Polonois défit cette grande multitude de Moscovites, qui pouvoient engloutir tout à un coup l'armée de Sigismond. Aussi la charge qu'il receut des deux freres Girées Mahemet & Abasa luy rompit tellement les aîsles, qu'il fut contraint de s'obliger par une promesse de sa main d'estre perpetuellement tributaire de Mahemet, & par le moyen d'icelle renvoya les Tartares chargez de grandes dépouilles, ayans brûlé quasi tout le pays, & triomphans d'une infinie multitude de Moscovites, qu'ils avoient pris prisonniers & qu'ils vendirent en la Taurica aux Turcs & à Citraca à divers peuples qui habitent sur la mer Caspie. Si Basile eut esté chery, aimé & honoré des siens, il avoit assez de vaillans Capitaines, qui eussent pû donner beaucoup d'affaires à ces deux Rois Tartares, mais il les avoit tellement foulez tous, qu'ils ne pouvoient (comme l'on dit) mettre un pied avant l'autre, & encore avoient moins d'envie d'hazarder leurs corps & biens, pour affermir l'Estat de celuy qui les tyrannisoit si cruellement. Au reste c'estoit le Prince du meilleur avis

340 *Histoire des sçavans Hommes,*
és hautes entreprises, fin & accort
qu'il est possible de penser, & qui (ainsi
que j'ay dit) a obtenu de tres-belles vi-
ctoires sur les Tartares, & prit sur les
Polonois Smolenzko par secretes in-
telligences de *Knez Michel Linski*, &
ne conserva pas seulement ce que son
frere avoit laissé, mais encore adjôta-
il plusieurs Provinces à son Empire : &
reduisit en son obeïssance, outre la
Principauté de Smolenzko, Flescovie.
Ce fut luy, qui premier usurpa le nom
& titre de Roy, dautant que tous ses
devanciers s'estoient contentez d'estre
nommez grands Ducs, bien que son
pere voulut estre appellé grand Sei-
gneur de Russie, qualité qui estoit en-
core retenuë par Basile. Mais se faisoit-
il de plus appeller Empereur. Titre qui
montrait son ambition, puisqu'il n'o-
soit, écrivant au Roy de Pologne, se
qualifier pour Roy, mais se contentoit
du nom de *Vuelichi Knesi*, qui est à dire
grand Duc, pour ce que l'un ny l'autre
ne vouloit recevoir les lettres de son
compagnon, si elles contenoient nou-
veau titre. Or voicy les titres qu'il pre-
noit en ses lettres. Le grand Seigneur
Basile, par la grace de Dieu Roy &

Basile Duc de Moscov. C. XXII. 341
Prince de Russie, grand Duc de Volodimerie, Moscovie, Novogardie, Plescovie, Smolluchie, Tuverie, Iugarie, Permie, Viakie, Bulgarie, &c. Grand Seigneur & grand Duc de la terre de Novogardie la basse, de Czernigovie, Rezanie, Volothie, Riscovie, Beloie, Rostonie, Iaroslavie, Bielozorie, Vdorie, Obdorie, Condivie. Or ces deux titres de Roy & d'Empereur dont il s'attiffoit par trop ambitieusement, sont compris sous ce mot de *Czar*, qui en langue Russienne signifie Roy, & par les Esclavons, Polonois, Hongres & Bohëmiens est pris pour Empereur ou Cesar. En quoy il semble avoir quelque vray-semblance, pour le peu de difference qu'il peut y avoir entre ces deux mots *Czar* & Cesar. Quant est du nom de Roy blanc qu'on luy baille, il est fondé sur ce que tout ainsi que le Roy de Perse est appellé *Kisil passa* ou *Casibatz*, pour ce que son ornement Royal qu'il porte en teste est rouge, aussi le Moscovite est nommé blanc, dont vous voyez que je luy ay fait couvrir la teste par son portrait, que j'ay tiré d'un vieil Livre, imprimé en langage Moscovite, & en leurs

342 *Histoire des sçavans Hommes,*
caracteres, là où il est représenté de la
façon que vous le voyez équipé Il eut
en premieres nopces pour femme Salo-
mea, fille d'un sien sujet : avec laquelle
il habita par l'espace de vingt ans &
plus, sans avoir lignée aucune, dont il
fut tellement fasché, qu'il la repudia, à
cause, disent aucuns de sa sterilité, mais
l'effet a bien montré qu'ils pretendoit
apres d'autres, où estant rassasié de sa
compagnie, ou bien en ayant décou-
vert une plus belle, qui le meut à pren-
dre pretexte de cette incapacité à con-
cevoir, il la fit renfermer dans un Mo-
nastere, où elle accoucha d'un fils, qui
par ce qu'il pouvoit succeder à l'heri-
ritage de la Principauté, rompit de
beaucoup les desseins, non pas du ma-
riage entre luy & Helene, d'autant qu'il
fut consommé & accompli, mesme
mourut elle durant iceluy : mais entre
une autre à laquelle Basile aspiroit, fal-
loit bien qu'il fut fort échauffé, veu
qu'entre les moscovites la multitude &
diversité de tant de nopces est fort
odieuse. Peut-estre que le manteau Du-
cal dont il estoit affublé, couvroit tout
ce qu'on y eut pû trouver à redire. Au-
reste je trouve une difficulté sur ce que

Basile Duc de Moscov C. XXII. 343
je viens de reciter touchant l'enfant de
Salomea, d'autant qu'aucuns voyans
que Demetrius fils du defunt Iean &
neveu de Basile avoit esté installé au Du-
ché, ont écrit que cette pauvre Du-
chesse l'avoit eu d'illegitime conjoin-
ction: autrement n'est pas croyable que
Basile luy eut cédé la chaire Ducale,
s'il eut senty un heritier plus proche &
habile à succeder. Mais aussi qui consi-
derera que Salomea eut eu ce fils de Ba-
sile, pourquoy n'a il pû aussi bien suc-
ceder à son oncle, que Basile a fait à
Iean, qui avoit ce fils vivant. Là dessus
je sçay bien qu'on m'alleguera que Ba-
sile, pour se rendre maistre & Seigneur
de l'Estat, prit captif Demetrie apres
la mort de son pere, & que l'on sçait
bien qu'à la sollicitation & du consen-
tement de Basile Demetrius fut sacré
Duc de Moscovie: de maniere qu'il n'y
a aucun rapport de l'un avec l'autre.
Basile empieta le Duché, & Demetrius
le receut par l'election qu'en fit son on-
cle.







*JACQUES V. DV NOM,
ROY D'ESCOSSE .*



IACQUES V.

DV NOM,

ROY D'ESCOSSE.

CHAPITRE XXIII.



Es Historiens ont pris plaisir à coucher par es- crit le succez des affaires d'Escoffe, nous represen- tent un bilan fort ex- quis de l'heur & prospe- rité de l'Estat Escossois avec le misera- ble succez de ceux qui ont eu la charge & dignité de commander à un si beau, ample & magnifique païs, ils nous en dressent plusieurs bandes, entre lesquel- les est fort memorable celle sous laquel- le ont esté enroollez Iacques, qui ont tellem. nt esté disgraciez de la fortune,

346 *Histoire des sçavans Hommes,*
qu'il semble qu'elle ait conjuré allen-
contre d'eux. De fait, le premier fils de
Robert troisiéme du nom allant en
France, fut pris par les Anglois & de-
tenu captif par le Roy Henry : apres es-
tant de retour en son païs, il n'y arresta
pas long-temps, qu'il ne passa de l'in-
clemence & inhumanité des conjurez,
qui le massacrerent l'an treiziéme de
son regne, & de grace mil quatre cens
trente-six. Pareillement Jacques deu-
xiéme du nom, sentit les furies des se-
ditions, qu'il ne sceut si bien étouffer,
qu'il ne fut miserablement assassiné
l'an vingt-quatriéme de son regne,
& de Iesus - Christ mil quatre cens
soixante. De mesme fallut que Jac-
ques troisiéme du nom éprouva la
la malignité des conspirations des Es-
cossois, qui estoient tellement animez
allencontre de ce Prince, que quoy
qu'il s'humiliaist à ses sujets, & leur
envoya des Ambassadeurs pour rega-
gner leur amitié, il ne sceut amollir
leur cœur, mais fallut venir à cette pi-
teuse bataille de Bannokbien, où il fut
défait l'ii jour du mois de Juin, l'an de
grace 1488. le 29. an de s^{on} regne. Moins
encore pût échaper le destin des autres

Jacques V. Royd' Ecosse C. XXIII. 147
encore peut échaper le destin des autres
celuy qui porta le quatriéme le nom de
Jacques , d'autant qu'apres avoir esté
fort long-temps miné d'infinies traver-
ses , fallut que la bataille de Floudoué
ou de Brankistone ravit aux Escossois
leur Prince le 9. jour de Septembre, en
l'année de salut 1513. de son âge 39. &
de son regne 25. Si le malheur eut pû
s'assouvir d'avoir de telle & si calami-
teuse façon terrassé ces quatre Jacques,
encore eussent eu les Escossois quelque
moyen de respy, mais il estoit si horri-
blement acharné sur cette nation, qu'
encore plus rudement que sur les au-
tres , il a donné sur celuy auquel est é-
cheu le nom de Jacques V. du nom, ainsi
que le present discours le manifestera
assez ouvertement, & que l'a fort bien
reconnu celuy qui pour cette occasion
luy composa cet Eloge.

*Si Rex , si invenis miserandum funus
obivi.*

*Qui l doleo ? Minime, quippe IACO-
BUS eram.*

*Hæc pater , hæc atavi subierunt fata
IACOBI,*

Tam dira infelix omina nomen habet

348 *Histoire des ſçavans Hommes,*
Vt minus infelix hoc tantum exul'o,
IACOBVS

Hares nullus erat tunc mihi dum ca-
derem.

De fait, il ne prend pas mal le rapport qu'il fait fort élegamment, tant du nom des Jacques, que de la deſaſtrée adventure, qui ſemble avoir talonné de ſi près les Rois d'Eſcoſſe, que par rebellions & conſpirations de leurs propres ſujets, ils ont quitté les miſeres de ce monde. Si nous regardons de près la fin de noſtre Jacques, nous trouverons qu'un regret de n'avoir pas des ſujets obeiffans, l'a mis dans le cercueil. Ou bien ſi nous nous arreſtons à ce que d'autres Autheurs dignes de foy en témoignent, il aura eſté feſtoyé du boucon, qu'il ne peut rejeter que d'un meſme coup il ne regorgeaſt tous ſes eſprits vitaux. Mais afin qu'on ne nous oppoſe que nous mettons la charruë devant les beufs, & que nous repreſentons la mort avant la vie, voyons quelle fut ſa ſource, quels ſont ſes progrès, & quelle eſt ſa fin, ſuivant les memoires, qui m'ont eſté fournis par l'Ambaſſadeur d'Eſcoſſe Iacques à Betoun, Archeveſque de Glaſgoës, Prelat tres digne, ama-

Jacques V. Roy d'Escoffe. C. XXIII. 349
leur des vertus, bonnes lettres, & ceux
qui en font profession. Il estoit fils de
Jacques IV. & de Marguerite, fille de
Henry VII. Roy d'Angleterre, & nâquit
le 15. jour d'Avril en l'année 1512 & fut
declaré Roy d'Escoffe, jeune enfant tel
qu'il estoit, âgé seulement d'un an, cinq
mois & dix iours. Et à la Regence du
Royaume fut appellée sa mere, qui en a-
voit déjà esté honorée par son mary
alors qu'il alla en cette guerre, dont de-
puis il ne peut retourner: de sorte que la
Regence luy fut plûtoſt continuée, qu'
accordée, quoy que quelques-uns en
fissent un grand cas, pour avoir esté le
premier commandement qu'une fem-
me ait eu en Escoffe. Qui ne fut pas de
longue durée, dautant qu'elle épousa le
ſixième jour d'Aouſt Archambaut du
Glas, Comte d'Anguſe, auquel elle re-
mit la charge de l'adminiſtration du
Royaume. Je ne m'arreſteray point icy
ſur la recherche que pluſieurs ont fait,
à ſçavoir, ſi elle devoit entendre à tel
mariage, ſans l'adviſ & conſentement,
ou de ſon frere le Roy d'Angleterre, ou
des Eſtats du Royaume, meſmes cõtre le
vouloir de Jacques Belon, Archeveſque
de Glaſgoës, Chancelier du Royaume,

350 *Histoire des sçavans Hommes,*
qui, pour avoir plus parlé qu'on ne luy
demandoit, fut destitué du grand seel.
Dés lors on commença à remuer les car-
tes de toutes parts parmy l'Escoffe, &
furent ceux du Clergé, qui les premiers
se réveillèrent apres la mort d'Alexan-
dre Stuart, fils naturel du Roy Jac-
ques IV. du nom, auquel en l'année
1510. avoit esté donné l'Archevesché
de S. André, qui fut tué avec son pere
en la bataille de Floudont, & il y eut
plusieurs competeurs, qui s'entre-
battoient l'un l'autre, pour en avoir
pied ou aïsse, dont vinrent plusieurs ini-
mitiez, seditions & partialitez. Et com-
me ce pais s'échauffoit en dissensions, le
nouveau mariage de la Reine l'ensoul-
fra de telle façon, qu'il fut impossible
de l'éteindre & étouffer, sans le sang de
plusieurs, dautant que le Royaume fut
divisé en deux bandes des Duglassiens
& Humiens, les uns à cause du Comte
d'Anguse, vouloient que la Regence de-
meurast à la Reine. Toutefois l'autre
partie l'emporta, fondée sur la volonté
du Roy deffunt, qui avoit resigné &
donné en dépost à sa femme le gouver-
nement du Royaume, tandis qu'elle
demenreroit en veuvage, sans se rema-
rier,

Jacques V. Roy d'Escoffe. C. XXIII. 351
rier, & fut élu Vice-Roy Jean Stuard
Duc d'Albanie, pour l'alliance & pro-
ximité du sang, qui le conjoignoit avec
les Rois d'Escoffe, auxquels il touchoit,
estant descendu d'Alexandre, frere de
Jacques III. du nom. Pour ce furent en-
voyez Ambassades en France, où il estoit,
qui le ramenerent en Escoffe le 20. jour
du mois de May en l'année 1515. A pei-
ne fut-il élevé dans la Vice-Royauté,
qu'il commença à nettoyer le pais des
garnemens, qui le fourrageoient, trou-
bloient & dissipotent, reprima l'audace
de ceux qui vouloient empieter sur l'E-
stat. Toutefois il ne peut si bien faire,
qu'il n'encourut l'inimitié de la Reine
& de plusieurs qui estoient des plus grâds
du Royaume. L'occasion fut qu'il en-
tendit qu'aucuns vouloient se saisir du
Roy, & le tirer du fort de Strivelingue.
pour l'emmener secrettement en An-
gleterre, & pour ce il s'empara le plus
diligemment qu'il peut tant de la place
que de la personne Royale: puis pour le
mettre en plus seure garde, le donna en
charge à quatre Seigneurs, desquels il se
fioit sur tous les autres. De là plusieurs
s'imprimerent des sinistres opinions de
la tyrannique usurpation qu'à ce qu'ils

352 *Histoire des ſçavans Hommes*,
preſumoient vouloit faire ce Gouver-
neur. Cela fut cauſe que le Comte d'An-
guſe avec ſa femme & famille ſe retira
en Angleterre, comme auſſi fit Alexan-
dre Hume, contre lequel fut decreté le
douzième du mois de Juillet en l'an mil
cinq cens ſeize, un banniſſement, avec
proſcription de ſes biens, dont il fut tel-
lement indigné, qu'avec main armée il
entra en Eſcoſſe, où il fit un terrible tin-
tamarre. Les affaires de ce païs ainſi
broüillées, le Duc d'Albanie envoya
vers le Roy d'Angleterre, pour ſe juſti-
fier de la mauvaiſe conception de la Rei-
ne mere, par tous les moyens qu'il pût,
il eſſaya de gagner les cœurs des Hu-
miens, qui retournerent en Cour, mais
ce ne fut ſans bien payer leur eſcot, car
Alexandre & ſon frere Guillaume furent
decapitez le onzième Octobre. En
l'année mil cinq cens dix-ſept ce Gou-
verneur reprit la route de France, dont
& la Reine & les Duglaſſiens ne furent
pas trop marris pour l'autorité &
credit que leur apporta une telle re-
traitte, ce qui fut cauſe que la Rei-
ne retourna en Eſcoſſe le dix-ſeptié-
me de Juin, où de prime abordée elle
eût fort pauvre accueil envers le Roy.

Iaques V. Roy d'Ecosse, C. XXIII. 353
son fils. Tout fois enfin elle le pla
si bien sous son obeïssance, apres a-
voir conquis la bonne grace de ceux
qui estoient ordonnez à sa garde,
qu'avec son mary elle reprit derechef
le gouvernail du Royaume, non point
toutefois avec telle licence & autho-
rité qu'auparavant, dautant que le
Duc d'Albanie avant que partir, avoit
tellement bridé les affaires, qu'il luy
estoit impossible de jouier à la baguet-
te des Escossois, comme elle avoit de
coustume. Mais ce qui plus arresta
le succès de ses desseins, ce fut le
divorce qui survint entre elle & son
mary, tant à cause de la jalousie qu'
elle avoit de ce qu'il s'estoit amoura-
ché d'une Damoiselle en la Province
de Donglasd, comme aussi pour ce
qu'elle avoit appris qu'il avoit promis
la foy de mariage à la fille du Comte Bot-
huel. De maniere que son plus expe-
dient fut d'aller en France, d'où apres
quelque temps il retourna en Angleterre
sous le sauf conduit du Roy, qui prenoit
plaisir d'avoir à sa devotion un si puis-
sant ennemy, qu'il opposa au Duc d'Al-
banie: d'autre costé les Escossois ne se

354 *Histoire des ſçavans Hommes,*
réjouifſſoient point de telle venuë, & ſur-
tous les autres le Comte d'Araigne, qui
maniant, avec la Reine, le Royaume,
eut bien deſiré qu'aucun ne ſe fuſt ap-
proché, qui euſt oſé le deſarçonner,
comme il fut depuis. De fait, il y eut
double ligue, l'une des Anguiſois, &
l'autre des Araignois, qui de jour en
jour ſ'en-aigriſſoit de telle façon, que
pour l'amortir, il fallut venir aux armes,
où des deux coſtez il y en eut de bâttus
& ruez par terre. Le Duglaſſien branla
ſi bien les mains, qu'il ſe rendit Maïſtre,
& ſupplanta ſon compétiteur, d'où il
prit envie de faire étendre ſon pouvoir
plus qu'il ne falloir : Et auſſi comme il
ſ'eſtoit precipité par force à une telle
dignité, il ne la garda gueres, d'autant
que le Gouverneur Stuard ayant enten-
du le piteux & embroüillé eſtat des af-
faires d'Eſcoſſe, quitta la France, & fit
voile en ſon Gouvernement, où d'em-
blée il bouleverſa tout l'eſtat, qui avoit
eſté dreſſé par le Comte Duglas, puis fit
publier l'aſſemblée des Eſtats à Edim-
bourg, où furent adjournez Archam-
baut & Georges Duglas, & condamnez
par contumace pour leurs malverſatiōs
à eſtre bannis en France pour un an. Le

Roy d'Angleterre sentant la venuë de ce Gouverneur, & voyant le beau ménage qu'il faisoit, delibera par force de l'en dénicher, puis que par bonnes il ne pouvoit. A main armée il donna dans l'Escoffe, d'où il fut repoussé, & dès lors commencerent à s'entre-choquer ces deux puissans Royaumes plus rudement qu'il n'eust esté besoin, où se porta fort vaillamment le Gouverneur, qui toutefois ne pût si bien faire qu'il ne fut regardé par sur l'épaule par les Grands du Royaume. Qui fut cause qu'après avoir obtenu cōgé, il se retira derechef en Frâce: Dont le Roy d'Angleterre fut tres content, il fit glisser en Escoffe le Comte d'Anguse, qui, avant le terme de son exil parachevé, s'estoit déjà sauvé en Angleterre. Au commencement il temporisoit, & le plus doucement qu'il pouvoit supportoit la rigueur de la Reine, laquelle enfin il surprit avec le Roy, & les fit passer à discretion, se reconcilia & fut associé à la Regence du Royaume avec les Archevesques de S. André, & Glasgoës, & quelques autres. Mais ce n'estoit pas où il vouloit s'arrester, car il ne taschoit que d'avoir seul commandement au

356 *Histoire des sçavans Hommes,*
Royaume: partant se saisit de la personne du Roy, & s'empara du Gouvernement, duquel il ne fait compte de se départir, quoy que l'Archevesque de S. André, le Comte d'Aran, Iacques frere bastard du Roy, Comte de Moravie & le reste des Conseillers du Royaume luy remonstraissent qu'il se faisoit un tres-grand tort de retenir en captivité la personne du Roy. Et pour faire trouver meilleur à un chacun ce qu'il en faisoit, il fit bien faire le bec au Roy par son frere Georges, qu'il prioit la Reine sa mere de ne se mettre en peine de luy, veu qu'il luy estoit impossible d'estre mieux traité ny receu plus à son contentement qu'avec le Comte d'Anguse. Ce n'estoit toutefois que de bouche, & non par contrainte; car le Roy secrettement faisoit entendre aux Estats qu'il estoit en une fort étroite captivité, il n'osoit pourtant pas (comme l'on dit) souffler, crainte d'encourir l'inimitié de celuy qui le detenoit sous sa puissance comme son esclave. De fait, s'il eust osé découvrir l'envie qu'il avoit de recouvrer sa liberté, c'est hors de doute que les efforts de ses ennemis n'eussent rien pû à l'encontre de

luy , parce que ſes ſujets eſtans en bataille rangée pour le remettre en franchise , euſſent aiſément abbattu les forces Duglaſſiennes , ſi le Roy eut daigné ſe preſenter & pancher du coſté de ceux qui hazardoient leurs vies pour le dégager de la ſervitude , où il eſtoit detenu. Mais ce pauvre Prince ſaigna du nez , & aima mieux , temporifant , ſouffrir l'injure d'une dure captivité que de ſ'affranchir par les voyes legitimes qui luy eſtoient preſentées. Apres toutefois que fort long - temps il euſt patienté & refusé les conditions , moyens & ſecours qui pouvoient luy acquerir & conſerver ſa tres-juſte royauté , enfin il ſ'enuya de ſouffrir le commandement d'un ſien ſujet , qui , ſous pretexte de chercher ſon mieux , taſchoit à ſe revestir de la royauté , il penſa de plus près à ſes affaires , & delibera de ſecoüer le joug de la ſervitude , où il eſtoit aſſez étroitement detenu , & parce que l'ayde de ceux qui eſtoient à ſon ſervice , leſquels il aſſembla à Strivelingue , fit ſortir d'Edimbourg tant le Comte d'Anguſe que tous ſes partisans , auxquels il défendit ſur peine de la

358 *Histoire des ſçavans Hommes,*
hare, d'approcher plus près de quatre
lieuës de ſa Cour. Cette diſgrace ne fut
pas plûtôt ouverte, que de toutes parts
le Roy recevoit plaintes des exactions,
tyrannies & mal-ſaçons du Duglaſſien,
qui fut cauſe de le faire releguer en Mo-
ravie. Dont il fut fort indigné, & refuſa
d'obeïr à la condamnation. Partant fut
par Arreſt du Parlement tenu à Edim-
bourg le 5. Septembre, condamné de
leze-Majeſté, avec ſon frere Georges, &
plusieurs autres qui eſtoient entachez
de cette conſpiration : Leſquels ſe refu-
gierent en Angleterre, & furent fort bien
accueillis par le Roy Anglois, qui pre-
noit grand plaïſir de voir bandez à l'en-
contre de l'Eſtat d'Eſcoſſe, ceux qui
pouvoient beaucoup pour l'entretiendu
Royaume, & leſquels il avoit par le paſ-
ſé ſouſtenu, comme vrais ſuppoſts de ſes
deſſeins, & qui ſervoient à brôûiller l'E-
ſtat d'Eſcoſſe, ainſi que vous avez oüy
cy-devant. Dés que ce Roy Jacques fut
paiſible au royaume, il commença à le
purger de tous les méchans garnemens
qui le troubloient, & établir des loix
les plus rigoureuſes qu'il pût cōtre ceux
qui ne pouvoient par l'amour de vertu,
eſtre contenus en leur devoir, mais s'a-
bandon-

Jaques V. Roy d'Escoffe. C. XXIII. 359
bandonnoient aux pillages, larcins & brigandages. Que s'il n'eust suivy cette severité, il est bien à craindre que son pais eust esté en peu de temps devalisé, d'autant que durant les dissensions, qui survinrent en Escosse du temps de sa minorité, se fourrerent plusieurs mélanges de vices, corruptions & debordemens, de maniere que pour les retrancher, il estoit besoin de suivre telle voye. D'autre costé il taschoit de tout son pouvoir à retrancher les guerres, troubles & mutineries, qui avoient tellement ébranlé l'Estat, que si sa majorité ne l'eût remis sur pied, c'estoit chose assurée, qu'il eust fait un piteux & desolé salut. Le bon-heur en vouloit tellement aux affaires de ce jeune Roy, que de toutes les parts de la Chrestienté il estoit admiré, mesme le Roy de France l'honora de son Ordre de Saint Michel, l'Empereur de la Toison d'Or & Henry Roy d'Angleterre de sa Jarretiere. De telle dignité ne se montroit méconnoissant, car à tous les jours que l'on avoit de coustume en France, Allemagne ou Angleterre de celebrer chacun Ordre, aussi il se preparoit, disposoit & comportoit de

360 *Histoire des ſcavans Hommes,*
telle façon que ſi luy-mefme eût aſſi-
ſté au jour prefix en la Cour de ces
trois Princes : mais ce qui mieux dé-
couvrira l'excellence de noſtre Iac-
ques ſera la requête qu'il euſt pour la
conjonction de mariage. Il avoit de ſi
bônes parties, que le Roy d'Angleterre,
ayant éventé que ſon neveu Iacques
tendoit à ſ'allier en France, & que déjà
il y avoit parole portée que l'on pro-
mettoit à Madame Magdelaine de
France, cent mil eſcus de doüaire,
& trente mil livres de rente par an,
il dépeſcha ſoudainement l'Éveſque
de Saint David, avec ſon frere Guil-
laume Havart Duc de Norfolk, afin
que ſous pretexte de luy preſenter
quelques livres touchant la Religion
Reformée, ils n'interrompiſſent pas
ſeulement le mariage de France,
mais auſſi miſſent ſur le rang, celui
de la fille d'Angleterre. De fait, ces
Ambaſſadeurs offrirent de la part de
Henry huitième du nom, de fort a-
vantageuſes conditions à ce nouveau
amoureux : & entr'autres luy firent
entendre, que ſ'il vouloit ſ'allier
avec l'Anglois, que le Roy leur avoit
donné charge de luy faire ſçavoir qu'a-
pres ſa mort il luy reſignoit le Royau-

Iacques V. Roy d'Escoſſe. C. XXIII. 361
me d'Angleterre , & pour plus grande
aſſurance , dès maintenant le créoit
& ordonnoit Duc d'York , & Vicai-
re du Royaume d'Angleterre. Ces
offres eſtoient ſi belles , qu'il eſtoit
impoſſible qu'elles ne chatoüillaſſent
& fiſſent bondir le cœur de ce jeune
Prince. Toutefois le peu d'aſſuran-
ce qu'il aſſeoit ſur les paroles de l'An-
glois , & auſſi que la maiſon des Ha-
miltons ne prenoit à gré une telle
alliance , pour la prevention qui eſtoit
toute manifeſte de l'eſpoir qu'ils con-
cevoient de ſucceder à la Royauté.
Le Roy Iacques quitta le party d'An-
gleterre , & (comme la maiſon d'Eſ-
coſſe a eſté fort devotionnée à la Cou-
ronne de France) il delibera d'y pren-
dre party , & pour ce dépeſcha en
France Monsieur David Betoun , &
Monsieur Erſkin , pour moyenner le
mariage d'entre luy & Marie , fille de
Charles Duc de Vendosme , de l'amour
de laquelle il fut tellement frappé ,
qu'il entreprit de traverser meſme juſ-
ques au Vendosmois , pour de ſes
yeux luy-mesmes venir découvrir ce
qu'il avoit déjà fort bien appris par
le rapport d'autrui. Mais telle pour-

362 *Histoire des ſçavans Hommes,*
ſuite demeura interrompuë, pour la
guerre qu'avoit le Roy de France à
l'encontre de l'Empereur, où il s'a-
chemina avec tout ſon train, pour
ſouffrir meſme fortune que le Fran-
çois. Noſtre Roy eſtant adverty qu'il
avoit paſſé le Mont Tacare, luy en-
voya au devant le Dauphin, qui luy
fit toutes les plus grandes courtoiſies,
carreſſes & amitez qui luy eſtoient poſ-
ſibles. Comme auſſi fit le bon Roy
François premier du nom, qui par
tant d'honneurs, humanitez & muni-
ficences, captiva la bonne grace de
l'Eſcoſſois, que, & ravy des divines
perfections, deſquelles eſtoit accom-
plie Madame Magdelaine de France,
& engagé pour un ſi honorable & bon
accueil, fut (par maniere de dire)
neceſſité de la demander pour femme.
Dont au commencement le Roy fit
beaucoup de difficulté, non pas qu'il
le voulut du tout éconduire; mais
parce qu'il luy faſchoit de marier Mag-
delaine, qui, quoy qu'elle fut ſa fille
aiſnée, ne luy ſembloit pourtant eſtre
appelée à un tel mariage, crainte
qu'il avoit d'éloigner de ſa perſonne
celle qu'il cheriſſoit uniquement, &

Jaques V. Roy d'Ecoff. C. XXIII. 363.
de laquelle il ne pouvoit que defesperer continuellement, l'ayant perduë de veuë, à cause des maladies qui la debilitoient fort, partant pour le mieux gratifier avoir envie de luy donner sa fille puisnée Madame Marguerite. Mais ce Roy Escossois avoit choisi des singularitez en sa Magdelaine, qu'il avoit tellement gravées en son cœur, qu'il estoit impossible de les en déraciner, & pour ce au choix que luy donna le Roy de France, il s'arresta sur sa Magdelaine, qui luy fut accordée, les nopces celebrées à Nostre-Dame de Paris le premier jour de Janvier en l'année mil cinq cens trente-sept, dont l'Escoffe menoit grande feste, pour l'heur qu'elle promettoit. Mais la vertueuse Princesse n'y mangea pas (comme l'on dit) un muid de sel, d'autant qu'elle arriva en Escoffe le dix-neufième jour du mois de May en la mesme année, & deceda d'une grande fièvre le dixième du mois de Juillet au mesme an. Je passeray sous silence le dueil, qui fut mené sur le trépas de cette Princesse, pour retourner à nostre Escossos, qui fit assembler les Estats du

364 *Histoire des sçavans Hommes,*
païs tant pour confirmer la revocation
qu'il avoit fait à Roüen , de tout ce qui
avoit esté fait , geré & passé durant sa
minorité à son dommage & préjudice
de la Couronne: comme aussi pour aug-
menter & accroistre le domaine du
Royaume , duquel il estoit tellement
soigneux , que pour la crainte qu'il a-
voit de le diminuer par les deniers qu'il
eut pû bailler à ses enfans illegitimes,
il les avança en benefices , & leur don-
na les Abbayes & Prieurez de Melros,
Kels , Coldinham, Sainte-Croix , & de
Saint André : & en retint les fruiçts du-
rant sa vie , qui ne montoient gueres
moins que le propre patrimoine Royal:
il en entretint ses quatre enfans , qui
apres sa mort en furent pourvus. Et
parce qu'il ne pouvoit se passer de fem-
mes , il renvoya en France David Bo-
tuon , Cardinal & Evesque de Mire-
poix , & son frere bastard , Jean Comte
de Moravie , pour demander à femme
Marie fille de Claude de Lorraine, Duc
de Guyse , & veuve du Duc de Longue-
ville , qui luy fut accordée , & les no-
pces celebrées à Paris en tres-grande
magnificence fut amenée en Escoffe:
de laquelle il eust deux fils & une fille,

Iacques V. Roy d'Eſcoſſ. C. XXIII. 365
à ſçavoir Iacques & Arthus, qui moururent preſque en un meſme temps : de fait, il y eût à peine ſix heures entre la mort d'eux deux. Iacques deceda à Saint André, & Arthus à Strivelin-gue huit jours apres qu'il fut né. Tellement qu'il ne reſta plus que ſa fille Marie, qui naſquiſt le ſeptième de Decembre en l'année de grace mil cinq cens quarante-deux, & fut appellée à la Royauté le quatorzième jour des meſme mois & an : fut mariée au Roy de France François ſecond du nom, le dix-neufième jour du mois d'Avril l'an mil cinq cens cinquante-huit, & a eſté apres le trépas du Roy, ſujette aux injures de fortune, & aujourd'huy eſt detenuë priſonniere. Or pour retourner à noſtre Iacques, il avoit aux quatre coins & au milieu de ſon Royaume le feu de ſeditions embrasé, ſi bien que quelque peine qu'il prit de chaſtier les boute-feux, fut contraint avec force & main ouverte courir ſur les perturbateurs de ſon Eſtat, leſquels du commencement firent mine de ſe revancher, mais ſe voyans mal appointez s'ils ne cedoient à leur Prince & Sei-

366 *Histoire des sçavans Hommes,*
gneur , apres avoir esté estrillez dos
& ventre , vinrent à reconnoissance,
& requerir & demander pardon de
l'offense qu'ils avoient fait. A peine
fut-il hors de ce grabuge , que l'An-
glois commença à luy tailler de la be-
sogne par l'usurpation du tiltre de
Roy de toute l'Hybernïe qu'il prit ,
dont l'autorité & étendue des païs
de son obeïssance sembloit estre ac-
courcie. Pour l'heure toutesfois ny
l'un ny l'autre n'osa se bouger. L'Es-
cossais , pour crainte qu'il avoit de ré-
veiller le chat qui dormoit , & que
l'Anglois ne dépossédast les hoirs , &
bien-tenans de l'Escossais Makconel ,
des biens qu'ils tenoient de luy en
Hibernïe. L'Anglois parce qu'il voyoit
le Pape ligué avec le Roy de France
& l'Empereur. Il craignoit d'avoir
quelque incartade d'eux : que s'il eut
harcellé l'Escossais , c'eût esté accroi-
stre le nombre de ses ennemis. A cet-
te occasion il envoya Ambassadeurs en
Escosse , pour prier le Roy de le venir
trouver à York , où il avoit à luy com-
muniquer, affaires de grande importan-
ce pour luy & tout le Royaume. Mais
(comme dit le Seigneur d'Argenton) les

Jacques V. Roy d'Eccoss. C. XXIII. 367
entreveuës des Princes estans de tres-
dangereuse consequence , le Conseil
d'Escoffe ne trouua pas bon que le Roy
y allast : on envoya en Angleterre, mai-
stre Jacques Lermond , pour excuser
l'Escoffe de ce qu'il ne pouvoit pour lors
aller en Angleterre. Dont le Roy Hen-
ry fut grandement fasché, & délibéra
dès lors de mettre tout à feu & à sang
pour le mépris qui avoit esté fait de luy,
& dressa forte & puissante armée pour
la ravager. Et afin que les Escossois ne
s'apperceussent de la strette qu'il vou-
loit leur donner, il envoya personna-
ges, pour juger, borner & limiter les
païs qu'on tenoit avoir esté occupez du
passé par les Anglois. Tout en un coup
les Escossois se voyent entourez d'un
grand flot de navires, & si brusquement
chargez, qu'à peine eurent-ils le loisir
de se deffendre. Toutefois apres s'estre
un peu repris se rejetterent sur leurs
ennemis si à propos, qu'ils ne s'en alle-
rent pas (comme l'on dit) sans beste
vendre. Mesme le Roy Jacques prit
tellement cette incursion à cœur, qu'il
faisoit estat d'envahir l'Angleterre s'il
eust esté secondé par les siens. De fait,
les ayant trouvé ainsi lasches, prit l'af-


368 *Histoire des sçavans Hommes,*
faire tellement à dépit, qu'il tomba en
une tres-grande fièvre, qui l'emporta
le quatorzième jour du mois de De-
cembre en l'an de salut mil cinq cens
quarante-deux, de son regne trente-
deux, & de son âge trente-trois. De
Falklande, il fut emporté à Edimbourg
au Temple de Sainte-Croix, où il fut
enterré avec grande magnificence au-
près de sa chere épouse Magdelaine:
non sans grand dueil de ses bons sujets,
qui regrettoient d'avoir perdu un Prin-
ce si doux & si benin, qui estoit effroya-
ble aux méchans & depravez, sur le
collet desquels il sembloit qu'il fut tou-
jours pendu. Et à dire la verité il estoit
toujours en estat pour les pouvoir attrai-
per, ainsi que fort à propos ont remar-
qué les histoires Ecossoises. De ce poinct
il est grandement loué de ce qu'il estoit
fort sobre à son boire & son manger,
endurcy aux travaux, de telle sorte
qu'il ne craignoit ny froid ny chaud:
pour faire ce qu'il avoit entrepris. Et
c'est ce qui luy ferra le cœur, dautant
qu'il bouillonnoit pour avoir raison de
l'Anglois, qui l'avoit agassé, & ne pou-
voit trouver en son Royaume gens qui
voulussent luy tenir escorte. Pour la cor-

Jacques V. Roy d'Ecoſſe C XXIII. 369
pulence il eſtoit doiïé d'une face qui ſen-
toit ſon bien, & portoit une Maieſté di-
gne de commander. De deux poinçts il
eſt taxé qu'il eſtoit exacteur & par trop
adonné aux femmes. Quant au premier
on ne peut le déguifer pour les levées &
impoſitions des tailles & recreuës, dont
il a fort ſouvent ſurchargé ſon peuple.
Mais la neceſſité où il eſtoit réduit par le
mauvais gouvernement de ſes tuteurs
& gouverneurs, le contraignoit d'uſer
de ces exactions, pour avoir moyen de
ſurvenir aux affaires du Royaume. En
apres il trouva les maiſons Royales tel-
lement devaliſées, que c'eſtoit tout ce
qu'il pouvoit faire que de fournir pour
boucher les trous, & reparer les brèches
que ſes devanciers avoient laiſſé faire.
De maniere que ſ'il eſtoit le premier qui
eût levé deniers ſur ſon peuple alors que
la neceſſité de ſon Royaume l'y contrai-
gnoit, il ſeroit vrayement à condamner:
mais puis qu'il y en a eu d'autres, on
doit imputer toute la faute qui y peut
eſtre aux inconveniës precedens, qui ont
attiré ſur le peuple une telle cottifatiõ.
Quelques Empereurs ont levé la huitiè-
me partie du revenu, & du fonds de
leurs ſujets: d'autres ont introduit
les Loix Papies & Julies du Celi-

370 *Histoire des ſçavans Hommes,*
celibat, viduité & virginité : autres ont
tiré profit des exercices illicites, auffi
prohibez & defendus, meſme il y en a
(je ne nomme perſonne) qui des ma-
querellages ont bien ſceu faire des tri-
buts. Si ſans neceſſité & urgente con-
trainte ceux-là ont bien pû lever de
leurs Sujets quelques deniers , pour-
quoy crierà on ſi fort de quelques ſubſi-
des qui ont eſté jettez ſur l'Eſcoſſe, à
l'extreme indigence du pays ? Quant
aux lubricitez où s'eſt laiſſé couler ce
jeune Prince, je n'en accuſeray point
tant la naturelle inclination, qui eſtoit
bien la premiere en ordre, quant aux
ſecondes cauſes, mais la flaterie de
ceux qui pour le retenir plus long-
temps captif prenoient plaifir de l'em-
beguiner de telles ſolaſtreries, afin qu'il
ne pût deſiller ſes yeux pour voir le tort
qu'on luy faiſoit par derriere. Avant
que quitter ce diſcours, j'advertiray le
Lecteur que la diverſité qu'on trouve
entre les Hiſtoriens d'Eſcoſſe, touchant
le nombre des rois d'Eſcoſſe, git en ce
qu'aucuns mettent au nombre des rois
randolphe, & le font le quatre-vingt
dix-huitième, au lieu que les au-
tres ne luy baillent place qu'en qualité

Iaques V. Roy d'Ecosse C. XXII. 371
de Gouverneur : où n'ont pas bien pris
garde ceux qui se sont voulus opiniâtrer
sur le nombre des Rois d'Ecosse , dau-
tant que soudain ils eussent trouvé où
gisoit le nœud de la difficulté si - tost
qu'ils eussent distinctement considéré
ce que je viens de remarquer , & que
l'interregne auquel a commandé ran-
dolph , doit estre compté au lieu des
Rois. Sur ceux qui peuvent à propos re-
soudre une telle difficulté , me semble
que le docte Buchanan a si bien éclair-
cy ce poinct , que le Lecteur y trouvera
assez dequoy s'en contenter. Ioint qu'il
faut reconnoistre , veu les troubles qui
ont agité les Rois d'Ecosse , que leur
Estat y a souvent esté interrompu , de
maniere que si durant la non jouys-
sance du Royaume , il falloit effacer les
Rois , il faudroit en rabatre de beau-
coup. Et afin que je ne sorte du sujet
où je viens d'entrer , vous avez veu ,
comme ce Iaques V. a esté si long temps
sous la main , puissance & autorité de
l'Angusien , qui voudroit nommer Roy
ce detenteur , je vous prie quelle illa-
tion il faudroit faire. Et à dire la veri-
té , si on prend garde à la diversité , qui
est entre Randolphe & le Roy Iaques ,

572 *Histoire des sçavans Hommes,*
du premier coup on découvrira pour
quoy l'intermission n'est remarquée
aussi bien en un endroit qu'en l'autre.







*GVILLAVME DV BEL-
LAY, SIEVR DE L'AGEY.*




G V I L L A V M E

D V B E L L A Y,

SIEVR DE LANGEY.

CHAPITRE XXIV.

 E ne fut sans occasion & raison evidente, que nos anciens, qui (sous le masque des fables) nous ont feint une Minerve, fille de Jupiter, Déesse des sciences, armée d'un plastron, le morrion en teste, la lance en main & sa targue auprès : Voulans denoter que les sciences sont ou doivent estre accompagnées des armes pour leur defense, ou bien que fort convenablement se peuvent compatir ensemble les armes & doctrines, non pasque je veuille inferer qu'elles se doivét ordinairement ac-

374 *Histoire des sçavans Hommes,*
compagner & joindre ensemble, mais
que si telles graces se trouvent en un
mesme personnage, veritablement il se
rend admirable, entendu és affaires,
stilé és ruses, propre à toutes entrepri-
ses, & qui plus est il est fait Heraut de
ses propres louanges. Quand je viens à
remarquer de près ces perfections en ce
brave Chevalier Angeuin & Historien
François, je suis contraint d'admirer &
louër ses vertus, & au contraire de blâ-
mer ceux qui à son exemple ne son duis
& réveillez à mesme titre de louange,
estimans possible estre chose mal sean-
te & indigne de l'Estat de Noblesse de
s'appliquer aux lettres. Or ce Messire
Guillaume du Bellay dès sa premiere
jeunesse commençant à suivre les armes
(comme est la coûtume & ordinaire
vacation de la Noblesse Françoisse) &
par un desir de connoistre attiré en
Cour, fut bien receu du Roy François,
qui non seulement le retint à son servi-
ce près de sa personne, mais aussi l'em-
ploya bien souvent dedans & dehors
son Royaume en plusieurs & principaux
de ses affaires d'Estat. De sorte que non
seulement il peut parler au vray de l'e-
xecution & issuë des guerres, ausquel-
les

les il s'est presque toujours trouvé tant par mer que par terre, mais aussi a eu moyen d'entendre & sçavoir les causes, fins & deliberations d'icelles. Aussi enfin en devint-il autant rusé Capitaine & expérimenté Chevalier qu'il s'en trouva de son aage. Le seul nom de Langey estoit en reputation par toutes les villes de France, Italie, Allemagne, Angleterre & Espagne : mesme les Rois étrangers l'estimoient beaucoup, & s'aidoient de sa faveur. Que s'il convenoit prouver combien il estoit le bien venu envers leurs Majestez, il faudroit quant & quant reciter comme il fut envoyé Ambassadeur pardevers Henry Roy d'Angleterre, assez animé contre le Roy François, pour n'avoir esté appelé aux traitez de sa delivrance. Et comme il le ramodera par son eloquence, joint que le Roy esperoit par son moyen & faveur qu'il avoit aux Vni-versitez, qu'il pourroit obtenir la dispense de son mariage : & à cette occasion accorda audit de Langey plus que le Roy de France ne demandoit. Long-temps depuis le Roy Anglois pria le Roy de France luy envoyer homme, duquel il se fiait, pour luy declarer prive-

376 *Histoire des sçavans Hommes,*
ment chose qu'il ne vouloit pour l'heure, escrire, ne communiquer à autre qu'à luy ou à celuy, sur la fidelité duquel il se reposerait pour luy en porter la parole. Le Roy lors depescha vers luy ledit du Bellay, qui fut le secret entremetteur de leurs privez conseil. Les Potentats d'Allemagne & villes Imperiales ont si benignement receu les offres, & entendu les harangues de ce bien-disant Orateur martial, que combien que les affaires du Roy fussent bien broüillées, & l'entrée non libre à ses Ambassades, neantmoins au hazard de sa vie, il fit que la verité des choses, qui avoient esté faussement mises à sus au Roy, fut épandue par la Germanie, & les calomnies entierement découvertes. Plusieurs autrefois fut-il député par le Roy aux diettes des Princes Allemands, pour traiter & conclure des alliances & ligues. Et à ce propos je ne veux oublier le devoir qu'il fit en la defense des Princes de Vitemberg, chassés de leur Duché par l'Empereur & son frere occupants d'iceluy : car parlant publiquement pour leur justification, il sceut par ses remontrances & persuasions a nollir les cœurs des Iuges

Gnillaume du Bellay. C. XXIV. 377
& Capitaines de la ligne de Suave. Quant est de ses autres legations, Rome & Italie resonnent encore de ses discours & sages propositions distinctement proferées en plein Senat. Voila quant au premier poinct de sa suffisance és lettres & maniment des affaires politiques. Pour le regard de son experience au fait de la guerre, chacun jugera qu'elle n'a esté moindre que l'autre. Car afin de ne particulariser plusieurs rencontres & actes memorables d'iceluy és guerres de Picardie, Provence & autres endroits, je parleray seulement de son gouvernement au Piedmont, auquel il ne fut legerement constitué par le Roy, comme l'on peut penser, dautant que c'estoit le pays où tendoit tout le faix de la guerre Imperiale, & où sans cesse se pratiquoient plusieurs faicts aventureux & stratagemes. Il ne faut passer sous silence un acte digne d'un chef soigneux & provident. C'est qu'au commencement de son gouvernement le peuple desespéré pour la famine, telle qu'un sac de bled, qui n'avoit accoustumé d'estre vendu à Turin qu'un écu, se vendoit 10. & 12. écus, & s'il y avoit du bled au marché, il

378 *Histoire des ſcavans Hommes,*
falloit y mettre garde, afin que le peuple ne s'entretua pour en avoir, & par ce moyen les terres demeurerent inutilles & incultivées. Le ſieur de Langey conſiderant que c'eſtoit la perte du païs & que ſi l'ennemy ſe mettoit en campagne, on ſeroit contraint luy delivrer les places par faute de vivres, trouva moyé par dons & autrement d'obtenir congé d'André Dorie d'en amener par mer à Savone, & delà par terre en Piedmont. Or il y avoit des bleds en Bourgogne en abondance, deſquels il fit charger ſur la riviere de Saone un nombre ſuffiſant, & delà ſur le Roſne, & puis l'embarquer ſur la mer. En quoy il fit telle diligence, qu'en peu de temps les bleds furent à Savone, puis fit trancher une montagne nommée Doüillanne, & par charroy en departit toutes les terres de l'obeyſſance du Roy à trois écus le ſac, qui auparavant coûtoit douze. Cette pourvoyance cettè eſt d'autant plus digne de memoire, pour l'avoir ledit ſieur faite à ſes propres frais, mais il ne ſe ſoucioit de la dépenſe, moyennant qu'il fit ſervice à ſon Prince. De quelle prudence uſa-il à rechercher les auteurs de l'infraction de la paix, pour

Guillaume du Bellay. C. XXIV. 379
le meurtre commis és personnes des
Ambassadeurs du Roy de France : avec
quelle instance en demanda-il repara-
tion, jusques à presenter sa personne au
combat singulier avec le Marquis du
Guaft pour justification de la verité ?
Combié de fois a-il rendu vaines & inu-
tiles les entreprises des Imperiaux, ne
s'aidant quasi que du cerveau & de la
langue. estant devenu perclus pour les
longs travaux precedens qu'il avoit en-
durez : Combien prudemment sçavoit
il distinguer les futures occasions & an-
ticiper le devant en campagne. Finale-
ment de Langey se voyant presque im-
potent pour les travaux infinis & non
plus habile pour vaquer à charge si one-
reuse, avec le congé du Roy partit de
Turin en une litiere, pour venir vers
sa Majesté, & luy declarer avant que
mourir beaucoup de choses d'import-
ance pour son service, ce qu'il ne vou-
loit faire à autre, craignant de faire tort
à ceux qui s'estoient fiez en luy. Mais il
luy fut impossible d'y parvenir : car le
10. jour de Janvier 1542. il trépassa à S.
Saphorin sur le mont de Tartare, au
grand regret de plusieurs gens de bien,
de sçavoir & d'experience. Son corps

380 *Histoire des ſçavans Hommes,*
mort fut emporté en France, & enterré
dedans l'Eglife Cathedrale de S. Julien
du Mans, là où j'ay veu ſa ſepulture ri-
chement elabourée, & ſon portrait ef-
levé en marbre blanc, lequel je vous le
reprefente icy, non toutefois avec ſa
longue barbe, mais telle qu'il la portoit
eſtant en Piedmont Lieutenant pour le
Roy, & comme il eſt dépeint en plu-
ſieurs medales, deſquelles j'en ay quel-
ques-unes vers moy. Reſte maintenant
à voir de ſa diligence, & ſçavoir à bien
écrire les choſes memorables advenuës
de ſon aage. Car quant aux particula-
ritez de ce Royaume, & ce qui concer-
ne les guerres, que le feu Roy de tres-
loüable memoire François I. de ce nom,
a eſté contraint de ſouſtenir & entre-
prendre, ne s'eſt trouvé aucun qui ſe
ſoit employé à décrire tant amplement
& par le menu que ledit ſieur du Bellay,
lequel compoſa ſept Ogdoades latines,
par luy-meſme traduites par le com-
mandement du Roy, où l'on peut voir
comme en un clair miroir, non ſeule-
ment le portrait des occurrences de ce
ſiecle, mais une dexterité merveilleuſe.
De luy ont eſté compoſez deux vers.

*Cy gist Langey qui de plume & d'épée,
A surmonté Ciceron & Pempée.*

- Et outre ce qu'en luy on peut remarquer autant de sçavoir que d'éloquence, aussi estoit-il né en un siecle bien fort lettré, & d'une race naturellement addonnée aux lettres. Car ses freres le Cardinal Iean du Bellay Evêque de Paris, fut un homme autant bien versé en toutes sciences qu'aucun de son temps. Et pour ne cacher ce tresor, il fut employé en plusieurs charges & affaires, que seul il n'avoit en ce royaume. Je n'oublieray qu'il fut autheur & persuadajau Roy d'instituer les Lecteurs publics, qui lisent en toutes langues à Paris, stipendiens du Roy, dont est venu l'ornement de ce royaume François. Le sieur Martin du Bellay, suivant de près la trace de ses freres, s'est rendu excellent en l'un & en l'autre, sçavoir aux armes & aux lettres, ainsi que son stile, ses discours & ses termes le montrent bien versé aux affaires dont il est écrit. C'est luy qui a mis la main à la plume, pour reparer la brèche, qui avoit esté faite sur les Ogdoades de son frere, où l'on pouvoit voir cōme un clair miroir,

382 *Histoire des scavans Hommes,*
non seulement le portrait des occurences de ce siecle, mais une dexterité d'écrire merveilleuse & à luy particuliere. Toutefois son labeur nous estoit demeuré inutile & infructueux par la malice de ceux qui ont dérobé ses œuvres, voulans ensevelir l'honneur de leur Prince & de leur nation, ou faisant leur compte, peut-estre qu'à succession de temps ils en pourront faire leur profit, en changeant l'ordre & déguisant un peu le langage. C'est luy qui a enfanté cette Histoire divine, laquelle par grande modestie n'a voulu baptiser d'autre nom que de memoires, encore que sans flater la verité, on doit reconnoître qu'elle merite le nom d'Histoire, avec aussi juste occasion qu'aucune qui ait esté publiée. Aussi quand tout est dit il sied bien à chacun de traiter de l'affaire, auquel il est versé: c'est pourquoy les histoires de Thucydide ont esté entre les Grecs en plus grand prix & estime que celles de Theopompe & d'Ephore, parce que ceux-cy estoient Philosophes ou Orateurs, mais luy avoit eu plusieurs charges en la Republique d'Athenes en paix & en guerre, dont le jugement qu'on apperçoit par ses discours, porte
suffisant.

Guillaume du Bellay. C. XXIV. 383
suffisant témoignage. On dit à ce propos, que la naïveté des Commentaires que Iules Cesar a faits, a esté trouvée tel e par Ciceron, qu'il estima impossible d'y ajoûter ny diminuer, considéré qu'il avoit écrit des affaires de guerre, non point en Phormion, mais en homme qui l'entendoit. Il y a eu en nostre Nation peu de Capitaines qui ayent daigné mettre la main à la plume pour escrire ce qu'ils avoient fait ou veu faire, mais quand il s'en est trouvé, leurs escrits ont esté preferez à toutes autres Chroniques du mesme temps: Témoins en sont les Livres du Seigneur de Joinville, l'un des Barons qui accompagna le Roy S. Louis aux guerres d'outremer, celles d'Olivier de la Marche & de Philippes de Commines. Au nombre d'icelles, pourquoy ne pourrons-nous coucher les memoires du sieur de Langey, lequel a esté honoré de plusieurs charges & hōneurs en ce Royaume, & partant a pû discourir non point en Clerc d'armes de ce qui s'est passé, mais comme celuy qui a esté témoin & records de la pluspart des exploits guerriers qu'il propose. Il st prisé d'avoir esté veritable Historien: c r, com.

384 *Histoire des ſcavans Hommes,*
me il ne cele les actes loüables d'au-
cuns, ſoit des noſtres, ſoit des étran-
gers, auſſi ne s'épargne-il à remarquer
leurs fautes, parlant neantmoins reve-
remment des Seigneurs & Princes : &
décrivant leurs deſſeins & executions
ne le fait ſelon le bruit qui couroit à
l'heure, bien ſouvent faux & variable;
mais comme il les avoit appris, ou pour
s'y eſtre trouvé, ou par les plus certains
advertiſſemens qu'en recevoit le Roy,
duquel il eſtoit aimé, favoriſé & chery
uniquement, mais afin que je ne fruſtre
de leur honneur ceux qui meritent eſtre
priſez, qui doit eſtre remercié de ce tre-
ſor, qui eſt maintenant communiqué à
toute la France : ce doit eſtre le ſieur
Baron de la Lande, qui quoy qu'il fut
ſeul heritier des ſieurs de Langey, a
voulu neantmoins que la France parti-
cipa à l'un des plus précieux joyaux qui
luy fut écheu en cette h'irie, à cette fin
que ſa Majeſté, comme elle eſt curieuſe
de toutes choſes louables, meſmement
de la lecture des hauts faits d'armes,
ſt atagêmes & actes des Princes ver-
tueux, eût le plaifir de connoiſtre com-
me ſon ayeul le grand Roy François s'eſt
maintenu en ſon Eſtat, s'eſt adroitement

tiré des dangers, où il estoit, s'est magnanimement porté en adversité, & modestement en félicité. Pareillement afin que ce fût un aiguillon pour émouvoir à vertu les François, d'autant que les exemples domestiques ont trop plus de force pour encourager la jeunesse à bien faire, que ceux qui sont recueillis des étrangers. Que diray-je de ce non moins disert & eloquent que subtil & hardy Poëte, Joachim du Bellay, auquel les François ne sont que trop étroitement obligez, quant il n'auroit exploité autre chose que d'avoir entrepris l'illustration & défense de la Langue Francoise? Ses Poëmes aussi ne la rendent-ils pas admirable? Qu'on prise tant qu'on voudra la Laure de Toscane, je suis bien assuré que l'Olive Angevine ne luy pourra beaucoup devoir. La Musagnœomachie, la Corne d'Abondance, l'Anterotique & autres œuvres qui sont parties du cabinet de ce du Bellay, ont en face un tel lustre, que sans trop grande méconnoissance, ne sçauroit-on faire qu'on ne prise celui qui leur a donné estre, & les a chassés jusques à leur accomplissement.



ANTOINE

DE BOVRGOGNE,

DIT LE GRAND.

CHAPITRE XXV.



L sembloit que nous deussions nous contenter d'avoir déjà broché les discours des vies de Philippes, dit le Bon Duc de Bourgogne & de Charles son fils : mais comment eussions-nous pu passer outre sans le réveiller du tombeau , puisqu'il attouchoit & à l'un & à l'autre tant pour le lien de nature , qui les allioit par ensemble, que pour la valeureuse magnanimité, dont il estoit tellement assorty, qu'il s'est trouvé saisi, vestu & possesseur du titre de grand , & afin qu'en peu de paroles je dise ce que j'estime appartenir à cette histoire, le bon Duc Philippes, outre Charles, An-

388 *Histoire des scavans Hommes,*
toine & Iosse ses enfans legitimes, pro-
creez du mariage d'Isabelle, fille du
Roy de Portugal, eut encore trois bâ-
tards & une fille naturelle, mariée au
Seigneur de Ravastin, frere du Duc de
Cleves. L'un des bastards se nommoit
David qui fut Evesque de Therouenne,
apres Evesque du Treth. L'autre fut
Baudouin, auquel nous ferons part des
louanges qu'icy nous donnons à son
frere, d'autant que tous deux firent li-
gue, pour faire paroistre leur genereuse
proïesse. On sçait quel devoir l'un &
l'autre firent au voyage qu'ils firent
contre l'Infidele, qui sur tous les Croi-
sez redoutoit ces deux foudres Bourgui-
gnotes. Les Histoires sur ce dressées
me releveront de la peine, qu'en ce me
faudroit employer, qui nous témoi-
gnent qu'ils retournerent avec fort
bonne compagnie en Bourgogne: Mais
à Marseille la peste gressa si rudement
sur leurs troupes, qu'à peine la dixième
partie de leurs gens retourna sauve.
Comme nostre Antoine estoit homme
de cœur, il avoit bien affaire à endu-
rer supercherie, & pour ce plusieurs
fois a encouru la male-grace de plu-
sieurs: d'autrefois a si bien branlé les

Antoine de Bourgogne. C. XXV. 389
mains, qu'il a porté par terre ses plus
mauvais adversaires. Telle inimitié
conceut contre luy le Roy Louis XI.
que par dédain luy osta la seigneurie de
Crevecœur, dont il l'avoit reconnu:
Mais aussi le Bourguignon avoit le bras
baissé à tout propos sur les François, si
nous croyons à Meyer, luy avoient dressé
embuscade sur mer pour le trousser
en masse, se disans estre Espagnols.
Toutefois il les chargea de telle vitesse
qu'il prit sur eux deux navires, du butin
desquelles il reconnut ses soldats.
En la Lorraine & aux autres expéditions où
Charles de Charrolois son frere l'employoit,
se portoit fort hardiment. En la dernière
défaite que receut Charles à Nancy, il se
fourra si avant en la meslée, qu'il fut pris
& envoyé en France, où le Roy le retint,
comme il estoit bien adverty qu'il pourroit
remuer à l'advenir quelque chose: mesme
qu'il sçavoit de bon lieu que ç'avoit esté
contre son advis, que le Connestable de
saint Paul fut livré: & que si le Duc
Charles eut voulu le croire il ne fut tombé
en la pitieuse décevuenne, qui à la fin
l'accabla. Mais outre sa prudence &
magnanimité qui le rendoient


390 *Histoire des sçavans Hommes,*
efformidable à tout le monde, il y avoit
une puce qui piquoit bien d'une autre
forte l'oreille du Roy, qui sçavoit qu'en
May l'an 1475. le Pape Xiste avoit le-
gitimé nostre Antoine, à ce que comme
vray & legitime fils & hoir du bon Duc
Philippes, il pût succeder à son frere
Charles, s'il plaisoit à Dieu de retirer
à sa part sa fille Marie. A ceux de Gand
il fit sentir la roideur de son bras, com-
me aussi à un Seigneur Anglois, lequel
en un duel signalé il vainquit.







*JEAN D'ORLEANS, I.^{er}
COMTE DE DVNOIS.*



JEAN D'ORLEANS, PREMIER COMTE DE DUNOIS.

CHAPITRE XXVI.



ON pourroit trouver étrange de ce que je fais marcher hors son rang le Comte de Dunois, attendu que pour tenir la suite réglée des âges, eut fallu que bien près de son frere Jean Comte d'Angoulesme, il eut eu place. Ce n'est pas que je ne sois bien marry d'avoir laissé fausser de telle façon l'ordre, mais le Lecteur croira que telle interruption est survenue, pour n'avoir à temps eu les memoires avec le portrait de ce genereux & magnanime Seigneur. Ce sera toutefois assez-tost, si assez à

392 *Histoire des ſçavans Hommes,*
propos je puis représenter quelque ſommaire des faits, dits & gèſes qui ont guindé ſa memoire juſques à la cime de gloire, pour durer à eternité. Son portrait m'a eſté envoyé par cette non moins ſage que prudente & vertueuſe Dame, Madame la Duchefſe de Longueville & Touthville, laquelle doit ſervir de miroir & patron à toutes Dames ſoigneuſes de ſ'illuſtrer par leur ſainte & honneſte conduite. Des advertiſſemens, memoires & inſtructions ay-je ſecouru par Monſieur Mangot, perſonnage de rare & digne ſçavoir, aſſez remarqué pour l'obligation, que le public a en ſon endroit, laquelle comme mon ſujet n'y viſe pas, je me déporteray d'éplucher, pour entrer au diſcours de la vie, que j'ay deſſeignée. Jean d'Orleans, premier Comte de Dunois, fut ſils naturel de Louis, Duc d'Orleans, ſils puisné du Roy Charles le Quint, dit le Sage, & frere du Roy Charles VI. du nom. Il fut deſtiné par ſon pere eſtre d'Egliſe, & à cette intention luy bailla-il Precepteurs, & le fit inſtruire aux lettres, pour quand il ſeroit en âge le faire pourvoir de Benefices: mais eſtant advenu, que ces Seigneurs

& freres, enfans legitimes du Duc Louïs à sçavoir Charles aîné Duc d'Orleans, & pere du Roy Louys XII. Iean Comte d'Angoulesme auroient esté pris prisonniers de guerre & menez en Angleterre, & Philippes Comte de Vertus, decedé sans hoirs l'an mil quatre cens vingt, fut contraint changer de profession, estant demeuré seul en cette maison desolée, & suivre les armes, pour avoir moyen de procurer la delivrance de ses deux sieurs & freres. A cette intention suivit le Roy Charles VII. de ce nom, au temps que les Anglois occupoient quasi tout le Royaume de France, & fut recueilly par Iean Louvet President de Provence, qui lors avoit grand credit, & qui estoit des premiers Conseillers du Roy, ayant de grands moyens & de grands biens. Lequel, voyant ce jeune Prince, comme delaisfé, de fort bon esprit, promettant beaucoup de sa vertu, trouva moyen de le gagner, & luy faire épouser sa fille unique. En faveur duquel mariage ce President le fit son heritier, & luy donna tous ses biens, & avec ce peu de moyens ce Comte s'avança tellement, & si bien se porta au faict de la guerre, qu'en peu

394 *Histoire des ſçavans Hommes,*
de temps il acquit un grand nom, & fit
bien paroître qu'il n'avoit pas perdu le
temps en ſa jeunefſe, lequel il avoit em-
ployé à l'étude, & combien les bonnes
lettres & la lecture des hiftoires aident
& profitent aux gens vertueux, qui s'a-
donnent aux armes. Comme il eſt vray
& témoigné par toutes les hiftoires
Grecques & Latines, que ceux qui ont
eſté les plus ſçavans & plus doctes,
ont eſté les plus grands & meilleurs
Capitaines & chefs de guerre, témoin
Alexandre le Grand, Jules Ceſar, Char-
les le Grand & autres. Au modele deſ-
quels ce Comte de Dunois ſe moula ſi
adroitement, qu'on ne doit faire diffi-
culté de le paragonner à aucuns d'eux,
quelques grands, courageux & hardis
qu'ils ayent pû eſtre. Il uſa de merveil-
leux ſtratagèmes contre les Anglois &
Bourguignons, ennemis de ſon Roy, &
aida grandement à les chaſſer de Fran-
ce, comme les Chroniques & Hiftoires
qui ont eſté digérées de ce temps-là,
en portent témoignage, tel qu'en tous
les exploits & faiçts d'armes qui furent
faits du temps du Roy Charles ſeptié-
me du nom, ce Comte appellé Baſtard
d'Orleans, ſe porta toujours vaillamment,

mesme sous la conduite de Jeanne la Pucelle à la deffense de la ville d'Orleans, assiegée par les Anglois & au recouvrement d'une infinité de villes, places & Chasteaux : Il travailla si bien qu'il trouva moyen de retirer ses deux sieurs & freres de la main des Anglois, & faire payer leurs rançons, apres que lesdits Sieurs eurent esté long-temps prisonniers, à sçavoir, Charles Duc d'Orleans vingt-cinq ans, & Jean Comte d'Angoulesme vingt-huit ans. En reconnoissance desquels services si-tost que Charles retournant de prison fut arrivé à Calais l'an mil quatre cens trente-neuf, il donna à ce Jean, son frere bastard, le Comté de Dunois, composé de plusieurs belles Chastellenies & Seigneuries. Laquelle donaison il confirma deux ans apres. Par les lettres de don & confirmation le Duc Charles reconnoist & confesse les singuliers & signalez services à luy faits par son frere durant l'inclemence de sa captivité & prison. Pareillement le Roy Charles septième donna à ce Comte de Dunois plusieurs autres belles grandes Terres, tant en Dauphiné, Languedoc, Normandie, Poictou, &

396 *Histoire des ſçavans Hommes,*
meſme luy donna le Comté de Perigord,
à luy adjudgé par conſiſcation, le fit &
conſtitua ſon Lieutenant general l'an
mil quatre cens quarante-neuf, quand
ledit ſieur aſſembla toutes ſes forces,
pour recouvrer le Duché de Norman-
die. Et deux ans apres le fit derechef
ſon Lieutenant general pour le recou-
vrement du Duché de Guyenne: Les-
quelles deux Provinces furent reduites
en la puiſſance du Roy Charles ſeptié-
me. Et advenant que Artus de Bréta-
gne de France, parvint à la Duché de
Bretagne par le decez de ſes freres, ledit
Sieur Duc Artus remit és mains de ſa
Majeſté les Terres & Seigneuries de Par-
thenay, Vouvans, Mervans, Principau-
té de Chaſtellaillon, & autres terres ac-
quiſes de Iean l'Archeveſque Sieur de
Partenay, à luy auparavant données,
aſin que d'icelles le Roy en fit don à ce
Comte de Dunois: ce qu'il fit, & eſt
ledit don de l'an mil quatre cens cin-
quante-huit. Et ce pour l'amitié que ce
Conneſtable & le Comte Iean avoient
contracté enſemble durant les guerres,
& cependant que tous deux ſouſte-
noient le party du Roy. Car ce Comte
de Dunois s'eſtoit ſi ſagement & pru-

demment conduit, qu'il avoit conquis, gagné & pratiqué l'amitié des plus valeureux Capitaines, qui fussent de ce temps-là, & sur tout du Conneftable: Auquel il assista toujours aux plus beaux exploits de guerre, mesme en celuy, que tous deux entreprirent pour le recouvrement de la ville de Paris; de fait, ainsi que tesmoignent les Chroniques, ils estoient en embuscade près les Chartreux aux Faux-bourgs d'icelle ville de Paris, quand ils y firent entrer leurs gens le Vendredy troisième jour du mois d'Avril mil quatre cens trente-sept, & reprirent cette ville sur les Anglois, à l'ayde & intelligence d'aucuns bons Citoyens d'icelle. Comme aussi il gagna l'amitié, & se sceut bien servir de la Hire & Potum, deux vail-lans Capitaines de son temps, les images desquels ce Comte a fait mettre sur l'entrée du portail de son Chasteau de Tancarville, qu'il fit bastir, luy estant au milieu, & ces deux Capitaines à ses costez, & équipez de mesme façon que quand ils alloient à la guerre. Ce Comte n'eût aucuns enfans de sa premiere femme, fille (comme j'ay déjà dit) du President de Provence. En

398 *Histoire des sçavans Hommes,*
secondes nopces il épousa Madame
Marie de Harcourt , fille de Messire
Guillaume de Harcourt , & de Mada-
me Jeanne , Vicomtesse de Melleun
& Comtesse de Tancarville : Duquel
mariage vinrent deux enfans , Fran-
çois premier de ce nom , qui fut Com-
te de Dunois & de Longueville , apres
son pere , & une fille nommée Cathe-
rine , qui fut mariée au Comte de
Rouffi. Ledit Comte François fut gran-
dement aimé du Roy Louys onzième,
lequel luy fit épouser Madame Agnes
de Savoye , fille du Duc de Savoye &
sœur de Madame Charlotte de Savoye,
femme & épouse en secondes nopces
du Roy Louys onzième. Du mariage
desquels furent issus trois fils, François,
Louys & Jean. François deuxième du
nom suivit le Roy Louys douzième,
mesmement auparavant qu'il fut par-
venu à la Couronne , & lors qu'il n'e-
stoit que Duc d'Orleans , & courut
grande fortune avec luy , à cause de
laquelle le Roy Charles huitième de
ce nom , fit raser la forteresse de Par-
thenay , & autres places appartenans
à ce Comte. Mais depuis que le Roy
Louys fut installé en la Royauté, il luy
fit

fit de grands biens, & en sa faveur érigea le Comté de Longueville en Duché. Ce François deuxième du nom épousa Madame Françoisse d'Alençon, de laquelle il n'eust qu'une seule fille nommée Renée, de laquelle le Roy Louis douzième du nom, se porta bail & garde-noble : mais elle mourut impubere peu de mois apres son pere, delaisant ses deux Oncles Louys & Jean, & cette Dame d'Alençon sa mere, qui épousa en secondes nopces Charles de Eourbon premier de ce nom, & quatrième Comte de Vendosme, duquel le païs de Vendosmois fut erigé en Duché & Pairie de France, & luy fait Lieutenant general au gouvernement de Picardie sous le roy François premier du nom. Ce Prince fut doüé de telles & si dignes vertus, & avec telle abondance, qu'il s'acquit le tiltre & qualité de Fon : Aussi Dieu le regarda d'un oeil tant favorable, que de sa fource on a veu surjonner une plantureuse pepiniere de Princes & Princesses, pour l'excellence, profit & illustration de ce Royaume : Intr'autres en est issu François de Eourbon Comte de Saint Paul pere de ladite

400 *Histoire des ſçavans Hommes,*
Dame Duchefſe de Longueville , &
Touteville. Or pour revenir aux On-
cles de Renée , Jean fut Archeveſque
de Thoulouze , Eveſque d'Orleans &
Cardinal. Louys d'Orleans ſon frere
aiſné , encore vivant , épouſa Dame
Ieanne de Hocquebercq , fille de Meſ-
ſire Philippes de Hocquebercq , Mar-
quis de Rothelin , Comte de Neuf-
Châſtel & Mareſchal de Bourgogne , &
de Dame Marie de Savoye , fille du
Duc de Savoye. Laquelle apporta de
grands biens en cette maiſon. De ce
mariage ils eurent quatre enfâns, Clau-
de , Louys , François & Charlotte ,
Claude , qui fut Duc de Longueville
après ſon pere , qui fut tué au ſiege de
Pavie l'an mil cinq cens vingt - qua-
tre. Louys, qui épouſa Madame Marie
de Lorraine , fille de feu Claude de Lor-
raine , Duc de Guiſe : Duquel mariage
il euſt un ſeul fils nommé François Duc
de Longueville. Ledit Louis veſcut peu,
& après ſon decez, ladite Dame ſa veuve
épouſa le roy d'Eſcoſſe. François fut
Marquis de Rhotelin, & épouſa Dame
Iacqueline de Rohan , fille du Sieur de
Gié. Charlotte fut mariée avec Phi-

lippes de Savoye , Comte de Geneve & de Genevois, duquel mariage sont issus Jacques de Savoye , Duc de Nemours & de Madame Jeanne de Savoye , laquelle Monsieur le Comte de Vaudemont, pere de la Reyne, femme d'Henry III. épousa en secondes nopces. Dudit François Marquis & de ladite de Rohan sont issus Leonor & François d'Orleans. Ledit Leonor Duc de Longueville parvint au Comté de Dunois par la succession du Duc François son cousin germain decedé sans hoirs. François fut mariée avec Louis de Bourbon, Prince de Condé. Leonor Duc de Longueville , fut conjoint par mariage avec Marie de Bourbon , fille de François de Bourbon Duc de Touthville , Comte de S. Paul & d'Adrienne de Touthville. C'estoit la Princesse sur laquelle le Tout-puissant a fait éclater ses divines largeesses. Et parce que la consideration d'icelles me seroit une trop penible & ennuyeuse longueur , j'ayme mieux les couler pour le present sous-silence , pour autant que trop minusement j'aurois prisé l'estime d'une telle & si émerveillable Dame. Que si la

402 *Histoire des sçavans Hommes,*
brieveté de ce discours me pouvoit per-
mettre de dresser une liste de son heu-
reuse & heroïque lignée, ce me seroit
un tres-grand & nompareil contente-
ment. Mais je suis contraint de me
retrancher, tellement qu'à peine m'est-
il loisible de tracer quelques lignes,
pour celebrer, entre plusieurs enfans,
qui sont issus de Monseigneur le Duc
de Longueville, deux fils, Henry &
François d'Orleans, & quatre filles,
qu'il laissa en bas-aage, & sous la
garde-noble d'une si vertueuse Prin-
cesse leur mere, qu'elle prit telle pei-
ne à les faire instruire aux bonnes disci-
plines, & plier à la vertu, que la Fran-
ce ne peut moins qu'espérer par le
moyen de ses nouveaux surgeons re-
couvrer sa splendeur premiere, quil'a
de tout temps surhaussé sur les autres
nations : retenans toujours la seve de
ce Comte de Dunois : sur les exploits
duquel quelques-uns ont pris plaisir à
de si hautes & hardies executions, dont
les Historiens nous font foy. Ausquel-
les s'il ne manquoit qu'à s'arrester, je
tiendrois en main le fruit de la preu-
ve, en laquelle je suis contraint d'en-
trer, pour faire entendre à ces mé-

croÿans, qu'encore on ne raconte tous les exploits de ce Seigneur, lequel estant accompagné des lettres & des armes, il ne pouvoit qu'il n'executast grandes choses. Or qu'il ait esté aux Muses, cet article est déjà verifié cy-dessus, puis que la premiere vocation, où il tendoit, l'obligeoit à l'estude. D'ailleurs, comme il avoit le cœur généreux, il se plaisoit entièrement aux exercices martiaux : De maniere que l'on pouvoit dire qu'il frappoit bien, & sçavoit qui, quand & comment il falloit frapper. Adresse fort recommandée à un Seigneur, qui doit commander à autrui, afin que par inexpérience ou par mauvais advis il ne jouë de l'autorité qu'il a en main, de la façon que fait le furieux d'un couteau, duquel il n'est pas seulement en danger d'offenser autrui, mais aussi de faire tort à soy-mesme. Et neantmoins nous voyons, au grand malheur de ce temps, que ceux qui se mêlent des armes, pour la pluspart dépriseront les sciences, encore que l'expérience nous apprenne, que sans ce gouvernail l'art militaire est aussi en grand danger, qu'est le vaisseau flot-

304 *Histoire des ſcavans Hommes,*
tant ſur la mer, dénué tant d'un ſage &
experimenté pilote, que de ſa bouſſole.
Que ſi ces raiſons ne ſemblent perti-
nentes à ces eſprits bigearres , il fau-
dra qu'ils ſe repaiſſent de leurs vaines
& folles conceptions, & cependant la
verité ne laiſſera pas d'illuſtrer les he-
roïques & valeureux faits d'armes de
noſtre Comte de Dunois.







*CHARLES D'AMBOISE ,
SIEVR DE CHAMONT.*



CHARLES

D'AMBOISE.

SIEVR DE CHAUMONT.

CHAPITRE VII.

LE n'employeray icy long discours sur la Genealogie, remettant cela au Tome septième, destiné au Cardinal d'Amboise, Oncle du Seigneur, duquel je represente icy le portrait tel que je l'ay receu de Madame de Barbesieux. Me suffira d'avertir le lecteur, que le Sieur de Chaumont estoit fils de Charles d'Amboise, premier de ce nom, & de Dame Catherine de Chauvigny, & qu'il épousa Dame Jeanne de Graille, fille de l'Admiral Gra-

406 *Histoire des ſcavans Hommes,*
ville, de laquelle il n'eust qu'un ſeul
enfant, qui eust nom George, lequel
mourut à la bataille de Pavie lors que
le malheur ſecoüa ſi rudement l'eſtat
de ce Royaume. Ainſi vous voyez, que
cette race d'Amboiſe a dès fort long-
temps conſacré ſa vie non ſeulement
en prouèſſes mais auſſi à l'heur & proſ-
perité de ce Royaume. Quant au Sei-
gneur de Chaumont, il fut eſtably par
le roy Louys douzième du nom pour
Lieutenant au Duché de Milan, où il
donna certaine preuve d'une grandeur
de courage, qui le pouſſoit à hautes en-
trepriſes, & dignes du nô qu'il portoit.
Que ſi ſon Oncle le Cardinal poſſedoit
l'oreille du roy, le neveu avoit ſi bon-
ne part en ſes graces & faveurs, qu'au-
cuns ſe ſont licentiez de dire, que le
Cardinal ſervoit de Conſeil, & que le
Seigneur de Chaumont mettoit à exe-
cution leurs deſſeins. Quoy qu'il en
ſoit, nos Histoires (& comme telle eſt
la verité) teſmoignent que ce guerrier
ne pouvoit ſe donner heure de repos,
pour faire reüſſir à ce point, qu'il ſça-
voit eſtre déterminé, & dont ſa Maje-
ſté luy avoit fait commandement. Ce
qu'il fit bien paroître alors qu'il vid
que

que les Aretins Vitelloze & autres avoient brassé un pernicieux dessein à l'encontre des Florentins, en faveur de Pierre de Medicis, & que le Pape, avec le Duc de Valentinois, estoit de la partie, & incontinent envoya lettres au Roy, l'incitant de pourvoir soigneusement à son propre danger Luy-mesme ayant receu commandement, envoya pour secours quatre cens lances & un Heraut, pour commander non seulement au Vitelloze, à Jean Paule, à Pandolfe & aux Vrsins, mais semblablement au Duc de Valentinois, qu'ils desistassent d'offencer les Florentins. On sçait quel devoir il fit à l'encontre des Cantons, qui troublerent fort l'Estat de France en Lombardie, & occuperent Bellinzone en l'an 1503. apres longues traverses, gagnerent le Bourg de Lucarne, mais non le Chasteau, devant lequel ils furent si longuement, qu'ennuiez d'un trop long sejour voulurent s'éparpiller & se mettre à fourrager, mais ils n'y gagnerent pas beaucoup, dautant que le sieur de Chaumont, sçachant de combien est prejudiciable l'ébranlement & remuement d'une muraille, telle que sont les escadrons des

408 *Histoire des ſcavans Hommes,*
Suiſſes , pourveut bien aux Chasteaux,
qui eſtoient es montagnes, & tenant les
gens en la plaine, eſperoit que les Suiſſes
dénuez de chevaux & artillerie, n'oſeroient
deſcendre en la campagne & lieux découvers : enfin, preſſez de diſette,
de dangers & de vivres , s'ennuieroient de tenir le ſiege. Ainſi qu'il avoit
premedité en advint, & les Suiſſes furent
contraints de lever le pied, ayans ſouffert grande neceſſité de vivres : car
Monsieur de Chaumont avoit fait armer pluſieurs vaiſſeaux, & fit mettre à
fonds quantité de Barques qui menoiét des vivres aux Suiſſes, & empeschoit
qu'ils n'en pûſſent avoir par le lac. Aux Venitiens auſſi ne fit-il pas ſentir la force
de ſon bras, lors qu'en 1510. avec quinze cens lances & autres dix mil
hommes de pied, trois mil Guastadours & une grande quantité d'artillerie, il
prit le moleſine de Rovigue, la tour Marquiſane, qui eſt aſſiſe ſur le rivage
d'Adice devers Padouë, Montaignagne, Eſte & autres places. Je ne ramente-
vray point la conquête de Vincence, d'autant qu'en cet œuvre je me ſouviens
avoir déjà entamé un propos touchant la debonnaireté de ce vainqueur, qui ne


se contenta pas de prendre à mercy les Vincentins, mais s'efforça de tout son pouvoir d'appaiser le Prince d'Hanhalt Lieutenant de Maximilien, lequel sans doute, si le sieur de Chaumont ne se fut jetté à la traverse, les eut du premier coup taillez en pieces, tant il estoit enflamé contr'eux. Vincence prise, de peur que le fruit d'une telle victoire ne leur échapa des mains, se mit à la garder, voyant que les forces de Maximilien ne se remuoient contre les Venitiens à son gré. Toutefois il delibera de s'aller camper devant Legnagne, ville qui leur estoit de tres-grande importance, laquelle il prit, quoy que les Venitiens eussent tranché le fleuve d'Adice en deux, en sorte que la riviere venant à couler par ces tranchées là & à se répandre & faire plusieurs branches es plus bas lieux, avoit tellement couvert le pays d'alentour, que pour avoir esté noyé des eaux par plusieurs mois, il estoit devenu un marais. Le Chasteau ne fit pas plus grande resistance que la ville : car les deffenses ayant esté le jour ensuivant abbatuës par l'artillerie, & comme on eut commencé à sapper un costé d'un Tourion, en intention de luy

410 *Histoire des ſçavans Hommes,*
donner apres le feu, ceux de dedans ſe
rendirent, à condition que les Gentils-
hommes Venitiens demeurans en la
puiffance du ſieur de Chaumont, les
ſoldats ſ'en iroient un baſton blanc à la
main. Voyez quel eſtat on faiſoit de
l'humanité & clemence de ce victo-
rieux Seigneur, lequel n'abufa point
par indiscretion de la puiffance qu'il
eut ſur ceux qui ſe reſignerent à ſa mer-
cy & protection. Dans Legnagne, pour-
ce que les Allemans n'avoient aſſez de
gens pour y mettre, le ſieur de Chau-
mont laiffa en garniſon cent lances &
mil hommes de pied, il munit ſi bien la
place, qu'elle luy demeura aſſeurée, &
deſlors ne ceſſa à donner ſi vives attein-
tes aux Venitiens, que n'eut eſté le com-
mandement qu'il receut de nouveau,
pour retourner à Milan avec ſon armée,
les Venitiens euſſent eu beaucoup à
ſouffrir. Il n'y eut pas juſqu'au guer-
rier Pape Jules II. qui n'ait ſenty l'eſ-
froy des prouèſſes du ſieur de Chau-
mont, qui le reduiſit ſi fort à l'étoit,
qu'il fut contraint de faire parler de
paix. En quoy veritablement il fut af-
finé, & eut beaucoup mieux fait de
poursuivre ſa premiere pointe, que

permettre à ce regnard de luy dresser des tortuës de biais & si fascheuses, qu'il se trouva enfin orphelin de l'heur de sa victoire & de la prise de Bologne, qu'il emporteroit sans doute, s'il eut daigné pousser sa fortune. De luy imputer la perte de la Mirandole, seroit par un trop leger & indiscret jugement vouloir luy imposer quelque lascheté, ou quelque haine contre Jean Jacques Trivulse, ou finalement quelque folie amoureuse, qui le transporta jusques à Milan pour l'amour d'une gentille femme Milanoise. Mais ce qu'en faisoit ce bon Seigneur, estoit pour haster les deniers & autres choses necessaires. Et apres il montra bien que ce n'estoit aucune couïardise qui luy osta des mains la Mirandole, dès qu'il eut receu commandement du Roy, & de deffendre Ferrare, & ne laisser couler aucune occasion pour nuire à l'Eglise, pressa de si près le Pape, qu'il fut contraint se ranger à Lugo, & finalement à Ravenne. Il avoit bien deliberé de prendre Modene: ce qu'il eut fait s'il n'eut receu advertissement qu'elle n'appartenoit plus au Pape, mais estoit retournée sous la puissance de l'Empereur. Peu de jours

412 *Histoire des ſçavans Hommes,*
après qu'il eut convenu avec Uitfruch
de n'offenſer Modene ny ſon pays, re-
cevant d'autre coſté promeſſe de luy,
qu'és remuëmens d'entre le Pape & le
Roytres Chreſtien, il ne favoriseroit ny
l'une ny l'autre des parties, luy ſurvint
une maladie qui l'emporta à Corregge
l'an mil cinq cens onze, au grand re-
gret des François, & nommément du
Roy, qui l'avoit avancé aux plus grands
honneurs de la France. De fait fut-il
Chevalier de l'Ordre, Capitaine de
cent lances, grand Maïſtre, Mareſchal
de France, en l'an mil cinq cens quatre,
& Admiral en l'an mil cinq cens huit.

Fin du cinquième Volume.



brought in England
see 1840
for - 8 Mrs. B. B. v.



